

ЎЗБЕКИСТОНДА ИЖТИМОЙ-ФАЛСАФИЙ ФИКРЛАР ТАРИХИДАН ЛАВҲАЛАР

Академик М. М. Хайруллаев таҳрири остида

Ўзбекистон Республикаси Олий ва ўрта маҳсус таълим вазирлиги Олий ўқув юртлари талабалари учун қўлланма сиғатида тавсия этган

ТОШКЕНТ
«УЗБЕКИСТОН»
1995

Тузувчилар: академик *М. М. Хайруллаев* ва фалсафа фанлари доктори *Х. Алиқулов*

Тақризчи — фалсафа фанлари доктори *А. Аҳмедов*

Мұхаррір — *А. Ҳакимжонова*

У16 Үзбекистонда ижтимоий-фалсафий фикрлар тарихидан лавҳалар: Олий ўқув юртлари талабалари учун ўқув қўлланма // Тузувчилар: М. Хайруллаев, Х. Алиқулов; М. М. Хайруллаев таҳририда.— Т.: Узбекистон, 1995.—240 б.

1. Хайруллаев М. М., тузувчи.

ISBN 5-640-01772-4

Мазкур қўлланма уз олдига Ўзбекистон халқларининг ижтимоий-фалсафий фикрлари тарихини, унинг ривожланниш босқичларини изчил ёритиб беришни мақсад қилиб қўйган интилишишни илингатижасидир. Унда Ўзбекистонпинг қадимдан бошлиб ҳозирги мустақилликка эришувнинг қадар бўлгас даврлардаги илмий-фалсафий, ижтимоий-сиёсий, ахлоқий фикрлар ва уларнинг йирис вакиллари бўлмиш Хоразмин, Бухорий, Форобий, Ибн Сино, Беруний, Улугбек, Навоий, Корабогий, Беҳбудий каби мутафаккирларпинг дунёқарашлари ёрнитилган.

Қўлланман олий ўқув юрт талабалари, кенг ўкувчилар оммаси учун мўлжалланган бўлиб, қўлланма республикамиз фанлар академияси ва олий ўқув юртларидағи фалсафа тарихи бўйича кўзга кўринган мутахассислар томонидан тайёрланган.

87.3(2)

№ 296—95

Алишер Навоий номидаги
Ўзбекистон Республикасининг
Давлат кутубхонаси

ISBN 5-640-01772-4

0301030000—45 95
У М 351 (04) 95

© «УЗБЕКИСТОН» нашриёти, 1995 й

СҮЗ БОШИ

Ўзбекистоннинг мустақил ривожланиш йўлига кириши унинг халқлари тарихида муҳим инқилобий аҳамиятга эга бўлди ва ижтимоий тараққиётида катта бурилиш ясади. Шу муносабат билан республикамизнинг нафақат иқтисодий, ижтимоий ва сиёсий ҳаётиди, балки маънавий ҳаётиди ҳам кескин янгиланиш жараёни рўй бермоқда. Бу янгиланишда миллйликка, тарихимизга, бой маданий меросимизга қизиқиш, уни кенг, ҳар томонлама илмий ва ҳаққоний ўрганишга интилишнинг кучая бориши муҳим аҳамият касб этади. Бу жараён маънавиятимизнинг турли соҳалари, жумладан ижтимоий фанларни ўрганишда ҳам ўзининг ёрқин ифодасини топмоқда.

Ўзбекистон Республикаси олий ўқув юртларида ҳам ижтимоий фанларни ўқитишда юқоридаги янгиланиш таъсирида муҳим ўзгаришлар бўлиб ўтмоқда. Айрим олий ўқув юртларига бошқа ижтимоий фанлар қатори Ўзбекистон халқлари ижтимоий-фалсафиа фикрлари тарихини ўқитиш вазифаси киритилган бўлиб, бу ўқув дастурларида ўз ифодасини топмоқда. Қўлингиздаги тўплам ҳам ана шу эзгу ишнинг маҳсули бўлиб, унда хато ва камчиликлар бўлиши табиий. Шунинг учун ҳурматли ўқувчиларимизнинг тўплам ҳақидаги фикр ва таклифларини қувонч билан қабул қиласмила.

Қўлланма УзФА ва республика олий ўқув юртларининг стакчи файласуф-тарихчи мутахассислари томонидан тайёрланган бўлиб, мизузулар ва уларнинг муяллифлари қўйиндаги тартибда берилган:

Декабрник М.М. Узбекистонни Кирпин 1 бобонинг 1-6-ю қисмлари
в; М. Абдурасулов | 2; ф. ф. д. О. Файзуллаев. 3, 4; ф. ф. н . |, ф. ф. н .
М. Абдурасулов | 2; ф. ф. д. О. Файзуллаев. 3, 4; ф. ф. н. Ш. Бобохо-

нов: 5; ф. ф. и. Р. Баҳодиров: 7; ф. ф. и. А. Шарипов: 9; ф. ф. и. Р. Баҳодиров ва А. Шарипов: 10; фил. ф. и. У. Уватов: 11; ф. ф. д. И. Жумабоев: 12, 15; УзР ФА мухбири аъзоси М. Баратов ва фил. фан. и. О. Усмонов: 13; ф. ф. д. Р. Н. Носиров: 14; ф. ф. д. Х. Алиқулов: II бобнинг 1, 4, 5; ф. ф. и. М. Қодиров 2; акад |И. Муминов| ва ф. ф. д. О. Файзуллаев: 3; ф. ф. д. М. Орипов: 6; ф. ф. д. М. Нуритдинов: III бобнинг 1, 2, 3; ф. ф. д. А. Алиқулов: 4; Д. Нигмонова: 5; ф. ф. д. И. Жумабоев, ф. ф. и. Қобулов: 6, 7; ф. ф. и. С. Йўлдошев: IV бобнинг 1; ф. ф. д. Х. Воҳидов: 2, а, б, в; ф. ф. и. З. Эшмурова: 4.

КИРИШ

• Узбекистонда фалсафий ва ижтимоий фикрларнинг ривожланиши жамият маданияти, маънавий ҳаётининг тараққиёти билан узвий боғлиқ ва узоқ тарихга эга:

Қадимги даврдан бошлаб Ўрта Осиё халқлари ҳаётидаги деҳқончилик ва чорвачилик муҳим роль ўйнаб келди. Деҳқончилик сунъий сугоришининг ривожланишига олиб келди, бу эса, ўз навбатида, сунъий сугорув иншоотларини қуриш заруриятини келтириб чиқарди. Ўрта Осиёда йирик сугорув каналларининг вужудга келиши ва уларнинг атрофида одамларнинг истиқомат жойлари шаклланиши эрамиздан олдинги VI—V асрларга тўғри келади. Сиёсий жиҳатдан бу даврлар Ўрта Осиёда биринчи давлатчиликнинг шаклланиши ва ерли халқнинг эронлик ахоманийларнинг босқинчилик сиёсатига қарши кураши билан характерланади. Қадимги ёдгорликларда, Ўрта Осиё халқлари тураржойларининг номи билан боғлиқ холда хоразмликлар (Амударёнинг қўйи оқими), сүфдіёнлар (Зарафшон водийси), бақтрийлар («Қундуз» дарёси атрофидаги водий), марғиёнлар (Мурғоб водийси) ва бошқалар деб аталганлар.

, Бу водийларда ўтроқ деҳқончилик шаклланиб, шу жойларда маданиятнинг бошланғич марказлари вужудга кела бошлаган. Эрамиздан олдин V асрнинг бошида Ўрта Осиё Эрон таркибига киради ва бу ерларда зардуштийлик дини кенг тарқалган эди, Эрадан олдинги IV асрларда. Эрон ва Ўрта Осиёда Македонский бошлиқ юнонларнинг ҳужумлари натижасида катта ўзгаришлар бўлиб ўтди, лекин Ўрта Осиё халқлари маданияти, зардуштийлик ўз хусусиятларини сақлаб қолди.

• Сўнгги асрларда аста-секин ҳунармандчиликнинг турли шакллари ривож топди, савдо кучайди, маданият ва санъат шаклланди, арамий алифбоси кириб келди

ва ёзув тарқалди. Ўрта Осиё халқларининг оғзаки ижоди тараққий этиб, фольклор асарлари вужудга келди. Чунончи, Тўмарис, Широқ ҳақидаги достонлар шу даврнинг маҳсулидир. Бу достонларни қадимги юоннларнинг «Илиада» ва «Одиссея» достонлари билан қиёслаш мумкин. Уларда ватанпарварлик, жасурлик, садоқат, озодлик, мустақиллик ғоялари кўйланади, аёллар билан эркакларнинг ҳар томонлама тенглиги таъкидланади.»

«Спитамен ва Тўмарис ҳақидаги достон Ўрта Осиёда иккι асрча ҳукмронлик қилган ахоманийлар даврига оидdir. Бунда ерли халқларнинг Эрон подшоларига қарши кураши, аёлларнинг қаҳрамонлиги ва ғалабаesi кўйланади.»

Чўпон Широқ ҳақидаги достонда унинг Доро бошлилигидаги қўшинни сувсиз саҳро ичкарисига бошлаб алдагани ва бу билан ўз ватанини сақлаб қолгани ҳикоя қилинади.»

Бу достонларда ўша давр ахлоқий онги, ижтимоий тафаккури даражаси ўз ифодасини топган.»

Сўнгги асрларда сосонийлар даврида ва мелодий, VI асрларда Эрон ва Ўрта Осиёда зардуштийлик кучайди, ва ҳукмронлик даражасига кўтарилди. У фақат дингина бўлиб қолмай, балки дунёқараш мавқеига эга бўлди ва турмуш, ахлоқ, адабий, ижодда ўз ифодасини топди.

«Зардуштийлик Ўрта Осиё ва Эронни ўз ичига олган катта ҳудудда шаклланди. Унинг асосий китоби бўлмиш Овуста — «Авеста» ҳам бирданига вужудга келган эмас, у асрлар давомида тўлдириб борилди.»

«Авеста» Ўрта Осиё халқларининг қадимги ижтимоий-иқтисодий, сиёсий, ҳуқуқий, ахлоқий, ижтимоий-фалсафий фикрларининг муҳим томонларини ўзида ифодалаган асосий ёзма ёдгорлик ҳисобланади.»

Умуман, зардуштийликда жоҳиллик, зўравонлик, туҳмат каби ёмон хислатлар қораланади; соф кўнгилли бўлиш, хиёнат қилмаслик; савдода бир-бирини алдамаслик, ҳақорат қилмаслик каби фазилатлар тарғиб этилади. Зардуштийлик, тана ва жонни бир-биридан ажратади, жон ўлмайди, у тана, ўлимидан сўнг осмонга, нариги дунёга ўтиб абадийликка айланади.

«Авеста» да табнат, яъни осмон, сув, Ер, уни ўраб олган жисмлар ва жаннат ҳақидаги ҳукмрон тасаввурлар, уларни билиш йўллари ва воситалари тўғрисидаги тушунчалар ўз ифодасини топган. Шуинингдек, унда

тиббиётга, ижтимоий ҳаётга, инсон муносабатлариға оид турли тасаввурлар ҳақида ҳам маълумотлар мавжуд.

Үндаги инсоният ривожининг турли даврлари ҳақидаги фикрлар қизиқарлидир. «Авеста» да биринчи одам Йима даври олтин давр ва баҳт-саодат даври бўлиб, ундан бошқа одамлар тарқалган. Иккинчи даврга яхшилик билан ёмонликнинг кураши хосдир. Учинчи давр — бу келажак бўлиб, унда яхшилик ёмонлик устидан ғалаба қилиши керак. Зардустийликда жамиятнинг турли табақалари, уларнинг интилишлари, тинч оила, меҳнат қилиш, соғлиқ-саломатлик масалалари кенг акс этган.

«Авеста» да ҳаракат, ривожланиш яхшилик худоси Ахур Мазда ва ёмонлик худоси Ахриманнинг кураши ва яхшиликнинг енга бориши шаклида ифодаланади.

„Ўрта Осиёда қулдорлик эрамиздан олдинги биринчи аср ва эрамизнинг бошлангич асрода тараққий этиб, у II—III асрларга келиб инқирозга юз тутди ва ўз ўрнини феодал муносабатлариға бўшатиб бера бошлади, Бу инқироз зардустийлик ичida янги оқим Моний таълимотининг кучайишига олиб келди. Моний (216—276) ўз даврининг билимдон кишиси бўлиб, арамий ва форсийда ахлоқий ва диний мавзуда бир неча асарлар яратди, (булар бизгача этиб келмаган).

Моний таълимоти зардустийликнинг яхшилик ва ёмонлик таълимотига асосланган бўлиб, дуалистик характерга эга. У ўзининг бошлангич демократик руҳи билан феодал муносабатлари талаблариға мослашиб бораётган ҳукмрон зардустийлик мафкурасидан фарқ қиласи эди.

Моний таълимоти кенг ҳалқ оммаси манфаатига мос келар, шунинг учун ҳукмрон мафкуранинг норозилигини қўзғатган эди. У зардушт ҳукмрон руҳонийлари томонидан жазоланди. Моний таълимоти фаол ҳаракат эмас, сустлик усулларига асослангани учун сўнгроқ ҳаётдан воз кечиш, пессимиzmни тарғиб қила бошлади ва майда секталарга бўлинисб кетди. Монийчилик маздакизм таълимотининг келиб чиқишига катта таъсир кўрсатди.

Феодал муносабатларининг ривожи ҳалқ аҳволининг оғирлашуви, турли зиддиятларнинг кучави, норозиликнинг ошиши, синфий қарама-қаршиликларнинг ошиб боришига олиб келди. Бу зиддиятлар эрамизнинг V—VI асрларида феодал сиёсати ва зулмига қарши бўлган

диний-фалсафий оқим ва ҳаракат — маздакизмни ву-
жудга келтирди. Бу ҳаракат зардуштийлика қарши
бўлган таълимотининг асосчиси Маздак номи билан боғ-
лиқдир. У сосонийларга қарши деҳқонлар ҳаракатига
бошчилик қилгани учун жазоланган.

Маздакизм ижтимоий-фалсафий таълимоти яхшилик
ва ёмонликнинг, ёруғлик ва зулматнинг курашуви ҳа-
қидаги дуалистик тасаввурга асосланади. Унинг таъ-
лимоти бўйича табиат сув, олов ва тупроқдан ташкил
топиб, уларнинг қўшилуви ижобий ва салбий ҳодиса-
ларга олиб келган. Бу ҳодисалар кураши пировардида
яхшилик ёмонлик, зўравонлик устидан ғалаба қилиши
керак.

Маздакийлар ўз ижтимоий дастурида жамиятда
ҳамманинг барча соҳада тенглиги ҳақидаги фикрни
олға сурадилар. Бу Маздак таълимотининг ҳалқ оммаси
ичида кенг тарқалишига олиб келди. Бу таълимот ҳаё-
тий бўлишига қарамай, унинг адолатсизлик ва зулмга
қарши қаратилгани, тинчликка чақириши ўз даври учун
ижобий аҳамият касб этди. Маздак таълимоти ҳалқнинг
ташқи босқинчиларга қарши мустақиллик учун кура-
шига катта таъсир кўрсатди.

VII асрларда Ўрта Осиёга араблар босқинчилик
билан кириб кела бошладилар, Шуни ҳам айтиш ке-
ракки, араблар томонидан Ўрта Осиё ерларининг босиб
олиниши осон кечмаган. Маҳаллий ҳалқлар ўз муста-
қилликлари учун қаттиқ кураш олиб борганлар. Араб-
лар босқинчилигига қарши қаратилган Сумбатма қўз-
ғолони (755), Абу Муслим ҳаракати (VIII асрнинг
30—40 йиллари), Муқанна қўзғолони, Бобек раҳбарли-
гидаги ҳалқ ҳаракатлари фикримизнинг далилидир.

VIII—XII АСРЛАРДА ЎРТА ОСИЁДА ТАБИИЙ-ИЛМИЙ ВА ИЖТИМОИЙ-ФАЛСАФИЙ ФИКРНИНГ РИВОЖЛANIШИ

1. VIII—XII АСРЛАРДА ЎРТА ОСИЁДА МАДАНИЙ РИВОЖЛANIШ

Икки-уч аср давомида Мисрдан Хитойгача бўлган ҳудудни босиб олган ва янги дин — исломга асосланган Араб халифалиги ташкил топди.

Ўрта Осиёда ислом дини VIII—IX асрлар давомида уруш, зўравонлик, имтиёзлар яратиш каби воситалар билан оммага сингдирилди ва у ҳукмрон мафкурага айланди. Эски ёзувлар, маданият намуналари йўқотилди, араб ёзуви кенг тарқалди: араб халифалигининг бошқа ўлкалари билан турли савдо-сотиқ, иқтисадий-сийёсий, маданий алоқалар кенгайиб борди.

Ўрта Осиё ва Хурросон араб халифалиги вакили томонидан бошқарилар, сиёsat марказнинг топшириғи асосида олиб борилар эди. Шу билан бирга Ўрта Осиё учун халифаликнинг маркази ва турли жойларида юз берадётган маданий ўзгаришлардан баҳраманд бўлиш имконияти очилган эди. Айниқса VIII аср охири IX аср бошларида халифаликнинг маркази — Бағдод, Дамашқ шаҳарларида маданият, илм-фан кучайиб бормоқда эди. Хусусан халифалар Мансур (754—776), Хорун ар-Рашид (786—809), Маъмун (813—833) ҳукмронлиги даврида ҳиндча, юонча, форсчадан илмий, сийёсий, бадиий асарларнинг таржималари кўпайди, маданий алоқалар авж олди, қадимги Юнонистоннинг машҳур олимлари Аристотель, Гален, Гиппократ, Архимед, Евклид кабиларнинг мероси кенг ўрганилди. Халифаликнинг турли ўлкаларидан таниқли олимлар Бағдодга олиб келинди, бу ерда IX аср бошида «Дор ур ҳикма»—Донолик уйи — илк маркази ташкил топди, унда турли илмлар — фалакиёт, риёзиёт, тибиёт, тарихшунослик, география, кимё, фалсафа каби фанлар ривожланди.

Маъмун Бағдодга халифа бўлиб кетишидан аввал Марвда халифаликнинг Ўрта Осиё ва Хурросондаги нои-

би бўлган. Унинг саройида катта олимлар — Хоразмий, Фарғоний, Туркий, Марвазий, Матуридий кабилар ижод этган эдилар. Ўрта Осиёда араблар босқинчилигига қарши олиб борилган кураш VIII—IX асрларга келиб халифаликка бўйсунишдан қутулиш ва мустақил давлат тузиш учун курашга айланиб кетди. Натижада IX асрларнинг охиридан бошлаб мўғуллар истилосига — XIII асрнинг бошларига қадар бўлган давр ичидаги Ўрта Осиё ва Хурросонда бир неча феодал давлатлари вужудга келиб, парчаланиб кетди — бу тоҳирийлар, сомонийлар, салжуқийлар, газнавийлар, қорахонийлар ва ниҳоят хоразмшоҳлар давлати эди.

IX асрнинг охирларида илк бор сомонийларнинг давлати ташкил топган бўлса, XIII асрнинг 20-йилларидан бошлаб Хоразмшоҳлар давлати мўғулларнинг аёвсиз ҳужумига учради. Лекин тўхтовсиз феодал курашларининг давом этишига қарамасдан, бу мустақил феодал давлатларида маданият, айниқса, илм-фан, санъат, адабиёт жуда ривожланди. Бу даврда Ўрта Осиё дунёга буюк мутафаккир олим, шоирларни етиштириб берди.

Халқнинг мустақиллик учун кураши ва бу мустақилликнинг қўлга киритилиши унинг маънавий юксалишига олиб келди ва ажойиб истеъдод эгаларини яратди. Машҳур диншунослар Бухорий, Термизий, Насавий, табиатшунос олимлар — Хоразмий, Фарғоний, Журжоний, Чагминийлар, қомусий билимлар эгалари Форобий, Ибн Сино, Беруний, Розий кабилар шу даврнинг маҳсулни эдилар.

Фирдавсий, Рӯдакий, Носир Хисрав, Умар Хайём, Юсуф Хос Ҳожиб, Маҳмуд Қошгарий, Наршахий, Байҳақий каби шоир, тарихчилар шу даврда яшаб ижод этдилар.

Бу давр адабиёти уч тилда — араб, форс, туркий тилларида ўз намуналарини қолдирди. Бу даврни ўз мазмуни, салмоғи, аҳамияти жиҳатидан Ўрта Осиё Ўйғониш даври деб атасак хато бўлмайди.

Ўйғониш даври маданиятининг ўзига хос томонлари мавжуд бўлиб, улар қўйидагилардан иборат эди:

1. Дунёвий маърифатга интилиш, бу йўлда ўтмиш ва қўши мемлакатларнинг маданияти ютуқларидан кенг фойдаланиш, айниқса табиий-фалсафий, ижтимоий илмларни ривожлантириш.

2. Табиатга қизиқиш, табиатшунослик илмларнинг ривожи, рационализм, ақл кучига ишониш, асосий эъти-

борни ҳақиқатни топишга қаратилган фанларга берини, ҳақиқатни инсон тасаввури, илмининг асоси деб ҳисоблаш.

3. Инсонни улуғлаш, унинг ақлий, табиий, бадиий, маънавий фазилатларини асослаши, инсонпарварлик, юқори ахлоқий қонун ва қоидаларни намоён этиш, комил инсонни тарбиялашни мақсад қилиб қўйиш.

4. Универсаллик — қомусийлик, барча нарса билан қизиқиш бу давр маданиятининг муҳим томонларидан бири эди.

Бу давр маданияти умуминсоний фазилатлар ривожи учун хизмат қилди.

Бу даврда Ўрта Осиёning ривожланган шаҳарлари Гургон — Урганч, Бухоро, Самарқанд, Марв, Термиз, Шош ва бошқалар мусулмон мамлакатлари ичидаги тараққий этган шаҳарлар, ўлкалардан бирига айланди ва «мусулмон маданияти» деб аталган маданиятнинг тез ривожланишига катта таъсир кўрсатди. Маънавий маданият билан бирга савдо-сотиқ, ҳунармандчилик, қурилиш ишлари кенг авж олди, илм-фан, адабиёт асарлари тез тарқалди. Билим олишга қизиқиш ва бу йўлда турли саёҳатлар қилиш, мусулмон ўлкаларига бориш табиий ҳолга айланди. Шоҳлар ўз саройларида илм-фан, адабиёт ривожига алоҳида эътибор бердилар — бу уларнинг шуҳрати, нуфузи ошиши учун хизмат қилган эди. Бу даврда араб тили, бадиий адабиёт тили бўлмиш дарий — форс тили ва туркий тилда оламшумул аҳамият касб этувчи асарлар ёзиб қолдирилган эди. 1220 йилдан бошланган Чингизхон бошчилигидаги мўғуллар ҳужуми бу маданиятнинг ривожланишига жуда катта зарар келтирди.

2. ИСЛОМНИНГ ТАРҚАЛИШИ ВА УНИНГ ЎРТА ОСИЁ ТАРИХИДАГИ РОЛИ

VII асрда исломнинг пайдо бўлиши Арабистон ярим оролидаги ҳалқлар ва элатлар ҳаётида йирик тарихий воқеа бўлди. У янги ижтимоий-иқтисодий муносабатларга ўтишни билдиради, исломга қадар жоҳилияти даврида ярим оролнинг асосий ҳудудларида уруғчилик муносабатлари ҳукмрон эди. Жанубда Сабо подшолиги, химярийлар давлати, шимолда Наботия подшолиги, ғассонийлар давлати, шарқда лаҳмийлар, марказда эса киндийлар подшолиги ва бошқа давлатлар мавжуд бўл-

са ҳам, аммо ўз асосига кўра улар қулдорлик ёки феодал туридаги марказлашган давлатлар эмас, кўпроқ қабила бирлашмаларидан иборат эди. Бундай бирлашмалар уруғ-қабилачилик тузумига жиддий таъсир этмаган ҳолда, гоҳ пайдо бўлиб, гоҳ емирилиб кетарди.

Исломнинг қабилачиликдан устун турадиган мафкура сифатида пайдо бўлиши, ягона марказлашган давлатнинг тузилиши ва арабларнинг аста-секин ҳалқ сифатида ташкил топиши феодал муносабатларга ўтиш босқичи сифатида намоён бўлди ва феодал муносабатлар ривожланган Византия ҳамда Сосонийлар салтанини каби ўша даврда энг тараққий этган маданият марказларига жиддий таъсир кўрсата бошлади.

Ислом араблар тарихида, биринчидан, дастлабки марказлашган араб давлатининг тузилишига олиб келган янги дин сифатида намоён бўлди ва марказлашган давлатни мустаҳкамлаш омили ролини ўйнади. Иккинчидан, исломнинг қабилачиликдан устун мафкура сифатида пайдо бўлиши маркази Мадинада бўлган, сўнгра Дамашқ ва Бағдодга кўчган йирик давлатнинг вужудга келишига, арабларнинг Эрон, Хурасон, Ўрта Осиё, Кавказ ва Шимолий Ҳиндистонда каттагина ерларни босиб олишлари, араб халифалигининг ташкил топиши араб жамияти тараққиётининг янги босқичига, яъни феодал муносабатларнинг шаклланишига олиб келди.

Араб халифалигида ижтимоий тараққиётнинг турли даражасида бўлган кўпгина ҳалқ ва қабилалар бирлашган эди. Унга қадими маданият марказлари бўлган Сурия, Миср, Байнал наҳрайн, Хурасон, Мовароуннаҳр каби минг йиллик маданий меросга эга бўлган ҳалқлар ҳам кирганди.

Араб-мусулмон маданияти халифалик тарихининг дастлабки маданий мероси заминида шаклланган эди. Бу маданиятнинг араблар, шунингдек, араблаштирилган бошқа ҳалқлар тарихи учун ҳам аҳамияти жуда катта бўлиб, у ўз анъаналарини ҳозир ҳам сақлаб келмоқда.

Халифаликдаги араблаштирилмаган ҳалқлар арабларнидан фарқ қиласидиган ўз миллий маданиятларини асрлар оша тиклаб олган бўлсалар-да, у араб-ислом маданияти доирасидаги янги маданият сифатида шаклланди.

Араблаштирилган мамлакатлар аста-секин ўзининг олдинги маданий анъаналарини йўқотиб бориши оқи-

батида бу ерларга араб маданияти тўла кириб келди. Бу араб ярим оролининг шимолий қисми (Суря ва Фаластин), Шимолий Африка (Мисрдан то Марокаш ва Мавританиягача) ва Байнал наҳрайн Ироқ халқлари мисолида аниқ кўзга ташланади.

I

Ўрта Осиёнинг араблар томонидан босиб олинишига қадар араб лашкарлари бу ерга Амударё жанубидаги Хурросон тупроғидан туриб тез-тез ҳужум қиласар, ўлжаларни қўлга киритиб яна қайтиб кетар эдилар. У даврда араб халифалиги Хурросонга тайинлаган ҳокимларнинг қароргоҳи Марв (ҳозирги Мари) шаҳрида эди.

Арабларнинг нисбатан енгил муваффақият қозонгандиклари Ўрта Осиёда ягона марказлашган давлатнинг йўқлиги билан изоҳланади. Чунки ўша даврда Ўрта Осиё кўпгина майда давлатларга бўлинган бўлиб, уларнинг ҳар бири унча катта бўлмаган ҳудуддаги бир неча мустаҳкамланган шаҳарлардан иборат эди. Ҳокимлар ўртасида тез-тез бўлиб турадиган ўзаро можаролар уларнинг арабларга қарши курашга бирлашиши имконини бермади.

Мовароуннаҳр, Хурросон ва уларга қўшни бўлган вилоятларда туркий қабилалар ҳам яшар эди. Мовароуннаҳрга араблар юриш бошлаган вақтлардаёқ Суғд ва бошқа подшоликлар томонидан кўчманчи туркий қабилалар ёрдамга чақирилар ва улар арабларга қарши курашда фаол қатнашар эдилар. Хурросон ҳокимлари Мовароуннаҳрда мустаҳкам ўрнашиб олиш ва уни халифалик таркибига киритишин режалаштирган бўлса-да, лекин буни VIII аср бошигача амалга ошира олмадилар. Чунки бу сиёсат Ўрта Осиё халқлари арабларга кўрсатган қаршилик туфайлигини эмас, балки халифа Абдулмалик (685—705 йиллар) ҳукмронлиги даврининг биринчи ярмида араблар орасидаги ўзаро қабилавий рақобатлар ҳамда таслим қилинган халқларнинг қаршилиги туфайли ҳам инқизозга учради.

Халифа Абдулмалик ҳукмронлигининг охирида уммавийлар сулоласининг ҳокимияти анча мустаҳкамланди, халифаликда тартиб ўрнатилди, шундан кейингина Ўрта Осиёни узил-кесил эгаллаш имконияти пайдо бўлди. Шу мақсадда 705 йилда Хурросон ҳокими Кутайба ибн

Муслим Сурхон дарёси ва Кофирниғон водийларини
босиб олиш учун юришга отланди. Аммо бу юриш на-
тижасиз бўлиб чиқди.

Бир йилдан кейин Қутайба Зарафшон водийсига
юриш қилди. Дастрраб Пайканд шаҳрига ҳужум бош-
лади. Бу шаҳар деворлар ва миноралар билан яхши
мустаҳкамланган бой савдо шаҳри эди. Пайкандликлар
араб лашкарлари келётганидан хабар топгач, ёрдам
сўраб Бухорога мурожаат қилдилар. Лекин улар ёрдам
ололмай, арабларга сулҳ таклиф қилдилар. Қутайба
яраш сулҳини имзолаб ва бож олиб ўз лашкарларини
Пайкандда қолдириб Амударё томон қайтди. Амудар-
ёга етиб келишга улгурмаёқ Пайкандда қўзғолон кўта-
рилгани, араб лашкарлари мағлубиятга учрагани ҳақи-
да хабар келди. Қутайба қайтиб келиб шаҳарни бир ойча
қамал қилиб ниҳоят ишғол қилди. Араблар Пайканд-
нинг бойлигидан ҳайратда қолиб, кўпгина олтин ва ку-
муш идишлар, бутлар ва бошқа ашёларни эритиб олиб
кетдилар.

707 йилда Қутайба яна Мовароуннаҳрга юриш бош-
лаб, Бухоро вилоятининг қадими шаҳарларидан бири
бўлган Ромитани жангиз қўлга кирилди. Лекин у
мамлакат ичкарисига кира олмади, чунки унга турклар,
сүғдлар ва фарғоналикларнинг бирлашган кучлари
қаршилик кўрсатдилар.

709 йилда Қутайба катта қўшин билан бой ва яхши
мустаҳкамланган Бухорони босиб олишга йўналди ва
шаҳарни осонликча қўлга кирилди. Бу воқеа қўшни
ҳукмдорларни, ҳатто улардан энг кучлиси бўлган Самарқанд ҳукмдорини ҳам ташвишга солиб қўйди ва
тўқнашувларнинг олдини олиш мақсадида у арабларга
мунтазам солиқ тўлаб туришга рози бўлиб, яраш так-
лиф қилиб элчи юборди. Қутайба ярашишга рози бўлди,
аммо у гаровга одам беришни талаб қилди. Самарқанд
ҳукмдорининг қўрқоқлиги унинг кейинги тақдирига ўз
таъсирини кўрсатди. 710 йилда сугдлар уни ағдариб
ташладилар ва ўрнига Гуракни кўтардилар. У 710 йил-
дан 737 йилгacha ҳукмдорлик қилиб, ўзининг асосий
кучини араблар ҳукмронлигига қарши курашга сарф-
лади.

710 йилда Қутайба Кеш ва Насафга юриш бошлади.
711 йилда Хоразмшоҳ Қутайбадан ёрдам сўраб, унга
шаҳарларининг олтин калитларини юборди. Қутайба ўз
қўшини билан Хоразмни эгаллади. Хоразм Қутайбага,

бож түлай бошлади ва бу билан ҳукмдор ўз мустақиллигидан маҳрум бўлди.

712 йилда Қутайба Самарқандга ҳужум бошлади. Суғдлар Шош (Чоҷ) подшоси ва Фарғона мулкдорига элчилар юбориб ёрдам сўрадилар. Бироқ ёрдамга юборилган қўшин йўлда тор-мор келтирилди. Қаттиқ жанглардан кейин Қутайба Самарқандни эгаллади. Гуракнинг оғир шартлар билан сулҳ тузишдан бошқа иложи қолмади. У ҳар йили 2 миллион дирҳам пул тўлаш ва 30 минг соғлом одам бериш мажбуриятини олди. Ундан ташқари Самарқанд фуқаролари шаҳардан олиб чиқиб кетилишлари ҳамда арабларнинг масжидлар қуришларига халақит бермасликлари лозим эди. Шу ерда Қутайба дастлабки масжидни қурдирди.

Бошқа ривоятларга кўра, суғдлар 100 минг соғлом одам, барча ибодатхоналарнинг бойликларини, олтинкумуш, зеб-зийнатларни тўплаб беришлари керак эди. Барча бойликлар тўпланиб, бир уюм қилинди ва Қутайбанинг буйруги билан эритилди. Гурак бошчилигидаги суғдлар бундай қилмасликни сўрадилар, акс ҳолда худоларнинг санамлари арабларни шаккокликлари учун жазолашига ишонтироқчи бўлдилар. Эритилган олтин-кумушлар араблар томонидан олиб кетилди. Қутайба ўз юришларини давом эттирди. 713 йилдаги юришларда Бухоро, Кеш, Насаф ва Хоразмдан 20 минг кишидан иборат лашкар беришни талаб қилди. Ундан ташқари Қутайба Фарғона, Шошда ҳам жанг қилиб, ҳатто Қашқаргача етиб борди. У босиб олинган жойлардан бож олар ва араблардан ҳоким қолдиран эди. Босиб олишлар жараёнида Қутайба имконият бор жойларда араб лашкарларини кучайтиришга ёки араб чорвадорлари ва деҳқонларини жойлаштиришга интилиб, янги тартиблар жорий қиласи эди. Айниқса исломдинини киритишга катта аҳамият берди. Уша даврларда Суғдиёнада «араб»лар ва «мусулмонлар» деган сўзлар бир хил мазмунда ишлатилар эди, бўйсундирилган аҳоли ўртасида исломнинг тарқалиши арабларнинг мавқенини мустаҳкамларди. Дастлаб улар аҳолини исломга жалб қилиш учун уни қабул қилганларга имтиёз бериш сиёсатини юргиздилар. Ислом ҳуқуқига кўра исломни қабул қилган шахс жузъядан * озод қилинар

* Жузъя, жизъя (арабчада жон солиги) дастлаб араб халифалигига, кейинчалик бошқа мусулмон давлатларида мусулмон бўлмаган фуқародан олинган жон солиги.

эди. Шу туфайли истилонинг дастлабки даврларидан оқисломни қабул қилган, бўйсундирилган аҳолидан жузъя олмаслик тартиби ўрнатилди. Аммо араб ҳукмдорлари бу тартибни қатъий жорий қилолмадилар, чунки солиқлардан озод қилиш даромаднинг камайишига олиб келди. Солиқлар масаласи бўйсундирилган халқлар билан ярашиш сиёсатини олиб борган халифа Умар II (717—720) ҳукмронлиги даврида долзарб муаммога айланди¹. У исломни қабул қилган шахслардан солиқ олмасликни Хуросон ҳокими Жарроҳ ибн Абдуллодан талаб қилди.

Жарроҳ эса Қутайба сиёсатини давом эттириб, бўйсундирилган мамлакатни фақат қилич ва қамчи билангина идора қилиш мумкин, деб ҳисоблар ва бу ҳақда халифага маҳсус мактуб ёзган эди. Унингча, бўйсундирилган мамлакат аҳолиси, исломни қабул қилган ёки қилмаганилигидан қатъи назар, жузъя тўлашга мажбур эди.

Жарроҳ сиёсатидан норози бўлган Мовароуннаҳр аҳолиси халифа Умар II га элчилар орқали шикоят юбордилар. Халифа ҳокимдан исломни қабул қилгандарни жузъядан озод қилишни яна талаб қилди. Жарроҳ бу талабни юзаки қабул қилди. Бу ҳол маҳаллий халқ орасида норозиликни кучайтирди.

719 йилда халифа Умар II Жарроҳни ҳокимликдан бўшатиб, унинг ўрнига Абду-р-Раҳмон ибн Нуъаймани тайинлади. Аммо бу билан мамлакатдаги аҳвол ўзгармади. Чунки у ҳам жузъя ундириш сиёсатини қатъий юргизди. У Умар II нинг маволийларни² жузъядан озод қилиш ҳақидаги кўрсатмасини бажармади.

Самарқанд подшоси Гурак арабларга қарши курашиб учун Суғд, Шош ва Бухоро лашкарларини бирлаштириди ва турклар мададида ҳужумга ўтди. Агар 719 йилга қадар мамлакат фуқаролари арабларга шунчаки

¹ Тарихда Умар II деб аталадиган халифа Умар ибн Абду-л-Аэзиз ислом манбаларида ҳукмронлик қилишда ҳақиқий ислом йўлидан бормаган деб ҳисобланадиган барча умавий халифалар орасида ягона тақводор халифа деб эътироф этилган.

² «Маволий»— бирлик шакли «мавло»— исломни қабул қилган ва айни чогда бирон араб раҳбари насиби ҳимоясида бўлган, яъни унинг хомийлигини қабул қилган шахс. Лугавий маъноси «мижоз», «воснийлик остидаги одам». Кейинчалик «маволий» иборасининг мазмуни ўзгара бориб, «мавло» дан «мавлоно», «мулло», «домулло» (яъни катта мулло) иборалари келиб чиқкан.


қаршилик күрсатган бўлсалар, эндиликда мамлакатни араблардан ва улар хизматига ўтган маҳаллий феодаллардан озод қилиш мақсадини кўзлаб кураш бошлидилар.

Обаргар (ҳозирги Панжикент) хокими Диваштий, араблар қўзғолонни бостиришга қодир эмаслигига ишонч ҳосил қилгач, Гурак томонига ўтди. У Фаргона подшоси ва турк ҳоқони мададига суюнди. Турк ҳоқони Гуракка ёрдам учун қўшин юборди. Гурак ўз қўшини билан Самарқанд яқинидаги қалъани қамал қилди.

721 йилда Хуросонга ўзининг қаттиққўллиги билан танилган Саид ал-Хароший ҳоким этиб тайинланди. У Мовароуннаҳрга юришга тайёргарлик кўрар экан, Суғдга ўз элчилари орқали хат йўллаб, унда суғдларни бўйсунишга ва исломга қайтишга чақирди. Подшо Гурак бошлиқ бир гуруҳ суғд феодаллари араблар томонига ўтиб, хирож тўлаш мажбуриятини олдилар.

Суғд феодалларининг бошқа бир гуруҳи мамлакатни ташлаб, Фаргона подшолигига кўчиб кетишга қарор қилдилар. Диваштий бошлиқ учинчи бир гуруҳ вазиятни жанг қилишга нокулай деб ҳисоблаб, Панжикентдаги тоғ қалъага яшириндилар. Гурак араблар томонига ўтгандан сўнг, Диваштий ўзини Суғд подшоси деб эълон қилди. Шундай қилиб, 721—722 йилларда Мовароуннаҳрда бир-биридан мустақил иккита подшо — Гурак ва Диваштий ҳукмронлик қилди, мамлакат араблар давлати ва мустақил давлатдан иборат икки қисмга бўлиниб қолди.

721 йилнинг баҳорида Саид ал-Хароший қўзғолонни бостиришга йўл олди. Суғдийлар мағлубиятга учраб чекинишга ва Хўжанд шаҳар қалъасига яширинишга мажбур бўлдилар. Фаргона подшоси ёрдамидан маҳрум бўлгандан кейин, улар Саид ал-Харошийдан у таклиф қилган шартлар билан сулҳ тузишни сўрадилар. Бу шартлар асирга тушган барча арабларни қайтариб бериш, тўла хирож тўлаш, Хўжандга келганларнинг барчасини Суғдга қайтаришдан иборат эди. Бу даврдаги ўзаро жанжаллар Саид ал-Харошийга Суғд халқи қўзғолонларини бостириш имконини берди, мағлубиятга учраган Диваштий Муғ тогидаги қалъага яширинишга мажбур бўлди. Диваштий қалъаси тик жарлик, Қум ва Зарафшон дарёлари қирғоқлари билан уч томондан ўралган эдикӣ, бу душманнинг киришига имкон бермас



эди, фақат сурункали қамал қилиш йўли билангина уни таслим қилиш мумкин эди.

Саид ал-Хароший Диваштийга унинг сафдошлари ва уларнинг оиласлари дахлсиз бўлади, деб ваъда берди. Диваштий бунга ишониб таслим бўлди. Сулҳга кўра юзта силага озодлик берилиди, қолганларининг эса ҳаёти сақланиб қолинди, холос. Шу йўл билан *Муғ* тоғидаги қалъя олинди.

Саид ал-Хароший ўз юришларини давом эттириди. Узини Суғд подшоси деб эълон қилган Диваштийнинг фожиавий мағлубиятидан кейин, бошқа вилоятларнинг ҳукмдорлари арабларга ҳатто қаршилик кўрсатишга ҳам уринмадилар. Саид ал-Хароший Кеш ҳокимига элчи юбориб, бож сифатида минг бош қорамол беришни талаб қилди. Бунга жавобан ҳоким агар у Кешга ҳужум қилмасликка сўз берса, олти минг бош мол беришга ваъда қилди. Саид ал-Хароший урушсиз ўлжа олишни афзал кўриб бунга рози бўлди. Шундан кейин у Гурак қароргоҳи Робинжонга (Қаттақўрғон яқинидаги ноҳия) йўналди. Диваштийни ҳам ўзи билан бирга олиб юриб, уни ўзини-ўзи подшо деб эълон қилган қаллоб деб ҳисоблаган феодаллар қўлига топширди. Ана шу феодаллар талаби билан Диваштий Робинжонда қатл қилинди¹.

Моваруоннаҳр халқлари қўзғолонининг мағлубиятга учрашининг сабаби маҳаллий ҳукмронлар ўртасида Саид ал-Хароший амир қилиб тайинлангандан кейин янада авж олган ихтилофлар эди. Саид ал-Хароший озодлик талаб сүғдлар ва бошқа халқларнинг қаршилигини сўндирган бўлса ҳам, лекин арабларга қарши кураш давом этди.

723 йилнинг қишида Саид ал-Хароший бўшатилиб, унинг ўрнига Муслим ибн Абу Саид (723—724) тайинланди. Саид ал-Хароший Диваштий ҳаётини сақлаб қолиш ҳақидаги битимни бузганликда айбланганди. 723 йилдан бошлаб араб ҳукмронлигига қарши курашда Фарғона подшоси алоҳида роль ўйнади. У 50 минг аскар билан кечаси араб карвонига қўққисдан ҳужум

¹ Диваштийнинг ал-Жарроҳга ёзилган мактуби Тожикистон археологлари томонидан 1933 йилда *Муғ* қалъасини қазиётгандарни топилган эди. Бу мактуб акад. И. Ю. Крачковский томонидан таржима ва тадқиқ қилинган. Қаранг: Древний арабский документ из Средней Азии (Танланган асарлар. I жилд. М.—Л., 1955, 182—212-бетлар).

қилиб, уларни талади. Катта ўлжа олган фарғоналиклар үз истеҳкомлариға қайтиб кетдилар. Муслим ибн Абу Саид фарғоналикларга қарши юриш ташкил қилди. Фарғоналикларга Ҳоқон бошчилигидаги турклар ёрдамга келиб, Муслим аскарларининг орқадаги қисмларига ҳужум қилдилар ва катта ўлжа олдилар. Тартибсиз равишда чекинган арабларни 20 минг турк Фарғона лашкари таъқиб остига олди. Улар Муслимни Ҳўжандан Самарқандгача таъқиб қилдилар. Кейинги уринишлардан натижа чиқмади. Муслим ўрнига Хуросон ҳукмдори қилиб Ашрос ибн Абдуллоҳ ас-Суламий (727—729) тайинланди.

Анча муваффақиятсизликлардан сўнг араблар Мовароуннахрнинг бўйсунмаган аҳолисига қарши яна юриш бошладилар. Подшо Гурак 723 йилдаёқ араблар ҳукмроилигини тан олишга мажбур бўлган эди. Бироқ мустақиллик учун халқ ҳаракати тўхтамаган эди. Хуросоннинг янги тайинланган ҳукмдори шаҳар амалдорлари таклифи билан Мовароуннахрда араб ҳокимиятини мустаҳкамлаш ва суғдларни хотиржам этиш учун исломни қабул қилганларнинг барчасини ҳуқуқий жиҳатдан араблар билан тенглаштириш, яъни улардан жузъя ундиришни тўхтатишга қарор қилди. Натижада дехқонларнинг кўп қисми ўзларига тобе бўлган одамлар билан бирга исломни қабул қилдилар¹.

Уша даврдаги мавжуд бўлган одатга кўра мусулмон бўлганлар ўз жамоаларидан чиқиб, арабларнинг уруғ-қабила тузумига киришар ва араб лашкарига қўшиларди. Шундай қилиб, Суғдда араб ҳукмдорларининг мавқеи тобора мустаҳкамланди. Исломни қабул қилмаган қишлоқ жамоасининг қолган аъзолари эса, битим асосида бу жамоаларга солинган солиқининг ҳаммасини тўлашга қодир эмас эдилар. Бу ҳол араб ҳукмдорларнинг хазинаси бўшаб қолишига ва молиявий таиқислик бошланишига олиб келди.

Гурак суғдларнинг хирож тўлашдан бош тортаётганикликларини, битимга кўра мажбуриятларни бажарив бўлмаслигини Ашросга хабар қилди. Бухоролик дехқонлар бундан буён солиқ тўламайдилар, «чунки улар араб (мусулмон) бўлдилар, ҳатто масжид қурмоқдалар» деб ёзган эди у. Хирож. Йигувчилар бошлиғи ҳам

¹ У даврда йирик ер эгалари «дехқон» дейилар эди, уларга тобе бўлган оддий меҳнаткашлар «чақирлар» дейилар эди.

сүгдлар ҳақиқатдан ҳам исломни қабул қылғани ва ҳатто күплаб масжид құрганига ишонч ҳосил қилиб, бу ҳақда Ашросга хабар қилди. Шунга қарамай, Ашрос ҳатто мусулмонликни әндигина қабул қылғанлардан ҳам солиқ ундиришни буюрди. Ҳукмдорнинг бу хатти-харакати исломни қабул қылған маҳаллий халқларнинг норозилигига сабаб бўлди.

Қисқа вақт ичиде Самарқанддан ташқари бутун Мовароуннаҳр турк ҳоқони ёрдамига суюнган қўзғолончилар қўлига ўтди. Ашрос уларга қарши ғазовот эълон қилди ва юриш бошлади. Бухоро остоңаларида ҳал қилувчи жанглар бўлди. Турклар ҳоқони, Фарғона ва Шош ҳукмдорлари томонидан сиқувга олинган Ашрос чекинишга мажбур бўлди. Чекинаётганда у Пойкаандни босиб олди, аммо бу унга ғалаба келтирмади. Қўзғолончилар қалъага бериладиган сувни тўхтатиб қўйдилар, натижада Ашрос лашкарлари қийин аҳволга тушиб қолди.

Шундан кейин Ашрос Бухорони босиб олишга яна бир уриниб кўрди. Унинг бу ҳаракати мағлубият билан тугади. Бу даврда бутун Мовароуннаҳр қўзғолончилар қўлига ўтган эди. Халифа Хишом (724—743) Ашросни бўшатиб, ўрнига Жунайд иби Абду-р-Раҳмонни (729—734) ҳоким қилиб тайинлади. Унинг қўзғолончиларга қарши икки бор қылған юриши араб лашкарларнинг ғалабаси билан тугади.

Шундай қилиб, араб лашкарларининг тахминан 30 йиллик уруши натижасида Мовароуннаҳр босиб олинди. Бунга маҳаллий халқнинг бирлашган қудратли кучи йўқлиги имкон берди. Майда ҳукмдорлар ва феодаллар ўртасида ҳатто шу даврда ҳам ўзаро жанжаллар давом этарди — улардан баъзилари курашни давом эттираса, бошқалари араблар билан тил бириттиради. 741 йилда маҳаллий феодалларнинг араблар билан иттифоқи ташкил топди. Бу икки кучнинг бирлашиши араблар ҳокимиятини анча мустаҳкамлади.

Мовароуннаҳр ерлари босиб олинган бўлса-да, лекин халқларнинг озодлик учун курашлари яна 80 йилча давом этди. Араб халифалари бу ерда ўз ҳокимиятининг мустаҳкам эмаслигини доимо сезиб турардилар. Мовароуннаҳр халқи Абу Муслим (746—750) ҳаракатида, уммавийлар ҳокимиятини ағдариш ва халифаликка Аббосийларнинг келишида, Али авлодлари тарафдорларнинг Аббосийлар ҳокимиятига қарши, оташпа-

растликни тиклаш байроғи остида араблар ҳукмронлигига қарши Синбод ва Исҳоқ — Турк қўзғолонлари ва бошқаларда фаол қатнашдилар.

Мовароуннаҳр халқлари озодлик ҳаракатидаги муҳим босқич 16 йил давом этган Ҳошим ибн Ҳаким Муқанна бошчилигидаги «оқ кўйлаклар» (фореча сағиджомагон) қўзғолонидир. У араб қўшинларида хизмат қилиб, нуфузли араб ҳукмдорларидан бирига айланган, Хурасон ва Мовароуннаҳр ҳукмдорларининг вазири лавозимиғача кўтарилган эди.

769 йилда Муқанна Бағдод зиндонидан қочиб Марвадаги араб ҳокимиятига қарши қўзғолонга бошчилик қилди. Нисбатан қисқа муддатда у Мовароуннаҳр ва Фарғона ерларини эгаллади. Муқанна тарафдорларининг асосий кучларини меҳнаткашлар ташкил этарди. Қўзғолончиларнинг мақсади исломдан қайтиш ва олдинги оташнарастликни, унинг маздакий кўринишини тиклашдан иборат эди.

Шундай даврлар ҳам бўлдики, Муқанна Мовароуннаҳрни тўла эгаллади, унинг ягона ҳукмрони ҳам бўлди. Бироқ қўзғолончилар Бухорода узил-кесил мустаҳкамлана олмадилар. Улар Хурасондан юборилган араб қўшинларига қарши курашда бирлаша олмадилар. Қўзғолон араб бирлашган кучлари ва маҳаллий феодаллари томонидан бостирилди ва маълумотларга кўра унинг раҳбари Муқанна 785 йилда ҳалок бўлган.

Муқанна ҳалокатидан кейин ҳам халқнинг уюшмаган қўзғолонлари бўлиб турган эди. Уларнинг энг сўнггиси Самарқанддаги Рафи ибн Лайс бошчилигидаги қўзғолон бўлиб, у 809 йилда бостирилган. Ҳар қандай халқ қўзғолонлари бостирилгани билан унинг таъсири ўз самарасини бермай қолмайди. Юқоридаги қўзғолонлар ҳам араб халифалиги марказий ҳокимиятининг емирилиш жараёнини тезлаштириди. IX асрнинг иккинчи ярмида Хурасон ва Мовароуннаҳрда ҳокимият маҳаллий заминдор зодагонлар қўлига ўтди. IX асрнинг 70 йилларидан бошлаб бу ерда мустақил сомонийлар давлати шаклланди.

Истилочилик ва арабларга қарши қўзғолонларни бостириш жараёни деярли бир асрдан кўпроқ давом этди. Исломнинг ҳар жиҳатдан мустаҳкам жорий этилиши эса асосан IX асрнинг I чорагидан бошланган эди. Шунинг учун ҳам Мовароуннаҳр алломалари араб-мусулмон маданияти билан фақат IX асрнинг бошидан

таниша бошлаганлар. Чунончи, Мұхаммад ал-Хоразмий ва Ақмад ал-Фарғонийлар Бағдод академияси «Дор ул-ҳикма» га IX асрнинг 16—20 йилларида келганлар. Шу вақтдан бошлаб Ўрта Осиё фани, фалсафаси, адабиёти ва маданиятиниң ривожланиши араб-мусулмон маданияти таркибида мустақил босқич сифатида, яъни Ўрта Осиё маҳаллий маданиятиниң янги босқичи сифатида шакллана бошлаган эди. Демак, араб маданияти ва исломнинг Ўрта Осиё халқлари маданиятига таъсири ҳақида ҳам худди мана шу вақтдан бошлаб гапириш мүмкін.

Махсус ўрганишини тақозо этадиган хорижий ислом масалаларига тил тегизмаган ҳолда, исломнинг Ўрта Осиё халқлари тарихидаги роли ҳақида қисқача тұхтамиз.

Бу муаммони бир қанча характерли йұналишлар бўйича қўйиш мүмкін: булар Мовароуннаҳр халқининг исломга қадар бўлған маданияти ва унга исломнинг муносабати, бу халқлар исломни қабул қилгандаридан кейин шаклланған ислом маданиятиниң ўзига хос хусусиятлари, маориф, таълим-тарбия, дунёвий фанлар, илоҳиёт, фалсафа, адабиёт, ахлоқий-хуқуқий ҳаёт ва уни ислом қоидалари асосида бошқариш, меъморчilik, нақш ва ҳусният санъати ва бошқалардан иборат. Буларнинг ҳаммасида ислом ижобий роль ўйнаганди. Бусиз у жамиятда ўз ўрнини ва кўп асрлар давомида кишиларнинг турмуши ва онгига таъсирини сақлаб қола олмаган бўлар эди.

Шу жиҳатдан биринчи муҳим масала исломнинг Ўрта Осиё халқларининг исломга қадар бўлған маданиятига муносабатидир. Араб истилоси ва исломнинг тарқалиши жараёнида халқларнинг исломга қадар бўлған маданияти қарийб батамом йўқ қилинган эди. Биринчи ўринда олдинги диний мафкура оташпаратлик, буддийлик, маздакийлик, монийлик билан боғлиқ бўлған маданиятиниң тарқатувчиси сифатидаги коҳинлар, ибодат иншоотлари, рассомлик ва ҳайкалтарошлик ёдгорликлари ва ҳоказолар йўқ қилинган эди.

Шунинг учун ҳам, биринчи навбатда, олдинги мафкураны тарқатувчи диний китоблар ва уларни сақловчи коҳинлар йўқ, қилинган. Зардуштийлик диннинг маҳсули бўлмиш «Авеста» ҳам мутахассисларнинг фикрича, милоддан аввал деярли иккى минг йил давомида яратилган ёдгорликнинг тўрт ёки бешдан бир қисмини

ташкىл этади, холос. Уша даврдаги ибодатхоналар ва дағы этиш жойлари, бутхоналар ва осталонлар¹ йўқ қилинган.

Археологик қазишлар натижасида бир неча бутхоналарининг вайроналаридан ажойиб ашёлар топилди. Бухородаги ягона оташпаратлик осталони қандайдир мўъжиза билан сақланиб қолганки, у археологик қазишда топилган кишини лол қиласидиган дараражада бутун сақланган ягона иншоотдир. Афросиёб, Варахша, Панжикент харобаларини қазишда халқ ҳаётининг кўптина томонларини — қуроллари, мусиқа асбоблари ва созандалар, кийимлар ва асбоб-анжомлар, дағы этиш жараёни ва бошқаларни акс эттирган расмлар топилганки, булар ўша давр маданиятининг фавқулодда юксак дараражада бўлганидан гувоҳлик бериб туради.

Хуллас, халқларнинг исломга қадар бўлган маданиятининг йўқ қилиниши унинг ислом ақидаларига мос келмаслиги билан боғлиқ эди.

Ўрта Осиё араблар томонидан истило қилинганидан бир аср кейин янги маданият шакллана бошлади, унинг гуллаб-яшнаш даври IX—XII асрларга тўғри келди. Унинг барча соҳаларида дастлаб араб ислом маданиятининг кучли таъсири, шунингдек араб ва маҳаллий анъаналарнинг ўзаро таъсири ҳам сезиларли эди. Мафкура сифатида фақат ислом, илм ва илоҳиёт тили ҳукмрон бўлди.

Шуни ҳам алоҳида таъкидлаш керакки, Ўрта Осиёга кириб келган даврда ислом ҳали тугалланган диний тизим бўлиб шаклланмаган эди, бунинг учун унга тўрт асрдан (VIII—XI) кўпроқ вақт керак бўлди. Бу даврдаги ислом илоҳиёт адабиётини таҳлил этиш исломнинг тугалланган диний тизим сифатида шаклланиш жараёни Эрон, Хурсон, Ўрта Осиё, Кавказ орти истило қилингандан кейин содир бўлганидан далолат беради. Қуръонни талқин қилиш, ҳадисларни тўплаш, IX—XI асрларда шариат қонунларини ишлаб чиқиши асосан Эрондаги Ҳамадон, Хурсондаги Балх, Нишопур, Машҳад, Нисо, Марв, Ҳирот, Ўрта Осиёдаги Бухоро, Самарқанд, Термиз ва бошқа шаҳарларда содир бўлди.

Шуни алоҳида таъкидлаш лозимки, Ўрта Осиё халқлари маданияти тарихида исломнинг роли ҳақида сўз

¹ Осталон — форс тилида «сүякхона» — зардустий эътиқодида ўлган одамларнинг сүякларини йигиб, катта хумларда сақланадиган ибодатхона.

борганда айнан юқорида тавсифланган давр ва маҳаллий халқнинг маданияти назарда тутилади.

Таълим ва маориф масаласида ҳам ислом маълум роль ўйнади. Мадраса ва мактабларда болаларни ўқитишиш асосан диний бўлиб, оддий савод чиқарилган. Тарихнинг айрим даврларида қатор ислом мадраса, академия, дорилфунунларида риёзиёт (математика) алжабр (алгебра), хандаса (геометрия), илм ан-нужум (астрономия), жуғрофия, тарих, араб тили ва адабиёти ва бошқа дунёвий фанлар ҳам ўргатилган. Хуллас, бу ислом ўқув юртларисиз фақат атоқли олим, шоир, қомусий мутафаккирларгина эмас, балки умуман саводли кишиларнинг чиқишининг ўзи мумкин бўлмас эди. Меъморий бинолар ўша давр атоқли меъморлари ва бинокорларининг ақл-заковати билан барпо қилинган маданият дурданалари ҳисобланади. Бу ёдгорликларни барпо этиш ва сақлашда ислом ижобий роль ўйнагани лиги шубҳасизdir.

Жамиятда умуман диннинг, хусусан исломнинг халқ оммасига ахлоқни сингдиришдаги ва тарғиб қилишдаги роли ғоят каттадир. Бу ислом қоидаларига асрлар давомида амал қилиб келинган, ҳозир ҳам амал қилинади. Уларда диний мазмуннинг мавжудлиги диннинг ижобий ва инсонпарварлик ролини мустасно қилмайди. Ислом ва унинг муқаддас китоби Қуръони Каримдаги тавсия ва талаблар ўз асосига кўра умуминсоний ахлоқ қоидаларидан иборатdir. Масалан, Қуръон оятлари камбағалларга, бева ва етимларга, гадойларга ёрдам бериш, сабр-тоқатли ва ростргўй бўлиш, ёлғондан ва ўз сўзига бевафоликдан ҳазар қилиш (25,68), ўғрилик қилмаслик, бошқаларни хафа қилмаслик, бирорни таҳқирламаслик, масхара қилмаслик, изига тушмаслик, ҳақорат қилмаслик, кишиларни лақаб билан атамаслик, қасамхўр бўлмаслик, сўзининг устидан чиқиши, ўзини-ўзи ўлдирмаслик ва бошқаларни ҳам ўлдирмаслик, хонилк, бузуқлик, фоҳишалик, майхўрлик, қиморвозлик кабиларни тақиқлаш каби қоидаларни қатъий қонун қилиб қўйган.

Бундан ташқари Қуръон, ҳадис ва шариатда кишиларнинг ҳаёти ва турмушини адолатли бошқаришга қаратилган кўпгина тадбирлар: чунончи, ўз меҳнати, ҳунари билан яшаш, бошқалар мулкига хиёнат қилмаслик, ота-оналар, бевалар, етим-есирлар ҳақида ғамхўрлик қилиш, ўз болаларини боқиш ва тарбиялаш

қонун қилинган, манманлик, адоват, ҳасад, ҳасислик, мунофиқлик, такаббурлик ва ҳоказолар қораланган. Бу қоидаларга халқлар кўп асрлар давомида амал қилиб келганлар. Шунинг учун ҳам ислом дини халқлар ҳаётида турмуш тарзи сифатида ҳам намоён бўлади. Исломнинг халқлар ҳаёти, турмуши ва анъана-ларига чуқур сингиб кетганлигининг боиси ҳам ана шундадир.

3. МУҲАММАД ИБН МУСО АЛ-ХОРАЗМИИНИНГ ИЛМИИ ҚАРАШЛАРИ

Абу Абдулло Муҳаммад ибн Мусо ал-Хоразмий (783—850) Хоразмда туғилган. У IX аср бошларида машҳур олим сифатида танилган, Бағдоддаги «Байт-ул ҳикма» деб номланган илм марказига чақирилади. Ал-Хоразмийнинг у ерга бориши тасодифий эмас. Чунки Ўрта Осиё қадимдан маданий марказлардан бири ҳисобланган. Хоразмда бундан уч минг йиллар илгари шаҳарлар, астрономик кузатишлар, сугориш тизими, йил ҳисоби мавжуд эди. Тахт учун олиб борилган урушлар натижаси ўлароқ VII—VIII асрларга келиб бу ерда маданият таназзулга учради.

712 йили Хоразм араб халифалигига тобе бўлди. Бағдодда яшаган халифа Хорун-ар-Рашиднинг ўғли Маъмун Хуросон давлатига ноиблик қиласди. Хорун-ар-Рашид ўлимидан сўнг Маъмун халифа лавозимига ўтиради. Марв шаҳрида Ўрта Осиёлик олимларни ўз атрофига тўплайди. Уларнинг орасида ал-Хоразмий ҳам бор эди. Сўнгра Маъмун халифалик марказини Бағдодга кўчиради ва ўзи билан бирга Ўрта Осиёлик олимларни олиб кетади. Илмий асарларда айтилишича, Бағдодда хоразмлик, сүфдлик, фарғоналикларнинг маҳаллалари бўлган. Бағдоддаги бу илмий марказда ал-Хоразмий билан деярли бир вақтда Аҳмад ал-Фарғоний, Холид Марварудий, Аббос Жавҳарийлар илмий ижод билан шуғулланишган.

Илмий асарлари

Ал-Хоразмий илм соҳасида бир қанча шоҳ асарлар ёзган, улар минг йил ичидаги неча бор нашр этилди:

1) «*Ал-жабр вал-муқобала ҳисоби ҳақида қисқача китоб*». Бу асарнинг 1342 йили кўчирилган араб тили-

даги асл нусхаси Оксфорд кутубхонасида сақланмоқда. Асар 1145 йили лотин тилига таржима қилинган. 1831 йили Лондонда, 1838 йили Парижда, 1915 йили Нью-Йоркда, 1917 йили Хейдельбергда, 1932 йили Берлинда, 1939 йили Қоқирада нашр этилган. 1964 ва 1983 йиллари Тошкентда рус ва ўзбек тилларида чоп этилди. «Ал-жабр...» номли китоб жаҳонга «алгебра» фани сифатида тарқалди.

2) «Ҳинд ҳисоби бўйича китоб». Бу асар XII асрнинг биринчи ярмида лотин тилига таржима қилинган. Асар 1135, 1143, 1153, 1163, 1168, 1265, 1300, 1859, 1898, 1954, 1964, 1975 йиллари Мадрид, Рим, Вена, Мюнхен ва Парижда эълон қилинган. 1964 ва 1983 йиллари Тошкентда нашр этилди.

3) «Астрономик зиж». XI—XII асрларда лотин тилига таржима қилинган. Асарнинг нусхалари Англия, Франция, Испания кутубхоналарида сақланмоқда. 1914, 1962, 1967 йиллари Оврупо мамлакатларида нашр этилган. 1983 йили Тошкентда чоп этилди. «Зиж» да астрономик масалалар, жумладан араблар, форслар, румлар йиллари ва ойларининг, шамсий ва қамарий ҳижрий ҳисобларнинг тавсифи, кабиса йилларининг аниқланиши, Уторуд, Зуҳра, бошқа сайёralарнинг ҳаракатлари, апогей ва перигей ҳолатлари, ой кенгалмаси ва унинг ҳаракати, синусни ёйга кўра аниқлаш ва тескариси, синуслар жадвали, соялар жадвали келтирилган.

4) «Ер сурати ҳақида китоб». Асар Францияда сақланмоқда. У 1879, 1882, 1895, 1915, 1916, 1919, 1926, 1968 йиллари Вена, Рим, Лейпциг, Бонн, Будапешт ва бошқа шаҳарларда чоп этилган бўлиб, 1983 йили Тошкентда нашр этилди. Ал-Хоразмий ўз замонасида табиий жуғрофиянинг азалий муаммоларидан дарёлар, тоғлар, денгизлар, ороллар, булоқлар, гидросфера ва литосфера муносабатларни масалаларини бошқаларга қараганда ўта синчковлик билан текширди. Ал-Хоразмий 539 та шаҳар, 426 тоғ, 317 катта ва кичик денгиз, 264 та орол, ҳаммаси бўлиб 2400 тадан кўп жуғрофий объектларнинг жойланиши, координатлари ва ҳолатлари ҳақида маълумотлар қолдирган, шунингдек, Нил дарёси, Азов денгизи, Каспий денгизи, Орол денгизининг жуғрофий хариталарининг манзарасини чизиб берган эди.

Бундан ташқари ал-Хоразмийнинг «Устурлоб қуриш ҳақида китоб», «Ўстурлоб билан амал қилиш», «Қўёш

соатлари ҳақида китоб», «Яҳудийлар эралари ва байрамларини аниқлаш ҳақида рисола», «Тарих китоби» каби асарлари маълум.

Алжабр ва ал-муқобала жараёнлари. Хоразмий квадрат ва чизиқли тенгламаларни ечиш йўлларини моҳирлик билан очиб берди. Тенгламалардаги ҳадлар илдизларни, уларнинг квадратларини ўз ичига олиши ёки ўзгармас сонлардан иборат бўлиши мумкин. Тенглама тузиљганда ҳадлар мусбат ва манфий ишораларга эга бўлиши бир неча марта учраши мумкин. Масалан, тенглама қўйидаги кўринишга эга бўлсин:

$$2x^2 + 50 - 20x = 29 + x^2 - 10 \quad x \quad (1)$$

Ўқувчилар буни дарров қўйидагича ёзадилар:

$$x^2 - 10x + 21 = 0 \quad (2)$$

ва уни ечишга ўтадилар. Аммо (1) дан (2) кўринишга олиб келиш, аслида, Хоразмийнинг алжабр ва алмуқобала жараёнларининг бажарилиши натижасидир.

Алжабр жараёни ҳадларнинг манфий ишоралардан қутулишидан иборат:

$$2x^2 + 50 + 10x = 29 + x^2 + 20x$$

Алжабр жараёнида ҳадларнинг мусбат ишоралари тикланди. Энди ал-муқобала усули билан ўхшаш ҳадлар ихчамланиши керак. Бунинг учун ўхшаш ҳадлар алмуқобала қилиниб, яъни қарама-қарши қўйилиб, катта миқдорликларидан кичиклари айрилади:

$$x^2 + 21 = 10x$$

Шундай қилиб, тенгламаларнинг маълум тури ҳосил қилинадики, унинг ечилиш усулини Хоразмий кашф этган.

Алгебраик тенгламаларни ечишда, баъзан, жазр-асамга дуч келинади. Хоразмий математикага киритган жазр-асам тушунчасининг лотинча таржимаси «сурдус» XVIII асргача сақланиб келинган. Ҳозир бу иррационал сон деб аталади.

Икки алгебраик ифодани кўпайтириш, маълум турлардаги ўхшаш ҳадларни йифиш, кўпайтмаларни радикалга келтириш, радикалларни кўпайтириш усулларини ҳам Хоразмий кўрсатиб берди.

Тенгламаларни ечиш усулларини топиш — математиканинг галдаги долзарб ва асосий вазифаларидан эди. Бу муаммони Хоразмий ҳал қилди. Ў ўша вақт-

гача учраган ва учраётган тенгламаларни таҳлил қилди ва уларни нусхаларга ажратди. Нусхалар б 6 та бўлиб чиқди. Буларнинг намунаси қўйидагича:

- 1) $5x^2 = 40x$;
- 2) $25x^2 = 100$;
- 3) $5x = 10$;
- 4) $x^2 + 10x = 39$;
- 5) $x^2 + 21 = 10x$;
- 6) $12x + 288 = x^2$;

Бу тенгламалар Хоразмий тенгламалари деган ном билан адабиётларда учрайди. Ушбу тенгламаларнинг хилларини ҳам унинг ўзи топган.

Хоразмий бу билан қаноатланиб қолмади. У шу б 6 та тенглама кўринишларининг ҳар бирига тегишли тенгламаларни йиғди, умумлаштириди ва б 6 тур тенгламаларни ёзди:

- 1) $ax^2 = bx$;
- 2) $ax^2 = c$;
- 3) $bx = c$;
- 4) $ax^2 + bx = c$;
- 5) $ax^2 + c = bx$;
- 6) $bx + c = ax^2$;

Топилинни керак бўлган миқдор илдиз (x_1, x_2) бўлиши ҳам мумкин, илдиз квадрати (x^2) бўлиши ҳам мумкин. Хоразмий илдизни — жазр, квадратни — мол деб атаган.

Хоразмий ҳарфий символикани ишлатмаган, тенгламаларни сўзлар орқали ифодалаган. Умуман, араб тилида ёзилган математик асарларда ҳарфий символика бўлмаган. Ҳарфий символика Европада XVI асрдан бошлаб қабул қилинган.

Алгоритм нима? Алгоритм сўзи даставвал Хоразмийнинг «Арифметика» китобининг биринчи бетидаги сўзлари: *Dixit Algorithmi*, яъни «Дедики Алгоритм» деган сўздан бошланган. Бу эса «Дедики ал-Хоразмий» нинг лотинча ифодаси эди.

Алгоритм, дастлаб, ном, тўғрироғи, нисба эди. Кейинчалик янги арифметика, яъни бутун сонлар ўнли тизими бўйича ёзма саноқ қоидаси сифатида ишлатила бошланди. Аввал саноқнинг ўзини, сўнгра қатъий аниқ қоида билан қўйилган масалани охиригача ечиб борувчи ҳар қандай ҳисоблаш тизими алгоритм деб

аталди. Дифференциал ва интеграл ҳисобнинг кашфиётчиларидан бири буюк математик Лейбниц (XVII аср) ҳам алгоритм деганда ҳозирги замондаги маънени, яъни маълум ҳисоблаш қоидасини тушунган.

✓ Алгоритм математик мантиқнинг муҳим тушунчасидир. Тушунчаларнинг юзага чиқиши мураккаб жараён. Жонли мушоҳадага асосланиб, миқдорлар орасидаги мураккаб муносабатнинг керакли томони, муҳим хусусиятини ажратиб олиб, умумлаштириш натижасида ҳосил бўлган алгоритм тушунчаси ички мантиқий қонуният билан ривожланиб борди. Хусусий алгоритмлардан умумийсини толиш усули ҳануз тадрижий равишда давом этмоқда.

Алгоритм ҳисоблаш қоидаси экан, жаҳоннинг кеъинги минг йиллик математикаси қоидаларнинг кашф этилиши Хоразмий номи билан боғлангандир.

Муҳаммад Мусонинг исми Хоразмий ёки Алгоразмий лотин ва бошқа транскрипцияларда турлича шаклларда ёзилиб, айтиб келинди. Чунончи, ал-Хоразмий, Алгоритм, Аль-Хорезми, Алгаритам. Бу сўзлардан алгоритмчилар, алгоризм, алгорифм ёки алгоритм терминлари келиб чиқди. Муҳаммад Хоразмий баъзи адабиётларда тоҳо Ховаризми, Бен-Муза деб ҳам юритилиди.

Алгоритм, информатика, компютерлаштириш. Замонамизнинг илғор фанларидан бўлган кибернетика ва информатиканинг истиқболи ниҳоятда порлоқ. Кибернетикани алгоритмсиз, компютерлар ишни алгоритмлар назариясиз тасаввур қилиб бўлмайди. Тез ҳисоблайдиган машиналарнинг иш дастури алгоритмларга асосланади.

Автоматик тез ҳисоблаш машиналари назарияси математик мантиқга суннади. Математик мантиқ билан ҳозирги замон автоматик ҳисоблаш машиналари назарияси ўртасида воситачи вазифасини ўтовчи алгоритмик масалалар хилма-хилдир.

«Алгоритм»—«математик исботлаш», «ҳисоблаш жараёни» каби математик мантиқнинг асосий тушунчалари дандир. Алгоритм бирор бир турга тегишли ҳамма масалаларни ечишда ишлатиладиган жараёнлар тизимининг маълум тартибда бажарилиши ҳақидаги аниқ қоида бўлиб, бу таъриф Хоразмийнинг арифметик жараёнлар ҳақидаги алгоритмик қоидаларини ўз ичига олади. Үн рақамли саноқ тизимида бажариладиган тўрт

амалнинг ҳар бири ҳақидаги қоида оддий алгоритмлардан бўлиб, Хоразмий томонидан таърифланган. Ҳозирги замон электрон автоматик ҳисоблаш машиналари яратилишидан анча илгарироқ «алгоритм» тушунчаси ва алгоритмик ҳисоблаш машинасининг умумий чизмаси ишлаб чиқилган ва аниқланган эди.

Хоразмий математикаси ҳақидаги асарлар. Хоразмий ижодини ўрганиш, тарғиб қилиш ва унинг илмий кашфиётларидан фойдаланиш борасида кўп ишлар қилинган.

Хоразмийнинг математик ғояларини унинг ватандоси Беруний, Шарқ олимларидан ай-Насафий ривожлантирдилар. Алгебра ижодкоридан уч асрча кейин яшаган олим Умар Ҳайём «Алжабр вал-муқобала масалаларини ечиш ҳақида» китоб ёзиб, Хоразмий математик таълимотини кенгайтирди. Мисрлик математик Абу Комил ўз асарида Хоразмий номини тилга олиб, квадрат тенгламалар назариясини ривожлантиради. Машҳур математик Абул Вафо ўзининг геометрияга бағишлиланган асарига Хоразмий «Алжабр»идаги геометрия бўлимини киритиб, унинг ғояларини тарғиб қиласди.

Пизалик Леонардо де Пизе XII асрда «Абака китоби» ни ёзиб, Хоразмийнинг 6 тенгламалар турини изоҳлайди.

Хоразмий математик таълимотини ифодаловчи фан ўйналиши XII асрда Европада алхоразми ёки алгоритм номини олади.

Алгоритмга бағишлиланган асарлар, аввало, лотин тилида, сўнгра бошқа тилларда нашр этилади. 1135—1153 йиллар чамасида «Амалий арифметикадан Алгоризм китоби» тарқалган. Уни толедолик Ионн тузган бўлса керак, деган тахмин бор. Яна бир китоб: «Магистр А. томонидан тузилган Алхоразмнинг астрономик санъати ҳақидаги китоб» 1143 йили эълон қилинган. Бу математик А. нинг исми номаълум.

XIII асрда Оксфорд ва Париж университетларида математика ва астрономиядан дарс берган Сакробоско «Оддий алгоритм» асарини чоп этган. Бу китобга 1290 или даниялик олим Ингверсен шарҳ ёзган.

Хоразмий кашфиётига бағишлиланган ўнлаб асарлар XX асрга қадар Европанинг турли мамлакатларида турли тилларда бир неча бор нашр этилган.

Геометрияни Евклид кашф этганлигини, ноевклид геометрияни Лобачевский яратганлигини, химиянинг

асосий назарияси бўлган даврий системани Менделеев, нисбийлик назариясини Эйнштейн, тенгламалар назарияси сифатида алгебрани ал-Хоразмий кашф этганигини бутун жаҳон тан олади.

Хоразмий асарлари XII аср Европа математикаси учун ғоявий хазина бўлиб хизмат қилди, унга мустаҳкам замин ва илмий озуқа берди. Хоразмий арифметикаси ва алгебраси тушунарли, услугуб жиҳатидан равон ёзилганлиги алгебра фанининг кенг тарқалишини осонлаштириди.

Европада Уйғониш даври арафаларида араб тилида ёзилган асарларни лотин тилига таржима қила бошлидилар. Таржима қилинган асарлар орасида Европа математикларига бевосита ва кескин таъсир қилгандарни Хоразмий ва Фарғоний рисолаларидир. Хоразмий асарлари лотин тилига таржима қилинишидан ташқари мазкур асарларнинг бутун-бутун боблари Европа математикларининг китобларига киритилди.

Мұхаммад Хоразмий ва Шарқнинг бошқа олимлари қисқа фурсатда бажарган илмий ишлар Европа олимлари томонидан уч асрдан зиёд вақт ичидә ўзлаштирилди,— деб иқрор бўлади немис математика тарихшуноси Цейтен.

Европа мамлакатларига дастлабки тригонометрик маълумотларни берган олим инглиз Аделард бўлиб, у 1126 йили Хоразмийнинг тригонометрик ва астрономик жадвалларини лотин тилига таржима қилган.

Умуман Шарқ математикаси Европа олимларига, бир томондан, ўз кашфиётларини узатган бўлса, иккинчи томондан, грек, бобил, ҳинд, суриний илмий мерослари ҳам Европага ва жаҳонга шу Шарқ адабиёти орқали тарқалди. Шундан кейин Европа олимлари фанининг мустаҳкам заминига эга бўлдилар. Хоразмий асарларининг халқаро аҳамияти яна шундаки, у Греция, Бобил, Суря, Ҳиндистон, Ўрта ва Яқин Шарқ математикаси билан Европа математикаси ўртасида воситачи ролини ўйнаган. Ана шу воситачилик туфайлигина Европа олимлари оригинал асарлар яратади башладилар ва математика янада ривожлана бошлади.

Машҳур француз олими П. Таннери (1843—1904) айтган эди: «Хоразмийнинг асарлари Фарбда кўп вақт арифметика соҳасидаги янги кашфиётларнинг манбай бўлди, шунинг учун ҳам Хоразмий номи Европада аба-

дийлашиб қолган». Фан тарихшуноси Д. Сартоннинг эътироф этишича, ал-Хоразмий «ўз замонасининг буюк математиги, агар кенгроқ қарабалса, ҳамма замонларнинг энг муҳим математикларидан бири», Д. Смитнинг айтишича, «Хоразмий — катта илмий гениал шахс».

Хоразмий кашфиёти тақдирининг яна бир муҳим томони шундаки, фан ва техникада «ампер», «ватт», «менделейнум», «рентген», «кюри», «эйнштейнум» каби терминлар қаторида «алгоритм» тушунчаси мустаҳкам ўрин олди.

4. АҲМАД ИБН МУҲАММАД АЛ-ФАРГОНИЙНИНГ ИЛМИИ ҚАРАШЛАРИ

Бундан ўн икки аср илгари туғилган ва бутун жаҳонда буюк олим деб тан олинганларнинг бири Муҳаммад ал-Хоразмий бўлса, иккинчиси Аҳмад ибн Муҳаммад ал-Фаргонийдир. Иккови ҳам бизнинг ватандошимиз: бири Хоразмда, иккинчиси Фаргонада туғилган. Улар биргаликда Бағдод шаҳридаги «Байт ал-ҳикма» деб аталган илмгоҳда ижод қилганлар.

Ал-Фаргонийнинг туғилган йили номаълум, лекин унинг ал-Хоразмийдан 11 йил кейин, яъни 861 йили оламдан ўтганлиги маълум.

Фаргонийнинг асосан олтита китоби бутун дунёга маълум ва машҳур:

1) *«Китоб фи усул илм ан-нужум»*, яъни «Астрономия илмининг усуслари ҳақидаги китоб». Бу рисоланинг асл қўлёзмалари матни бир хил бўлиб, беш хил ном остида сақланиб келмоқда, чунончи, «Алмажистига бағишлиланган астрономик рисола», «Фалак сфералари сабабияти», «Алмажисти (Алмагест)», «Илм ал-хайа (Астрономия илми)». Бу қўлёзмалар Англия, Франция, Америка, Марокаш, Миср, Санкт-Петербургда сақланиб келмоқда. Асар 1145 йили Ионна Севил, 1175 йили Херард Кремон томонидан лотин тилига таржима қилинган ва 1193, 1533, 1537, 1590, 1910 йилларда Голл, Региомонтан, Шёнер, Христман, Кампани томонидан Европанинг турли мамлакатларида чоп этилган. Асарнинг кичик бир парчаси 1960 йили рус тилида эълон қилинди. Асарнинг Б. А. Розенфельд, И. Г. Добровольский ва Н. Д. Сергеева томонидан рус тилига ўғирилган тўла таржимаси бор, лекин ҳануз нашр этилганича йўқ.

2) «Ал-Фарғоний жадваллари». Қўләзма Ҳиндистонда сақланмоқда.

3) «Ой Ернинг устида ва остида бўлганида вақтни аниқлаш рисоласи». Бу қўләзма Қоҳирададир.

4) «Устурлоб билан амал қилиши ҳақидаги китоб». Китоб Ҳиндистон олимлари қўлида сақланмоқда.

5) «Етти иқлим ҳисоби». Бу қўләзма Олмонияда.

6) «Устурлобни ясаш ҳақидаги китоб». Мазкур қўләзманинг тўртта нусхасини Берлин ва Парижда топиш мумкин. 1919 йили уни Видеман немис тилида нашр этган.

Оlam манзарасини ал-Фарғоний фикран ўзига хос кўрган. Птолемейдан (II аср) Коперникгача (XVI аср) оламнинг тузилиши геоцентризм қоидалари билан тушунтирилган, яъни осмондаги жисмларининг ҳаммаси (жумладан, Қуёш) марказ — Ер атрофида айланади, деб тасаввур қилинган. Ал-Хоразмий, ал-Фарғоний, Беруний, Улугбек фикрлари ва ҳисоб-китоблари ҳам асосан шу таълимотдан четга чиқмаган, зоро, ўрта асрларнинг илм даражаси ва билим доираси шуни тақозо этар эди. Гелиоцентризмга, яъни бошқа сайдералар каби Ер ҳам Қуёш теварагида айланади, деган қарорга ўтиш учун ҳали бир неча аср бор эди. Лекин ал-Фарғоний билан Беруний илмий ғоялари геоцентризмдан гелиоцентризмга ўтишда маълум маънода кўпrik вазифасини бажарган, дейилса хато бўлмайди.

У вақтларда Olam саккиз қават осмондан: Қуёш, Ой, бешта сайёра — Меркурий, Венера, Марс, Юпитер, Сатури ва 1022 та юлдузлар сфераларидан ташкил топган, деб тасаввур қилинган. Ал-Фарғонийнинг илмга қўшиганд ҳиссаларидан бири — бу сфералар радиусларини биринчи марта аниқлаб бериши бўлди. Бу эса олам тузилишини илмий тасаввур этишнинг муҳим во-ситасидир.

Осмон манзарасини гавдалантириб берадиган иккита «белбоғ» бор, улар: осмон экватори ва Қуёш эклиптикаси. Осмон экватори Ер экваторининг осмондаги давоми, улар бир текисликда ётади. Қуёш Ер атрофида кўринимас (аслида Ер Қуёш теварагида) ҳаракати на-тижасида чизилган траектория эклиптика деб аталиб, бир йилда тўла ёпиқ чизиқни — айланани ҳосил қилиади. Экватор билан эклиптика текисликлари ўзаро доимий бурчакни ҳосил қилишади. Ал-Фарғонийнинг яна бир муҳим ютуғи шу бурчакни ўз замонасида 23 да-

ража-ю 35 минут деб, бошқаларга қараганда (масалаи, Птолемейда — $23^{\circ} 51'$) аниқроқ ўлчаши бўлди.

Птолемейда Қуёш ва Ой билан Ер орасидаги масофа ҳақида маълумот берилганлиги ал-Фаргонийга маълум эди. Ал-Фаргоний сайдералар ва юлдузлар масофаларини уларга қўшди, Ой ва Қуёш тутилишларини тадқиқ қилиб, воқеалар вақт оралигини аниқлаб берди. Шундан кейин астрономия фани келгусида содир бўладиган воқеалар илмига айлана бошлади.

Ҳали гелиоцентризм шарпаси йўқ замонда ал-Фаргоний, Ер энг кичик юлдуздан ҳам кичикдир, деган фикр билан майдонга чиқди ва унга асос қилиб, Ер радиуси Осмон радиусларидан жуда озлигини айтди. Ер шари гўё бир нуқта бўлиб, унинг катта-кичиклигини билиш учун ернинг диаметрини, бинобарин, унинг меридиан узуилигини ўлчаш ниҳоятда мураккаб назарий ва амалий масала эканлиги аниқ эди. Ал-Фаргоний Ер ёйининг қайси узунлиги 1° га тўғри келишини ўлчаб, бу миқдорни аниқлади ва уни 360 га кўпайтириб, 40 минг 800 км ни ҳосил қилди. Ер меридианининг узунлиги, демак, айтиш мумкин, Ер шари белбоғи ҳозирги замон илмий асбоблари ёрдамида ўлчаганда 40 минг 8 км чамаси келади, Ал-Фаргонийнинг бу ишига Беруний ҳам юқори баҳо берган эди.

Гап шу рақамнинг ўзидагина эмас, чунки Ер гумбази билан самовий жисмлар ҳаракатлари муносабатлали ҳам олам манзарасини янада бойитади.

Ал-Фаргоний моҳир педагог ҳам бўлган. У Ер экваторида Қуёш икки марта (баҳорги ва кузги тенг кунликларида) зенитда бўлишини, осмон қутблари горизонт текислигида ётишини, қутбларда кеча қишига, кундуз ёзга (олти ойдан) тенг бўлишини осонгина тушунириб бера олган.

Ер юзидағи икки нуқта оралиги ёйдан, иборатлиги рояси денгиз сатҳига ҳам татбиқ қилиниб, гидрографик масалалар геодезик масалаларга олиб келинган. Ал-Фаргоний шу йўсинда Қоҳира яқинидаги Рауза оролида ўлчов ишларини олиб борди. Нил дарёси гидрометеорологик табиатини аниқлаб берувчи нилметтриясади. Математик астрономия тадқиқотлари илмий экспедиция ва асбоблар яратиш билан чамбарчас олиб борилди.

Ер шар шаклида экан, одам унинг ҳамма жойида яшайдими? Бу саволга дастлаб жавоб берганлардан би-

ри ал-Фарғонийдир. Жавоб илмий асосларга таянган. Жанубий кенгламаси 16° дан, шимолий кенгламаси 63° гача ҳамда ғарбий узунлиги 90° , шарқий узунлиги 90° гача сатұдагина одам яшаши ва айқумена деб ном олған бу майдон ҳақыда ал-Фарғоний күп мұлоқазалар юритған. Бу майдоннинг етти иқлимга бўлиниши ал-Хоразмийга ҳам маълум эди. Ҳамма вақт бир масала юзасидан икки буюк олимнинг фикрлари қайси жиҳатидандир фарқ қылганидек, ал-Хоразмий Бухоро, Самарқанд, Хўжанд, Марвни бешинчи иқлимга, Хоразмни олтинчи иқлимга киритған бўлса, ал-Фарғоний Бухоро, Самарқанд, Хўжанд, Марв, Фарғонани тўртинчи иқлимга, Хоразм, Тошкентни бешинчи иқлимга киритған. Бу эса олимларимизнинг фикр юритишлари бир хил бўлмаганлигидан далолат беради. Бир иқлим иккинчисидан, аввало муайян географик кенгликлар билан чегараланганилигидан, жой ҳароратини ифодалайди. Бундан ташқари ал-Фарғоний ҳар бир иқлимда кундуз узунлиги, унинг ўзгариш қонунияти ва осмон қутбининг баландлигини аниқлаб берди.

Ал-Фарғоний тадқиқ қылган иқлим тушунчаси ва иқлиmlар гурӯҳи Европа олимлари томонидан тан олинди ва фанда анча вақт ҳиэмат қилиб келди, лекин кейинги асрларда етти иқлим ўрнига тропик, субтропик, экватория, арктика, антарктида, қутблар, магнит қутблари, совуқлик қутби каби тушунчалар пайдо бўлди. Иқлиmlар таснифи ўзгарған бўлсада, лекин ал-Фарғонийнинг ўша асос қилиб олған қоидаси янгича шаклда намоён бўлмоқда. Ҳозирги вақтда маҳаллий, минтақавий зонал, глобал экология муаммоларини, озон ўпқонининг географик кенглама табиатини тадқиқ қилишда ўша қоидани эътибордан четда қолдирмаслик тақозо этилади.

Ал-Фарғоний шуғулланган календарь муаммоси ҳануз ечиlgанича йўқ. Йилнинг тўрт фаслдан иборатлиги, улар орасидаги муносабатнинг географик кенгликка боғлиқлиги (масалан, шимолий ярим шарда ёз бўлганда жанубий ярим шарда қиши бўлиши, ёхуд Ўзбекистонда баҳор ва куз бўлганида Экваторда икки марта ёз бўлишлиги, бизда ёз ва қиши бўлганида у ерда икки марта қиши бўлишлиги) маълум. Вақт ўлчами қандай бўлиши керак ва замонларни нимадан бошлаб ўлчаш кераклиги номаълум эди. Бу муаммони ечишга ал-Фарғоний ўз улушкини қўшган.

Ал-Фарғоний ўша вақтгача яратилган Юнон, Эрон, Суря, Копт, Ўрта Осиё халқларининг барча календарларини таққослаб тадқиқ қилди.

Самовий жисмлар ҳаракатининг динамикаси шаклида, Кеплер геометрик йўсинда баён этишган бўлса, ал-Фарғоний жадваллар шаклида изоҳлаган. Жадвалнинг фазилати — унинг жонли мушоҳадалик табиатидир.

Стереографик проекциялар назариясининг кашфиётчиси ал-Фарғонийдир. Қуёш, Ой, сайдерлар, юлдузларнинг, бинобарин, осмоннинг келажак манзарасини билish учун геометрик — кинематик усул қабул қилиб олинишида устурлоб (астролябия) асбобининг аҳамияти катта бўлган. Осмон гумбазида мавҳум равишда жойлаштирилган меридиан, экватор, эклиптика, азимут, координата ўқлари ва тизимлари, бурчаклар, нуқталарнинг доира асбобга проекцияларини тушириш анча қулайлик туғдирди. Бу асбоб илгари ҳам бор эди, лекин унинг назариясини фақат ал-Фарғоний кашф этади.

Осмон гумбазидаги ҳар хил эгри чизиқларнинг устурлоб текислигидаги проекциялари қандай бўлиши ҳақидаги ал-Фарғоний қонунияти қадимги юнон математиги Апполоний кашф этган конус қирқимлари (айланга, эллипс, парабола, гипербола) қонуниятини ҳам ўзига қамраб олиши ниҳоятда чуқур, кенг ва нозик мантиқ касб этади.

Ал-Фарғонийнинг стереографик проекциялар назариясини ундан минг йил кейин буюк математик Эйлер XVIII асрда географик карталар тузиш назариясига татбиқ қилди ва «Русия империясининг бош картаси»ни тузишда ишлатди. Шуннингдек, комплекс ўзгарувчан миқдорлар текислиги, поевклид геометриялар, Лобачевский текислигининг Бельтрами-Клейн проекцияси, космик геодезия ва космографияларнинг заминларида ҳам ал-Фарғонийнинг шу назарияси ётади.

* * *

Ал-Фарғоний илмий асарларининг XII асрдаёқ лотин тилига таржима қилиниши ва бутун Европага тарқатилиши Ўйғониш даврининг бошланишидаги илмий-ижтимоий тадбирлардан бири бўлди. Унинг кашфиётларини жаҳон олимлари катта қизиқиши билан ўрганишди

ва астрономия соҳасида асосий қўлланма сифатида унинг асарларидан фойдаланишди. Ал Фарғоний рисолалари янги-янги илмий кашфиётларга сабаб бўлди. Европада унинг номини Алфраганус деб ҳурмат билан тилга олишади. Машхур шоир Данте ҳам ўзининг «Илоҳий комедия»сида ал-Фарғонийниг илмий-фалсафий ғояларини тараннум этади.

5. ИМОМ АЛ-БУХОРИЙ (809—869)

Имом Исмоил ал-Бухорий 809 йил 13 майда Бухора таваллуд топади.

Имом Бухорийнинг ёшлик чоғида отаси вафот этади ва онаси қўлида катта бўлади. 10 ёшиданоқ у араб тили на ҳадис китобларини ўқиш ва уларни ёдлашга қунт билан киришади. Кейин у бухоролик муҳаддислар Муҳаммад ибн Саллом ал-Пайкандий (777—839), Абдуллоҳ ибн Муҳаммад ал-Маснадий ал-Жуъфий ҳузурига бориб, ҳадис дарсларига қатнашади ва кўп ҳадисларни ёд олади. 16 ёшида Имом Бухорий онаси ва акаси Аҳмад билан ҳаж сафарига отланади. Сафар асносида қайси шаҳардан ўтса, ўша ердаги ҳадис олимларидан озми-кўпми ҳадис ўқимай ўтмасди. Шу тариқа Балх, Басра, Қуфа, Бағдод, Дамашқ, Фаластин, Қоҳира, Макка ва Мадина каби кўплаб шаҳарлардаги машҳур ҳадис олимларидан шу илм сир-асрорини ўрганади.

Имом Бухорий қўли очиқ ва хайр-саҳоватли бир киши бўлганлигидан, отаси шайх Исмоилдан мерос қолган бойлигининг катта қисмини фақиру мискинлар ва толиби илмлар эҳтиёжига сарф этар эди. Имомнинг хотираси шу қадар кучли эдики, ривоятларга кўра ҳар қандай китобни қўлга олиб, бир мартаба мутолаа қилиб чиқиши билан ҳаммаси ёдида қолаверган. Имом Бухорий юз минг саҳиҳ ва икки юз минг ғайри саҳиҳ ҳадисни ёд билар экан. Унинг шогирдларидан Амр ибн Фаллос «Муҳаммад ибн Исмоил ал-Бухорийга маълум бўлмаган ҳадис, албатта, ишончли ҳадис эмасдир»,— деган эди. Устозларидан Имом Аҳмад ибн Ханбал ал-Марвазий (780—855): «Бутун Хуросондан Муҳаммад ибн Исмоил каби олим чиқсан эмас»,— деб таъкидланган эди. Имом Бухорий билан Басрада ҳадис дарсига қатнашган талабалардан Ҳошим ибн Исмоил айтади:

«Имом Бухорий бизлар билан бирга дарс эшитарди. Устоз қарийб ўн беш минг ҳадис ривоят қилди. Шунда биз Бухорийга: «Сен нега ҳадисларни ёзмайсан» деган вақтимиэда: «Сизлар ёзиб бораётган ҳадисларни мен устоз оғзидан ёдлаб олаётирман», — деди-да, устоз ривоят қилган ҳамма ҳадисларни бир чеккадан ёдан ўқиб берди. Шундан кейин биз ёзиб олган ҳадисларимиздаги хатоларни унинг ёдан ўқишлиаридан тузатиб оладиган бўлдик».

Баъзи ривоятларга кўра, Имом Бухорий 16 ёшга қадам қўйганида Абдуллоҳ ибн Муборак ал-Марвазий (736—798) ва Вақи ибн ал-Жарроҳ (747—812) ларнинг китобларини батамом ёдлаб олган экан. Имом Бухорий ёд олган ҳадисларининг матнини ҳадис айтувчилар ва уларнинг таржимаи ҳоллари билан бирга қўшиб ёд олар эди.

Имом Бухорий ҳадис ўрганишда барчага, лавозиму ёшига қарамай, бир хилда муносабатда бўлар эди. У айтади: «Киши илм бобида на фақат ўзидан юқори ёки тенгдошларидан, балки ўзидан паст, шогирд бўлганлардан ҳам ҳадис олмагунча, етук муҳаддис бўла олмайди».

Имом Бухорий: «Мен бир минг саксонта муҳаддисдан ҳадис эшигдим. Уларнинг ҳаммалари «Имон — сўз ва амалдан иборатdir» деган эътиқоддаги кишилар эди», — дейди. Шогирларидан шайх Мұхаммад ибн Юсуф ал-Форобий (845—932): «Имом Бухорийнинг «ал-Жомеъ ас-саҳиҳ» ларини ўзларидан тўқсон минг киши эшигтан» — дейди. Яна бир шогирди Абу Солиҳ ибн Мұхаммад ал-Бағдодий (820—905) айтади: «Имом Бухорийнинг бағдоддалик вақтидаги дарсларига мен ҳам қатнашардим. Шунда йигирма мингдан ортиқроқ талаба ҳозир бўлар эди».

Имом Бухорий йигирма ёшидан бошлаб китоб ёза бошлаган. У кишининг шоҳ асари «ал-Жомеъ ас-саҳиҳ» («Ишончли тўплам») дан ташқари йигирмага яқин китоблари бўлиб, кўплари бизгача етиб келмаган. Мовоарунаҳр мусулмонлари диний Бошқармаси қаромонидаги кутубхонада Имом Бухорийнинг «ал-Жомеъ ас-саҳиҳ», «ат-Тарих ал-кабир» («Катта тарих»), «ал-Қироату ҳалфа-л-имом» («Имом ортида туриб қироат қилиш»), «Рафъу-л-йадайнни фи-с-салоти» «Намозда икки қўлни кўтариш») каби асарларининг нусхалари мавжуддир. Бундан ташқари, Имом Бухорий «ал-Адаб

ал-муфрад» («Адаб дурдоналари»), «ат-Тарих ал-авсат» («Ўртача тарих», «ал-Жомеъ ал-кабир» («Катта ҳадислар тўплами»), «Китоб-ал-илал» («Нуқсонли ҳадислар китоби»), «Бирр-ал-волидайн» («Ота-онани ҳурматлаш»), «Китоб ал-ашриба» («Ичимликлар китоби»), «Китоб аз-Зуафо» («Заифлар китоби»), «Асомий ассаҳоба» («Саҳобаларнинг исмлари»), «Китоб ал-куна» («Ҳадис ровийларининг тахаллуслари ҳақида») каби катта ва кичик ҳажмдаги бир қанча китоблар ёзганлиги маълум.

Имом Бухорийнинг Нишопурдан асл ватани — Бухорога қайтиб келаётганини эшитган уламолар, ватандошлар, қариндош-уруғлар ўз хурсандчилик ва мамунликларини изхор этиши учун унинг истиқболинга бир неча кунлик йўлга чиқишиб, катта тантаналар билан кутиб оладилар.

Имом Бухорий Бухорога келгач, масжид яқинидаги уйда истиқомат қиласи ва дарс беради. Шу аснода Имом Бухорийга аббосийя халифалигининг Бухородаги амири Ҳолид ибн Ахмад ибн Ҳолид аз-Зуҳалий: «Бундан буёқ амирлик саройига келиб туринг ва болаларимга (иккинчи ривоятда: сарой аҳлига) «ал-Жомеъ ас-саҳиҳ»дан дарс беринг!»— деб нома юборади. Имом бу таклифни қабул қилмайди ва: «Мен илмни хорлаб, сultonу амирлар эшнигига олиб бормайман. Агар амирга илм керак бўлса, болаларини (иккинчи ривоятда: саройдагиларни) уйимга ёки масжидга юборсан!»— деб жавоб қайтаради. Шунинг натижасида у зотнинг фазлини кўролмаган баъзи ҳасадгўй шахсларнинг фитна ва иғволари туфайли амир аз-Зуҳалий Имом Бухорийнинг Бухорони тарк этиши ҳақида фармон беради. Бу воқеадан хабар топган Самарқанд олимлари Имомнинг Самарқандга кўчиб келишини илтимос қиладилар. Имом бу илтимосни қабул қилиб, йўлга чиқади. Лекин Самарқандга етмай, Хартанг қишлоғи (ҳозирги Пайариқ ноҳияси ҳудуди)даги қариндошларидан Абу Мансур Ғолиб ибн Жибрил деган кишининг уйига тушиб, бир неча кун шу ерда бетоб бўлиб ётиб қолади ва 869 йили рамазон ойининг охирги куни, шанба кечаси вафот этади. Эртаси ҳайит кули жаноза ўқилиб, имом Бухорий шу Хартангда дағн қилинади.

Имом Бухорийнинг мусулмон мамлакатлари дини ва маънавиятнинг ривожи учун қилган хизматлари бир неча асрлар ўтишига қарамай, ҳозиргacha ниҳоятда

улуғланади, ҳурмат қилинади. Унинг бой меросида диний таълимотлар билан бирга ахлоқ-одоб, урф-одат, инсонпарварлик, меҳр-шафқат, дўст-биродарликка катта зътибор берилган.

Имом Бухорий баён этган ҳадисларда қатор диний тушунчалар, қоидалар, тартиблар, исломнинг инсон учун, унинг маънавияти учун аҳамияти, ижтимоий ривожланишга таъсири, жамиятдаги роли каби масалалар кенг акс эттирилган.

Шу билан бирга Имом Бухорий ўз асарлари ва таълимотида диннинг ахлоқий томонлари ва таъсирини ривожлантиришга ҳаракат қиласди. Унинг бутун мусулмон дунёсида машҳур бўлиб кетган асосий асари «Ал-Жомеъ ас-саҳиҳ»да тўпланган ҳадисларнинг асосий мазмуни ислом динида, Муҳаммад пайғамбарнинг кундалик фаолиятида ахлоқий масалаларнинг ниҳоятда муҳим роль ўйнаганини исботлайди. Унда ахлоқнинг энг муҳим ва асосий қирралари — инсонпарварлик, инсонийлик, дўстлик, ҳамкорлик, ўзаро ёрдам, садоқат, меҳрибонлик, вижданлилик, раҳмдиллик, поклик каби хислатлар аниқ масалаларда, масалан, ота-онага, ёр-биродарга, қўни-қўшнига, болаларга, мол-мулкка муносабат мисолларида намоён этилади.

Имом Бухорий мероси мусулмон мамлакатларида ислом дунёқарashi ва ахлоқи, унинг инсонпарварлик мазмунининг кенг тарқалишида муҳим роль ўйнади ва чуқур из қолдирди.

6. ФОРОБИЙНИНГ ФАЛСАФИЯ ВА ИЖТИМОИЙ ҚАРАШЛАРИ

Абу Наср Форобий Яқин ва Ўрта Шарқда илғор ижтимоий-фалсафиј оқимнинг асосчиларидан бўлиб, «Шарқ Аристотели» деган унвонга сазовор бўлган машҳур мутафаккирdir.

Маълумки, Аристотель (Шарқда Арасту) қадимги Юноностоннинг энг машҳур ва атоқли файласуфи бўлиб, мусулмон Шарқида «Биринчи муаллим» деб юритилар эди. Форобий эса «Иккинчи муаллим» сифатида ном қўзонди.

Абу Наср ибн Муҳаммад Форобий 873 йилнинг охирида Арис сувининг Сирдарёга қўйиладиган ерида, Фороб деган жойда дунёга келди. У Шош, Самарқанд Бухоро каби шаҳарларда таҳсил кўрди. Бироз вақт

Эронда истиқомат қилди. Айниқса у ўз даврининг илм марқази ҳисобланган Бағдодда илмий ишлар билац жиддий шуғулланди ва тез орада файласуф сифатида машҳур бўлиб танилди. Форобий умрінинг сўнгги йилларини Халаб, Дамашқда ўтказади ва 950 йилда шу ерда вафот этади.

У яратган асарларнинг умумий сони 160 та бўлиб, уни икки гуруҳга ажратиш лозим: а) қадимги грек философлари ва табиатшунос олимларининг (Аристотель, Платон, Евклид, Гален ва б.) илмий меросларини шарҳлаш, тарғиб қилиш ва ўрганишга бағишиланган; б) Ўрта аср фанининг табиий ва ижтимоий-фалсафий фикри соҳаларига, унинг турли долзарб масалаларини ишлаб чиқишига, табиатшунослик, мусиқашунослик, филология, жамиятшуносликнинг муҳим соҳаларига бағишиланган рисолалардир*. Форобий илмий меросининг бир қисмини унинг шарҳлари ташкил этиб, улар бошқа муаллифларнинг асарларига шунчаки тушунтириш ва изоҳлар бўлиб қолмасдан, балки теран, қизиқарли фикрлар билан йўғрилган, шунинг учун ҳам уларни мустақил асарлар сифатида ўрганмоқ лозим !

Форобий дунёқарашининг асосини, яъни дунёнинг тузилиши ҳақидаги тушунчасини пантеистик** фикр ташкил этади. Мавжудот эманация*** ёрдамида ягона бошланғичдан поғонама-поғона вужудга келгац, яккаликдан кўпликка, бир хилликдан кўпликка, ранг-барангликка борган. Унинг дунёқарашидаги асосий мақсадлардан бири илмий фалсафий усулининг мустақиллигини назарий жиҳатдан асослаб беришга, унинг инсони тафаккурига, ақлий билимига асосланганлигини исботлашга итилишдир.

Форобий ўзининг ижтимоий қарашларида инсонияг жамияти вужудга келиши ва ривожланишининг муайян табиий сабабларини, ахлоқнинг шаклланишини, йисон

* Булардан «Иҳсо-ал-улум», «Ҳикмат асослари», «Аристотель логикасига талқинлар», «Қатта музика китоби», «Гражданлик сиёсати», «Фозил шаҳар аҳолиларининграйлари», «Мантиққа кириш», «Вакуум ҳақида» каби асарларни кўрсатиш мумкин.

** Пантеизм — борлиқ ва худони бир деб қаровчи таълимот.

*** Эманация — борлиқнинг худодан босқичма-босқич келиб чиқиши тўғрисидаги таълимот.

† Форобий асарлари дунё ҳалқарининг кўп тилларига таржима қилинган. Сўнгги йилларда унинг қатор рисолалари Москва, Тошкент ва Олмазота шаҳарларида рус, ўзбек ва қозоқ тилларида нашр этилди.

ва жамиятнинг ўзаро муносабатини, инсонийлик, адодлат, етук жамоа, комил инсон каби масалаларни назарий жиҳатдан асослашга ҳаракат қиласди.

Вужуд ва мавжудот тўғрисида, Форобий фикрича, борлиқ (мавжудот) олти босқичдан иборат бўлиб, бу босқичлар, айни вақтда бутун мавжуд нарсаларнинг асосидир, улар бир-бири билан сабаб ва оқибат муносабатлари тарзида узвий боғлангандир. Биринчи босқич — биринчи сабаб (ас-сабаб ал-аввал, яъни оллоҳ), иккинчи босқич — осмоний жисмлар (ас-сабаб ас-сони), учинчиси — фаол ақл (ал-ақл ал-фаол), тўртинчиси — жон (ан-нафс), бешинчиси — шакл (ас-сурат), олтинчиси — материя (ал-модда).

Шундай қилинб, илоҳият ва борлиқ, бир бутунликни ташкил этиб, ундан сабаб оқибат шаклида ўзаро боғланган бир қанча босқичлар келиб чиқади.

Вужуд икки турлидир: «Зарурий вужуд», яъни ўз-ӯзича мавжуд нарсалар, «вужуди мумкин», яъни бошқа нарсалар туфайли вужудга келади.

«Вужуди мумкин» мавжуд бўлиши учун у бирор сабабга, яъни «зарурий вужуд»га муҳтождир.

Форобийнинг сабаблар ҳақидаги бу таълимоти, унга қадимги юони файласуфи Платон — неоплатончиларнинг эманацион назариясининг кучли таъсиридан далолат беради.

Форобий Оллоҳни «биринчи сабаб», «биринчи монҳият» сифатида белгилайди, яъни уни илмий тушунча ёрдамида ифода этади. Биринчи сабаб қанчалик абадий вужудга эга бўлса, мавжуд олам, яъни материя, унинг оқибати ҳам абадийдир. Форобий ёзади: «У шу маънода барча нарсалар мавжудлигининг сабабики, у уларга абадий мавжудлик касб этади ва уларни номавжудликдан умуман халос этади»¹.

Форобий сабабият асосида илоҳийлик билан моддийликни бирлаштириб, материянинг ролини кўтаради.

Форобий талқинида модда кўплаб белги ва хусусиятларга, яъни у сифат, миқдор, субстанция, акциденция, имконият, воқелик, зарурият, тасодиф¹, сон, макон, замон кабиларга эга. Оллоҳ эса массага ҳам, насабга ҳам, таърифга ҳам эга бўлмаган зарурий вужуд — мутлақдир.

¹ Фарабий. Существа вопросы: Избранные произведения мыслителей Ближнего и Среднего Востока. М., 1968, 171-бет.

Форобий таълимотида, барча ер ва осмон сатҳлари жисмлик, яъни моддийлик хоссасига эга. Барча нарсаларни у олти турга бўлади; осмон жисмлари, ақлли ҳайвонлар (одам), ақлсиз ҳайвонлар, ўсимликлар, минераллар ҳамда тўрт элемент — олов, ҳаво, тупроқ ва сув. Сўнгги тўрт элемент жисмлик ва моддийликнинг, бинобарин ҳамма жисмларнинг асоси бўлиб, материянинг энг оддий (содда) турларидир, жисмларнинг қолған беш тури эса ана шу бирламчи элементларнинг қўшилиши натижасида вужудга келган.

Форобий таъкидлашича, «Ҳамма нарсалар учун умумий жисм — оламдир, оламдан ташқарида ҳеч нарса йўқ»¹. Жисм бўлиш хислати мавжуд ҳамма нарсаларнинг хусусиятидир.

Форобий табиат ҳодисаларига, мавжудотни талқин этишда ўз даври табиатшунослик фанларининг ютуқларида келиб чиқади.

Илмлар таснифи ҳақида. Форобий билимларни амалий (касб, ҳунар) ва назарий (фан) қисмга бўлади. Илмларнинг манбай — бу вужуддир, унинг турли хусусият ва сифатидир. Назарий билим доирасида фалсафа асосий ўринни эгаллайди. Форобий фикрича, фалсафа борлиқнинг моҳияти ҳақида, бутун мавжуд нарсаларнинг мазмуни ҳақида мукаммал ва тўлиқ билим берадиган фан бўлиб, билимнинг бошқа турларидан, хусусан, амалий билимдан фарқ қиласи ва ўзининг қонун ва қондаларига эгадир. Форобийда ҳам ўрта асрларга хос фалсафа «фанларнинг фани» тушунчаси ўз аксини топди.

Форобий қадимги Греция мутафаккирларининг фалсафа илми, жумладан, Шарқ фалсафасини ривожлантиришдаги ролини бир неча асарида маҳсус таъкидлаб кўрсатади².

Форобий ўрта аср шароитида барча маълум бўлган фанларнинг биринчи энг мукаммал таснифини яратди. Форобийнинг фанларни келиб чиқиши ва таснифи ҳақидалаги ғоялари унинг лотин тилига таржима этил-

¹ *Фарабий. Существа вопросы. См. Избранные произведения мыслителей Ближнего и Среднего Востока, М., 1961, 172-бет.*

² *Форобий. «Рисола ат-таҳсил ас-саадат» «Мажму-аррасоил». УзФА Беруний комидаги Шарқшунослик институти қўлбемалар фонди, иш. № 2865.*

ган «Фанларнинг келиб чиқиши»¹ ва арабча «Ихсо ал улум» каби иккита катта рисолаларида ўз аксини топган. Форобий «Ихсо ал улум» рисоласида барча фанларни бешта катта гурухга ажратади:

1. Тил ҳақида илм — бу етти бўлимдан иборат.
2. Логика — мантиқ.
3. Математика — бу, ўз навбатида, етти мустақил фанга бўлинади: 1. Арифметика; 2. Геометрия; 3. Оптика; 4. Планеталар (сайёralар) ҳақидаги илм; 5. Мусиқа ҳақидаги илм; 6. Оғирлик ҳақидаги илм; 7. Механика.
4. Табииёт илмлари ва илоҳиёт (ёки метафизика) ҳақидаги илмлар.
5. Шаҳарни бошқариш ҳақидаги илм (ёки сиёсий илм), физҳ — ҳуқуқшунослик ва қалом.

Форобий илмларнинг таснифида илмларнинг турли соҳаларини оддий санаб ўтиш билан чекланмай, балки қараб чиқилаётган билим соҳасининг предмети ва ўзига хос хусусиятларини, шунингдек билишнинг манбай ва таснифини ҳам ҳисобга олади².

Илоҳиёт — метафизика илми деганда умумий қоидалар ва мавҳум хусусиятлар ҳақидаги илм, яъни борлиқнинг бошланғичини ташкил этувчи умумий аксемалар бошланғич умумий тушунчалар ва ҳ. к. тушунилади. Бу Аристотель талқинидаги «Метафизика» илмидир. Метафизикага Форобий таснифида барча илмлар учун якунловчи ўринни ажратади.

Форобий фикрича, фанлар ва умуман билим борлиқдан келиб чиқиб, инсоннинг уларга бўлган эҳтиёжининг ўсиб бориши ва борлиқни узоқ вақт ўрганиши жараёнида муттасил ва изчил тўпланиб боради.

Илмлар бир-бири билан узвий боғлиқ ҳолда ва ўзаро яқин муносабатдадир. Форобийнинг тасниф ҳақидаги таълимоти Шарқдагина эмас, балки Европада ҳам катта роль ўйнади ва кейинги мутафаккирларга кучли таъсир кўрсатди.

Билиш ва мантиқ (логика) тўғрисида. Билиш муаммоларини таҳлил этишда Форобий ўз давридаги тиббиёт, математика, мусиқа, тил илмларидан ва бошқа фан соҳаларига доир билимдан ҳам фойдаланди. Та-

¹ *Фарабий. О происхождении наук.* См: приложение к кн. С. Н. Григоряна (*Из истории философии Средней Азии и Ирана. VIII—XII вв.*) М., 1960 г.

² *Форобий. Ихсо ал улум. Қоҳира, 1948 йил.*

биат одамдан ташқарида, унга боғлиқ бўлмаган ҳолда мавжуддир. Объект субъектга қадар мавжуд бўлади, «сезилувчи нарса сезгиларга қадар мавжуд бўлгани каби билинувчи нарса ҳам билимга қадар мавжуддир»¹.

Форобий таърифича, одам ўз билимларини ташқаридан, атрофидаги ҳодисалардан билиш жараёнида олади. Бу жараён ўз ичига кўп восита ва усуllibарни: сезги, идрок, хотира, тасаввур ва энг муҳими, мантиқий фикр, ақл ва нуқтai назарни олади. Мана шу воситалар ёрдамида у фанни ўрганади.

Форобий «Илм ва санъатнинг фазилатлари» рисоласида табиятни билишнинг чексизлигини, билиш билмасликдан билишга, сабабиятни билишдан оқибатни билишга, ҳодисадан, хусусиятдан моҳиятга ва ҳоказоларга қараб боришини таъкидлайди.

Форобийнинг кўрсатишича, одам пайдо бўлгандан кейин даставвал «озиқлантируви қувват» вужудга келади, унинг ёрдамида овқатланиш жараёни амалга ошади. Сўнгра шу билан боғлиқ бўлган сезги аъзолари (тури) пайдо бўлади, улар ёрдамида эса ҳис, тасаввур, хотира вужудга келади ва шундан сўнгтина «ҳаёл қуввати» ёрдамида киши билим ва ҳунар эгаллайди, хатти-ҳаракат ва хулқ-атвордаги тўзал нарсаларни амалга оширади, фойдали нарсаларни зарарли нарсалардан фарқлайди².

Форобийнинг кўрсатишича, инсоннинг барча қувватлари танасининг муайян аъзолари билан ўзаро моддий — сабаб асосида боғлиқ эканлигини таъкидлайди. «Бу қувватлардан бирортаси ҳам,— деб ёзди Форобий — моддадан ажралган ҳолда яшай олмайди»³.

Форобий инсон (руҳ) жонининг бир тандан бошқасига ўтиб, кўчиб юриши мумкинлигини инкор этади ва уни балки тан каби индивидуал «субстанциянинг бирлиги» сифатида тушунади. Унинг фикри изчил эмас эди. Бундай иккиланиш Аристотелга ҳам хос бўлган.

У билишнинг икки шакли, босқичини — ҳиссий ва хаёлий, ақлий билишни бир биридан фарқлайди. Одам-

¹ Форобий. Аристотель категорияларига шарҳлар. Қаранг: Избран. произведения мыслителей стран Ближнего и Среднего Востока. М., 1961, 191-бет.

² «Мажму ар-расоил», 241-бет.

³ Форобий. Фусус ал-Ҳикам. «Мажму гл-Фараби». Коҳира, 1907, 150—152-бетлар.

ни ташқи дунё билан боғлайдиган сезгининг ролига тўхталиб, Форобий уларни сезги аъзосига мувофиқ ра-вишда беш турга бўлади.

Сезгини дастлабки билимнинг манбаи деб ҳисобланган Форобий буюмнинг акс этиши ёки инъикоси ўша буюмнинг ўзига мувофиқ келса, сезги ҳақиқий бўлади, дейди. Форобийнинг билишда сезгининг роли ва уму-ман ҳиссий акс эттириш тўғрисидаги қарашлари Аристотелнинг «сезмаган одам ҳеч нарсани билмайди ҳам, тушунмайди ҳам», деган қарашларига жуда ўхшаб ке-тади.

Аввало, «одам ақл ва сезги воситасида билимга эга бўлиши»¹ билан ҳайвонлардан фарқланади. «Ақлий қувват» борлиқдаги нарсаларнинг фикрий акс этишини ўзида ифодалайди. Билиш жараённада ердаги нарсаларнинг моҳиятларини, сабабларини билиб олган ақл энди осмон жисмларини, уларнинг шаклларини билишга томон интила бошлайди ва ўзининг бу сўнгги босқи-чидаги инсонга ўз таъсирини кўрсатиб турувчи коинот ақл билан қўшилиб кетади ва мангулик хислатига эга бўлади.

Фаол ақл олам яратилишининг босқичларидан бири сифатида инсон билан бошланғич сабабни боғлашга хизмат қиласи, бошланғич сабаб эса фаол ақл билан бевосита ва унга таъсири кўрсатиб туради. Фаол ақл эса рух, жон билан боғланади, жон инсон танида мав-жуддир, шу тартибда «илоҳий ҳаёт» хислатлари инсонга ўтади, натижада инсоннинг моҳияти, билими — унинг ақли мангулик хислатига эга бўлади.

Шунга ўхшаш ақл муаммосига оид фикрлар илгор Шарқ мутафаккирлари Ибн Сино ва Ибн Рушдга ҳам хосдир.

Форобий талқинича «сезгининг ўзига мувофиқ тартиби бўлганидек ақлнинг ҳам ўзига мувофиқ тартиби бор». Биринчи усул табиий фанлар (физика) учун, иккинчи усул эса математикага хосдир, бу иккала усулдан ҳам жисмларнинг у ёки бу томонларини чуқурроқ билиш мақсадида фақат фанлар фойдаланади.

Форобий Аристотелга эргашиб якка буюмлар — бир-ламчи, мавжуд тушунча ва ғоялар эса иккиламчи ва аниқ буюмларни ақлда мавҳумлаштириш натижасида вужудга келади деб ҳисоблайди. Форобийнинг бундай

¹ «Мажму ар-расоил», 255- бет.

Роялари унинг универсаллар, умумий тушунчалар ҳақидаги фикрларида аниқ намоён бўлади. У «умумий тушунчалар — универсаллар якка субстанциялар мавжуд бўлгани учун ҳам мавжуддир»¹ ва уларнинг мавжудлиги умуман мавҳумдир деб ҳисоблайди.

Кўпгина манбаларда кўрсатилишича, мантиқ соҳасидаги хизматлари учун Форобийни «Мантиқий» деб ҳам юритишган. У Аристотелнинг мантиққа оид барча асарларига илмий шарҳлар ёзган ва уларни тартибга солган. Шунингдек у мантиққа оид қатор асарларнинг, жумладан, Стагиритнинг айрим қоидалари тақидига доир рисоланинг ҳам муаллифиdir.

Форобийнинг мантиқ масалаларига кўпроқ эътибор берининг асосий сабаби шундаки, у бунда илмий билиш усули мавжудлигини англаб етди, чунки бу унинг дунёқарашига мос келар эди. Форобий таълимотича, тафаккур ҳақиқатни билишга хизмат қилиб, бу йўлда у турли мантиқ бўлимларидан тушунча, ҳукм, холоса чиқариш, исботлаш кабилардан кенг фойдаланади. «Мантиқ,— деб ёзади Форобий,— фалсафанинг ёки бу қисмларida қўлланган ҳолларда назарий ва амалий санъатларни қамраб олувчи ҳақиқий билимни қўлга киритиш асбобидир».

Форобий мантиқ тушунчалари ва бўлимларини ишлаб чиқишга катта ҳисса қўшиди. Унинг мантиқ ва грамматиканинг ҳамда мантиқий фикр билан нотиқлик санъати (фикрни баён қилиш) нинг боғлиқлиги ҳақидаги фикрлари алоҳида диққатга сазовор.

Форобий мантиқ (логика) ни саккиз қисмга ажратди: 1) оддий иборалар — тушунчалар; 2) мураккаб иборалар — гап; 3) силлогизмлар — холоса чиқариш. Қолган бешта қисм эса фикр юритишнинг шакли ва усулига оидdir: а) исботлаш (далиллаш) усули, б) диалектик усул (ёки баҳслашиш) усули; в) софистик (ёки ёлғонни ҳақиқат қилиб кўрсатишга қаратилган) усул; г) нотиқлик; д) шеърият. Бу бешта усул силлогистик санъатнинг турли хилдаги кўринишлари бўлиб, исботлашга таянади².

Форобий мантиқий фикрлашнинг асосий шакллари: тушунча, ҳукм ва силлогизм — холоса чиқаришга жуда катта эътибор беради. Форобий фикрлашнинг айрим

¹ : Г. Форобий. Аристотель «категориялар» ига шарҳлар, 177—178-бетлар.

² Қаранг: Форобий. Ихсо ал-улум. Қоҳира, 1918, 60—68-бетлар.

элементларини фақат мантиқ нүқтәи назаридан эмас, балки табиатшунослик нүқтәи назаридан ҳам баҳолайди. Форобий тафаккурнинг энг мураккаб жараёни силлогизмга зўр қизиқиш билан қараб, уни ўрганишга жуда катта эътибор берди.

Форобийнинг руҳий жараёнлар, унинг билиш ва мантиқ тизими ҳақидаги таълимоти ўрта асрлар фалсафасининг катта ютуғи эди. Бу билишининг ақидапарастлик усулидан ҳамда Фаззолий томонидан қўллаб-қувватлашган диний ақидага исботсиз ишониш назариясидан фарқ қиласди.

Жамият ва ахлоқ тўғрисида. Форобий ўрта аср мутафаккирларидан биринчи бўлиб жамиятнинг келиб чиқиши ва давлатни бошқаришнинг асоси ҳақидаги билимлар тизимини ишлаб чиқди. У бу масалаларни бир қатор асарларида батафсил баён этиб берди. Унинг бу хизматлари жаҳон тарихий-фалсафий адабиётларida тан олинниб, юксак баҳоланди. Форобий ўз асарларида хусусан бир қатор муҳим ижтимоий масалаларни ёритишга уринди, булар:

- 1) Ижтимоий ҳаёт ҳақидаги фан ва униңг вазифаси;
- 2) Инсон жамоасининг вужудга келиши, таркиби ва турлари — бу соҳадаги турли фикрлар; 3) Шаҳар — давлат жамоасининг ҳаёти ва фазилати, давлатнинг фаролияти — вазифаси ва уни бошқариш шакллари; 4) Инсоннинг жамиядаги ўрни ва вазифаси, ақлий, ахлоқий камолоти масалалари; 5) Давлат жамоасининг мақсад ва вазифалари, инсонни баҳт-саодатга эриширишнинг усул ва йўл-йўриқлари. Бу масалалар талқини Форобийнинг иқтисодий, сиёсий ҳуқуқшунослик (давлатшунослик), ахлоқий ва педагогик қарашларини бир бутун ҳолда қамраб олади.

Форобий талқинича, ижтимоий ҳаёт ҳақидаги илм, шаҳар — давлат ҳақидаги илм, (илм-ал-маданийа), ахлоқ ҳақидаги илм, ҳуқуқшунослик — фиқҳ ва мусулмон илоҳиёти — каломдан иборатdir.

Унингча, бу фанлар а) турли гурӯҳдаги кишиларнинг онгли ҳаракатларини, хулқ-одатларини, ахлоқ қоидаларини, табиий майлларини, районларини ва ҳ. к; б) кишиларнинг яшашдан мақсадларини ва улар қандай, қайси йўллар билан амалга оширилишининг усул ва шаклларини; в) кишиларнинг ҳаракатларини бошқариш ва бу бошқаришнинг йўл-йўриқлари ҳамда усулларини ўрганади.

Форобий фикрича, давлатни бошқариш икки хил бўлади: инсонларни ҳақиқий ва хаёлий, сохта баҳтга олиб борадиган давлат тузиш, давлатни бошқариш санъати эса бошқаришнинг умумий қонунларига биноан назарий билимларга ва шунингдек давлатни боқаришнинг амалий талабларига асосланади.

Форобий жамиятнинг келиб чиқиши устида мулоҳаза юритар экан, зўравонлик ва мажбурлаш таълимотини инкор этиб, у инсон жамоасининг келиб чиқиши асосида табиий эҳтиёж ётганлиги ҳақидаги назарияни олға суради. Табиий эҳтиёж кишиларни бир-бирлари билан бирлашишга, жамоага уюшишга, ўзаро ёрдамга олиб келади. Ана шу ўзаро ёрдам туфайли эҳтиёж қондирилади. Кишилар ўртасидаги ўзаро ёрдам инсон жамоасини келтириб чиқаради¹.

Форобий талқинича, инсоният жамияти турли халқлардан ташкил топган бўлиб, улар бир-бирларидан тиллари, урф-одатлари, малакалари, хусусиятлари билан фарқ қиласидилар².

Форобий давлатларни — ўз аҳолисини баҳт-саодатга етакловчи ёки идеал — фозил ҳамда жоҳил давлатга ажратади ва ўз навбатида, бундай давлатларнинг бир қанча тури мавжудлигини ҳам таъкидлайди. У идеал — фозил шаҳар (давлат) энг адолатли, юксак ахлоқли ва маърифатли раис — раҳбарни ўзида мужасасам этган донишманд томонидан бошқарилиб, бу давлат — шаҳар аҳолисининг ўзаро кўмаклашувига, бир-бирига ёрдам беришига асосланади, деб ҳисоблайди.

«Одамларга нисбатан,— деб ёзади Форобий,— уларни бирлаштириб турувчи иотидо — инсонийликдир, шу туфайли одамлар одамзод туркумига оид бўлганлиги учун ҳам ўзаро тинчликда яшамоқлари лозим»³.

Форобий идеал (фозил) давлатни кишининг соглом организмига ўхшатади, инсон танининг саломатлигини сақлаш, унинг нормал фаолиятини давом эттириш учун унинг аъзолари доимо бир-бирларига боғлиқ ҳолда ўзаро ёрдам бериб туради.

¹ *Фарабий*. Трактат о взглядах жителей добровольного города. Керанг: С. Н. Григорян. Из истории философии Средней Азии и Ирана VII—XII вв. М., 1960 г. 136-бет.

² *Форобий*. Ас сиёсат ал-маданийа. Ҳайдаробод, 1927.

³ *Фарабий*. Трактат о взглядах жителей добровольного города. С. Н. Григорян китоби, 158-бет.

Форобий фозил (идеал) ва жоҳил шаҳарларни бирбири билан таққослаб, ўз замонасида бўлиши мумкин бўлган мавҳум давлатни таърифлайди. Фозил шаҳарда хусусан касб-хунарга катта эътибор берилади, чунончи, деҳқончилик, чорвачилик, тўқувчилик, балиқчилик билар муҳим аҳамиятга эга бўлади. Бироқ Форобий бунинг ижтимоий моҳиятини тўла тушуниб етишдан анча узоқ эди, чунки у яшаган давр шуни тақозо қилган.

Форобий бошқа ҳалқларни босиб олиб, улардан қуллар сифатида фойдаланишга, ўз бойлигини, фаровонлигини таъминлашга асосланган давлатниadolatsiz, жоҳил, босқинчи давлат деб инкор этади.

Форобий ўзининг фозил жамоасида одамларни турли белгиларига қараб ҳар хил гуруҳларга бўлади ва бунда уларнинг аввало ақлий қобилиятларига, илмларни ўрганиши ва ҳаётий тажриба тўплашлари жараёнида ортирган билим ва кўникмаларига катта аҳамият беради. Форобий дин эркинлиги тарафдори бўлади¹. Зоро, ижтимоий такомилга ва умумий баҳт-саодатга илм ёрдамида эришилади.

Давлат ташқи ва ички фаолиятга эгадир. Унинг ташқи фаолияти ўз аҳолисини ташқи хуруж, душманлардан ҳимоя қилишдан иборат, ички фаолияти — аҳолининг баҳт-саодатга эришуви учун зарур бўлган вазифаларни амалга оширишдан иборат. Форобий давлатни бошқаришнинг уч усулини кўрсатади: якка шахс ҳокимияти, кишиларнинг катта бўлмаган гуруҳи ҳокимияти ҳамда давлатни ҳалқ сайлаб қўйган ҳар томонлама етук шахслар томонидан бошқарилиши².

Форобий таъбирича, юқори маданиятли шаҳарларда, ҳар ким ўз истаган касб-хунарига эга бўла олади, барча учун тўла эркинлик ва тенг ҳуқуқлилик ҳукмрон бўлади ва якка ҳокимиятичилик бўлмайди. Бу шаҳарларнинг аҳолиси ўзи ўз ичидан бошлиқ сайлайди.

Форобий давлат бошлигининг энг зарур фазилатлари сифатида мулоҳазали бўлишни,adolatparvarlikni, камтарликни, ҳақиқатни севишни ва энг асосийси ақллиликни алоҳида қайд қиласи. Фозил давлат бошлиғи — ўқитувчи сифатида ўз ўқувчиси — аҳолисига илм ёрдамида баҳт-саодатга эришиш йўлларини ўргатади.

¹ Форобий. Ас-снёсат ал-маданийа, 56-бет.

² Уша жойда, 60—71-бетлар.

Форобий бу фазилатларни бир кишида мужассамлаштириш мумкин эмаслигини тушуниб, ана шу фазилат турларини ўзида мужассамлаштирган шахслар биргалашиб давлатни идора этишлари мумкин, дейди. «Билим,— деб кўрсатади Форобий,— яхши хулқ-атвор билан безалган бўлиши керак».

Форобий "фикрича, ижтимоий такомилга ва умумий баҳт-саодатга илм ва маърифат ёрдамида ҳосил қилинадиган ақлий ва ахлоқий фазилатларнинг қўлланиши туфайли эришилади.

Ҳақиқий баҳт мавжуд нарсалар тўғрисидаги, уларнинг келиб чиқиш сабаби ҳақидаги ва ниҳоят сўнгги бошланғич сабаб — биринчи сабаб ҳақидаги билимни эгаллаш ва билиш орқали қўлга киритилади¹. Ҳақиқий баҳт ва камолат ҳар қандай ёвузлик бартараф этилган, инсон руҳи ва ақли эса моҳияти ва барча эзгу ишларни билишда энг юксак даражага эришганда дунёвий руҳ ва дунёвий ақл билан қўшилган пайтда бошланади. Инсон (тани) ўлади, лекин у ҳаётийлигида қўлга киритган баҳт, маънавийлик йўқ бўлмай, балки умумий дунёвий ақлга қўшилиб кетади.

Форобий илмни ва унинг асосидаги донолик, ақлни баҳтга эришишнинг асосий воситаси сифатида талқин этади; унингча ақл ва фан ёрдамида шундай маънавийлик даражасига кўтарилиш мумкини, бу маънавийлик авлодлар ўлимидан кейин ҳам инсоният учун хизмат қиласи. Ҳар қандай одам ўз мақсадига ердаги ҳаётда эришиши мумкин, унинг энг яхши орзу-умидлари мангутир.

Унинг фозил давлат, адолатпарварлик ҳақидаги таълимоти, умумий ўзаро ёрдам, тенг ҳуқуқлик ҳақидаги фикрлари ўз даври учун ва сўнгги ижтимоий ривожланишда муҳим аҳамият касб этади.

Форобий инсон жамоасининг келиб чиқишни асосида табиий эҳтиёж ётганлиги ҳақидаги фикрни илгари суряди.

Форобий динга, исломнинг асосий манбаи Қуръонга ниҳоятда катта ҳурмат ва ишонч билан қаради. Уни ахлоқ-одобнинг асоси деб билди. Лекин ундан фойдаланиб, ўз шахсий манфаатларини амалга оширишга уринувчи, жаҳолатга тортувчи дин арбобларидан юз ўғирди.

¹ Форобий. Китоб таҳсил ас-саадат. Ҳайдаробод, 1927.

Форобийнинг дунёқараши IX—X асрларда эришилган маданий ютуқларнинг якуни деса бўлади. «Шарқ Аристотели» Форобий ўз таълимотида улуғ ўтмишдошларининг Яқин ва Урта Шарқда эришган маданий ютуқларини ривожлантиришга ҳаракат қилди.

Форобий инсон ақлиниң билиш қобилиятларини аниқлашга интилади ва унинг мантиқий тузилишини батафсил таҳлил қиласди, инсон ақлиниң аҳамиятини юксакликка кўтаради. У илк Урта аср шароитида биринчи бўлиб инсонпарварликка асосланган ижтимоний тузум, давлатни бошқариш, инсонларни баҳт-саодатга элитувчи жамоа ҳақидаги таълимотни олға сурди, барча халқларнинг ўзаро ёрдам ва дўстлик асосида яшаши хусусида мулоҳаза юритди.

Форобий — утопист сифатида ҳақиқати парварликка асосланган эркин, «идеал давлат» нинг ўринатилишини орзу қиласди, унга эришиш манбай илм-фандада эканлинини таъкидлайди.

Форобий ғоялари фақат Шарқдагина эмас, балки Европада ҳам илғор ижтимоий-фалсафий фикрининг кейинги тараққиётида муҳим роль ўйнайди.

Бу ғоялар кейинчалик Ибн Сино, Ибн Рушд ва бошқа мутафаккирлар асарларида ривожлантирилиб, Европада XVI—XVII Ўйғонин даври илғор фикрларининг вужудга келишига алоҳида таъсир кўрсатди.

Европада кейинчалик XIII—XIV асрларда шаклланган аверроизм деб номланувчи ҳурфикрлилик оқимининг вужудга келишида Форобий таълимотининг роли каттадир.

Форобийнинг ижтимоий-сиёсий ва ахлоққа оид ғоялари, яъни унинг умумбахт — фозил давлат ва маърифатпарвар, доно давлат раҳбари ҳақидаги таълимоти жуда ҳам машҳур бўлиб кетди.

7. АБУ АБДУЛЛОҲ АЛ-ХОРАЗМИЙНИНГ ИЛМИЙ-ФАЛСАФИЙ ҚАРАШЛАРИ

Абу Абдуллоҳ ал-Хоразмий ҳақида жуда оз маълумот сақланиб қолган: олимнинг тўлиқ исми Абу Абдуллоҳ Мухаммад ибн Аҳмад ибн Юсуф ал-Хоразмий бўлиб, унинг ёшлиги Хоразмнинг Хива, Замаҳшар ва Қиёт шаҳарларида ўтган. Олим Хурросонда ҳам яшаган. У 976—997 йилларда ҳукмронлик қилган Сомоний Нуҳ II нинг вазири Абул Ҳасан ал-Утбий (977—982)

хузурида қотиб бўлиб хизмат қилган даврда жуда машҳур бўлган эди. У «ал-котиб ал-Хоразмий» номи билан ҳам мушҳурдир. Олим сомонийлар давлатининг пойтахти бўлмиш Бухорода тез-тез бўлиб турган ва у ерда замонасининг кўпгина алломалари билан ҳамсуҳбат бўлган. Ал-Хоразмий 997 йилда вафот этган.

Олимнинг дунёқараши ўз даврида кенг тарқалган қадимги юон фалсафаси, шунингдек Ёқуб иби Исҳоқ ал-Киндий, Абу Наср ал-Форобий, Абу Бакр ар-Розий ҳамда Ўрта Осиёда кенг тарқалган мутазилийлар таъсири остида шаклланди.

Абу Абдуллоҳ ал-Хоразмийнинг бизгача етиб келган ягона асари «Мафотиҳ ал-улум» («Илмлар қалитлари») дир. Бу асар ўрта асрларда фанларнинг ривожланиши тарихига молик камёб манба сифатида кўпгина олимларнинг эътиборини тортган. Асарнинг 1160 йилдаги қўлләзмага асосланган матнини 1895 йили голланд шарқшуноси ван Флотен нашр этган.

Ўрта Осиёнинг йирик файласуфлари қадимги юон мутафаккирлари ва асосан Арасту асарларида кўтарилиган ғоя ва масалаларни ўз даври ва шароитига мослаб такомиллаштирилдилар. Хоразмий ўз диққат-эътиборини фанларни, айниқса фалсафани ўрганишга қаратди. У «Мафотиҳ ал-улум» да ўрта асрлардаги фанларнинг ривожланиши ва ҳолатини анча мукаммал акс эттириди. Бу асар —«Илмлар қалитлари» ўзига хос қомусий асар бўлиб, ўз ичига ўша даврдаги деярли ҳамма асосий илм соҳаларини қамраб олган. Муаллиф асарда ўз давридаги ҳар бир фаннинг мазмунини унинг атамаларини шарҳлаш йўли билан тушунтириб беради. Ушбу асарда фалсафа, мантиқ, тибб, илму-н-нужум, мусиқа ва бошқа фанларнинг асослари берилган. Ал-Хоразмий ўша даврда юқори даражада ривожланган фанларни маълум тартибга тушириш ва тасниф қилишни ўз олдига вазифа қилиб қўяди.

Асарнинг кириш қисмida «...мен бу асарни («Мафотиҳ ал-улум»ни — Р. Б.) икки қисмдан иборат қилиб туздим. Биринчи қисм шариат ва у билан бөглиқ араб илмларига, иккинчи қисм эса араб бўлмаган, яъни юонлар ва бошқа халқлар илмларига бағишланган...»¹ деб ёзди.

¹ Мафотиҳ ал-улум, 132-бет. ЎзФА Беруний номидаги Шарқшунослик институти қўлләмалар фонди.

Асарнинг биринчи «араб» илмлари қисмига ўн бир бобдан иборат фиқҳ, етти бобдан иборат калом, ўн икки бобдан иборат грамматика, саккиз бобдан иборат иш юргизиш, беш бобдан иборат шеърият ва аруз, тўқ-қиз бобдан иборат тарих киритилган. Иккинчи қисмига эса «араб бўлмаган» қўйидаги илмлар: уч бобдан иборат фалсафа, тўққиз бобдан иборат мантиқ, саккиз бобдан иборат тиббиёт (медицина), беш бобдан иборат арифметика, тўрт бобдан иборат ҳандаса (геометрия), шунингдек тўрт бобдан иборат илму-н-нужум (астрономия), уч бобдан иборат мусиқа, икки бобдан иборат механика ва уч бобдан иборат кимё киритилган. Шундай қилиб, асар икки қисмдан иборат бўлиб, унинг тўқсон уч бобида ўн беш фан баён этилган.

Кўпчилик бўлимларнинг биринчи бобларида асосан у ёки бу фаннинг атамалари ва уларнинг келиб чиқиши, сўнгра уларда оддийдан секин-аста мураккабга ўтувчи назарий маълумотлар ва охирида, одатда, нодир ҳолат ва далиллар берилади.

Диққатга сазовор бўлимлардан бири — фалсафа бўлиб, унинг биринчи «фалсафанинг қисмлари ҳақида» — бобида перипатетикларнинг (Аристотель таълимоти тарафдорлари) энг яхши намояндалари фикрлари мужассам бўлган илмлар таснифи ва унинг асослари берилган. Унинг таснифига қадимги Юондаги биринчи таснифлар анъанаси ва ўрта асрлик Шарқ ўтмишдош олимларнинг илмларни тартибга солиш таклифлари акс этган.

Фалсафани ал-Хоразмий Арасту каби иккига, яъни назарий ва амалий қисмларга бўлади. Назарий қисми эса ўз навбатида учга: физика, математика ва метафизикага бўлинади. Бу бўлиниш модда ва шаклнинг ўзаро муносабатига асосланади. Шунинг учун физика — ал-Хоразмий таъкидлашича, «элемент ва моддага эга бўлган нарсаларни ўрганувчичи» фандир. Физикага, олим фикрича, тиббиёт, метеорология, кимё, механика киради.

Математиканинг предмети «ўзи материядада мавжуд бўлган нарсаларни» — миқдорлар, шакллар, ҳаракатлар ва жисмларга тааллуқли бўлган нареаларни ўрганишдир. Абу Абдуллоҳ математикани «солий илм — илоҳиёт ва қуий илм — табииёт оралиғидаги ўртанча» илм деб ҳисоблайди. Математикага кирадиган фанлар — арифметика, яъни сон ва ҳисоб илми, иккинчиси геомет-

рия, яъни ҳандаса илми, учинчиси астрономия, яъни илмун-нужум ва тўртингиси мусиқа илми, яъни кўй (оҳанг) илмидир»¹.

Абу Абдуллоҳда олий, илоҳий илм деб аталмиш метафизика назарий фалсафанинг бир қисми бўлиб, у «элемент ва моддадан ташқарида бўлган нарсаларни ўрганувчи»² илмидир. Бу илм, материяга боғлиқ бўлмаган, яъни умумий тушунчалар ва категориялар ақл, жон (нафс), табиат ва ҳоказоларни ўрганади.

Мантиқ (логика) гарчи алоҳида берилган бўлса ҳам назарий фалсафа қисмida зикр этилади. «Мантиқнинг ўзи бир илм ва унинг бўлаклари кўп...»³.

У амалий фалсафа қисмida «одам ўзини бошқариши», яъни этика (ахлоқшунослик), «ўйни бошқариш», «жамоатни бошқариш», яъни сиёсатни кўриб чиқади⁴.

Абу Абдуллоҳнинг илмлар таснифи умумий ҳолда қўйидагича:

I. «Шариат» илмлари ва уларни таъминлаш билан боғлиқ бўлган «араб» илмлари:

1. Фиқҳ, яъни ислом ҳуқуқшунослиги.
2. Қалом, яъни ислом асослари.
3. Грамматика (сарф ва наҳв).
4. Иш юритиш.
5. Шеърият ва аруз.
6. Тарих.

II. Назарий фалсафа:

а) табииёт илмлари ва физика (тибб, об-ҳавони аниқлаш, минералогия, кимё, механика кабилар)—
б) қўйи илмлар (арифметика, геометрия, астрономия, мусиқа)— ўртанча илм;

- в) илоҳиёт, яъни метафизика — олий илм;
г) мантиқ.

III. Амалий фалсафа:

- а) этика (инсон ўзини бошқариши);
б) ўйни бошқариш;
в) сиёсат — шаҳар, давлатни бошқариш.

«Мафотиҳ ал-улум» даги илмлар таснифи ҳар бир илмнинг предметини аниқлаш ҳамда қисқа ва аниқ

¹ Мафотиҳ ал-улум, 133- бет.

² Уша ерла, 132- бет.

³ Уша ерда, 132- бет.

⁴ Уша ерда, 133- бет.

ҳолда уларнинг мазмунини ёритиш билан биргаликда олиб борилади.

Назарий фалсафани бўлакларга ажратишида, таснифда кўриниб турганидек, аввал табиий илмлар, сўнгра математик ва илоҳий, охирида эса мантиқ берилади. Аммо, уларни, китобда «араб бўлмаган» илмларни баён этишда Абу Абдуллоҳ бошқачароқ йўлни — янги йўлни қўллади ва ана шу орқали китобнинг иккинчи қисми тузилишини белгилайди. Бунда аввал фалсафа ва мантиқ, сўнгра тибб, арифметика, геометрия, астрономия, мусиқа, механика ва кимё берилади.

Илмларни икки катта гурухга — «шариат» ва «араб бўлмаган» илмларга бўлиш билан Абу Абдуллоҳ улар ўрганадиган предметларнинг турличалигини ва ўзаро бир-бирига нисбатан мустақиллигини қайд этади. Олим тарафидан илмларни алоҳида-алоҳида ўрганиш эса уларни диний илмга боғлиқликдан озод қиласди.

Фалсафий масалалар «Мафотиҳ ал-улум» да «Олий илоҳий илм (метафизика) нинг жумлалари» ҳамда «фалсафада ва фалсафий китобларда кўп учраб турдиган сўзлар ҳақида» бобларида кўрилади. Арасту фалсафаси шубҳасиз Абу Абдуллоҳ ал-Хоразмийга дастураламал бўлган».

Ал-Хоразмий борлиқни зарурӣ ва мумкин бўлган турга бўла туриб, Абу Наср ал-Форобий сингарӣ ташқи мавжуд олам билан бир қаторда худони бирламчи сифатида мавжудлигини эътироф этади ва айни вақтда табиатнинг мустақиллигини таъкидлаб ўтади. Зарурӣ бўлган борлиқ маъносидаги у худони тушунади.

Фалсафий атамаларни талқин қилишда Абу Абдуллоҳ ўз даврининг перипатетик (Аристотель таълимоти тарафдорлари) фалсафа ютуқларини умумлаштиради. Ҳар бир нарсани материя ва шакл бирлиги сифатида кўриб, олим материяни шакл қабул қила оладиган субстанция, шакл тушунчасини эса — бирламчи материя қабул қиласиган образ, кўринишда деб тушунтиради. Абу Абдуллоҳ фикрича, фалак, юлдузлар, тўрт злемент асосидаги бирламчи материя умуман моддийликнинг асосидир. Нарсаларнинг материя ва шаклда аниқ бирлигини таъкидлаб, «жисм бирламчи материя ва шаклдан иборатдир, шаклдан ажраган материя фақат хаёлдагина борлиққа эга»¹ дейди. Моддийликнинг асоси

¹ Мафотиҳ ал-улум, 136-бет.

олов, ҳаво, сув, тупроқ (ер) каби тўртта бирламчи элемент орқали ифода этилган.

Абу Абдуллоҳ нарсаларни икки кўринишга ажратади: элементар, яъни бирламчи ва хосила, мураккаб жисмлар. У моддий олам асосининг бўлаклари орасида қатъий чегара бўлишини инкор этади ва тўрт моддий элементни бир-бирига айланishiни тан олади. Оламдаги ҳар бир ҳодиса ўзининг аниқ макони ва маълум замонига эга бўлиб, унинг ўзгаришига табиий қонунларгина сабаб бўлади. Абу Абдуллоҳ нарсалар ўзгаришини мутакаллимлар сингари илоҳий тақдир билан боғламай, балки у табиат қонунларига боғлиқлигини кўрсатади. Ҳар бир ҳодисанинг маълум сабаби ва макони бўлиб, у бундан ташқарида бўлиши мумкин эмас.

Ал-Хоразмий замон ва маконни моддий олам борлигининг асосий шакллари ва, шунингдек, умуман моддий оламдаги ўзгариш сифатида материя билан ҳаракатнинг ўзаро чамбарчас боғлиқлигини тан олади. «Замон — ҳаракат билан белгиланувчи муддатдир, масалан, фалаклар ва бошқа ҳаракатланувчи жисмлар (нарсалар) ҳаракати»¹. Бундан ташқари кўриниб турибдики, Абу Абдуллоҳ ал-Хоразмий макон, замон, муддат, табиий жисм ва бошқа бир қатор фалсафий даражаларга талқин беради. Ана шу талқинда олим уларни перипатетик фалсафадаги тушунчаларни асосида ва баъзи бирларига эса янгилик, яъни ўрта аср Яқин ва Урта Шарқ фалсафий фикри эришган ютуқларни киритади.

Абу Абдуллоҳ объектив оламнинг чексизлигини тан олиб, бўшлиқ борлигини, гарчи баъзи файласуфлар (масалан, Демокрит) таъкидлаган бўлса ҳам у инкор этади. Бироқ, у Арасту издоши сифатида, моддий бўлмаган мустақил асослар — ақл, нафс ва бошқаларни тан олади. Нафс кўринишларини талқин қилиш умуман ўрта аср Шарқ фалсафасида кенг тарқалган эди. «Мафотиҳ ал-улум» муаллифи платонизмнинг асосий томонларини, яъни қандайдир асослар олами борлигини танқид қиласди.

«Ақл» тушунчасини талқин қилишда Абу Абдуллоҳ «фаол ақл», «моддий ақл», «кортирилган ақл» каби кўринишларини шарҳлайди (ақлнинг бу кўринишлари

¹ Мафотиҳ ал-улум, 137- бет.

ал-Форобий, Ибн Сино ва бошқа Шарқ перипатетикларида кенг ўрин олган). Ал-Хоразмий «орттирилган ақл» ни инсоннинг фаолияти ва билиш харакатлари самараси сифатида изоҳлайди. У «Табиат — бу табиий оламдаги ҳар бир нарсани бошқарувчи кучdir; табиий олам эса, Ой фалаги остидан то Ер марказигача бўлган дунёdir (борлик)»¹ — деб таъкидлайди.

Уша даврнинг долзарб масалаларидан бири — жисмларнинг чексиз бўлинишига келганда, «Мафотиҳ ал-улум» муаллифи уни мавҳум мумкинлигини таъкидлайди ва борлиқнинг асоси пайдо бўлиши ва ғойиб бўлиши мумкин эмаслигини исботлаб, уни хаёлӣ бўлиниш» дейди. Бироқ аниқ моддий бўлинишга келганда у; «Табиий, яъни моддий бўлинишнинг ишояси бўр, чунки бўлинаётган нарса табиатан энг кичик ҳолатгача бўлинади. У, файласуфлар айтганидек, ҳисобий идрок этишга жуда нозикдир»² дейди. Ал-Хоразмийнинг бу хуносаси уни қадимги юон мутафаккирлари Левкип ва Демокрит жисмларнинг бўлинмас бўлаклари — атомлар ҳақида илгари сурган ва асослаган фаразининг тарафдори эканлигидан далолат беради.

Перипатетизмнинг Абу Абдуллоҳ дунёқарашига таъсири унинг гносеологик қарашларида ҳам акс этади. Бунда у ўзини билиш масалаларида материализмга яқинлашиб, билимни объектив воқеликнинг инъикоси сифатида талқин қилади. Олим, Арасту сингари билимнинг биринчи манбай сезги ва идрок деб ҳисоблайди. Абу Абдуллоҳ ал-Хоразмийнинг гносеологик таълимоти унинг, бошқа арабийнавис файласуфлар сингари, мөҳият деб ҳисоблаган одам жони (нафси) таълимоти билан чамбарчас боғлиқ. У, Арасту каби, нафснинг уч, яъни ўсимлик, ҳайвоний ва онгли тури борлигини таъкидлайди.

Абу Абдуллоҳ ал-Хоразмий дунёқарашининг муҳим томонларидан бирни шундаки, унинг кенг билими илмнинг кўп жабхаларидаги масалаларни тушунишга объектив ёндошишга ёрдам берганлигини шоҳиди бўламиз. Хусусан унинг тибб, одам анатомияси ва физиологияси соҳасидаги билими ҳиссий сезгининг моддий асослари ни қидиришга ёрдам берди. «Шахсий руҳ — у мияда

¹ Мафотиҳ ал-улум, 135- бет.

² Уша жойда, 138- бет.

³ Уша жойда, 139- бет.

бўлиб, ундан бадан аъзоларига асаб орқали тарқалади»³. Ўрта аср Шарқ перипатетиклари учун ақл билимнинг яна бир манбаидир. Улар ақлни икки турга — туғма ва орттирилган ақлга ажратишиди. Абу Абдуллоҳ ақлни одам нафсининг кучларидан бири деб ҳисоблаб, юқорида қайд этилган уч турга бўлади.

Умуман олганда, Абу Абдуллоҳ ал-Хоразмийнинг фалсафий қарашлари ўз даври илмий маданияти ва дунёқарашининг ривожига маълум ҳисса бўлиб қўшилди.

8. АБУ АЛИ ИБН СИНОНИНГ ИЛМИЙ-ФАЛСАФИЙ ВА ИЖТИМОИЙ ҚАРАШЛАРИ

Ибн Сино Ўрта Осиё, бутун мусулмон Шарқи табиий-илмий ва ижтимоий-фалсафий фикрининг буюк нағояндаси, тиббиёт, фалсафа, қатор табиий-илмий фанлар, бадиий адабиёт соҳалари бўйича кўплаб асарлар муаллифи, машҳур қомусий олим — мутафаккирдир.

Ибн Сино Ўрта аср фалсафий, табиий-илмий, ижтимоий-сиёсий, ахлоқий фикрлар тарихига буюк ҳисса қўшди. Форобий ўз хизматлари, қомусий ақли учун Шарқда «ал-муаллимус — соний»—«Иккинчи муаллим» (Аристотель «биринчи муаллим» деб юритилган) деган ном билан машҳур бўлган бўлса, Ибн Сино «Шайх урраис» (олимлар бошлиғи) деб ном қозонди. Ибн Синонинг таржимаи ҳоли унинг шогирди Абу Убайд Жузёниний томонидан устози тилидан ёзиб олинган.

Ибн Сино 980 йили Бухоро яқинидаги Афшона қишлоғида туғилди. Бу даврда Бухоро Сомонийлар давлатининг маркази бўлиб, ҳунармандчилик, савдо-сотиқ энг ривожланган, иқтисодий, илмий ва маданий томондан тараққий этган шаҳарлардан ҳисобланар эди. Айниқса Бухоронинг китоб бозорлари ва кутубхоналари бутун Шарқда машҳур бўлиб, бу ерда шарқнинг шоир, олим-фозиллари йиғилиб турар эдилар. Маълумки, тарихда Сомонийлар давлати арабларга қарши қатор халқ қўзғолонлари натижасида халифаликдан мустақил бўлиб ажраб чиққан биринчи ерли феодаллар давлати сифатида маълум. Ибн Сино туғилган, ўсиб, улғайган давр Сомонийлар давлати ўз умрининг сўнгги йилларини бошидан кечираётган ва Ўрта Осиёнинг жанубида янги феодал давлати Газнавийлар ҳукмдорлиги, Шарқда эса қудратли Қораҳонийлар давлати вужудга келаётган бир давр эди.

Еш Ибн Синонинг Бухородаги ҳаёти унинг илм жиҳатдан шаклланишига катта таъсир кўрсатади. Бу ерда у мактабда ўқиди, турли устозлардан таълим олиб, ўз даври илмлари — математика, мантиқ, астрономия, қонунишнослик, физика, фалсафа асосларини эгаллай бошлади, у хусусан тиббиёт илмини эгаллашга қизиқди, табиблик билан шуғулланди. 999 йилда Бухоро Қорахонийлар томонидан босиб олинади. Ибн Сино 1002 йили Хоразмга кетади. Ибн Сино бу ерда ўз даврининг етук олимлари Абу Райҳон Беруний, Масиҳий, ибн Ироқ, Абу Ҳайр Ҳаммор кабилар билан мулоқотда бўлади. Фазнавийлар давлатининг асосчиси Маҳмуд Фазнавий босқинчилик урушларини кучайтириб, Хоразмга хуруж қила бошлагач, Фазнавий таъқибидан қочиб Ибн Сино Эроннинг турли шаҳарлари — Нишопур, Рай, Журжон, Исфахон ўртасида сарсон бўлиб юришга мажбур бўлади. Умрининг сўнгги йиллари Ҳамадонда сарой табиби ва вазирлик лавозимида хизмат қилиб, шу ерда 1037 йил 18 июнда 57 ёшда вафот этади¹.

Ибн Сино ўз даврининг илғор таълимотлари, хусусан қадимги юнон илмий мероси билан танишди, уларни ўз дунёқарашида умумлаштириди. Узидан аввал ўтган қатор олим — фозиллар Хоразмий, Қиндий, Закария Розий, Форобий асарлари билан бирга юнон олимлари Гален, Гиппократ, Евклид, Архимед, Пифагор, Порфирий, Платон, Аристотель асарларини ўрганди. Айниқса Форобий асарлари Ибн Синонинг фалсафий ва ижтимоий қарашларига катта таъсир кўрсатди. Ибн Сино ўз асарларида Форобийнинг «Метафизика тезислари», «Ҳикмат асослари», «Икки файласуф фикрининг келишуви», «Катта музинка китоби» рисолаларидан фойдаланганлигини қайд қиласди.

Форобий ва Ибн Сино фалсафаси на фақат Мовароуннаҳр, балки бутун мусулмон Шарқидаги ижтимоий фалсафий таълимотларнинг асосини ташкил этади.

Ибн Сино 450 дан ортиқ асар қолдирди, шулардан 190 га яқини фалсафа, мантиқ, психология, ахлоқшнослик ва ижтимоий-сиёсий масалаларга бағишлилангандир. У қатор фалсафий-бадний қисса ва шеърларнинг ҳам муаллифидир. Бизгача Ибн Сино асарларининг

¹ Дунёнинг турли тилларида ибн Синонинг ҳаёти ва илмий фолияти меросига бағишлиланган қатор асар, мақолалар нашр этилган.

100 тачаси етиб келган. Булар орасида араб тилида ёзилган 5 томли тиббиёт бўйича қомусий асар «ал-Қонун фит тибб» («Тибб илмлари қонуни»), 18 томдан иборат Ўрта аср илмининг барча муҳим соҳаларини хусусан: мантиқ, физика, математика, метафизикани тўлиқ ўз ичига олган «Китоб аш-Шифо» (Китоб ан-нажот), шунингдек 20 томдан иборат «Китоб ал-Инсоф» («Инсоф китоби»), «Китоб лисон ар-араб» (Араб тили бўйича китоб), шунингдек турли соҳаларга багишланган форс тилида ёзилган қатор асарлар, жумладан «Донишнома» асарини кўрсатиб ўтиш мумкин. Мазкур асарларнинг бир қисми рус, ўзбек, тоҷик тилларига таржима этилгандир.

Ибн Синонинг фалсафий мазмундаги «Рисола ат-Тайр» («Қуш тили»), «Саломон ва Ибсол», «Ҳай ибн Якзон» каби бадиий қиссалари, рубоийлари ўзбек тилига таржима қилиниб нашр этилгандир¹.

Ўз меросида ибн Сино ўша даврда турли соҳаларда эришилган илмий ютуқларни фалсафий умумлаштириш, уларни изчил баён этиш ва тартибга солиш билан бирга, фаннинг турли масалаларида ажойиб ютуқларни қўлга кирита олди. Бу қомусий олим ўз даври учун илгор ғояларни олға сурди.

Ибн Синонинг муҳим фалсафий қарашлари, ўзининг табиий-илмий характеристери билан, унда натурфалсафа, яъни табиат фалсафаси ҳақидаги ғояларнинг устун бўлиши билан кўзга ташланади. Хусусан, бу жиҳатдан унинг тиббиёт соҳасидаги қомусий билими ва кузатишлари муҳим аҳамият касб этади, бу кузатишлар ва билимлар «ал Қонун фит-тибб»—«Тибб илмлари Қонуни» китобида ўз ифодасини топгандир. Бу асар 5 та катта ва мустақил китобдан иборатdir².

«Тибб қонунлари» асари ўзининг тиббиётдаги буюк аҳамиятидан ташқари, катта фалсафий қиймат касб этади. Унда инсон танасини бошқариб турувчи қонунларни, инсон организми билан муҳит, табиатнинг узвий муносабати каби масалаларни илмий ўрганишнинг муҳимлиги ва аҳамияти ҳар томонлама намоён этилади.

Ибн Синонинг юқорида тилга олиб ўтилган «Тибб илмлари қонуни» ва бошқа тиббиётга оид рисолалари-

¹ Қаранг: А. Ирисов. Абу Али ибн Сино. Т., «Фан», 1980.

² Абу Али ибн Сино. Канон врачебной науки, «Фан», 1954—1962, 1—5-китоблар.

да қадимда ва Ўрта асрларда табобат соҳасида қўлга киритилган асосий ютуқларни ижодий ўзлаштириш ва ўзининг кузатишлари ва тиббиётдаги амалий фаолияти асосида қўлга киритган янгиликларини тартиб билан умумлаштиради. Китобда 1300 дан ортиқ касални даволаш учун зарур бўлган дорилар ҳақида ҳам муҳим маълумотлар берилади¹.

Китобнинг назарий қисмида инсон танаси, мия фаолияти, руҳий жараёнлар илмий талқинининг асосий намуналари берилган. Унинг тиббиётдаги бу ютуқлари билишнинг моддий асоси бўлмиш бош миянинг тузилиши ва хислатларини тўғри талқин этишда муҳим аҳамиятга эга бўлди.

Ибн Сино ўзининг 18 томлик «Шифо китоби»да табиатшуносликнинг бошқа соҳалари — геология, минералогия, астрономия, кимё, математика ботаника соҳаларида ҳам муҳим фикрларни олға суреб, уларни ривожлантиришнинг аҳамияти, фалсафий билимларни бойитишдаги муҳим роли ҳақида кенг тўхтаб ўтади.

Шунингдек қатор табиий фанлар ҳам Ибн Сино эътиборидан ташқарида қолмади. Чунончи, унинг ерқатламлари тузилиши, геология, минерал моддаларнинг таснифи ҳақидаги фикрлари Ўрта асрда мутахассислар орасида катта эътибор қозонди. Математика ва астрономия илмини ўзининг янги фикр ва кузатишлари билан бойитди, астрономик кузатишлар учун янги асбоб-яратиш ҳақида, механикада оғир юкларни кўтариш ва олиб юришга хизмат қилувчи оддий машиналар тўғрисидаги фикрларни олға сурди². У алхимикларнинг бир металлни иккинчисига айлантириш ҳақидаги дарьволарини танқид қилди, ҳар бир илм тармоғини маълум реал ҳодиса, предметларни ўрганиш билан узвий боғлаб, ўз даври учун зарур бўлган илмлар таснифини яратди. Шунингдек, у мусиқашунослик, тишлишунослик, шеърият назарияси соҳаларида ҳам ўз рисолалари билан из қолдира олди. Сўнгги йилларда Ибн Синонинг

¹ Ибн Сина. Изб. филос. произведения, М., «Наука», 1980, 38- бет.

² Қаранг: А. М. Белинский. Геолого-минералогический трактат Ибн Сины. «Известия АН Тадж. ССР», Отд. общ. наук. 1953, № 4. Абу Али ибн Сина. Математические главы «Книги знания». Душанбе, Изд. Ирфон. 1967 г. Из истории точных наук на средневековом Ближнем и Среднем Востоке Т., 1980 г.

Қаранг: Абу Али ибн Сина и естественные науки, «Фан», 1981.

табиатшуносликнинг турли соҳасига қўшган қиссаси, унинг табиат фалсафаси олимларимиз томонидан кенг ўрганилмоқда.

Ибн Синонинг фалсафий қарашлари З катта бўлимдан ташкил топган — метафизика, физика, логика — мантиқда ўз аксини топган бўлиб, **метафизика** — илоҳиёт, вужуд ва мавжудот, дунёнинг бошланиши, тузилиши, таркиби ҳақидаги масалаларни талқин этади; **физика** — табиатшунослик масалалари, жисм, моддани ўрганиш билан боғлиқ бўлган барча масалаларни ўз ичига олади; **мантиқ** — тўғри фикрлаш санъати, ақлий билиш шаклларини ўрганади.

Умумий фалсафий масалалар назарий ва амалийга бўлинib, ўз навбатида, уларнинг ҳар бири қатор илмларни ўз ичига олади.

Вужуд, мавжудот таркиби, илмлар таснифи Ибн Синонинг борлиқ, мавжудот ҳақидаги онтологик таълимотини Форобий таълимотининг давоми, ривожи деб таърифлаш мумкин.

У вужудни иккига: зарурий вужуд — вужуди вожиб ва вужуди мумкинга ажратади. Зарурий вужуд ҳамма мавжуд нарсаларнинг бошланғичи — биринчи сабаби — яъни Оллоҳдир, ундан келиб чиқувчи бўшқа борлиқ нарсалар вужуди мумкиндири.

Вужуди вожиб — яккалик, вужуди мумкин кўпликни ифодалайди. Бу кўплик вужуди вожибдан бирданига пайдо бўлмайди, балки аста-секинлик билан сабаб-оқибат боғланиши ёрдамида келиб чиқади. Бу келиб чиқиш эманацион назарияни (мавжудотнинг аста-секин оллоҳдан келиб чиқиши) эслатади.

«Китоб ан-нажот» асарида шундай дейилади: «Зарурий вужуддан келиб чиқсан вужудлар ундан узоқлашган сари мустақил бўла борадилар, лекин ўзларининг бошланғич сабабининг хислатларини сақлаб қоладилар ва кейинги вужудлар учун сабаб бўладилар».

Демак, биринчи ягона вужуддан сўнгти келиб чиқувчи вужудлар, мавжуд борлиқнинг турли-тумак шакллари бошланғич ягона вужуднинг ифодаланишидир. Аста-секин келиб чиқувчи борлиқ шакллари, яъни сўнгги вужудлар сабаб-оқибат муносабати шаклида ўзаро боғлиқдир.

Биринчи вужуднинг хислатлари ундан келиб чиқувчи барча вужудларга ўтиб боради. Вужуд ҳақидаги

фикрлар, мавжудот шаклларининг ўзаро боғланиши, эманацияси Ибн Синонинг «Китоб аш-шифо», «Китоб ан-нажот», «Донишнома» асарларининг матафизика бўлимида ҳар томонлама баён этилади. Бу таълимотни — биринчи яратувчи — биринчи сабаб билан сўнгги борлиқ шаклларининг бирлиги ҳақидаги пантенестик таълимот кўриниши деб айтиш мумкин. Бу пантенезм Ўрта асрдаги энг илғор фалсафий оқимларга хосдир. Ибн Сино вужуди мумкинни субстанция ва акциденцияга ажратади. Субстанция турли кўринишларга эга бўлниб, у содда ва мураккабдир. Содда субстанция бошлиғич элементлар — олов, ҳаво, сув, ердан иборат, шунингдек, модда, шакл, руҳ ва ақл ҳам содда субстанцияга киради; жисм эса мураккаб субстанциядир. Жисм модда ва шаклнинг бирлигидан ташкил топиб табнат, ўсимлик, ҳайвонот, инсон шаклида мавжуддир¹.

Мавжудотнинг турли шаклларини ва хислатларини ифодаловчи тушунчалар, уларнинг умумий муносабатлари кабилар фалсафий илмнинг муҳим қисми бўлмиш метафизика фанини ташкил этади.

Фалсафа фанини Ибн Сино икки катта бўлимга ажратади: 1) назарий фалсафа — метафизика (олий фан), математика (ўрта фан) ҳамда табнат ҳақидаги фан — табиатшунослик (пастки фан) дан иборатдир.

2) Амалий фалсафа — сиёsat, ҳуқуқ, уй ишларини ўрганиш — иқтисод ва ахлоқшунослик, яъни этикадан ташкил топади.

Метафизика олий илм сифатида мутлақ вужудни ўрганиш, яратувчини билишни ўз ичига олади. Фалсафа фанини талқин этишда Ибн Сино Аристотелга асосланади:

Математика миқдорий муносабатларни — ўлчов ва сонларни ўрганади. У турли тармоқларга, чунончи, арифметика, геометрия, астрономия, мусиқа, оптика, механика, осмон жисмлари ҳаракатини илмий — асбоб-ускуналарни ўрганувчи фан каби тармоқларга эга.

Тиббиёт, астрология, физиогномика, кимё каби илmlар ҳам табиатшуносликка киради.

Логика — мантиқ ҳам фалсафий илм бўлиб, у билишининг асосий воситаси, асбобидир.

Ибн Синонинг илmlар таснифи, таърифи ва таркиби

¹ Материалы по истории общественно философской мысли в Узбекистане, «Фан», 1976, 282- бет.

ҳақидаги фикрлари ўрта асрда фалсафанинг ривожи, унинг табиатшунослик ва бошқа илмлар билан узвий алоқасини ўрганишда муҳим аҳамиятга эгадир.

Билиш назарияси (гносеология), Ибн Синонинг билиш ҳақидаги таълимоти хусусан ҳиссий билиш, сезги-лар, сезги органлари ҳақидаги фикрлари унинг «Тибб қонунлари» асарида инсон физиологияси ва психологияси асосида талқин этилади. Ибн Сино сезгини ташқи ва ички сезгиларга ажратади. Ташқи сезги инсонни ташқи олам билан боғлайди, улар 5 та — кўриш, эшитиш, там-маза билиш, ҳид ва тери сезгиси. Булар инсоннинг маълум органлари — тери, кўз, оғиз, бурун, қулоқ билан узвий боғлиқ.

Ички сезгилар — бу умумий, чунончи, тахмин этувчи, ифодаловчи, эслаб қолувчи (хотира), тасаввур этувчи сезгилардир. Бу ички сезгилар ташқи сезгилар асосида шакллациб ташқаридан олинган айрим сезгиларни умумлаштириш, уни қабул этиш, хотирада сақлаш ва сўнг тасаввур этиш учун хизмат қиласидилар. Тиббиётни чуқур ўрганиш асосида Ибн Сино мияни барча сезгиларидан борувчи нервлар маркази, умуман инсон нерв системасининг маркази эканлиги ҳақидаги таълимотни олға суради¹.

Инсон тана ва жондан ташкил топади, мия жонни бошқариб турувчи марказдир. Ибн Сино фикрича, ўсимликлар ҳам, ҳайвонлар ҳам, инсон ҳам қандайдир ўзига хос ички кучга — жонга эгадир. Инсон жони — энг олий ва етуkdir, яъни у фикрлаш хислатига эгадир ва мавҳум тушунчаларни ўзлаштириш, мавжудотнинг моҳиятини тушуниш, ақлли, мақсадли ҳаракатларни амалга ошириш қобилиятига эгадир. Ақл, демак, инсон жонининг олий даражасидаги ифодасидир.

Мавжудотнинг моҳиятини билиш инсон жони, тафаккурининг дунёвий ақл билан қўшилиши асосида вужудга келади, яъни дунёвий ақл инсон ақлининг фаоллигини, билишдаги муваффақиятларини таъминлайди.

Инсон билимларининг ҳаммаси ҳам ташқи сезгилар ёрдамида қўлга киритилмайди, бошланғич сезги орқали билиб бўлмайдиган аксиомалар, ақидаларни инсон тафаккури дунёвий ақлдан олади. Яъни дунёвий ақл инсон ақлининг тўла ва баркамол бўлиши учун имкон

¹ Материалы по истории прогрессивной общественно-философской мысли в Узбекистане, 351-бет.

яратади. Дунёвий ақл инсонда ақлий күч ёки мұҳокама, мулоҳаза қувватларининг шаклланишида иштирок этади. Бу қувват эса инсонга хос бўлган мантиқий тафаккур вужудга келишида ҳал этувчи роль ўйнайди.

Ибн Синонинг мантиқ соҳасидаги таълимоти ва фикрлари унинг қатор асарларида «Қитоб аш-Шифо», «Қитоб ан-Нажот», «Қитоб ишорат ва танбиҳот», «Донишнома» кабиларда кенг баён этилгандир. Аввало шуни таъкидлаш зарурки, Ибн Сино мантиқи Аристотель ва Форобий мантиқининг ривожидир.

Ўз даврининг энг йирик фалсафий қомуси бўлган араб тилидаги «Қитоб аш-Шифо» нинг бошланғич 9 китоби тўлиғича мантиқ илми масалаларига бағишлиданди. Ибн Синонинг форсчадан рус тилига таржима этилган «Донишнома» асарида мантиқ илмининг асосий масалалари қисқача баён этилади, унда мантиқ илмининг асосий тузилиши, қисмлари, тафаккурнинг шакллари, усуслари, қоидалари, мантиқий хатоларнинг ифодаланиши кабилар тасвирлаб берилган.

Мантиқ илми Ибн Сино талқинида 9 қисмдан ташкил топади — булар: 1) **Ал-Мадҳал** — мантиққа кириш, унинг асосий вазифалари, билишда тутган ўрни, қисмлари каби масалаларни ўз ичига олади; 2) **ал-Маъқулот** — бу тафаккурнинг бошланғич асосий тушунчалари, уларнинг нутқ орқали ифодаланиши каби масалалар; 3) **ал-Ибора** — ҳукм, унинг турлари, ифодаланиши кабилар; 4) **ал-Киёс** — дедуктив, силлогистик ҳолоса чиқариш, унинг шакллари, қоидаларини масалалар; 5) **ал-Бурхон** — исботлаш, унинг моҳияти, вазифаси, турлари, қоидалари ва бошқа масалалар; 6) **ал-Жадал** диалектик ҳукмлар номини олган мураккаб ҳукмлар — шартли бўлинувчи савол-жавоб ҳукмлари кабилар;

7) **ал-Сафсата** — нотўғри ҳукмлар, бошқаларни алдаш, ёлғонни исботлашга қаратилган софизм, параллогоизмлар ҳақида;

8) **ал-Хитоба** — риторика, нотиқлик санъат қоидалари, унинг таркибий қисмлари каби масалалар;

9) **аш-Шеър** — шеърий ҳукмлар, шеър ёзиш санъати, унинг вазифаси ва бошқалар.

Бу тартиб Аристотелнинг логикаси — мантиғига, унинг тузилиши қисмларига асосланиб тузилгандир.

Ибн Сино учун мантиқ:

- тұғри фикр юритишининг, хатолардан сақланишнинг қоидасини ўргатади;
- маълум билимлардан номаълум билимларга ўтиш йўлини кўрсатади;
- мантиқнинг фикрлашга муносабати грамматиканинг нутқга, шеър назариясининг шеъриятга бўлган муносабатига ўхшашдир, амалий тафаккур ҳар доим мантиқка муҳтож, чунки мантиқ ёрдамида у мукаммаллашади, етукликка эришади.

Мантиқ илм-фан билан шуғулланувчи ҳар қандай инсон учун энг зарурий илмлардан ҳисобланади ва уни ўрганиш ҳақиқатни тұғри билиш ва аниқлашнинг мұхим воситаси, қуролидир.

Ибн Сино мантиқ фанининг вазифалари, тафаккурда тутган ўрни ва аҳамияти, тафаккур билан тил, мантиқ билан грамматика муносабатлари, тафаккурнинг тұғрилигини белгиловчи барча қондалар ва уларнинг түзилиши, хатоларнинг турлари, фикрда инсонни атайлаб адаштириш ва алдашнинг шакллари ҳақида кенг ва изчил маълумотлар беради.

Юқорида қайд қилиб ўтилганидек, Ибн Сино фалсафани назарий ва амалий фалсафа сифатида иккига бўлади. Ижтимоий-сиёсий масалалар, давлат, инсон жамиятининг түзилиши, вазифалари, жамоани бошқариш, инсон уюшмаларининг фаолияти, инсоннинг хулқодатлари, ахлоқ, жамоа ва оиласдаги ахлоқ мезонлари кабилар амалий фалсафа томонидан ўрганилади.

Амалий фалсафа ўз вазифаси ва предметига қараб уч қисметга бўлинади:

ахлоқшунослик — этика — бу инсон шахсиятининг фазилатлари, ахлоқий тушунчалар, қондаларни ўрганиди;

иқтисодиёт — онлани бошқариш, упинг талабларини, вазифа ва фаолиятини таъминлаб туриш учун зарур бўлган масалаларни ўрганади. Ва, ниҳоят **сиёсат** — бу давлатни идора этиш ва бошқариш, ҳукумат ва фуқаролар ҳамда давлатлар ўртасидаги муносабатларни таъминлаш масалаларини ўрганади.

Аристотель каби Абу Али ибн Сино инсонни ижтимоий ҳайвон деб талқин этади. Инсонлар жамоа бўлиб яшашлари учун ўзаро мулоқотда, турли муносабатда бўлишлари, бир-бирларининг эҳтиёжларини қондириш учун хизмат қилишлари ва умумий интилиш, мақсадга эта бўлишлари лозим.

Ибн Сино ўзининг «Ишорат ва Танbihot» асарида шундай таъкидлайди: «Инсон ўз шахсий талаблари жиҳатидан бошқалардан ажралган ҳолда (яшай) олмайди, чунки у инсониятнинг бошқа вакиллари билан муносабатда бўлибгина уларни қондира олиши мумкин». Бунинг учун барча жамоа аъзоларини бирлаштириб турувчи ҳуқуқий қонунлар зарур бўлади. Жамоанинг барча аъзолари фойдали меҳнат билан шуғулланмоқлари зарур. У инсонларни жамиятдаги тутган ўрини ва вазифаларига қараб уч гуруҳга ажратади:

- а) давлат идораларида хизмат қилувчи ва жамиятни бошқариш ишлари билан шуғулланувчилар;
- б) бевосита хом ашё, зарур маҳсулотлар ишлаб чиқариш билан машғул бўлганлар;
- в) давлатни қўриқлаш, уни турли ташқи ҳужумлардан сақлашни таъминловчи ҳарбийлар.

Жамиятнинг бу гуруҳлари ўзаро бир-бирларига боғлиқ ва ҳар доим мулоқотда бўладилар, бир-бирларисиз яшай олмайдилар.

Ибн Сино ўзининг «Рисолату тадбири манзил» асарида шундай ёзади: Демак, «одамларнинг мулкий тенгизлиги, вазифасининг бир хил эмаслиги, ўзаро фарқлари, инсон ижтимоий фаолиятининг асосий сабабидир».

Бу фикр Ўрта аср феодал тузумининг асосий хислати, шу билан барча ижтимоий ривожланишининг муҳим томонини ўзида ифодалайди.

Ибн Сино шундай ёзади: «Ўзаро боғлиқлик ва алмашув жараёнида инсонлар бир-бирларини қандайдир мухтоҷлиқдан холи этадилар. Бунинг учун инсонлар ўртасида ўзаро келишув зарур бўлиб, бу келишув туфайли адолат қоидалари ва қонунлари ўрнатилади. Қонуншунос эса бу қоидаларга бажарилиши шарт бўлган мажбурият тусини беради. Шунингдек, у ёмон ишларни қилувчиларга ҳам, яхши ишларни рўёбга чиқарувчиларга ҳам баҳо бериши зарур. Бунинг учун олий қонуншунос ва судьяни тан олиш зарурки, инсонлар ўз фаолиятларида уларнинг ҳукмларидан фойдалансинлар»¹.

Демак, ҳар қандай жамият, давлат маълум адолатни ҳимоя этувчи ҳуқуқий қонунлар асосида идора эти-

¹ Б; Э. Рыховский. Философские наследие Ибн Сины. Ж. Вопросы философии, 1955, 5-сон.

лиши, адолатсиэликка йўл қўймаслиги керак. Ибн Синонинг ижтимоий-сиёсий қарашлари шаклланишида исломдаги демократик оқимлардан исмоилизм муҳим роль ўйнайди. Ибн Синонинг отаси ва акаси исмоилийлар диний-ижтимоий ҳаракатининг фаол иштирокчиларидан эди. Унинг ўзи бу оқим таълимотига хайрихоҳлик билан муносабатда бўлган.

Ибн Сино этика-ахлоқшуносликнинг айрим тушунчаларини талқин этишда, таълим-тарбия, хусусан ахлоқий тарбия масалаларида ҳам ўз замонасиинг илфор мавқеида туради. Таълим-тарбия: 1) аввало ақлий тарбия — ёшларни илм-фанга ўргатиш; 2) жисмоний тарбия (бунга тиббиёт илми хизмат қиласди); 3) ахлоқий тарбия; 4) эстетик тарбия ҳамда 5) ёшларни маълум ҳунарга ўргатиш тарбияси кабиларни ўз ичига олади.

Ақлий тарбия инсон ҳаётида энг муҳим аҳамиятга эга бўлиб, ёшларни ўқитиш, илм-фанга қизиқтириш орқали амалга оширилади. Фалсафа илмлари, мантиқ, грамматика, табиатшунсолик, инсон ақлини тарбиялашда муҳим аҳамиятга эгадир. Таълим-тарбиянинг бошқа шаклларининг муваффақияти, ақлий тарбия, илм-фани эгаллаш билан узвий боғлиқдир.

Ахлоқий тарбия ҳам инсон учун ниҳоятда муҳим аҳамиятга эга бўлиб, Ибн Сино ахлоқнинг муҳим томонларини, тушунчаларини аниқлаб олишга катта эътибор беради.

Энг муҳим ахлоқий бойлик Ибн Сино таъкидлашича, бу адолатдир. Адолат мувозапат, ўрталик тушунчалари билан боғлиқ. Ахлоқий тушунчаларнинг ақлага, ақлий билимга асосланиши масаласига Ибн Сино катта аҳамият беради. Лекин инсон қанчалик билимдон, олим бўлмасин, ахлоқий қоидаларга таянмаса, у одобсиз, ёмонликка йўл қўяди. Ибн Сино ўзининг «Қуш тили» асарида, икки юзламачилик, ёлғончилик, хоинчик каби хислатларни қоралайди, инсон устидан ҳар қандай зўравонликларни инкор этади. Ибн Сино ахлоқшунослиги ўз моҳияти билан оқилона ва инсонпарварлик характерга эгадир. Ҳақиқий дўстлик, яхши дўст орттириш, дўстга садоқатли бўлиш масалалари унинг бадний асарларида муҳим ўрин эгаллайди.

Оилавий муносабат масалаларига ҳам Ибн Сино инсонпарварлик нуқтаи назаридан ёндошади. Эркак онла бошлиғи, оиланинг барча талабларини қондириш унинг биринчи бурчидир. Аёл эса эркакнинг энг яқин

йўлдоши ва бола тарбиясида ёрдамчиси ва мероскўри¹. Ибн Сино ахлоқшунослиги унинг гўзаллик, нафосат ҳақидаги фикрлари билан боғланиб кетгандир.

Ибн Синонинг гўзаллик, нафосат ҳақидаги фикрлари унинг форс ва араб тилида ёзилган шеърларида, бадий асарларида, гўзаллик, музика, шеърият ҳақидаги фалсафий фикрларида ўз ифодасини топгандир. Ибн Сино инсон ахлоқи ҳам, унинг гўзаллик ҳақидаги тасаввури ҳам инсоннинг илм-фанни қанчалик ўрганганилиги, билимга муносабати, бошқа барча ҳаракат ва мақсадларини ақлий фаолият, ҳақиқат ҳақидаги тушунча билан боғлай олганлиги билан ўлчанишини таъкидлайди. Ибн Сино эстетикасини ўрганишда унинг «Китоб аш-Шифо» асарида мустақил бўлим шаклида берилган «аш-Шеър» (мантиқнинг 9 чи китоби) мұҳим аҳамиятга эгадир. Бунда Ибн Сино қадимги юнон олими Аристотелнинг «Поэтика»си билан боғлиқ ҳолда юнонлардаги ва араблардаги шеър санъатини таққослаб, унинг мұҳим хислатлари, шеърнинг ва у билан боғлиқ ҳолда музиканинг моҳияти ҳақида теран фикрларни олға суради. Шеърнинг шакли турличадир, лекин вазн-қофия, образлар, ўхшатишларга бой бўлиши, таъсир кучининг ўткирлиги ҳар бир ҳақиқий шеърнинг фазилатидир. Шеърнинг мазмуни, мавзуси унинг қимматини белгилайди:—«шеър ижтимоий бурч мақсадлари учун ёзилади»².

Ибн Сино қатор фалсафий, илмий мазмундаги бадий асарларнинг, «Ҳай ибн Яқзон» қиссаси, «Саломон ва Ибсол қиссаси», «Юсуф қиссаси», «Уржуза» лар — тиббий достонларнинг муаллифи дидир.

Ибн Сино ўз замонасининг машҳур шоири ҳам эди. Унинг қаламига турли бадий қиссалар билан бирга шеърлар — рубоий, қитъа, ғазаллар ҳам мансуб бўлиб, улар олим қизиқишлиари ва истеъдодининг ниҳоятда кенг эканлигидан далолат беради. Бу шеърлар ҳам асосан унинг илмий-фалсафий, ижтимоий қарашларини ифодалаш учун хизмат қилган:

Ҳеч бир гап қолмади маълум бўлмаган,
Жуда оз сир қолди мағҳум бўлмаган,

¹ Қаранг: С. Р. Раҳимов. Психолого-педагогические взгляды Абу Али ибн Сины Т., «Ўқитувчи», 1979, 120—141- бетлар.

² А. Ирисов. Абу Али ибн Сино. «Фан», 1980, 165—171- бетлар.

Билимим ҳақида чуқур ўйласам
Билдимки, ҳеч нарса маълум бўлмаган.

Ибн Синонинг ранг-баранг илмий фалсафий, ижти-
моий ахлоқий, бадиий мероси нафақат Ўрта Осиё, мус-
сулмон Шарқи, балки бутун дунё маданиятига ноёб
олтин хазина бўлиб қўшилди. У илмий-фалсафий, ма-
даний тараққиётга, Ўрта аср Европаси маданиятининг
сўнгти юксалишинга жуда катта таъсир кўрсатди.

9. БЕРУНИЙНИНГ ТАБИИЙ-ИЛМИЙ ВА ФАЛСАФИЙ ҚАРАШЛАРИ

Хоразмлик буюк олим Абу Райҳон Беруний жаҳон
фан тарихида энг машҳур сиймолар қаторидан жой
олган, ўз давридаги деярли ҳамма фанларга катта
ҳисса қўшган, машҳур қомусчи, йирик файласуфдир.

Беруний 973 йили Хоразмнинг қадимги пойтахти
Кот шаҳрида дунёга келади. У 995 йилда Хоразмда
кўтарилиган можаролар сабабли у ердан чиқиб
кетишга мажбур бўлади ва Эроннинг Рай шахрига ке-
либ яшайди. Кейинчалик Беруний Журжон ва асосан
Ғазиа шаҳарларида яшаб келади. Султон Маҳмуднинг
Ҳиндистонга қилган юришлари натижасида Беруний
ҳинд олимлари билан бевосита муносабатда бўлиш
имкониятига эришди ва ҳинд тарихи, маданияти ва
фанларига бағишлиланган бир неча китобларни ёзиб қол-
дирди.

Беруний 1048 йилда Ғазнада вафот этди. У ўз умри
давомида 152 асар яратди. Шулардан энг машҳурлари
«Қадимги халқлардан қолган ёдгорликлар», «Масъуд
қонуни», «Ҳиндистон», «Геодезия», «Минералогия»,
«Сайдана» дир.

Беруний ўз даврида тажрибавий билимларни пухта
эгаллаган олимлардан бўлиб, бу унинг табиий-илмий
ва фалсафий қарашларининг муайян томонларини
аниқловчи муҳим омиллардан ҳисобланади. Беруний-
нинг меросини тадқиқ қилувчи кўпгина олимларнинг
эътирофича, у ўз даврининг ажойиб тадқиқотчиси ҳам-
да табиатни зийраклик билан кузатувчи олими бўлган.
Берунийнинг турли фанлар соҳаси бўйича қўллаган
тажрибавий услуги нақадар фойдали эканлигини «Ми-
нералогия» асарида яққол кўришимиз мумкин. Беру-

¹ Ибн Сино. Шеърлар ва тиббий достон. Т., 1981, 48—54· бетлар.

нийнинг минералогик меросини ўрганувчи рус олимларидан бири Г. Т. Леммлейн унинг минералогияда қўллаган услуби тўғрисида гапириб: «Мантиқий тузилишларни кузатиш ва тажрибада аниқлашни талаб этувчи илмий услуб ҳамда ҳозирги замон фанининг қоидала-рига жавоб берувчи усул»¹ дир,— дейди. Г. Г. Леммлейн ўз фикрини давом эттириб: «Беруний даврида тажрибавий фанлар маълум тараққиётга эришган эди ва тажриба услуби биринчи маротаба сезиларли дара-жада табиатшунослик амалиётига кираётган эди»— дейди.

Умуман, Берунийнинг табиий-илмий мероси, аниқ фанлар бўйича кўтарган муаммолари ўз даврида оламнинг умумий манзарасини яратишда, яъни фалсафий дунёқараш шаклланишида катта аҳамиятга эга бўлди. Масалан, унинг астрономия, геология, минералогия, биология каби кўпгина фанлар бўйича кўтарган масалаларнда буни яқъол кўриш мумкин.

Бу ерда Беруний табиий-илмий қарашларининг фалсафий қарашлари билан қўшилиб кетиши ҳамда биринчисининг иккинчисига бевосита таъсири кўринади.

Франция олимни Карра де Во ўз вақтида Беруний илмий тадқиқотлари натижаларини математика шуқтани назаридан умумлаштириб, ишлаб чиқиши унинг илмий тафаккурининг муҳим хусусиятларидан биридир, деб айтган эди. Беруний математика соҳасига, жумладан, тригонометрияга кўпгина янгиликлар киритган эди, баъзи тадқиқотчилар уни ҳатто тригонометрияниң мустақил фан сифатида танилишига асос солган олим, деб ҳисоблайдилар.

Берунийнинг машҳур табиатшунос сифатидаги муҳим хусусиятлари унинг фалсафий қарашларининг шаклланишида муҳим роль ўйнади.

У кўплаб фалсафий масалаларни ҳал қилишда табиатшунослик ва аниқ фанларга асосланган.

Беруний дин ҳақиқатини фан ҳақиқатига аралаштирмаслик ҳақида гапириб. «... ўзлари билмаган табиий ҳодисалар сабабини билишни тангрининг илмига ҳавола этувчи»² ларни танқид қиласди.

¹ Леммлейн Г. Г. Минералогические сведения, сообщаемые в трактате Бируни. В кн. Собрание сведений для познания драгоценностей (Минералогия) М, 1963, 317- бет.

² Абу Райхон Беруний. Танланган асарлар, I- том, Тошкент, 1965, 295- бет.

Берунийнинг фан олдидаги катта хизматларидан бири шуки, у фанин турли таъқиблардан тозалашга интилган, фанинг соғлиги йўлида курашган. Беруний сеҳргарлик ва мунажжимлик санъатини бир қаторга қўяди. у «Геодезия» асарида мунажжимлик ҳақида шундай дейди: «Мунажжимлик санъати умуман ожиз асосга эга бўлганлиги каби ундан олинадиган натижалар ҳам шундай бўлади. Улардан чиқувчи хулосалар ҳақиқий илмларга нисбатан чалкашдир»¹.

Беруний дунё яратилганни ёки йўқми, деган саволларга дунё яратилган деб жавоб беради. Бу ўринда де Бурнинг «Берунийнинг фалсафасини биз шундай тасаввур қиласиз: фақат тўғри, мантиқий равишда боғланган маълум ҳиссий қабул қилиш ҳақиқий билим бўлиши мумкин»,— деган фикрини келтириш мумкин. Гарчанд бу баҳо Беруний фалсафасини тўлиқ қамраб олмаса ҳам, лекин унинг қараашларининг маълум томонларини тўғри акс эттира олади.

Беруний қараашларида намоён бўлган икки қарамакарши ғоялар, яъни бир томондан, дунёнинг яратилганини инкор эта олмаслик, иккинчи томондан, эса табиатни мустақил деб билиш Берунийнинг табиатшунос сифатида дунёни ва табиатни тушунишда маълум даражада деистик * йўналишга мойиллигини кўрсатади.

Худо дунёни бутунилигича яратади ва азалдан маълум қонунларни беради. Ана шу қонунлар туфайли табиий куч, яъни табиат ҳаракат қиласи. Лекин кейинчалик Беруний ҳатто деизм қобигининг торлигини сезади ва моддий дунёнинг абадий мавжудлигини тан олишнинг зарурлигини ҳис этади. Бу фикрининг исботини у Қуръондан ҳам топади.

Беруний Аристотелнинг натурфалсафаси билан бевосита шуғулланди ва ўша давр натурфалсафасининг қатор масалаларини ҳал этиш бўйича муҳим фикрларни олға сурди. Ўша даврдаги табиатшунослик фанида эришилган ютуқлар уни Аристотелнинг натурфалсафасига танқидий ёндашишга, шунингдек, унинг заиф томонларининг фарқига боришга олиб келди. Айниқса, Берунийнинг Аристотель натурфалсафаси усулининг

¹ Абу Райхан Беруна. Избранные произведения. Ташкент, 1966, 260- бет.

* «Деизм»— бу диний-фалсафий қарааш бўлиб унга кўра худо дунёни яратиб қўйиб, бошқа унинг ишларига аралашмайди.

айрим томонларини танқид қилиши катта аҳамиятга эга.

Бу унинг Ибн Сино билан ёзишмасида ўз ифодасини топган. Уларнинг ёзишмалари асосан Аристотелнинг «фазо ҳақида» ва «Физика» асарлари бўйича олиб борилган¹. Бу ёзишмада Ибн Сино Аристотелнинг натурфалсафасини ҳимоя қилган. Беруний эса Ибн Синога эътиroz билдирган.

Уларнинг баҳси асосан Аристотель натурфалсафасининг муҳим масалаларидан бири — жисмларнинг чексиз бўлиниши бўйича бўлган. Бу борада Берунийнинг Ибн Синога қарши чиққанлигини кўрган айрим муаллифлар уни Демокрит атомизмининг ** тарафдори деган хulosага келгандар. Лекин Беруний бу масалага бирмунча жiddийроқ қарайди. У бўлиниш муаммосини ҳал этишда шундай йўлни топишга ҳаракат қиладики, у икки таълимот — атомистик ва чексиз бўлинишнинг ўзига хос қарама-қаршиликларини ва чекланишларини бартараф этишга интилади.

Беруний атомистик назариясининг Демокрит атомистик назариясидан фарқи шундаки, Беруний бўшлиқни инкор этса, Демокрит бўшлиқ дунёнинг зарурий ажралмас қисми деб ҳисоблайди.

Беруний Аристотелни танқид қилишда даставвал тажрибага мурожаат этади. Берунийнинг бу йўли Аристотелнинг кузатувчанлик усулига қарши қаратилган эди. Шундай қилиб, Беруний қисмларнинг чексиз бўлинувчанлигини тан олиш ва бўлинмас заррачалар тўғрисидаги атомистик таълимотнинг чекланганлигини кўрсатишга интилади, бироқ бу муаммони тўлиқ ҳал қила олмайди. Шунга қарамай, масаланинг бундай қўйилишининг ўзи ҳам мутафаккирнинг катта ютуғи бўлган.

Беруний барча унсурлар, шунингдек, оғирроқ унсурларнинг бошқа унсурлардан олдин марказга интилиши тўғрисида гапириб, «Ҳамма унсурлар марказга қараб интилади, лекин вазмироқлари бошқа унсурлардан ўзиб кетади»², деб таъкидлайди.

¹ Беруний билан Ибн Синонинг савол-жавоблари. «Фан» нашриёти, Тошкент, 1950 йил.

^{**} Атомизм — бутун олам бўлинмайдиган заррачалардан ташкил топади, деган таълимот.

² Шарипов А. Малоизвестные страницы переписки между Беруни и Ибн Синой. «Общественные науки в Узбекистане» журнали, 1965, 11-сон, 39-бет.

Беруний «Ҳиндистон» асарида унсурларнинг Ерга оддий интилиши тўғрисида эмас, балки барча оғирликларнинг Ер марказига тортилиши ҳақида фикр юритади. Берунийнинг Ибн Синога билдирган эътироzlаридаги муҳитнинг оғирлигини эътироф этиши бу фазо жисмлари билан Ер ўртасида тортилиш кучлари борлигини тан оладиган фикрга яқинлашганлигини кўрсатади.

Берунийнинг бошқа дунёлар мавжудлиги тўғрисидаги тахмини унинг фалсафий ютуқларидан бири ҳисобланади. Беруний бошқа дунё ҳақида фикр юритар экан, бошқа моддий дунё эҳтимол бизнинг дунёмиз сингари табиий хусусиятларга эга бўлиб «ҳаракат йўналишлари эса бизнинг дунёмиздаги ҳаракат йўналишларидан фарқ қиласди», дейди.

Ибн Сино Берунийнинг бошқа дунёлар ҳақидаги гоялари беҳисоб дунёларнинг борлигини тасдиқловчи мантиқий хулоса олиб келади, бу эса сафсатадир, деган бўлса, унга қарши Беруний «Агар сафсатачилар деган ном уларга шу сабабдан берилса, унда мен ҳам бу номни олишдан бош тортмайман!», — дейди.

Берунийнинг муҳим хизматларидан яна бири шуки, у Ер ҳаракати тўғрисидаги масала устида тўхтаб, геоцентрик (дунёнинг маркази Ер деювчи таълимот) ва гелиоцентрик (дунёнинг маркази Қуёш деб ўргатувчи таълимот) тизимларининг геометрик нуқтаи назаридан тенглиги масаласини кўтариб чиқди. Беруний Ер айланishi масаласига геометрик ва физик нуқтаи назардан қарайди. Берунийнинг фикрича, геометрик нуқтаи назардан икки назария тенг ҳуқуқли бўлса, ундан ташқари Ер ҳаракатининг тан олинниши айrim қийинчиликларни ҳал этса, унда бу фойдалидир. Беруний Ер ҳаракати таълимотидан келиб чиқувчи барча хулосаларни аниқлашда қатор тадқиқотлар олиб борди. Ер билан жисмлар ўртасида ўзаро тортилиш кучларининг мавжудлигини эътироф этди. Шунингдек, Беруний Ер ҳаракатини тан олган ҳолда қатор муҳим муаммоларнинг ечилишини талаб қилувчи масалани қўяди. У шунингдек, Ернинг экватор бўйлаб ҳаракат тезлигини ҳисоблаб, ундан келиб чиқувчи тезликнинг ҳақиқий катта ҳажмларига ўзи ишонмай қолади. Лекин у кўрсатган Ер-

¹ «Общественные науки в Узбекистане» журнали, 1965 йил 11-сон, 39-бет.

нинг айланиш тезлиги умуман ҳозирги замонда ҳисоблақ чиқилган тезликдан деярли фарқ қилмайди. Бу Беруний замонаси ва айниқса, кейинги даврлар учун ниҳоятда катта аҳамиятга эга бўлган. Беруний физика нуқтаси назаридан Ер ҳаракатини тан олмаган бўлса ҳам, унинг бу соҳадаги илмий ишлари объектив рашида келажакда Қуёшининг бутун олам марказида туриши, кейинчалик оламлар кўплиги ҳақидаги қарашларнинг тантана қилишига ундаган деб ҳисоблаш мумкин.

Беруний ўз ижтимоий қарашлари акс эттирилган маҳсус асар қолдирмаган. Шунга қарамай, олимнинг кўпгина қомусий асарларида у ёки бу ижтимоий масалалар бўйича ўзининг нуқтаси назарини изҳор этишга ёки улар юзасидан танқидий фикрлар айтишга ҳаракат қилган.

Беруний илмий фаолиятининг дастлабки давриданақ ижтимоий-тарихий масалаларни зўр қизиқиш билан ўргана бошлади. Масалан, «Ал-осор ал-боқия» асарида Берунийнинг ўзи эътироф этишича, «Оқ кийимликлар» ва қарматийлар хабарлари ҳақида китоб» номли асарини ёзган¹. Мазкур асар ўрта аср Шарқида тараққийпарвар ижтимоий ҳаракатлардан бири бўлган қарматийларга бағишланган. Беруний, шунингдек Хоразм тарихига оид маҳсус асар яратган. Афсуски, унинг бу тарихий-ижтимоий масалаларга оид айрим асарлари бизгача етиб келмаган.

Тўғри, Беруний Форобий каби ўзининг ижтимоий қарашлари бўйича бир бутун яхлит ижтимоий таълимот яратмаган. Бироқ унинг фикр-мулоҳазалари ва умумлашмалари шунинг учун ҳам қимматлики, олимнинг фикрлари, бир томондан, Ўрта Осиё, қадимги юон ва ҳинд мутафаккирларнинг илфор анъаналарини ижодий ривожлантирган.

Беруний томонидан ««сабабларнинг сабаби»— инсон ва инсоният жамиятининг юзага келиши масаласининг қўйилиши диққатга сазовор»². «Қадимги тарихларнинг энг аввалгиси ва энг машҳури башариятнинг бошлишидир»³. Беруний кишилик жамиятининг пайдо бўлиши ҳақида ақлга асосланиш қарашида турганини кў-

¹ Абу Райҳон Беруний. Таиланган асарлар, 1-том, Тошкент. «Фан», 1968, 247- бет.

² Уша жойда, 50- бет.

³ Уша жойда.

рамиз. У бу воқеалар содир бўлган давр номаълум, бу ҳақдаги маълумотлар мазкур саволни ечишга етарли эмас, деб билади, бундай мавқеда туришнинг ўзи унинг бу масалага табиий равишда ёндошганилигидан далолат беради. Оламнинг мавжудлиги масаласига келганда Беруний эҳтимол у бир неча минг миллион йиллардан бери мавжуд бўлгандир, деган тахминларни айтади.

Беруний инсонлар ўртасида тафовут борлиги ҳақида гапирар экан, у фақат ташқи фарқлар тўғрисида фикр юритади. Унинг фикрича, кишиларнинг ички тузилиши барчада умумийдир. Ана шу нуқтаи назардан ҳалқларнинг турли аждодларидан пайдо бўлган деган эҳтимолни бутунлай рад этди. У инсон билан маймун ўртасида ўхшашлик борлигини таъкидлайди: «Улар аъзоларининг ўхшашлиги билан, ташқи кўринишлари ҳам ўхшаб кетади»¹.

Беруний фикрича инсон ҳайвондан ақл билан фарқ қиласди. Лекин мутафаккир инсоннинг ҳайвондан тубдан фарқ қиласдиган бу хусусияти қандай пайдо бўлганлигини тушунтирганда, худога мурожаат қилиб, инсонни худо азалдан шундай яратган, дейди.

У инсоннинг жисмоний тузилиши ва бутун ҳаётини аниқлашда географик омилнинг роли ҳақида ажойиб фикрларни айтади;

«... (одамлар) тузилишларининг ранг, сурат, табиат ва ахлоқда турличи бўлиши фақатгина наслабларнинг турличалигидан эмас, балки тупроқ, сув, ҳаво ва ер (одам яшайдиган жой) ларнинг турличалигидан ҳамдир»².

Беруний ўзининг «Ҳиндистон» асарида мусулмонлар билан ҳиндларнинг урф-одатлари ўртасидаги фарқларни таҳлил қилиб, улар географик боғлиқ деган фикрни илгари суради. Бояги фикрни давом эттириб, ҳатто тилларнинг турличалиги ҳам географик шаронтларга боғлиқ деб қарайди ва «тилларнинг турлича бўлишига сабаб одамларнинг гуруҳларга ажралиб кетиши, бир-бирларидан узоқ туриши», дейди.

Мутафаккирнинг инсоният ҳаётида ва жамиятда географик омилнинг муҳим ролини эътироф этиши ўз даври учун катта аҳамиятга эга эди.

¹ Абу-р-Райхан Муҳаммад ибн Аҳмад ал-Беруни. Собрание сведений для познания драгоценностей (Бундан кейин, Минералогия), М., 1963 г. 224- бет.

² Абу Райхон Беруний. Таилangan, асрлар, I- том, 236- бет.

Берунийнинг руҳий ва моддий эҳтиёжларнинг роли ҳақидаги фикри ҳам ўша давр учун ниҳоятда қимматли фикр эди. У жамият юзага келишида кишиларнинг моддий эҳтиёжининг ролини кўра олди. Эҳтиёжлар (овқат, кийим-кечак, ва х. к.) ни қондирувчи заруриятлар каби моддий омиллар инсонларни биргаликда яшашга даъват этади. «Эҳтиёжлар турли-туман ва сон-саноқсизdir. Фақат уларни бир қанча кишилар биргаликда таъминлай олишлари мумкин. Бунинг учун кишиларда шаҳарлар ташкил этиш зарурияти туфилади»¹. Беруний, одам эҳтиёжининг кўплиги, ҳимоя қилиш қуролига эга бўлмаганлиги, бир-бирини душмандан ҳимоя қилиш зарурлиги, ўзини ва бошқаларни таъминлаш учун бирор ишни бажариши лозим бўлганлиги туфайли ўз қариндош-уруғи билан жамиятда бирлашишга мажбур бўлган, деган холосага келади. Уларнинг биргаликдаги турмуши инсонни ҳәқиқий қудратга, унинг эҳтиёжларини қондиришга олиб келмайди, бунинг учун меҳнат қилиш ҳам зарурдир.

Беруний фикрича, ақл, меҳнат, эркин танлаш инсоннинг ҳаётини ва ижтиомий ҳолатини белгилайди. Беруний инсон бошқа одамларнинг баҳт-саодати ҳақида доим ўйлаши керак дейди ва шундай ёзади: «Муайян вазифаларни бажариш зарурияти инсон фаолиятининг бир умрга яшаш қоидасидир»². Бу фикрни давом этириб инсоннинг қадр-қиммати ўз вазифасини аъло даражада бажаришидан, шунинг учун ҳам инсоннинг энг асосий вазифаси ва ўрни меҳнат билан белгиланишидан иборат эканлигини таъкидлайди. Зоро, инсон ўз хоҳишига меҳнат туфайли эришади.

Бинобарин у «инсонларнинг мақсад ва ниятлари ҳар хил бўлгач санъат ва ҳунар ҳам турлича бўла бошлайди»— дейди. Бу эса меҳнатнинг тақсимланишига олиб келади деган фикрни олга суради.

Шуниси қизиқки, Беруний пулнинг келиб чиқишини даставвал меҳнат тақсимоти билан боғлиқ деб билди³. Унинг фикрича, инсон ўртасида олтин ва кумуш сифатида пулнинг муомалада бўлиши маҳсус қимматга эга эмас, чунки улар инсоннинг ҳеч қандай эҳтиёжини қондира олмайди. Фақат айирбошлаш туфайли пуллар

¹ Ал-Беруний. Минералогия, 11- бет.

² Ал-Беруний. Геодезия, 83- бет.

³ Ал-Беруний. Минералогия, 12- бет.

қийматга эга бўлади. Жамиятда пул фақат ўлчов сифатида, умумий эквивалент сифатида аҳамиятга эга, чунки булар пулнинг асосий вазифаси ҳисобланади. Лекин бу уларнинг табиати ҳамда маълум табиий қонун асосида бўлмай, балки шартли келишув туфайли содир бўлган. Чунки уларнинг иккиси ҳам (олтин ва кумуш — А. Ш.) даставвал ўз мазмуни билан инсонни на тўйдиради, на чанқоғини қондиради, на зўрлик ёки зулм хавфидан қутқаза олади. Пулнинг нотўғри ишлатилиши туфайли ёвузлик келтирувчи бойлик юзага келади. Уз навбатида бу мажбурий меҳнатни келтириб чиқаради. Беруний фикрича, пул туфайли фақат турли товарлар айирбош қилинмай, балки бегона куч ҳам ёлланади. «Бири иккинчисини ёллайди, яъни бир киши иккинчисига адолатли шартнома туфайли доимо ишлаши керак, бунинг эвазига у мукофотланади»¹. Ёлланма меҳнатни тушунишда Беруний янада илгари кетиб, унда фақат одил шартномани кўрибгина қолмайди, у ҳар қандай мажбурий меҳнатга қарши чиқиб, қўйидагиларни ёзади: «Зўрлик ва ёллаш орқали амалга ошадиган мажбурий меҳнат доим тўғри эмас».

Беруний подшолар «эркин бўйсунишни» қўрқув ва зўравонлик йўли билан бўйсундиришга айлантирганларига қайд этади.

Маълумки, ўрта аср мутафаккирлари ўзларининг энг эзгу орзу-умидларини адолатли шоҳ зиммасига юклаган эди. Шу мақсадда ҳукмдорларни инсоф ва адолатга даявват этдилар, шу йўл орқали мамлакатда адолат ва тенглик ўринатмоқчи, инсониятни зулм ва истибдоддан халос этмоқчи бўлдилар. Бундай йўлни Форобий, Навоий, кейинчалик Беруний ҳам тутди. Чунки улар феодализм даврида яшаб, бошқа йўлни кўра олмадилар ва кейинчалик у (ҳукмронлик — А. Ш.) бошқа шунга лойиқ бир кишининг қўлида тўпланиб, авлоддан-авлодга мерос бўлиб ўта бошлайди, деб ўйладилар².

Подшолик мансаби меросга айланганини қўрган Беруний инсоннинг жамиятда тутган ўрни наслнинг қадимилиги, авлод-аждодларнинг хизматлари билан белгиланишига қарши чиқади ва кимки ўзининг марҳум қариндош-уруғи ва бувалари орқали мансабга эришаман

¹ Ал-Беруний, Минералогия, 12- бет.

² Минералогия, 27- бет.

деса, ўзи марҳумдир, лекин марҳум авлодлари барҳаёт-дир, дейди.

Беруний жамиятни бошқаришда жамият подшога хизмат қилмай, балки подшо жамиятга хизмат қилиши кераклигини тушунган ҳолда: «идора қилиш ва бошқаришнинг моҳияти азият чекканларнинг ҳуқуқларини ҳимоя қилиш, бирорларнинг тинчлиги йўлида ўз тинчлигини йўқотишдан иборатдир», — дейди.

Берунийнинг фикрича, табиатан бошқаришга мойил бўлган ҳоким ўз фикри ва қарорларида қатъий бўлиши, ўз ишларини амалга оширишда файласуфларнинг қонуларига, Александр Македонский Аристотелнинг фалсафий донишмандлигига амал қилганидек, бўйсуниши, шоҳнинг ўзи ҳам «яратувчанлик онгига» эга бўлиши, кўпроқ деҳқонлар ҳақида қайғуриши керак. «Зоро, подшоҳлик деҳқончиликсиз яшай олмайди». Одил ҳокимнинг асосий вазифаси олий ва паст табақалар, кучлilar ва кучсизлар орасида тенглик, адолат ўрнатишдан иборатдир. Ҳокимнинг муҳим вазифаларидан яна бири фан тараққиётига, олимларга ғамхўрлик қилишдир. Беруний бунга афсонавий пешодийлар сулоласини мисол қилиб келтириб, бу сулола вакиллари «янги шаҳарлар қурдилар, конларга асос солдилар, ер юзида адолат барпо этдилар», дейди¹.

Беруний синф ва табақалар асосида бойлик ва насл-насабнинг улуғлиги эмас, балки тегишли вазифа — машғулот ва ҳунар ётмоғи лозим дейди. Шунинг учун у Ҳиндистондаги мавжуд табақачаликни қаттиқ танқид қилиб, тенгликни ёқлаб чиқди.

Беруний ўзининг орзу-умидларини одил ҳокимлар билан боғлаган бўлса-да, лекин идеал шоҳ ўша даврда топилмаслигини ва бўлиши ҳам мумкин эмаслигини ҳис этди. У жоҳил ва золимларнинг мавжудлиги туфайли зулм ва зўравонлик кучаяди, бойликка хирс қўйилади, деб таъкидлайди.

Беруний ўз даврининг энг кўзга кўринган илм-фан ҳомийси эди. У мамлакат равнақини фан равнақида кўра билди. Илм-фан саҳоватли хизматни ўташи мумкин деб ҳисоблади. У шундай ёзади: «Менинг бутун фикри-ёдим, қалбим — билимларни тарғиб қилишга қаратилган, чун-

¹ Қаранг: Абу Раҳон Беруний. Танланган асарлар, I-том, 74- бет.

ки мен билим орттириш лаззатидан баҳраманд бўлдим.
Буни мен ўзим учун катта бахт деб ҳисоблайман¹.

Беруний фикрича, инсоннинг энг олий бахти билишда, чунки у ақлга эга. Бахт ана шу нуқтаи назардан тушунилсагина жамиятга тинчлик ва фаровонлик келтиради. Инсоннинг олий фазилати эса бошқалар ҳақида, айниқса, камбағаллар ҳақида ғамхўрлик қилишдан иборатdir. Ўрта асрнинг буюк олимни халқларнинг дўст, иноқ, итифоқ бўлиб яшаши учун курашиб келди. У инсониятга, у яратган фан ва маданиятга қирғин келтирувчи урушларни қаттиқ қоралади. Унинг Ҳиндистонда олиб борган кенг илмий тадқиқот ишлари халқлар ўртасидаги дўстлик, ўзаро ҳамкорлик ва маданий муносабатларни мустаҳкамлашга қаратилган эди. Беруний маданий ҳамкорлик ва илм-маърифатнинг кенг тарқалишига катта эътибор берди. Шундай қилиб, Берунийнинг жамият ва инсон ҳақидаги қарашлари асосида чуқур инсонпарварлик ётади.

10. ИСМОИЛ ЖУРЖОНИЙ ВА МАҲМУД ЧАҒМИНИИНИНГ ТАБИИЙ-ИЛМИЙ ҚАРАШЛАРИ

Муҳаммад ибн Мусо ал-Хоразмий, Абу Наср ал-Форбий, Абу Райҳон ал-Беруний, Абу Али ибн Сино каби буюк алломалар изланишларини муносаб давом эттирган Ўрта Осиёлик олимлардан бири — кўзга кўринган табиатшунос олим ва табиб Исмоил Журжонийдир. Унинг тўлиқ исми Зайнуддин Абул Фазоил Исмоил ибн Ҳусайн ал-Журжоний².

Исмоил Журжонийнинг ҳаётига келсак, у ўзининг «Заҳираи Хоразмшоҳий» китобида ёш табиблиги пайтида, Хоразмшоҳ Урганчга чақиритириб ўзига шахсий табиблекка тайинлаганлигини ёзганини учратамиз. Демак, у ҳаётининг асосий қисмини Хоразмда, яъни Хоразмшоҳ ҳузурида табиблик билан ўтказган. Ана шу давр ичida, у шоҳни даволаш билан бир вақтда, ижодий иш билан ҳам шуғулланган. Исмоил Журжоний вафоти йилини баъзилар 1136—1137 деса, бошқалар 1138—1139 деб ҳисоблайди.

¹ Абу Райҳон Беруний. Избранные произведения, т. II, 1963. 21- бет.

² Баъзи манбаларда эса «Зайнуддин Абу Иброҳим Исмоил ибн Ҳасан ибн Аҳмад ибн Муҳаммад ал-Ҳусайн ал-Журжоний» деб белорилади.

Исмоил Журжонийнинг илмий меросидан уни ҳар томонлама етук ҳамда ўз вақтининг кўэга кўринган олим эканлиги, табобат, фалсафа ва бошқа илмлар соҳасида ижод қилганлигини кўрамиз. Аммо олимнинг ҳаёти ва ижоди ҳақидаги бизгача етиб келган маълумотлар ва унинг асарлари уни бизга, асосан табиатшунослик — табобат илмининг XII асрдаги йирик намояндаси сифатида таниширади. Бунга далил сифатида олимнинг табиатшуносликка онд ўндан ортиқ асарини ва улар орасида энг машҳури, яъни XII асрнинг табобат бўйича қомус дастури — кўп жилдлик «Заҳираи Хоразмшоҳий» («Хоразмшоҳ хазинаси») ни зикр этиш мақсадга мувофиқдир.

Олимнинг илмий меросида фалсафий асарлар ҳам бор бўлиб, улардан бирининг номи «Қитаб тадбир йавм ва лайл» («Кундуз ва тунинг тадбири китоби») дир.

Исмоил Журжонийнинг дунёқараши ўзидан олдин ўтган алломалар асарлари таъсирида шаклланган ва унинг табиий-илмий, фалсафий қарашлари асарларида баён этилган фикрларида ўз аксини топган. Олим борлиқ моддийлигини, яъни материядан иборатлигини ва ҳар бир модданинг асосини тўрт элемент ташкил этишини таъкидлайди. Бу ерда, у Шарқ мутафаккирлари каби, анъанавий тўрт элемент деганда ҳаво, олов, сув ва тупроқни назарда тутади. Исмоил Журжоний фикрича, тўрт элемент ўзаро аралашиб кетиб, то мутаносиб бўлгунча ёки биронтаси устун келгунча, бир-бирига таъсир этади.

Исмоил Журжоний, юқорида зикр этилган, «Заҳираи Хоразмшоҳий» асарида келтирган табиий-илмий фикрларидан яна бири — одам танаси модда ва шаклдан иборат эканлигидир. Модда эса, ўз навбатида, элементлардан ташкил топган ва улар одам танасида бир-бирига қарама-қарши ҳолатда жойлашган. Элементларнинг доимо зиддиятда бўлиши уларнинг бўлинниб кетишига бўлган интилишидадир. Аммо, олим фикрича, одам танасида элементни ўз ҳолатида ушлаб қолувчи қувват бор бўлиб, у барча элементларни ўзига жалб этиш кучига эга. Бу қувват моддани ўз ҳолатида, тинч ва ўзаро боғланган ҳолатда қолишига ҳаракат қиласи. Одам табнати ва руҳий ҳолатига унинг ҳавода бўлиши, олов ва тупроқдан фойдаланиши, ҳар хил овқатлар ейиши, ичиши, кулиши, хурсандчиллик қилиши, азият чекиши, ҳаракатда бўлиши каби ташқи сабаблар таъсир этади. Бу ташқи сабаблар одам аъзоларини емирувчи

ички сабабларга ёрдам беради. Табобат эса ички қувват тенглигини сақлаб туриш, одам аъзоларининг ҳолатини яхшилаш учун ёрдам берадиган ташқи қувватдир.

Исмоил Журжонийнинг асарларидағи табиий-илмий маълумотлар, яъни минераллар, наботот ва ҳайвонот дунёси, одам анатомияси ва физиологияси ва ҳоказолар ҳақидаги фикрлар уни билиш моҳиятига алоҳида эътибор берганлигидан далолатдир. Олим гносеологиясида нарса ва жоноворларни ўрганишда тафаккурга юқори баҳо беради. Бу эса барча билимларни, олим тили билан айтганда, ташқи сабабларни чуқур ўрганишни тақозо этади.

Исмоил Журжоний дунёдаги мавжуд барча нарсаларни тўртта асосий гуруҳга бўлади. Булардан биринчисига таркибида олов кўп бўлган «иссиқ» ва «қуруқ» нарсалар гуруҳи, иккинчисига таркибида ҳаво кўп бўлган «илиқ» ва «шам» нарсалар гуруҳи, учинчисига таркибида сув кўп бўлган «совуқ» ва «нам» ва ниҳоятда, тўртинчисига таркибида тупроқ кўп бўлган «совуқ» ва «қуруқ» нарсалар гуруҳи киради. Олим фикрича, ушбу нарсаларнинг тўрт сифати, бир-бирига қарама-қаршидир. Исмоил Журжоний таъкидлашича, организмдан ташқарида, яъни табиатда элементлар бир-бирига қарши таъсири этади. Масалан, олов бор жойда сув бўлмайди ёки сув бор жойда олов ўчади. Аммо улар гоҳо бир вақтда биргаликда масалан, ҳавода намлик ва олов бўлиши мумкин. Унингча, барча ўсуви нарса иссиқ ва совуқ таъсирида ривожланади. Ўз фикрининг исботи сифатида бир қатор мисоллар келтиради. Масалан, озуқ берувчи барча нарсалар ўсимликлардан пайдо бўлади, жумладан ҳайвонот гўшти. Ўсимлик эса сув ёрдамида тупроқдан ўсиб чиқади ва ҳоказо. Бу Исмоил Журжоний тирик бўлмаган оламдан тирик оламга ўтишини изчилликда тушунишга интилганини кўрсатади. Олим қайд этишича, инсон ноорганик ва ўсимлик дунёсидан мияси, у туфайли эса сезиш қобилияти ва фикрлаши билан ажралиб туради.

Шарқда тарқалган ва табиблар биринчи навбатда билишини керак бўлган таълимот — одам мижозини * ўрганишни таъкидлайди ҳамда унга алоҳида эътибор беради.

* Узбек тилида у «мижоз» шаклида ишлатилади.

Үз даврида Үрта Осиёдаги ижтимоий-фалсафий фикр тараққиетига муносиб ҳисса құшган олим — И smoil Журжонийни ва унинг илмий меросини янада чу-қурроқ үрганиш, таҳлил этиш ва тарғибот қилиш эъти-борга сазовор ва мақсадга мувофиқдир.

Иsmoil Журжоний табиий-илмий фикрларининг қисқа таҳлили унинг табиатшунослик масалаларини фалсафий талқин этишда Ибн Сино таълимотига суюн-ганилигини ва уни давом эттирганлигини кўрсатади.

Maҳмud Ҷағминийнинг табиий, илмий ва фалсафий қарашлари. Үзидан олдин ўтган буюк алломалар, хусусан Абу Райҳон Берунийнинг илмий ва фалсафий фикрларини давом эттирган ва уларни XII—XIII асрларда ривожлантирган олимлардан бири — буюк хоразмлик олим Maҳmud ибн Muҳammad Умар ал-Ҷағминийдир. Фан тарихида у илму-нужум, риёзиёт, табобат ва жуғрофия соҳасида машҳурдир. Ҷағминий табиий илмлар ривожланишига катта ҳисса құшган, табиатни би-лиш жараённанда унга фалсафий ёндашгандир.

Ҷағминий Хоразмнинг Ҷағmin қишлоғи (Кўҳна Ур-ғанч яқини) да туғилди ва у ерда бошланғич таълимни олди¹. Шубҳасиз, Хоразмнинг бой илмий анъаналари Ҷағминийнинг табиий илмий ва фалсафий қарашларинида катта роль ўйнади. Ўқишини давом эттириш мақса-дидиа унинг Самарқандга кўчиб келиши Ҷағминий илмий фаолиятида катта аҳамиятга эга бўлди. У ўз асарлари-да Берунийнинг устози — Абу Наср ибн Ироқ исмини бир неча бор зикр этади. Адабиётда Ҷағминийнинг ва-фот этган йили 1221 йил деб қайд этилган.

Ҷағминийнинг машҳур асари Үрта Осиё ва умуман Шарқнинг кўпгина буюк олимлари томонидан шарҳ-ланган «Илму-н-нужум танланмалари» китобидир. У, шунингдек табобатга оид «Кичик қонун» («Қонунча») ва «Танланган», «Тўққиз арифметикасига оид рисола», «Меросни арифметик усул асосида бўлиш бўйича мас-лалар шарҳи» каби бир қатор асарлар муаллифидир. У қатор илмларга муносиб ҳисса қўшганлиги учун уни Абу Райҳон Беруний мактаби олимларининг энг буюк-ларидан бири деб ҳисоблаш мумкин.

Ҷағминий хизматлари авваламбор ўша даврнинг

¹ Maҳmud Ҷағминийнинг таржимаи ҳоли ва илмий-табиий ютуқ-ларини бизда биринчи бўлиб Ҷағминийни ўрганган X. С. Сиддиқов асарлари асосида баён қилаяпмиз.

астрономия илмлари — нужум илми соҳасида қилган ихтиrolари билан боғлиқдир. Унинг «Илму-нужум бўйича танланмалар» асари ўша давр нужум илмининг қаймоғи бўлиб, риёзиёт, жуғрофия кабилар ҳақидаги умумлаштирилган маълумотларни қамраб олган. Ўша давр нужум илми билимларини тартибга солишда Чагминий қадимги юон астрономик мактаби ва Шарқ, хусусан Ўрта Осиё олимлари ютуқларига таянади.

Чагминийнинг зикр этилган асарида нужум илмининг ўша даврдаги атроф олам, само ёриткичлари ва сфералари тузилиши, сайёralар ҳолати, Қуёш ва Ой тутилишлари, шамсий йил, кеча ва кундузнинг узунлиги ва ҳоказо муҳим масалалар ўз аксини топган.

Чагминийнинг нужум илми соҳасидаги ютуқлари сифатида унинг «Қуёшни нур таратувчи сайёralар маркази деб ҳисоблаш мумкин» деган фикрларини алоҳида қайд этиш зарурдир. Ҳақиқатда ҳам, Чагминийнинг ўзи таъкидлаганидек, баъзи само ёриткичлари, жумладан Ой «ўз нурларига» эга эмас, балки уни Қуёшдан оладилар, бу эса Чагминийга уни «марказ» деб аташга асос берди. Албатта бу билан уни гелиоцентрик тизим тарафдори деб бўлмайди, аммо Қуёшни марказ сифатида кўриб ўтилиши маълум аҳамиятга эга эди. Нурлар ҳаракати, йўналиши арастучилар таълимоти перипатетизмда талқин қилингандиги катта аҳамиятга эга бўлиб, у Беруний ва Ибн Сино¹ баҳслари мавзуси бўлган эди. Бу Берунийга табнат ғалсафасидаги геоцентризм нуқтаи назарининг тўғрилигига шубҳа туғилишига асос бўлган эди.

Чагминий риёзиёт соҳасида нужум илми билан боғлиқ масалаларга катта эътибор берди. Хусусан унинг «Танланган» асари сферик тригонометрия асосларига бағишлиланган. Ўнда тўрт томони доиравий учбурчак ва унинг турларининг тўлиқ тавсифи берилади. У биринчи бўлиб кузатишларнинг горизонтал соҳасига асос бўлган координатлар тизимини мукаммал кўриб чиқади².

Чагминий ўз асарида геодезия ва жуғрофия масалаларига ҳам катта эътибор беради. У табнатни ўрга-

¹ Материалы по истории прогрессивной общественно-философской мысли в Узбекистане, «Фан», 1976, 257- бет.

² Қаранг: Г. П. Матвиевская. Учение о числе на средневековом Востоке. «Фан», 1967, 89- бет.

нишда, табиий илмларда тажрибага асосланади ва турли илм соҳалари бўйича шу нуқтаи назардан ёндашади ва бу ҳақда «Илму-н-нужум бўйича танланмалар» асарида муҳим фикрлар билдиради. Унинг фикрича, самовий жисмлар ҳақида кўпгина олимлар китоблар ёзган бўлсалар ҳам, асосий масалалар уларда чуқур очиб берилмаган эди. Олимнинг аниқ илмлар масалаларини кенг фалсафий мавзулар билан боғлаши унинг дунёқарашининг муҳим хусусиятларидан бириди. Чагминий ўзининг табиий-илмий изланишларида Ибн Сино ва Берунийнинг анъаналарини давом эттиради. Албатта, бошқа мутафаккирлар қатори у ҳам дунёнинг аллоҳ томонидан яратилганлигини эътироф этади, лекин шу билан бирга табиат, ўзининг маҳсус қонунларига эга бўлиб, маълум фаоллик кўрсатиши мумкин деб ҳисоблайди. «Кичик қонун» («Қонунча») номли тиббий асарида у: «Табиат кучлари жисм мавжудлигининг асосидир» деб ёzádi¹. Айниқса, Чагминийнинг: «у (табиат — муаллиф) барча ҳаракат ва сукунат манбасидир» деган фикри муҳим аҳамиятга эгадир. Чагминий фикрича, табиат «табиий кучга» эга бўлиб, унинг ички фаоллигини белгилайди.

Чагминий фалсафий қарашларининг характерли хусусияти ўша даврда арастучиларни ва бўлинмас заррачалар ҳақидаги таълимотнинг маълум томонларини бирлаштиришга бўлган ҳаракатидир. Бу хусусият Чагминийни дунё, материя, табиат тузилиши ва ҳоказоларни тушунишида акс этади. У шунингдек, Абу Райхон Беруний қарашларида ҳам акс этган эди.

Табиатни тушунишдаги ўз фикрини аниқлаштириб Чагминий: «Материя ва шакл табиатни ташкил этади», деб таъкидлайди. У шакл қаторига ақлни ҳам киритади. Маълумки, перипатетизмда материянинг шакл билан боғлиқлиги қанчалик чамбарчас бўлмасин уларни бир-биридан ажратишнинг иложи сақланиб келади. Бу маълум даражада Чагминий киритган «элементар», «бўлинмас зарра», яъни атом сабабли бартараф этилди.

Чагминий таърифича, материя майда заррачалар шаклида мавжудdir, аммо уларнинг ўзига хослиги

¹ Материалы по истории прогрессивной общественно-философской мысли в Узбекистане. 379-бет.

шундаки, уларда материя ва шакл бир-биринга бирниб кетган. «Майда заррачалар турли шакл ва табиатга эга, яъни ҳар бир заррача маълум шаклга ва ўз табиатига эга, уни янада майдароққа бўлиб бўлмайди. Оддий бўлган ҳолатда у ўз шакли ва ўзига хос табиатига эга»¹. Ҷағминий қарашларида Ўрта аср олимларининг заррачаларнинг икки хили — атом ва ўзига хос молекулалар борлиги ҳақидаги тахмини ёрқин акс этди. Ҷағминий уларни «бирламчи» ва «иккиламчи» майдада заррачалар деб атайди. Кейинчалик аниқлик киритиб ««бирламчи заррачани» элемент, бошланиш, асосий жисем материя» деб атайди.

Атомлар ҳақида бу тушунча каломнинг бир оқими бўлган ашарийларнинг қандайдир бўлинмас моҳиятли нарсалар ҳақидаги тасаввурларига қарши эди. Шундай қилиб, Ҷағминий қарашларида Абу Бакр ар-Розий, Абу Райхон Беруний каби алломаларнинг анъаналари фалсафий жиҳатдан янада бойитилди.

Табиатни тушунишдаги ўз қарашларини тирик организмларга татбиқ этиш билан Ҷағминий Ибн Сино анъанасини давом эттириди. У таъкидлашича «табобатда табиат номи тўрт маънода ишлатилади: 1) Танага хос бўлган соғлиққа нисбатан; 2) Шакл таркибига нисбатан; 3) Танадаги асосий кучларга нисбатан; 4) Ҳаракат, эҳтиросга нисбатан».

Ҷағминий табиатни «тананинг асосий кучи», яъни тирик организмдаги, жумладан инсондаги физик ва моддий жараёнларни ҳал қилувчи куч деб ҳисоблайди. Айни шунинг учун Ғазолий Ибн Синони даҳрийликда айлаган. Эътиборга сазовор жойи шундаки, Ҷағминий бу фикри билан буюк мутафаккирнинг ғояларини ривожлантирди.

Шундай қилиб, XII—XIII асрларнинг йирик олимларидан бири — Маҳмуд Ҷағминий ўзида илмий анъаналарни яққол акс эттира олди. Унинг илмий ижоди мўғуллар истилосидан олдин бўлган илфор фалсафий фикр ривожланишининг ёрқин зарварафидир.

11. АБУЛ ҚОСИМ АЗ-ЗАМАХШАРИЙ ВА УНИНГ МЕРОСИ

Кўҳна Хоразмнинг турли шаҳарларида ўлмас асарлар яратган машҳур олимларидан бири Абу Қосим аз-Замахшарийдир.

¹ Материалы... 1976, 379- бет.

Абул Қосим Маҳмуд ибн Умар аз-Замахшарий 1095 - йилнинг 19 марта Хоразмнинг Замахшар қишлоғида таваллуд топди. Аз-Замахшарий ҳақидаги маълумотлар асосан ўрта аср араб манбаларида келтирилади.

Аз-Замахшарий дастлабки билимни даврининг анча ўқимишли кишиси саналган ўз отасидан олади. Алломанинг шахсий ҳаёти ҳақидаги маълумотлардан яна шу маълумки, унинг бир ёғи ёғочдан бўлиб узун яктагини тушириб кийгани учун кўрган одам уни чўлоқ деб ўйлаганлар.

Ёш аз-Замахшарий илм-фаннынг турли соҳалари билан қизиқиб толиби илмлар орасида ўз истеъодини намоён қила бошлайди. У мадрасада ўқитиладиган илмларни, айниқса, араб тили ва адабиёти, диний илмларни, ҳатто ўша даврда илм аҳли орасида қадрланган ҳаттотлик санъатини мукаммал эгаллади. Сўнг араб тарихиси Ибн Халлиқоннинг (1211—1288) ёзишича, у талабалик ёшига етгач (17 ёшларида) билимини янада ошириш ва ҳар томонлама камол топиш мақсадида Бухорога йўл олади.

Аз-Замахшарий ҳаётининг кўпгина йиллари хорижий элларда, саёҳатларда ўтган. Чунончи, у Шарқнинг кўп шаҳарларида, жумладан Марв, Нишопур, Исфаҳон, Шом, Бағдод, Ҳижозда, икки марта Маккада бўлди. Макка аҳли, айниқса, унинг амири Ҳамза ибн Ваххос аз-Замахшарийни жуда илиқ қарши олади. Олим бу ерда илмий ишларини давом эттиради, араб тили грамматикаси ва луғатини ҳамда маҳаллий қабилаларнинг лаҳжалари, мақоллари, урф-одатларини чуқур ўрганади, бу минтаقا жуғрофиясига онд хилма-хил маълумотларни тўплайди.

Олим Маккада турган йилларда кўпгина асарлар яратди. Ўз ҳаётида чуқур из қолдирган Маккада у беш йилча яшайди. Шу боисдан Жоруллоҳ («Оллоҳнинг қўшниси») деган шарафли номга мусассар бўлади.

Аз-Замахшарий Маккадан қайтиб Хоразмда бир неча йил яшайди ва шу ерда 1144 йилнинг 14 апрелида вафот қиласи. 1333 йили Хоразмда саёҳатда бўлган машҳур араб сайёхи Ибн Батута (1304—1377) «Саёҳатнома» асарида аз-Замахшарийнинг қуббали мақбрасини кўрганини ёзади.

Буюк мутафаккир аз-Замахшарий бизга катта ва бой илмий мерос қолдирган. У грамматика, луғатшунослик, аруз илми, жуғрофия, тафсир, ҳадис ва фиқҳга

оид элликдан ортиқ асарлар яратган, уларнинг аксарияти бизгача етиб келган.

Тилшунослик ва грамматика, диншуносликнинг турли томонларига оид асарлар аз-Замахшарий ижодида салмоқли ўрин өзгеллайди. Жумладан, араб тили грамматикасига оид «ал-Муфассал» номли асарини у Маккада яшаган пайтида, бир ярим йил давомида ёзган. «Ал-Муфассал» араб тили нахву сарфини ўрганишда йирик қўлланма сифатида азалдан Шарқда ҳам, Фарбда ҳам шуҳрат топган асарлардан ҳисобланади.

«Ал-Муфассал»нинг ихчамлаштирилиб, мухтасар ҳолга келтирилган нусхаси «ал-Анмузаж» («Намуналар») номи билан аталади. Грамматикага оид асарларидан «Шарқ айяат китоб Сибавайх» Сибавайхнинг китобига ёзилган мукаммал шарҳдир. Аз-Замахшарийнинг Хоразмшоҳ Алоуддавла Отсизга (1127—1156) бағишилаб ёзган «Муқаддамат ул-адаб» асари алоҳида аҳамиятга эгадир.

Аз-Замахшарий бу асарида ўша давр араб тилининг истеъмолда бўлган барча сўзлари, ибораларини қамраб олишга интилган, уларнинг келиб чиқиш ўзаги — этиологиясига катта эътибор қилган. Шу боисдан ҳам, аз-Замахшарийнинг бу йирик асарини мазкур йўналишдаги дастлабки асарлардан дейишиж жоиздир. «Муқаддамат ул-адаб» форс, чигатой (ўзбек) мўғул ва турк тилларига таржима қилинган. Манбаларда қайд этилишича, асарнинг чигатой тилидаги таржимасини аз-Замахшарийнинг ўзи қилган.

Аз-Замахшарий ўзининг Ҳижозга қилган сафаридан олган таассуротлари асосида «Қитоб ал-жабол ва -амкина ва-л-мийоҳ» («Тоғлар, жойлар ва сувлар ҳақида китоб») номли жуғрофияга оид асарини яратган. Асарда Арабистон ярим оролига оид жойлар, тоғлар ва сувликларга доир қимматбаҳо маълумотлар келтирлади. Машҳур араб олимни ва сайёҳи Ёқут ал-Ҳамавий (1179—1229) ҳам ўзининг бутун дунёга таниқли «Муъжам ал-булдон» («Мамлакатлар қомуси») асарида Арабистон, хусусан, Ҳижоз ҳақидаги маълумотларни аз-Замахшарийнинг ушбу асарига таяниб ёзган.

Олимнинг «Асос ал-балоға» («Нотиқлик асослари») асари асосан луғатшуносликка оид бўлиб, унда араб тилининг фасоҳати ва мукаммаллиги ҳақида сўз боради. Фикрни чиройли ибора ва сўзлар билан ифода-

лаш, сўз бойлигидан ўринли ва усталик билан фойдаланиш учун киши фасоҳат ва балофат илмларидан яхши хабардор бўлиши лозим. Бунинг учун сўзни тўғри, ўз ўрнида ишлатиш, қоидага мувофиқ сўзлаш ва ёзиш керак бўлган. Бу асарда адабиётнинг асосий қисмлари, фразеологик сўз бирикмалари ва уларни амалда татбиқ этиш йўллари чуқур таҳлил қилинган.

«Атвоқ аз-захаб фи-л-мавоиъ ва-л-хутаб» («Хутбалар ва ваъзлар баёнида олтин шодалар») — насиҳатомуз мақоллар тўпламидан иборат.

Аз-Замахшарийнинг «Рабиъул-аброр ва нусул ахйор» («Эзгулар баҳори ва яхшилар баёни») асарида адабиёт, тарих ва бошқа фанларга оид ҳикоялар, латифалар ва баҳсларнинг энг саралари жамланган.

Олим аруз вазни ҳақида баҳс юритувчи «ал-Кустос фи-л-аруз» («Арузда ўлчов-мезон») асари муҳим манбалардан ҳисобланади. Алифбо тартибида йиғилган араб мақол, масалларига бағишлиланган бошқа бир асарини аз-Замахшарий «Мустақсо фи-л-амсол» («Нижоясига етган масаллар») деб атаган. «Мақомат» («Мақомлар») — эллик мақомдан иборат асари қофияли наср — сажъ услубининг нозик намуналарини ўзида мужассам этган муҳим асардир.

Аз-Замахшарийнинг ғоятда кенг танилган «ал-Қашшоф» асари Қуръони Каримга ёэилган машҳур тафсирдир. Асарнинг тўлиқ номи «Ал-Қашшоф ан ҳақонқ ат-танзийл ва уйун ал/ақовийл фи вужух ат-таъвийл» («Қуръон ҳақиқатлари ва уни шарҳлаш орқали сўзлар кўзларини очиш») дир.

«Ал-Қашшоф» аз-Замахшарий Маккада турган пайтида, уч йил давомида (1132—1134) ёэилган. Аллома ўз тафсирини ёзишда ҳар хил сабабларга кўра бизгача етиб келмаган тафсир, ҳадис, фикҳ, илм ал-қироат, нахв, сарф, адаб ва бошқа илмларга оид ўша пайтда машҳур бўлган кўплаб манбалардан унумли фойдаланган.

Немис шарқшуноси Карл Брокельман дунёнинг турли қўллэзма хазиналарида «ал-Қашшоф» нинг юзга яқин қўллэзмалари ва асарнинг ўзига битилган йигирмадан ортиқ шарҳ ва ҳошиялар борлиги ҳақида ёзиши аз-Замахшарий асарнинг катта шуҳратидан далолат беради.

Аз-Замахшарийнинг чуқур билими, даҳоси ва фаннинг турли соҳаларига оид ўлмас асарлари ҳали у ҳа-

ёт пайтидаёк бутун мусулмон Шарқида унга шуқрат келтирган. Алломани чүқүр ҳурмат ва меҳр билан «Устоз ул-араб ва-л-ажам» («Араблар ва гайри араблар устози») «Фахру Хваразм» («Хоразм фахри») каби шарафли номлар билан атаганлар. Машхур олимлар, шоирлар ва адилар даврасида у доимо пешволардан бири бўлғаш, қизғин илмий баҳслар, мунозараларда унинг фикри инобатга олинган. Мана шундай юксак обрў-эътибор, эҳтимол унга ўз асарларидан бирида «ва иниий фи Хваразм каабат ул-адаб» («Чиндан ҳам мен Хоразмда адилар учун бир каъбаман») деб ёзишига асос бўлган бўлса, ажаб эмас.

12. ЮСУФ ХОС ҲОЖИБ ВА АҲМАД ЮГНАКИЙНИНГ ИЖТИМОИЙ-АХЛОҚИЙ ҚАРАШЛАРИ

Юсуф Хос Ҳожиб XI асрнинг кўзга кўрингани шоири ва мутафаккири. У йўрта Осиёда қораҳонийлар ҳукмронлик қилган даврда яшади ва ижод қилди. У Боласуғун шаҳрида¹, бу шаҳар ғоят гуллаб яшнаган бир даврда туғилди.

Юсуф Хос Ҳожиб ўзининг бирдан бир достопи бўлмиш туркий тилда ёзилган «Қутадғу билик» («Бахтга элтувчи билим») билан машҳур бўлиб, бу достоп бизга тўла ҳолича етиб келган². Мутафаккирнинг бошқа асарлари ҳам бўлган деб тахмин қиласидар.

«Қутадғу билик» этик-дидактик асар сифатида Шарқ ўрта асрнинг дунёвий адабиётига мансуб турк тилидаги энг йирик ёдгорликлардан биридир. Бу асар араб тилида ёзилган Ибн ал-Муқаффанинг «Китоб ал адаб ал-Кабир», Ибн Қутайбанинг «Уюн ал-ахбор», ал-Жаҳиддининг «Китаб ат-Таж» туридаги, шунингдек форс тилида ёзилган Низом ал-Мулкнинг «Сиёсаннома», Қайковуснинг «Қобусномаси» ва шу хилдаги Шарқда кенг ёйилган ўгит-насиҳат жанрига мансубдир.

Ушбу китоб 1069 йилда ёзилган бўлиб, муаллиф уни Қашқар ҳокими Сулаймон Арслон Қораҳонга бағишлан-

¹ Боласуғун — қораҳонийлар мулкларининг маъмурий-сиёсий марказларидан бири бўлиб, ҳозирги Қирғизистон Республикасининг Тўқмоқ шаҳри яқинида жойлашган.

² «Қутадғу билик» нинг Ҳирот, Коқира, Наманган нусхалари борлиги бизга маълум. Ҳирот нусхасини даставвал Г. Вамбери, сўнгра эса академик В. В. Радлов ўрганганилар.

ган, шунинг учун ҳам хон унга Хос Ҳожиб, яъни буюк хоннинг маҳсус маслаҳатчиси унвонини берган.

Юсуф Ҳожиб фаолиятига Қорахоний ҳокимларининг бу қадар юксак баҳо берганлиги ҳамда унинг асосий асағига фоят катта қизиқиш билан қараганлиги шу билан изоҳланадики, бир томондан, «Қутадғу билик» ахлоққа онд қоидалар ва хулқ-атвор мезонларининг ўзига хос бир кодекси бўлиб қолган, иккинчи томондан эса, қорахонийлар сулоласи, давлатнинг дәҳқон ва ҳунарманд аҳолиси наздида ўз ҳокимиятининг обрў-эътиборини барқарор этишга, шунингдек қўшни ҳокимлар томонидан тан олинишига интилган.

Юсуфнинг фикрича, ҳоким ва унинг теварагидаги кишилар феодал ахлоқи талабларига батамом мувофиқ равишда ўзларини қандай тутишлари, «давлат илми» қоидаларига биноан бошқаришга ўрганиб олишлари хусусида ана шу китобдан барча зарур билимларни тошишлари зарур эди.

Юсуф Ҳожиб ўз замонасининг жуда билимдон кишиси эди. «Қутадғу билик» достони унинг адабиёт, тарих, фалсафа, ахлоқшунослик ва нафосатшунослик соҳасида жуда кенг билимларга эга эканлигидан далолат бериб турибди. У Эроннинг қаҳрамонлик эпоси билан таниш бўлган. «Қутадғу биликнинг» Фирдавсий «Шоҳнома»си каби маснавий шаклида ёэйлганлиги фикримизнинг далилидир. Достонда «Шоҳнома» қаҳрамонлари Ануширвон, Заҳҳок, Фаридун, Рустам, Афрасиёб ва бошқаларнинг номлари тилга олинган, Муаллиф уларни адолат, яхшилик, жасорат каби олижанобликнинг ўзига хос бир мезони сифатида ифодалаган ва достонда улар идеал ҳокимнинг хислатлари тимсоли сифатида берилган.

Юсуфнинг ахлоқий қарашлари у Ибн Сино меросини, хусусан, давлатнинг мураббийлик вазифаси тарбия орқали бартараф этиладиган иллат, муруватли ҳоким жамият ва давлатни соғломлаштириш шарти эканлиги каби масалаларни чуқур ўрганиб чиққанлигидан далолат беради.

Гарчанд Юсуф объектив дунё ва ундаги одам худо томонидан яратилган, худонинг нигоҳи ҳамма ерга етиб боради, деб ҳисобласа ҳам, ҳар ҳолда, мутафаккир инсоннинг шундан кейинги қисматини унинг ҳақиқий ҳаётга бўлган муносабатини худо оламни яратган, аммо

унинг ишларига бевосита аралашмайди деган нуқтаи назардан туриб ҳал қиласди¹.

Достон қаҳрамонлари — ҳоким Кунтуғди адолат рамзи, вазир Ойтўлди баҳт (давлат) рамзи сифатида, вазирнинг ўғли Оғдулмиш ақл рамзи сифатида муаллиф томонидан ўйлаб топилган, бироқ улар мавжуд дунё намояндалариридир.

Мутафаккир инсон фақат жамиятда, бошқа кишилар билан мулоқотда ва ўзаро муносабатларда, ижтимоий фойдали меҳнатдагина чинакам камолотга етишади, деган шиорни илгари суради. «Инсонга фойда келтирмайдиган инсон — ўликдир»², деб таъкидлайди. У жамиятда меҳнат аҳли (дәхқонлар, чорвадорлар, ҳунармандлар) ҳал қилувчи роль ўйнашини уқтиради. Бинобарин Хос Ҳожиб ҳокимга адолатли бўлиш, ўзбoshimchалик ва қонунсизликка йўл қўймасликни маслаҳат беради. Чунки бу нарса инсоний ахлоқ одоб нуқтаи назаридан мутлақо ёмонликдир. Иккинчи томондан, ҳаддан ташқари қилинган зулм халқнинг сабр-косасини тўлдириши ва исёнга олиб келиши мумкин.

Юсуф Хос Ҳожибининг ахлоқий қарашлари унинг сиёсий ва ижтимоий қарашлари билан чамбарчас боғланиб кетган. Унинг фикрича, ҳокимларнинг, уларга муте кишиларнинг ҳар томонлама ахлоқий камол топиши давлатнинг сиёсий жиҳатдан мустаҳкамланишига, унинг обрў-эътибори ошишига олиб келади. Ҳоким доно бўлса бошқарувнинг негизини ақл ва адолат ташкил этади. Ақл ва адолат, шубҳасиз, ялпи баҳт-саодат ва фаровонликка олиб келади; жамият аъзоларининг ўзаро муносабатларида ахлоқнинг дўстлик, садоқат, ҳалоллик, ростгўйлик, ҳурмат в муҳаббат каби умуминсоний мезонлари ҳукмрон бўлади.

Ўз достонида мутафаккир ҳоким билан халқ ўргасидаги муносабатлар масаласига катта эътибор бериб келди. «Агар бек эл ҳақида ғамхўрлик қиласа, унинг фуқаролари жуда бойиб кетади. Борди-ю фуқаролар бойиб кетса, унда бекнинг ҳамма истаклари рўёбга чиқади. Агар халқ ўз ахлоқини такомиллаштириб борса, бек ҳам ахлоқ-одобда камол топиб боради, борди-ю

¹ Юсуф Хос Ҳожиб, Қутадғу билик, «Фан», 1972, 26-бет.

² Уша жойда, 659—667-бетлар.

бек ахлоқлы, одобли бўлса у ўз халқи учун яхшилик қилган бўлади¹, — деб таъкидлайди.

Юсуф «Қутадғу билик»да идеал давлат, гуллаб-яшнаётган эл, халқ ҳақидаги ўзига хос бир утопик — хаёлий назарияни баён этишга интиладики, гўё бундай элда ҳар бир киши ўз ўрнида бўлиб, ўз ижтимоий бурчани фаол адо этиб боради.

Бу ўринда Юсуф Хос Ҳожибининг идеал эл ҳақидаги хаёлий лойиҳаси билан Афлотун ва Форобийнинг идеал давлат ҳақидаги гояси ўртасидаги давлатга бошлилик қилаётган шахснинг ёки шахслар гуруҳининг роали ва вазифалари хусусида ўхшашлик борлигини қайд қилиб ўтиш лозим. Афлотун ўзининг «Давлат» асарида ҳокимнинг ақл-заковатига, унинг давлатпаноҳликдаги донишмандлигига, қонун чиқариш борасидаги фаолиятига, тарих ва бошқарув билимини (сиёsat)ни билишига, дунёвий фанлардан ва сарой ахлоқидан хабардорлигига жуда катта аҳамият беради.

«Қутадғу билик» да бир қатор бошқа масалалар ҳам қўйиладики, бу масалалар асосан билимининг турли соҳаларига, хусусан Юсуф Хос Ҳожибининг ахлоқий қарашларига тааллуқлидир.

Юсуф Хос Ҳожибининг ахлоқий қарашлари унинг ижтимоий-сиёсий, диний ва бошқа гояларининг негизини ташкил этади. Мутафаккир фикрича, одам кимлигидан (ҳоким ёки оддий киши бўлишидан) қатъи назар инсон бўлиши лозим, чунки дунёда фақат инсонийликгина абадул-абад қолади. Шу сабабли ўз номининг ҳамиши яхшилик билан эсланишини истаган киши фақат яхшилик қилиши лозим. Мутафаккир инсонийлик деганда олижаноб фазилатларга эга ахлоқий баркамолликни назарда тутади. Зоро, ахлоқий камолот — инсоннинг бутун ҳаёти ва фаолиятининг бирламчи асосидир. Ў, жумладан, шундай деб ёзган эди: «Кимнинг одоби яхши ва ахлоқи тўғри бўлса, у киши мақсадига етади ва бахт унга кулиб боқади», чунки, «яхши ахлоқ жамики яхшиликларнинг заминидир».

Ягона мақсадни кўзлаб жамиятнинг барча табақаларини оға-инилар сифатида муросага келтириш ва ана шу негизда одил ва гуллаб-яшнайдиган жамият

¹ Қаранг: Юсуф Хос Ҳожиб. Қутадғу билик, 309- бет.

барпо этиш Юсуф Хос Ҳожиб ахлоқий қарашлари ассоций мазмунини ташкил этади.

Юсуфнинг фикрига кўра, дунёда яхшилик ва ёмонликнинг икки тури: туғма яхшилик ва ёмонлик ҳамда кейин пайдо бўлган яхшилик ва ёмонлик мавжуддир. Шунга мувофиқ тарзда одамларнинг ҳам икки тури — табиатан яхши ва ёвуз одамлар ҳамда муҳитга, тарбиясига қараб яхши ва ёмон одамлар бор.

Хос Ҳожибининг, агар одам табиатан ёмон бўлса, унга тарбия кор қилмайди, деган хато қондаси ҳам ана шундан келиб чиқади. «Унинг учун ҳеч қандай малҳам йўқ, у катта фалокатдир»¹. Мутафаккир ёмон одамлардан узоқроқ бўлишни, улар билан дўст тутун-масликни маслаҳат беради, чунки «ёмон киши билан дўст бўлган яхши одам ҳам ёмон бўлиб қолиши мумкин². Унинг ўгит-насиҳатлари биринчи навбатда, ҳокимларга қаратилган эди, чунки давлатпаноҳ теварагида табиатан яхши ниятли, юксак ахлоқ соҳиби бўлган кишилар бўлган тақдирдагина у тўғри ишлар қилиши, тўғри фармойишлар бериши мумкин, шундагина мамлакат фаровон бўлиб, равнақ топади.

Юсуфнинг фикрича, фақат насл-насабли кишиларгина юксак ахлоқли бўлиши, насл-насабсиз кишилар эса, фақат ёмон ишларгагина лаёқатлидирлар, чунки улар баразгўйлик, хасадгўйлик ва бошқа ярамас, тубан иллатлар таъсирида иш тутадилар. Унингча, яхши кишилар ахлоқан комил кишилар, яъни аслзодалар, зодагонлар бекка яқин бўлишлари, унинг маслаҳатгўйлари бўлишлари лозим, насл-насабсиз кишидан бекнинг маслаҳатчиси чиқиши мумкин эмас, чунки «қоралар» ярамас қилиқларга мойил бўладилар. Юсуф Хос Ҳожибининг бундай қарашларида ҳукмрон табақа вакилининг қарашлари яққол намоён бўлаётганини сезиш қийин эмас. Юсуф илмнинг турли соҳаларини жамиятнинг тараққиётига ва гуллаб-яшнашига олиб келувчи куч деб билиб, уларни эгаллашга даъват этади. У илм-фан ва маърифат ёрдами билан ўз даврининг ахлоқий муҳитини соғломлаштириш мумкинлигига ишонади. Юсуф кишини зулмат ичидаги уйга, билимни эса ана шу уйни нурафшон этувчи машъалга ўхшатади³.

¹ Юсуф Хос Ҳожиб. Қутадғу билик 185- бет.

² Уша жойда, 635- бет.

³ Уша жойда, 315- бет.

Мутафаккир билим олишга оқилона ёндашиши маслаҳат беради, чунки ҳамма яхшиликлар билимдан пайдо бўлади, билим ёрдамида инсоннинг мартабаси ошади, номи машҳур бўлади.

«Қутадғу билик»да ҳоким билан донишманднинг баҳамжиҳат иш тутишига катта ўрин берилган. «Билимга яқин бўлган бек,— дейди у,— доно бекдир». Мутафаккирнинг фикрича, «аслзода» кишилар икки хил бўлади: «Бири — бу бекдир, бошқаси — донишманд бўлиб (улар) инсоният раҳнамолариидир... Бири (улардан) қўлига қилич олиб ўз фуқароларини тартибга солади, бошқаси эса қўлига қалам олиб (ва) турмушнинг тўғри йўлини чизиб беради».

Ҳокимнинг донишманд билан баҳамжиҳат иш тутиши зарурлиги ҳақида олим илгари сурган бу фикрлари янги эмас, бу фикр анъанавий шарқ фалсафасида майян даражада ўз ифодасини топган¹. Қорахонийлар ҳокимлиги замонида Юсуф муруватли олимлар ва бекка содиқ кишилардан иборат кенгаш барпо этишини истаган эди².

Юсуф Ҳос Ҳожиб инсоннинг улуғлиги юксак ақл соҳиби, шунинг учун ҳам у ер юзида ҳар қандай ишни қилишга қодирлигини таъкидлайди. Инсон — энг улкан мавжудот бўлса ҳам айни чоқда энг мураккабдир. Кишилар бир хил эмас, улар муруватли ва нуқсанли, доно ва аҳмоқ, оқ кўнгил ва ёвуз бўладилар. Шунингдек, шоир сермазмун маданий нутқ инсонни улуғлашини, шу боисдан айтмоқчи бўлган ҳар бир сўз мазмунли, қисқа ва равshan бўлиши, ўйлаб айтилиши керак, акс ҳолда у зарар келтириши мумкинлигини таъкидлайди. Бу хусусда мутафаккир шундай дейди: «Сўзингга эҳтиёт бўл, боининг кетмасин. Тилингга эҳтиёт бўл, тишинг синмасин. Маънодор сўз донолик аломати, бемаъни маҳмаданагарчилик, аҳмоқлик аломатидир. Шу боисдан одам кўп қулоқ солиб, кам гапириши керак»³.

¹ Бундай фикр Шарқдаги кўлгина ахлоқий-тарбиявий асарларнинг бутун мазмунига сингиб кетган. Искандар Зулқарнайн билан Арасту ўртасидаги дўстлик классик намуна қилиб кўрсатилиб, шундай дўстликка интилиш кераклиги насиҳат қилинган. Доро II билан унинг вазири Ратил, подшо Дабшалин билан файласуф Бейдек ўртасидаги дўстлик («Калила ва Димна» ва ҳоказоларда).

² А. А. Валирова. К вопросу о мировозрении Юсуфа Баласагунаского, 117- бет.

³ Юсуф Ҳос Ҳожиб. Қутадғу билик, 87- бет.

Юсуф Ҳос Ҳожиб инсоннинг ташқи қиёфаси унинг ички маънавий дунёсига мос бўлишига катта аҳамият берди, яъни у икки дунёнинг (ташқи ва ички дунёнинг) бирлиги ақл-заковати расо кишининг ажралмас фазилатидир, деб ҳисоблар эди¹.

«Қутадғу билик» нинг муаллифи, сўзи билан иши бир бўлган киши асл инсондир, деб таъкидлайди. Унингча ҳалол, ҳақгўй одобли киши ҳар қандай қимматбаҳо нарсадан ҳам қимматлироқдир, бундай кишига «бахт ҳар икки дунёда ҳам кулиб боқади»². Мутафакир ёлғончилар, мунофиқ кишиларга нафрат билан қараб, уларнинг жамият учун зарарли эканлинини уқтиради ва бундай кишилардан узоқ бўлишни маслаҳат беради.

Юсуф Ҳос Ҳожиб оддий ва камтар кишиларни шаррафлайди. Киши қанчалик юқори мартабага эришмасин, қанчалик катта бойлик орттирамасин, барибир камтар бўлиб қолиши лозимлигини, чунки оддийлик ва камтарлик одамни безашини ва уни оқ кўнгил ва кўркам қилишини таъкидлайди. Зеро, дунёда ҳамма нарса: инсон умри ҳам, баланд мартабалар ҳам, бойлик ва шон-шуҳрат ҳам ўткинчидир. Агар сен бугун бадавлат бўлсанг, эртага бойликтан маҳрум бўлиб қолишинг, агар сен бугун шон-шуҳрат топсанг, эртага улар ғойиб бўлиши мумкин. Юсуфнинг фикрича, ўзини камтарона, мурувватли қилиб тутадиган кишигагина баҳт кулиб боқади. Калондимоғ, манманликка берилган, мақтан-коқ кишидан ҳамма юз ўгиради, бундай ёмон хислатлар яхши одобли кишиларни ўзидан йироқлаштиради. Ҳақиқий инсон бўлғуси авлодлар уни юксак ахлоқ-одобли киши деб эслашлари учун, ўзидан кейин яхши ном қолишига ҳамиша ҳаракат қиласди. Шу сабабли деб таълим беради у,— агар киши обрў-эътиборли бўлишни истаса, унинг кўнгли очиқ, қиёфаси ва сўзлари маъноли ҳамда ёқимли бўлмоғи лозим. Мутафакир инсон камолатга етиши учун мазкур хислатлардан ташқари яна саботли, чидамли ва сабр-тоқатли бўлиши даркорлигини таъкидлайди. Инсон ҳар тарафлама лаёқатли бўлиши зарур, ана ўшандагина унинг учун ҳаёт янада яхшироқ ва хушчақчақроқ бўлади, баҳт унга ҳамиша ёр бўлади³.

¹ Юсуф Ҳос Ҳожиб. Қутадғу билик, 183- бет.

² Уша жойда, 243- бет.

³ Юсуф Ҳос Ҳожиб. Қутадғу билик, 425, 633- бетлар.

Юсуф Ҳос Ҳожиб кундалик ахлоқ мезонларига катта эътибор беради. У инсоннинг шахсий ҳамда ижтимоий ҳаётининг энг оддий масалаларини ҳам эътибордан четда қолдирмайди.

Юсуф Ҳос Ҳожиб оиласи тарбия — болаларнинг ахлоқий қиёфасини шакллантиришда энг асосий омил эканлигини, мабодо болаларнинг хулқ-автори ёмон бўлса, бунга бола эмас, ота айбор эканлигини, ота ўз фарзандини ақлли ва фаҳмли қилиб тарбияламоқчи бўлса, у болани доимо диққат-эътибор остида тутиши лозимлигини таъкидлайди. Мутафаккир ўз болаларини ортиқча эркалатиб, бу билан уларнинг келгусида нолойиқ хатти-ҳаракатлар қилишига тўғридан-тўғри айбор бўладиган ота-оналарни қаттиқ қоралайди ва кимки ўғли ёки қизини талтайтириб юборган бўлса, бунинг учун у ахийири қаттиқ йиглашини айтади.

Юсуфнинг фикрича, болаларни ҳунар ва билимга ўргатиш уларнинг ахлоқ-одобини тарбиялашнинг асосидир. Шунинг учун ҳам отанинг энг биринчи бурчи ўз боласига зарур билимни бериш ва уни ҳунарга ўргатишдир. Мутафаккир бола одобли бўлиши, уй вазифаларини саришталик билан ўз вақтида бажариши учун уни гўдаклигиданоқ тарбияламоқ лозим, деб ўйлайди.

Юсуф Ҳос Ҳожибининг бундай қарашлари ўз даври одобномаси, ахлоқий қарашларининг ёрқин намунаси сифатида Ўрта Осиёда илгор фикрларнинг ривожланишида катта роль ўйнади.

Аҳмад Югнакий. «Ҳибатул-ҳақойиқ»¹ номли ўзи нинг этик-дидактика достони билан машҳур бўлган Аҳмад Югнакий XII аср охири ва XIII асрнинг биринчи ярмида яшаб ижод қилди.

Биз муаллиф ҳақида жуда кам нарса биламиз. Достондан фақат шу нарса маълумки, уни Мақмуд ўғли Аҳмад деб аташган, у Югнак шаҳрида² туғилган, туғилганда унинг кўзи ожиз бўлган.

Аҳмад Югнакий ўз достонини ўша замоннинг кўзга кўринган кишиси бўлмиш Дод Сипоҳсолорбекка ба-

¹ «Ҳибатул-ҳақойиқ»нинг биринчи қўлёзмасини турк олими Нежиб Осим биринчи жаҳон уруши йилларида топган. Уша пайтдан буён Туркияning бир қанча районларида мазкур достоннинг яна бир исча қўлёзма нусхалари топилдики, ular Туркия кутубхоналарида сақланмоқда.

² Югнак шаҳри, тадқиқотчиларининг маълумотларига қараганда, Самарқанд шаҳри яқинида бўлган.

ғишилаган. Шоир унга мурожаат қилар экан, уни бир неча бор «шоҳим» деб атайди. Бундан ушбу шахс Аҳмад юртида катта мартабани эгаллаган¹ деб ўйлаш мумкин.

Туркий тилда ёзилган «Ҳибатул-ҳақойиқ» туркий халқларнинг нодир адабий ёдгорликларидан биридир.

«Ҳибатул-ҳақойиқ» достони тилини таҳлил қилиш, гарчи унда Юсуф Баласофуний достонида ишлатилган қадимги терминлар бўлмаса-да, лекин унинг «Қутадғу билик» асарига жуда ҳам яқин. Достон Ўрта Осиёга мўгуллар истилосигача ёзилган, чунки унда мўгуллар тилга олинмайди.

Аҳмад Югнакий тасаввурicha, худо инсоннинг тақдирини, упинг хулқ-атвори ва бутун ҳаётий фаолиятини белгилаб берувчи бирдан-бир ҳокимдир². Лекин у айни чақда дунёвий ҳаётнинг маъноси ва гўзаллигини инкор этмайди ва ижтимоий ҳаётнинг хусусиятлари ҳакида муайян тасаввурга эгадир.

Югнакий Шарқ адабиётидаги ёйилган муқоясаларга асосланиб, дунёнинг бевафолиги, ўткинчилиги ҳақида гапиради: дунё унинг назарида каренга фақат озгина фурсатга тўхтаб ўтиладиган работдир. Шу сабабли, деб таъкидлайди у, бу дунёдаги роҳат-фароғатга интилиш бефойда, уни деб азоб-уқубат чекишига арзимайди, чунки «сен бугун кўриб турган бойлик эртага ғойиб бўлади, сен ўзимники деб билган буюмлар бошқаларга қолиб кетади»³. Мутафаккир фақат «яхшилик уруғини сепиш» учунгина яшашни маслаҳат беради.

Аҳмад Югнакий Юсуф Ҳожиб каби билимли кишиларнигина мукаммал кишилар деб ҳисоблайди. Унинг фикрича, инсон билан билимни бир-биридан ажратиб бўлмайди, фақат билимли кишигина камол топиши мумкин:

Олим одам — қимматбаҳо динордир,
Нодон, жоҳил одам — қимматсиз соҳта пулдир.
Хўш, қандай қилиб олим нодон билан
тенглашувни мумкин?
Олим аёл — эр, жоҳил эркак — хотиндир.

¹ Аҳмад Югнакий «Ҳибатул-ҳақойиқ», Тошкент, F. Ғулом номидаги бадиин адабиёт нашириёти, 1971 йил.

² Аҳмад Югнакий. Ҳибатул ҳақойиқ, 156- бет.

³ Уша асар, 56- бет.

³ Уша асар, 40—41- бетлар.

Шу боисдан у ўқиш ва билим орттиришни маслаҳат беради, чунки «эр билим — сүяк учун худди иликдек, эрнинг чиройи ҳам унинг ақлидадир»¹.

Юқорида айтилганлардан шундай хулоса чиқадики, билимдонлик ёки жоҳиллик жами яхшилик ёки ёмонлик, эзгу ёки ярамас ишлар учун замин ҳозирлайди.

Мутафаккир таъкидлаганидек, инсон олим бўлгандан кейингина улуғлик даражасига кўтарилади ва яхши ном қолдиради билимсиз киши эса соғлом бўлса ҳам, унинг номи ўлиkdir. Шу ўринда Аҳмад Югнакий билан Юсуф Хос Ҳожибнинг билим олиш ҳақидаги фикрлари ўртасидаги тафовутни кўрсатиб ўтиш лозим. Аҳмад Югнакий билимли бўлиш аввало камбағаллар учун муҳим ва ғоят улкан аҳамият касб этади, деб ҳисоблайди. Юсуф Хос Ҳожиб эса билимни фақат имтиёзли кишилар олиши мумкин, авом ҳалқ билим олишга мойил эмас, унинг учун муҳими тўқ бўлишдир, деб ўйлади². Югнакий шундай деб таъкидлайди: «Мол-мулксиз киши учун билим битмас-туганмас мулkdir, камбағал учун билим хатосиз ҳисобдир»³. Мутафаккир «ахлоқ одобда асосий нарса тилдир, уни тия билиш лозим»⁴, деб қаттиқ уқтиради ва одамни унинг тилига қараб билib олиш мумкин, деб ўйлади. Агар одам ақлли бўлса, у ўз тилини тия билади, у айтадиган сўзлар чуқур ва мазмунли бўлади, енгилтак, маҳмадана кишиларнинг сийқа мулоҳазалари эса унинг кимлигини шундоққина кўрсатиб туради. Унинг фикрича, тил — баҳтиёрлик ёки баҳтсизликнинг сабабидир.

Алишер Навоий ўзининг «Насойимул-муҳаббат» асарида Аҳмад Югнакийнинг номини ҳурмат билан тилга олиб ўтади.

Шоирнинг фикрича, ҳалоллик ва ҳақгўйлик инсоннинг зарур фазилатидир, чунки буларсиз у ўз моҳиятини йўқотади. Инсоннинг ҳақгўйлиги ва ҳалоллигининг даражаси мезон бўлиб, шу боисдан ҳақиқатни маҳкам ушла ана ўшанда ҳамма яхши одамлар сенга суюнади, деб уқтиради.

Шоир «Сахий бўл, токи (кишилар сенинг хасислигинг учун) Сенга маломат қилмасинлар, чунки сахий-

¹ Аҳмад Югнакий. Ҳибатул-ҳақойиқ, 40—41- бетлар.

² Юсуф Хос Ҳожиб. Қутадғу билик, 247- бет.

³ Аҳмад Югнакий. Ўша асар, 46- бет.

⁴ Аҳмад Югнакий. Ўша асар, 46- бет.

лик таъналар тоши йўлини бекитади¹, деб қайта қайта тақрорлайди.

«Ҳибатул-ҳақойиқ» достонининг муаллифи ҳар бир киши иззат ва ҳурмат қозонишга интилиши лозим, лекин буларни фақат ҳалол меҳнат, билим ва ақл мадади билангина қўлга киритиши мумкин, дейди. Бунга мусассар бўлган киши эса бадфеъл ва сервиқор бўлмаслиги керак, чунки инсоннинг бу хислатлари ҳам энг тубан нуқсонлар жумласидан бўлиб, яхши кишиларни ундан айнитади. «Кеккайшни ҳеч кимса — ҳалқ ҳам, худо ҳам хуш кўрмайди»², — дейди Аҳмад. Аксинча, одам дунёда нечоғлик одобли бўлмасин, камтар, камсуқум бўлмоғи лозим. У ҳеч қачон ўзини бошқалардан юқори қўймаслиги керак. Камсуқумлик, камтаринлик инсонни улуғлайди, гердайиш ва калондимоғлик уни ерга уради. Бу ҳақда у бундай деб таъкидлайди: «Агар пурвиқор киши мен зоти улуғларданман деса, мен унга қатъий қилиб, жами ҳалқлар бир ота, бир онадан, яъни ҳамма баббаравар, деб жавоб қиласман»³. Унинг бу фикрлари ўзаро муносабатларда бойлик, пул, зебзийнатларни асосий ўлчов деб билувчи кишиларни қаттиқ қоралаганидан далолат беради.

Югнакий саҳоват ва меҳрибонликка даъват этар экан, баъзан: Инсонда сабр-тоқат ва кутишдан бошқа ҳеч илож қолмайди, деган умидсиз бир хулосага келади. Агар бошингга кулфат тушса, дейди у, қаршилик қилма, уни зўр қувончла қабул эт, чида ва кут, зеро ахийри баҳтли кунлар келажакдир⁴.

Шуни унутмаслик керакки, сабр — сўфийларнинг талабларидан бири бўлиб, унинг моҳияти ҳатто чидаб бўлмаса ҳам, ҳамма кулфатларга итоаткорлик билан чидашга чақиришдан иборатдир⁵.

Мутафаккир, аркони давлатнинг мулойимлиги ва саҳоватига умид боғлаш ярамайди, деб уқтиради, улардан ҳамиша эҳтиёт бўлиш керак, чунки уларнинг дasti узун ва беҳаддир, шу боисдан беғарағаз ҳазил ҳам қилған кишининг бошини ейди.

Аҳмад Югнакий тўралар ва амалдорлар ҳатти-ҳа-

¹ Аҳмад Югнакий. Ўша асар, 64- бет.

² Ўша жойда, 68—69- бетлар.

³ Ўша асар, 67- бет.

⁴ Аҳмад Югнакий. Ҳибатул-ҳақойиқ, 77- бет.

⁵ Е. Бертельс. Суфизм и суфийская литература. Избр. труды, т. 3. М. ИВЛ, 1965, 37- бет.

ракатига алоҳида эътибор беради. У бундай кишиларга баланд мартабага эришгач, гердайиб кетмасликини, камтар ва меҳрибон бўлишини маслаҳат беради.

Югнакий одамларни яхши ва ёмон кишиларга бўлар экан, инсон фақат яхши кишилардангина дўст ортиромоги керак, чунки фақат яхшиларгини чинакам дўстликнинг қадрига етадилар, деб ҳисоблади. Дўстликка яхши ишлар билан жавоб бермоқ лозим. Фақат яхши ишлар қилибгина яхши натижаларни кутиш мумкин, чунки «...тикан экиб, ҳосилига узум олмайсан», дейди у. Қимнингки дўстлари яхши бўлса, демак унинг ўзи ҳам яхши, мабодо у ёмон кишилар билан дўст бўлса, унда шубҳасиз, унинг ўзи ҳам худди шундай ёмон бўлиб қолади. Шу сабабли, деб маслаҳат беради мутафаккир, пухта ўйлаб иш тутинглар ва дўст танлашга като қилманглар.

Борди-ю сен бирон киши билан дўст бўлиб қолсанг, уни эҳтиёт қил, майда-чуйда хатолари учун уни қаттиқ қоралама, зоро донишманд ҳам хато қилиб қўйиши мумкин. Агар биргина хато учун ҳам бош олинаверса, душёда тирик одамзод қолмайди.

Киши ўзини шундай тутсинки, душман орттирумасин, зоро минг нафар дўст — кам, битта душман эса — кўндири!

Аҳмад Югнакийнинг қарашларида ўзи яшаб турган замондан широзилик кайфияти ҳам кўриниб туради. Мутафаккир ўша замоннинг ахлоқий ва ижтимоий шароитини тавсифлар экан, тўғридан-тўғри бундай дейди:

Дўстлик қуруқ сўз бўлиб қолди, ҳақиқат қани?
Минглаб кимса ичидан бирон ҳақгўйини тополмайсан.
Аксар кишиларининг иши сотқинликдан иборат,
Дўстинг агар ҳақгўй бўлса, буни билиб қўй.
Энди бу дунёда инсонийлик ноёбдир.
Қайға гойиб бўлди инсонийлик, ҳайҳот!¹

Аҳмад Югнакий ўзидан илгари ўтган мутафаккирлар сингари ахлоқ-одоб ва инсон хатти-ҳаракатининг асосларини мавҳум тарзда тушуниб, уларни инсоннинг ўзининг табиатидан деб билар эди.

Аҳмад Югнакийнинг ахлоқий қарашлари ўша замоннинг илфор таълимоти эди. Бу таълимот ҳалқининг

¹ Аҳмад Югнакий. Ўша асар, 79-бет.

² Ўша асар, 82-бет.

Ўрта аср даври учун хос бўлган ахлоқ ҳақидаги, киши хулқ-авторининг мезон ва қоидалари ҳақидаги тасаввурларнинг асосий белгиларини ўзида гавдалантириди. Шуни унумаслик керакки, мутафаккир илгари сурган ахлоқий ғоялар муайян даражада унинг ўзи мансуб бўлган табақалар манфаатларига жавоб беради, унинг ўғит-насиҳатидан иборат достони ҳам ана шу табақаларга қаратилган эди. Аҳмад Юғнакий ахлоқий қарашларининг ўрни ва аҳамиятига худди ана шу нуқтai наzarдан баҳо бермоқ лозим.

13. ЎРТА ОСИЁДА ТАСАВВУФ ОҚИМЛАРИ

Ислом дини пайдо бўлгандан сўнг унинг доирасида, Қуръон ва Ҳадис аҳкоминга мос равишда пайдо бўлган тасаввуф таълимотлари X—XI асрларга келиб Мовароуннаҳр (Ўрта Осиё) да ҳам кенг тарқала бошлади.

Тасаввуф мусулмон мамлакатлардаги ҳалқларнинг ижтимоий-фалсафий, маданий-маънавий ҳаётida кенг тарқалган, энг мураккаб ҳамда ўзаро зиддиятларга тўла гоявий оқимлардан бири саналиб, пайдо бўлишининг биринчи асрларида (IX—X) еретик (бидъат) таълимотлар қаторига қўйилган, унинг таргиботчи ва ташвиқотчилари беаёв қувгин этилган, баъзилари шафқатсиз қатл қилинган эдилар. Тарки-дунёчилик, бу дунё бойликларидан ва ноз-неъматларидан воз кечиш, худо висолига етишмоқ учун пок, ҳалол, ўз меҳнати илия яшаш, ихтиёрий равишдаги фақирлик тасаввуфнинг ўзига хос хусусиятларидан ҳисобланган.

Ўрта Осиёда тасаввуфий таълимотларнинг пайдо бўлиши йирик мутафаккир ва мутасаввиф донишманд Шайх уш-шуйух (шайхлар шайхи) Ҳазрати Юсуф Ҳамадоний (1048—1140) номи билан боғлиқdir. Унинг тўлиқ исми Абу Яъқуб Юсуф бин Айуб бин ал-Ҳусайн бин Ваҳора ал-Ҳамадоний бўлиб, 1048 йилда Ҳамадон (Эрон) яқинидаги Бузанжирд қишлоғида таваллуд топган. Юсуф Ҳамадоний 17 яшарли йигит пайтида илм истаб XI асрдаги халифаликнинг пойтахти — Бағдодга келади ва у ердаги машҳур «Низомия» мадрасасида ўқийди. У ўз даврининг атоқли донишмандлари бўлмиш Абу Исҳоқ аш-Шерозий, Абу Исҳоқ ан-Наззорий,

ал-Хатиб ал-Бағдодий, Абу Жаъфар бин Муслим, Абу Ҳусайн ал-Мұхтадий каби олимлардан фиқҳ, ҳадис, тасаввуф ва маънавиятнинг бошқа соҳаларидан чуқур таълим олади, ҳалойиқ орасида ҳадислар тўплаш мақсадида Исфаҳон, Балҳ, Ҳирот, Марв, Бухоро ва Самарқанд шаҳарларига бир неча бор сафар қиласди. Ҳамадоний Бағдодда яшаган кезларида ас-Самъоний, Аҳмад ал-Фаззолий (машҳур мутасаввиғ Абу Ҳамид ал-Фаззолийнинг акаси) лардан ҳам тасаввуфга оид илмларни ўргангани, уларнинг ваъз-насиҳатларини тинглаган, ас-Самъоний қўлидан ҳирқапуш бўлган.

Юсуф Ҳамадоний умрининг иккинчи ярмини кўпроқ Ҳирот, Марв, Самарқанд ва Бухоро шаҳарларида ўтказади. Марв ва Бухорода хонақо ва мадраса Қурдидриди ҳамда кўплаб туркигўй ва форсигўй шогирдлар тайёрлайди. Унинг Бухородаги шогирдлари орасида Ҳасан Андоқий, Абдулло Бараққий, Аҳмад Яссавий ва Абдуҳолиқ Фиждувонийлар алоҳида ажралиб турар эдилар. Кейинпроқ бориб улар Бухорои шарифда ўзларининг устоди бузруквори — Юсуф Ҳамадонийнинг маснадига (ўринига) навбатма-навбат ўтиришиб, халифалик (шогирдлик) қиласидилар, муваффақият билан Ҳамадоний мактабини давом эттирадилар.

Ҳам «яссавия», ҳам «нақшбандия» (Хожагон) тарикатларининг маънавий отаси бўлмиш Юсуф Ҳамадоний таълимотига кўра, ўзининг тамом фикри-зикрини Оллоҳ-таолонинг висолига етишишга бағишилаган, бундай эзгу ва нажиб йўлда поклик, тўғрилик, ҳалоллик, ўз қўл кучи ва пешона тери, ҳалол меҳнати билан кун кечирадиган, бунинг учун ҳормай-толмай мужодала ва мубориза қилувчи, ҳар томонлама камолотга эришган инсонларгина аҳли тасаввуф, деб аталиши мумкин.

Юсуф Ҳамадоний даставвал илм-ан-назар (рационализм) соҳасида катта мутахассис бўлиб етишса-да, тез орада ўша илмдан воз кечиб, ҳақиқий художўйлик йўлига киради, ўзи Худо васлига етмоқ учун саъй-ҳаракат қиласди, ўз камолотини оширади, бошқаларни ҳам мана шу йўлга даъват этади ва бу соҳада кўплаб шогирдлар тарбиялайди.

90 ёшдан ошган мўйсафид донишманд Шайх Юсуф Ҳамадоний Бомиён (ҳозирги Афғонистон) шаҳрида оламдан кўз юмади. Унинг жасадини шогирдларидан Ибн Анжар (устози васиятига кўра) Марвга олиб ке-

либ дағы этади¹. Унинг Марвдаги мақбараси ўз замонасида «Хуросон Қаъбаси» деб аталган.

XII асрда Ўрта Осиёда пайдо бўлган илк тасаввуйий тариқатнинг асосчиси Хожа Аҳмад Яссавийдир. У 1041 йилда Сайрамда Шайх Иброҳим оиласида дунёга келган. Унинг вафот этган вақти кўпгина қўллёзма манбаларда мелодий 1166—1167 йил, деб аниқ ёзилган. У Бухорога бориб таълим олади. Бу пайтда Хуросон ва Мовароуиннаҳрнинг машҳур мутасаввиғ олими Шайх Юсуф Ҳамадоний мазкур муқаддас шаҳарда яшаб, жуда кўп форсигўй ва туркигўй шогирдларига диний—мазҳабий, тасаввуйий-фалсафий илмларни ўргатиш билан машғул эди. Аҳмад Яссавийнинг ўзи 23 ёшида «устоз Юсуф Ҳамадонийнинг ҳузурига борганини ва ул Ҳазратнинг тарбиясига ноил бўлгоилигини» айтади.

Алишер Навоий ибораси билан айтганда, «Туркистон мулкининг улуғ Шайх ул-машойихи» ҳазрати Хожа Аҳмад Яссавий жуда кўп улуғ мутасаввиғ донишмандларни тарбиялаб вояга етказган.

Маълумки, XII асрдан сўнг «Яссавия» тариқатидан кейин Ўрта Осиёда икки йирик тариқат пайдо бўлади: 1. «Нақшбандия» (Хожагон), 2. «Бектошия», «Иқония» деб ном олган учинчи тариқат ҳам «Яссавия» дан тарқалган бўлса-да, унинг таъсир доираси фақат ўша даврдаги Шош (Тошкент) вилояти ҳудуди билан чегараланиб қолган.

Тасаввудаги барча йирик тариқатларда бўлганидек, «Яссавия» тариқатининг ҳам ўзига хос муайян қоидалари (одоби) бор. «Яссавия» тариқатининг барча ақидалари Хожа Аҳмад Яссавийнинг асосий асари бўлмиш «Ҳикмат» да муфассал баён этилган. XII асрдаги туркийзабон шеъриятнинг ажойиб намунаси бўлган, кейинги даврлардаги туркий адабиётга катта таъсир кўрсатган «Ҳикмат» асарида «Яссавия» таълимотидаги поклик, ҳалоллик, тўғрилик, меҳр-шафқат, ўз қўл кучи, пешона тери ва ҳалол меҳнати билан кун кечириш, Оллоҳ-таоло висолига етишиш йўлида инсонни ботинан ва зоҳирлан ҳар томонлама такомиллаштириш каби илғор умуминсоний қадриятлар ифода этилган.

¹ Фахруддин Али ас-Сафий, Раҳшаҳот айн-ул-заёт. ЎзФА Абу Райҳон Беруний номидаги Шарқшунослик ин-ти қўллёзма асарлар ҳазинаси, Изв. № 3593. Литография. Лакнав. 1890—6—7- бетлар. Кейинги бетларда тақорордан сақланиш учун «Равшаҳот»... деб китоб сақифасини кўрсатамиз.

Бағдодда 922 йилнинг 22 март куни риёкор шайхлар ва мутаассиб уламолар томонидан худосизликда айбланиб, беаёв дорга осилган, сўнгра қўл-оёқлари кесилиб, танаси куйдирилиб, дарёга ташланган машҳур мутасаввиф олим Мансур Ҳаллож (858—922) ни Яссавий бир талай шеърларида чуқур ҳурмат билан тилга олади, мазкур илгор, довюрак ва жасур мутасаввиф донишмандга катта ҳусн-рағбат кўрсатади.

Яссавий ҳам ўзининг пири бузруквори Шайх Юсуф Ҳамадонийга ўхшаб мол-дунё тўплашга мутлақо қизиқмагалини, камбағалпарвар ва ғарипарвар бўлиб яна-ганлигини унинг баъзи бир ҳикматларидан ҳам билса бўлади. Мол-дунёга, бойликка ва давлат орттиришга муккасидан кетган, ҳасис ва очофат кишиларни Яссавий беаёв танқид қиласди:

«Бешак билинг бу дунё барча ҳалқдан ўтаро,
Илонмагил молшигга, бир кун қўлдан кетаро,
Ото, оно, қариндош қаён кетди, фикр қил,
Тўрт оёқлик чўбин от бир кунсанго етаро».

Хулоса қилиб айтадиган бўлсак, Хожа Ахмад Яссавий Ўрта Осиёдаги илк тасаввуфий тариқат — «Яссавия» нинг асосчиси, нафақат Ҳурросон ва Мовароуннаҳр, балки бутун дунё туркийзабон ҳалқларининг ижтимоий-сиссий, маънавий-маданий ҳаётида катта роль ўйнаган забардаст мутафаккир, мутасаввиф донишманд, илғор инсонпарвар шоир ҳисобланади.

XII асрда Ўрта Осиёда вужудга келган яна бир йирик тасаввуфий тариқат — «Кубравия» мусулмон оламидаги энг зебардаст мутасаввир донишмандлардан бири Шайх Нажмиддин Кубро номи билан боғлиқдир.

Унинг тўлиқ исми Аҳмад иби Умар Абул Ҷашноб Нажмиддин ал-Кубро ал-Хиваки ал-Хоразмий бўлиб, 1145—1146 йилларда Хоразмдаги Хивак шаҳрида дунёга келган. Нажмиддин Кубро ўз даврида «Шайхи валита-рош», яъни «валилар тарбиялайдиган шайх» номи билан ҳам машҳур бўлган. Нажмиддин ёш болалик пайтидаёқ илм истаб Миср ўлкасига равона бўлади. Мисрда у Рузбекхон Ваззон ал-Мисрий (вафоти 1188 йил) деган олим даргоҳида таълим олади. Ал-Мисрий эса машҳур мутасаввиф донишманд Абу Нажиб ас-Суҳравардийдан таълим олган ва унинг қўлидан ҳирқапуш бўлган. Исмоил Қасрий (вафоти 1193 йил) каби улкан мутасаввиф донишмандлардан тасаввуфга оид кўпгина зоҳирий ва

ботиний илмларни эгаллайди. Үнга Мисрдаги Шайх Иб-роҳим «Нажмиддин» деган ном берган бўлса, Табриздаги Шайх Исмоил Қасрий «Кубро», яъни «улуғ» лақабини беради. Сўнгра у ўз ватани — Хоразмга қайтиб келиб, у ерда хонакоҳ қуради, кўплаб шогирдлар тарбиясига киришади, «Кубравия» ёки «Захобия» тариқатига асос солади. Бу тариқат Ҳадис ва шариатга асосланган бўлиб, ўз даврида Хурросон, Мовароуннаҳр Ҳиндистон ва бошқа мусулмон мамлакатлари ҳалқлари орасида кенг тарқалди. Мазкур тариқат соликлари (аъзолари) орасида зикрнинг овоз чиқармасдан (ҳуфия) ижро қилиш усули кенг қўлланган.

Шарқдаги машҳур мутафаккир ва мутасаввиф олимлардан бири ҳисобланмиш Фаридуддин Аттор (вафоти 1229 йил) нинг отаси Мажиддин Бағдодий (вафоти 1219 йил) ва Жалолиддин Румийнинг отаси Баҳоуддин Валад каби йирик мутасаввиф олимлар Нажмиддин Кубронинг шогирдлари саналади.

Нажмиддин Кубронинг Хоразмдаги сўнгги ҳаёти ўта оғир, шиддатли ва мураккаб шароитда кечади. Бу даврда мўгулларнинг Ўрта Осиёга қилаётган ҳамлалари кучайиб, Чингизхон лашкарбошилари Мовароуннаҳрдаги йирик шаҳарларни бирин-кетин беаёв босиб олаётган эдилар. 1221 йилнинг июль ойида Чингизхоннинг лашкарбошиларидан бири Хулогухонга қарши 76 ёшлик кекса Шайх Нажмиддин Кубро ҳалқ орасидан лашкар тўплайди, қўлига найза ушлаб, дуои фотидалар ўқиб, ажойиб-гаройиб мўъжизалар кўрсатиб, Урганч қалъасини бир неча кун душман ҳамлаларидан сақлаб туради. Мазкур шиддатли жанг пайтида (1221 йилда) Шайх Нажмиддин Кубро мўғул босқинчилари томонидан ваҳшиёна ўлдирилади.

Шайх Нажмиддин Кубро томонидан асосланган «Кубравия» тариқати ҳақида сўз борар экан, унинг мусулмон олами бўйлаб кенг тарқалишида ўз замонасида Кубронинг атоқли шогирди Маждиддин Бағдодий (вафоти 1219 йил) нинг ҳам роли катта бўлганлигини айтиш жоиздир.

Инглиз тасаввуфшунос олими Ж. С. Тримингемнинг фикрича, кубравият тариқатидан қўйидаги кичик тариқатлар ажралиб чиқсан:

1. **Фирдавсия тариқати.** Бу тариқат Кубронинг шогирди Сайфиддин Саъид ал-Боҳарзий ал-Бухорий номи билан бошланган бўлса унинг нуфузли халифаларидан бири Бадриддин Фирдавсий номи билан ҳам боғлиқdir.

Фирдавсийнинг шогирди Нажибуддин Мұхаммад (вафоти 1300 йил) даврида Фирдавсия тариқати Ҳиндистонда кенг ёйилган.

2. Нурия тариқати. Бу тариқат кубровиянинг Бағдод шоҳобчаси бўлиб, ас-Симнонийнинг устози Нуриддин Абдурраҳмон ал-Исфароний (вафоти 1317 йил) номи билан боғлиқдир.

3. Рукния тариқати. Бу тариқат (сулук) Кубравиянинг Хурросон шоҳобчаси бўлиб, Рукнидин Абул Макорим Аҳмад бин Шарафиддин (вафоти 1336 йил) номи билан боғлиқдир. Бул йирик мутасаввиф донишманд Хурросон тасаввуфи оламида Аловуд-давла ас-Симноний номи билан ҳам машҳурдир.

4. Ҳамадония тариқати. Кубравиянинг Рукния сулукидан ажралиб чиқкан ушбу шоҳобча Сайд Али Шаҳобиддин бин Мұхаммад ал-Ҳамадоний номи билан боғлиқ бўлиб, асосан Ҳиндистоннинг Кашмир вилоятида кенг тарқалган. 1314 йилда Ҳамадонда туғилган Сайд ал-Ҳамадоний Раҳли деган жойда 1385 йилда вафот этган ва Хутталон (ҳозирги Тожикистон) да дағн этилган. Ҳиндистоннинг мазкур жаннатмакон диёрида дини исломнинг мустаҳкам қарор топганлигини билан сайд мутасаввиф зотнинг Кашмирга уч маротаба (1372, 1379, 1388 йилларда) сафар қилиши билан боғлайдилар. Сайд ал-Ҳамадоний Кашмирга қилган юқоридаги уч сафари асносида ўзи билан бирга ўрта Осиё (Туркистон)дан саккиз юзга яқин кубравий мутасаввифларни олиб борган экан.

5. Иғтишошия тариқати. Бу сулук Кубравиянинг Хурросон тармоғи бўлиб, Исҳоқ ал-Хутталоний (вафоти 1423 йил) томонидан асосланган.

6. Нурбахшия тариқати. Бу сулук ҳам Кубравиянинг Хурросон тармоғи бўлиб, Исҳоқ Хутталонийнинг шогирди Мұхаммад бин Абдулло Нурбахш (вафоти 1464 йил) номи билан боғлиқдир.

7. Нематуллоя тариқати. Уни Нематулло Вали (1330—1431) асослаган. Мазкур тариқат Эронда ва баъзи бир Ғарб ва АҚШ юртларида ҳозир ҳам фаолият кўрсатмоқда. Тариқатнинг ҳозирги раҳбари доктор Жавод Нурбахш Лондонда яшайди.

Кубравия тариқатининг XIV асрдаги йирик вакили Рукнидин Аловуд-давла ас-Симноний (вафоти 1336 йил) ҳам билан улкан тариқатнинг кейинги асрларда мусулмон олами бўйлаб кенг тарқалишида катта роль ўйнаган.

Гарчи Кубравия тариқатининг ўзи ҳам, ундан ажраби чиқсан, юқорида санаб ўтилган тармоқлари бизнинг давримизгача етиб келмаган бўлса-да, ўз даврларида Мовароуннаҳр, Хурросон, Ҳиндистон ва бошқа мусулмон мамлакатлар халқларининг ижтимоий-сиёсий, маданий-маънавий ҳаётларида муҳим роль ўйнаган кейинги асрларда пайдо бўлган бошқа тасаввуфий тариқатларга сезиларли таъсир ўтказган.

Энди Кубравия тариқатининг одоблари тўғрисида, ҳозирги ибора билан айтадиган бўлсак, мазкур тариқат аъзолари (соликлар) нинг ахлоқ мезонлари ҳақида ҳам муҳтасар тўхталиб ўтайлик.

Кубравия тариқатининг одоблари (қоидалари) ўнта бўлиб, улар қуидагилардан иборат:

1. Тавба. Тариқат йўлига кирган солик илгариги қилмишларидан тавба қилиб, Худони билиш, унинг васлига етиш учун доимо ўз ақлига яна ақл қўшиши, ўзини ҳам зоҳирлан ҳам ботинан поклаб, такомиллашиб бормоғи лозим.

2. Зуҳд фи-дунё. Тариқат аъзоси дунёвий бойликлардан, мол-мулк ва ноз-неъматлардан воз кечмоғи даркор.

3. Таваккул ал-Оллоҳ. Тариқат аъзоси Худога мутлақо ишонниши, унга чуқур ва сидқидилдан эътиқод ҳамда эътимод қилиши зарур.

4. Қаноат. Солик мол-дунёга муқкасидан кетмаслиги, унга ҳирс қўймаслиги, сабр-тоқатли ва қаноатли бўлиши шарт.

5. Узлат. Тариқат аъзоси кўпроқ ёлғиз қолиш, ҳалоийиқдан узоқлашиб, қалбини мустаҳкамлаб, ботинан ўзини чиняқтириб, покланиб бормоғи лозим.

6. Мулозимат аз-энкр. Тариқат аъзоси Худо номини доимо тилга олиб, унинг шаънига сидқидилдан зикрсамоъ қилиши шарт.

7. Таважжуъ ал-Оллоҳ. Тариқат аъзоси бутун қалби, бор вужуди ила Оллоҳ-таолога мурожаат қилиб юрмоғи лозим.

8. Сабр. Солик ҳайвоний, хусусиятлардан, шаҳвоний ҳирсу ҳаволалардан қутулмоғи лозим.

9. Муроқаба. Тариқат аъзоси ўз қалбини ҳар қандай пасткашликлардан сақламоғи, риё ва макру ҳийла-найранглардан халос бўлмоғи шарт.

10. Ридо. Солик Худо васлига етгач, ўзини Оллоҳ-таолони таниган (Ориф) ва конеъ, деб ҳисобламоғи лозим.

Юқоридаги қоидалар (одоблар) нинг аксарияти ке-йинги тариқатларда ҳам (Яссавия ва Нақшбандия) мав-жуд бўлганлигига ишонч ҳосил қиласиз.

Нажмиддин Кубро ўзидан кейин араб ва форс тилларида «Рисолат мин муаллфот аш-Шайх-ул-миллат ва д-дин ал-Кубро», «Шарҳи рисолати одобу з-зокин», «Рисолати Шайх Нажмиддин» каби қимматбаҳо асарлар ёзиб қолдирган бўлиб, мазкур асарлар Узбекистон Республикаси Фанлар академияси Абу Райхон Беруний номидаги Шарқшунослик институтининг қўлләзмалар хазинасида сақланмоқда.

Баъзи бир маълумотларга кўра, Кубро асарларининг сони 10 дан ошади. Улар дунёнинг турли юртларидаги кутубхоналарда сақланмоқда.

XIV асрда Урта Осиёда пайдо бўлган яна бир энг йирик тасаввифий тариқат «Нақшбандия» дир. Бу тариқат «Хожагон» номи билан ҳам машҳур. Мазкур ном Хожа Абдуҳолиқ Фиждувоний исми ва таълимоти билан боғлиқдир. Юқорида эслатиб ўтганимиздек, Абдуҳолиқ Фиждувоний Юсуф Ҳамадонийнинг Бухородаги тўртинчи шогирди (халифаси) ҳисобланади. Демак, «нақшбандия» тариқатининг биринчи маънавий отаси ва асосчиси Абдуҳолиқ Фиждувонийдир.

Маълумотларга кўра, Фиждувоний Бухоро вилоятида-ги Фиждувон қишлоғида туғилиб, шу ерда (1220 йил) вафот этган. Абдуҳолиқ Фиждувоний аввал ўз қишлоғида Имом Садруддин номли донишманддан, кейин Бухорога бориб ўша даврдаги Хурросон ва Мовароуннахр юртларида машҳур бўлган улкан мутасаввиф олим Шайх Юсуф Ҳамадоний ҳузурида таълим олади. У ўзининг устози Ҳамадоний билан биргаликда Бағдод, Йсфахон, Балх, Марв, Самарқанд шаҳарларига сафар қиласиди. Шу зайлда у Юсуф Ҳамадоний раҳбарлигига йирик мутасаввиф донишманд бўлиб етишади. Юсуф Ҳамадоний Хурросон мулкига (Ҳирот, Марв) кетганларидан сўнг Фиждувоний Хожа Аҳмад Яссавийдан кейин унинг (Ҳамадонийнинг) маснадига (ўрнига) ўтириб, кўплаб шогирдлар тарбиялайди, ҳалойиқни Ҳақ йўлига, поклик, тўғрилик, ҳалодлик, меҳр-шафқат йўлига даъват этади.

Абдуҳолиқ Фиждувоний Бухорои Шарифда Хожагон (кейинроқ «Нақшбандия») таълимотига асос солиб, ўз муридлари учун бир неча қонун-қоидалар, ҳозирги замон тили билан айтганда, одоб-ахлоқ мезонларини ишлаб чиқади. Бундай ахлоқ мезонларини «Рашаҳот айн ул-

ҳаёт» асарининг муаллифи Фахруддин Али ас-Сафий «Рашаҳа», яъни «томчи» (қатра) деб атаб, бевосита Ғиждувонийнинг ўз ўғлига қарата айтилган панд-насиҳатлари тариқасида шундай ёзади: «Эй писарак (ўғилча), сенга насиҳат қилиб айтаманким, илм-маърифат, ахлоқ-одоб, тақво учун ҳамиша саъӣ-ҳаракат қил, вақтида намозингни ўқи, лекин имомлик ва муаззинлик қилма, ўзингдан кейин қимматбаҳо осор ва таълифот ёзиб қолдир, суннат ва жамоа мулозимати учун иитил, фиқҳ ва ҳадис илмларини тұхтөсиз ўрганиб бор, ҳаргиз шуҳрратталаб бўлма, чунки шуҳрратталабликдан доимо оғат келади, мансабга муқаййид бўлиб қолма (mansab-paраст бўлма), доимо гүмномликка ҳаракат қил (камтар бўл, маъносида) подшоҳ ва ҳукмдорлардан, эўравонлардан, қози ва амалдорлардан ўзингни узоқда сақла, хонақоҳлар қурма ва хонақоҳларда яшама, кўп самоъ қилма (қўшиқ-мусиқага берилма), чунки кўп самоъга берилиш кишилар орасида ниғоҳ туғдиради, ҳаддан зиёд самоъ дилларни вайрон этади, лекин самоъни инкор ҳам қилма; кам гапир, кам е, оз ухла, ўз хилватингда бўлиб, аҳоли ила кам суҳбат қил, танонгарлар (пурқудрат кишилар) ҳамда омийлар ила суҳбатдеш бўлма, ҳамиша ҳалол ва пок яша, ҳалол е, нашадан (тарёқдан) парҳез қил, иложи бўлса уйланма (хотиқ олма) чунки аёл туғайли толиби мол-дунё бўлиб қоласан, молпараст ва дунёпараст бўлгач, дину имондан ажраб қоласан; ҳадеб хандон ташлаб кулаверма, каҳқаҳ отиб кулиш дилни вайрон этади, ҳар бир кишига меҳр-шафқат кўзи билан боқ (мехрибон бўл), ҳеч кимни фақир ҳисоблама, ҳеч кимни ўзингдан паст ҳисоблаб уни таҳқир этма, зоҳиринг (ташқи кўринишинг) оройишига кўп аҳамият берма, чунки бундай аъмолдан ботининг (ички кўринишинг) расво бўлади, ҳалойиқ ила мужодалага борма, бирордан асло бирор нарса таъма қилма, бирорни хизматга буюрма (яъни хизматкор тутма); машойихларга молу жонинг билан сидқидилдан хизмат қил, мол-дунёга мағрур бўлма, ўшанда дилинг ором олади, мол-дунё туфайли доимо дилинг вайрон, ҷашминг гирён бўлади; аъмолинг доимо холис, рафиқинг дарвиш, моянг фақр, хонанг масжид, мунисинг ҳамиша Ҳақ Субхонаҳу бўлғай»¹.

¹ Рашаҳот айн-ул-ҳаёт, 20- бет.

Демак, Абдуҳолиқ Фиждувоний томонидан юқорида баён этилган қимматбаҳо панд насиҳатларнинг аксарияти кейинроқ бориб «Нақшбандия» тариқати аъзолари учун асосий одоб-ахлоқ мезонлари бўлиб хизмат қилган. Юқорида санаб ўтилган 11 та қоидалардан 4 таси Юсуф Хамадоний, 4 таси Фиждувоний ва 3 таси Нақшбанд томонидан олға сурилгандир. Булардан биринчи 4 таси бағоят машҳурдир. Булар қўйидагилар:

Биринчи рашаҳа (қатра): Хуш дар дам. Бу тушунча шундан иборатки, энкор асносида ичдан чиқаётган ҳар бир нафас хушёрлик ва огоҳлик иличи чиқмоғи лозим, токи бунда ғафлат юз бермасин.

Эй, илм денгизининг айн, яъни кўз соҳилида қолган киши,
Фароғат денгиздадир, соҳилда эса — бешарафлик.
Кавнайи, яъни иккى олам мавжидан назарингни ол,
Саҳар чоғида, нафасингнинг кириб-чиқишида огоҳ бўл.

Иккинчи рашаҳа: Назар бар қадам.

Солик (тариқат аъзоси) шаҳарда, қишлоқда, саҳро-да ва бошқа ҳар қандай жойда юрганда ҳар бир қада-мига диққат иличи разм солиб, огоҳ бўлиб юрмоғи лозим, токи унинг назари пароканда бўлмасин, лозим бўлмаган жойга бормагани маъқул:

Ҳар бир қадам хушёрлик иличи ташлансин,
Ҳар бир қадам назар остида, огоҳлик иличи ташлансин.
Кимки суръат билан ўзича сафар қилса,
Унинг ҳар бир қадами назар остида бўлсин.

Учинчи рашаҳа: Сафар дар ватан.

Бул одоб шундан иборатки, солик (тариқат аъзоси) башарий табиатда сафар қилсин, яъни башарий сифатлардан малакий сифатларга ва номаъқул сифатлардан маъқул сифатларга интиқол этсин, яъни ўтсин.

Рубойи:

Е раб, оғиз очмасдан, яъни қалбдан кулиш қандай яхши,
Ва кўз очмай (қарамай) жаҳонни кўриш қандай сез!
Ўрнингда ўтириб сафар қилиш бағоят маъқул.
Беминнат (қимирламай) жаҳон кезиш ҳам ғоят сез.

Тўртинчи рашаҳа: Хилват дар анжуман.

«Хожа Баҳоуддин дедиларким, анжуманда хилват, зоҳирда халқ билан ва ботинда Ҳақ Субҳонаҳу билан».

Байт:

Аз дарун шав ошно ва аз бирун бегонаваш,
Иччунин зеборавиш кам мибуванд андар жаҳон¹.
(Ичкаридан ошненамо ва ташқаридан бегонаваш бўл,
Буидай зебо равиш жаҳонда кам топилади)

Кўриниб турибдики, юқоридаги қоида Фиждувоний томонидан ишлаб чиқилган бўлиб, Хожагон (Нақшбандия) тариқатидаги машҳур «Дил ба йору даст ба кор» шиорига ҳам айнан мос келади.

Юқорида тафсилоти берилган 4 рашиҳа (қатралар) Хуш дар дам, Назар бар қадам, Сафар дар ватан, Хилват дар анжуман Нақшбандия (Хожагон) таълимотида кўпроқ машҳур бўлиб, мазкур тариқат аъзолари ва муҳлислари ўша асосий қоидаларга қатъий риоя қилганлар.

Энди Хожагон (нақшбандия) тариқатининг иккинчи муҳим асосчиси, мазкур таълимотни XIV асрда ҳар томонлама пухта асослаган, мустаҳкамлаган ва бутун мусулмон оламига ёйган Ҳожаи бузруг, яъни Ҳожа Баҳоуддин Нақшбанд ҳақида қисқача тўхталиб ўтайлик.

Мовароуннаҳр, Хурросон, Ҳиндистон ҳамда Яқин ва Урта Шарқ мамлакатларида кенг тарқалган, ўз даврига нисбатан илғор оқим бўлмиш нақшбандия тариқати Ҳожа Муҳаммад Баҳоуддин Нақшбанд (1318—1389)номи билан боғлиқdir. Нақшбанд 1318 йилда Бухоро ёнидаги Қасри Ҳиндувон қишлоғида туғилади. Ёш Баҳоуддин ўша даврдаги атоқли мутасаввиф Сайд Амир Кулолдан таълим олган. «Рашаҳот» асарида ёзишича, Сайд Амир Кулол ва Абдуҳолиқ Фиждувонийларга Бухорон шарифда Ҳожа Аҳмад Яссавий ҳазратлари таълим берганлар, сўнгра мазкур мутасаввифларга комил ишонч ҳосил қилганларидан сўнг, ўзларининг она диёри бўлмиш—Туркистонга (Яссига) қайтиб келганлар.

Тасаввуфнинг машҳур билимдони, атоқли шарқшунос Е. Э. Бертельснинг ёзишича, Нақшбанд таълимотининг асосида ихтиёрий равишдаги фақирлик ётади... Шунга бишоан, Баҳоуддин Нақшбанд умри бўйи деҳқончилик билан, ўз қишлоғида уччалик катта бўлмаган ерига буғдой ва мош экиб кун кечирган. У уйида хеч қандай молдунё ва бойлик сақламаган. Қишда қамишлар устида, ёзда эса бўйра устида ётиб кун кечирган, уйида хизматкор ҳам бўлмаган.

Ҳазрати Нақшбанд бутун умрини ўз хоҳиши билан фақирлик ва йўқсилликда ўтказсан, топган тутганларини

¹ Рашаҳот янн-ул-ҳаёт, 26—27- бетлар.

етим-есирларга, бева-бечораларга инъом этгани, ҳукмдорлардан доимо ўзини йироқ тутган, улар олдида ҳеч қаочон тамагирлик қилиб яшамаган.

XIV асрда Урта Осиёда пайдо бўлган нақшбандия таълимоти Афғонистон орқали Ҳиндистонга ва бошиқа ислом юртларига шиддат билан тарқала бошлайди. Захириддин Мұхаммад Бобур (1483—1530) даврида, ундан кейинги XVI—XVII асрларда бу жараён анча тезлашди. «Нақшбандия» тариқати XVI асрда Хожа Мұхаммад ал-Боқий Қобулий (вафоти 1605 й.) Ҳиндистонга боргандан сўнг ҳинд тупроғида авж олади. Бу машҳур мутасаввиғ олим афғон ва ҳинд юртларида «Хожа Боқибилло» номи билан машҳурдир. Унинг шогирди Хожа Аҳмад Форуқ Сирҳиндий (1563—1624) эса XVII асрда нақшбандия таълимотининг Ҳиндистонда ёйилишида катта роль ўйнаган.

Шундай қилиб, нақшбандия таълимоти Урта Осиё, Урта ва Яқин Шарқ ҳалқларининг ижтимоий-сиёсий, маънавий-маданий ҳаётida жуда катта роль ўйнади. Бу таълимот бошқалар меҳнати билан кун кечиришни, тикинхўрликни, ижтимоий зулм ва истибодони қатъиян қоралайди. Мазкур таълимот тарафдорлари таркидуғчиликка қарши, бой-зодагонларнинг зулм ва истибододига қарши бўлганлар, кишиларни фақат ўз қўли кучи, пешона тери билан ҳалол меҳнат қилиб кун кечиришга чақирганлар. Нақшбандийлар савдо-сотиқ, дәҳқончилик, хунармандчилик, бадиий адабиёт, мусиқа, илм-маърифат, ҳаттотлик, наққошлиқ, миниатюрасозлик, қурувчилик каби барча фойдали ва хайрли юмушлар билан шуғулланнишга даъват этгавлар. Шунинг учун ўз давридаги илм-маърифатнинг, адабиётнинг йирик намояндлари бўлмиш Абдураҳмон Жомий, Алишер Навоий, Хушҳолхон Хатак, Аҳмад Шоҳ Дурроний, Сўфи Оллоёр, Машраб, Маҳтумқули сингари Шарқдаги юзлаб улкан тараққий-парвар, инсонпарвар шоирлар ва мутафаккирлар нақшбандия йўлини танлаганлар, ўзларининг баракали ижодларида ҳаётни ва Инсонни авжи баланд пардаларда куйлаганлар.

Хожа Баҳоуддин Нақшбандининг ҳаёти ва фаолияти ҳақида турли-туман ривоятлар, ҳикоятлар ва баҳсли масалалар анча. Ушандай баҳсли масалалардан бири унинг таҳаллуси — «Нақшбанд» ҳақидаги муаммодир. Баъзи бир мутахассислар ул зотнинг ёшлик пайтида темирчилик билан шуғулланган ва темир буюмлар усти-

да ҳар ҳил нақшлар ясаш билан машғул бўлган, яъни наққош ва рассом бўлган, шунга биноан унга «Нақшбанд» лақаби берилган, дейдилар. Бизнинг фикримизча «Нақшбанд» лақаби мутафаккир ва мутасаввиф ҳазратнинг ўз таълимотидан, яъни «Нақшбандия» тариқатининг асосий қоидасидан келиб чиққан. Жомий, Навоий каби машҳур нақшбандий олимлар, шоирлар фикрича, «Нақшбанд» сўзи Оллохнинг номини, Худони дилга жоқилган, Парвардигорни қалбига нақш қилган, деган маънони билдиради.

Урта Осиё ҳалқлари Ҳожа Баҳоуддин Нақшбандни жуда юксак қадрлайдилар. Ҳалқимиз ул Ҳазратга баланд эътиқод қўйиб, «Баҳоуддин — балогардон!», дея бедад эъзозлайди.

Ўзбекистонимиз ҳозирги мустақиллик йўлидан ривожланаётган бир шароитда «яссавия», «кубравия», «нақшбандия» каби ўлкамизда (Туркистонда) вужудга келган тариқатлар ҳам ҳар томонлама чуқур ўрганилмоқда. Ҳожа Аҳмад Яссавий, Шайх Нажмиддин Қубро ва Ҳожа Баҳоуддин Нақшбанд сингари буюк мутафаккир, мутасаввиф донишмандларнинг поклик, тўғрилик, художўйлик, меҳр-шафқат, адлу инсоф, имон, меҳнатсеварлик, ватанпарварлик каби илгор умумбашарий фикрларидан ҳалқларимиз тўла баҳраманд бўла бошлади.

14. АҲМАД ЯССАВИЙНИНГ ДИНИЙ-АҲЛОКИИ ҚАРАШЛАРИ

Ҳожа Аҳмад Яссавий (Орифин) Сайрамда таваллуд топган бўлиб, туғилган йили аниқ маълум эмас. Лекин илмий адабиётларда вафоти 1166—1167 деб кўрсатилади. Унинг шеърлари «Хикматлар» номи билан машҳур. Унинг тасаввуф фалсафасида инсоннинг ўзлигини билиб олиши барча масалалардан устун қўйилади. Бунинг боиси шундаки, Яссавий таъбирича, «ўзини билса эрди ҳақни билади», худодан қўрқади-ю, инсофга келади. Лекин ҳаққа етишиш осон эмас, унинг ўзига хос қийинчиликлари, сир-асрори мавжуд. Уни мутафаккирнинг ваҳдоният таълимотидангина излаш мумкин.

Ваҳдоният яккахудоликнинг муайян кўринишидир. Лекин Яссавий унга бирмунча бошқачароқ маъно беради. Оллоҳ мутафаккир тасаввуфида оламга қарама-қарши тарэда турган куч эмас, аксинча, воқеен олам билан биргаликда намоён бўлади. Бунга мисол тариқасида қуйидаги мисраларни келтириш мумкин:

«Эрни кўрдум эргашдим, истадигимни сўрдим,
Барчаси сенда деди, қолдим ҳайрон ичинда.
Ҳайрон бўлибон қолдим, бехуш бўлибон толдим,
Ўзимни дарлға солдим, топдим дармон ичинда.
Мискан Ҳожа Аҳмад жони ҳам гуҳардир, ҳам кони,
Жумла аниңг макони, ул ломакон ичинда»¹.

Ҳожа Аҳмаддинг ваҳдоният таълимотидан кўриниб турибдики, мавжуд оламга нурсиз ҳеч қандай моҳиятга эга бўлмаган биронта нарса сифатида қарамайди. У худонинг чексиз макони деб талқин қилинади. Демак, худо конотда, барча мавжудотда, жумладан, ҳар бир инсондадир. Бундай фикрлар аслида пантеистик қарашларга хос бўлиб, тарихий даврларда муҳим аҳамият касб этганлиги маълум. Лекин шу билан бир қаторда М. Т. Степанянцнинг таъкидлашича, оламни пантеистик тарзда талқин қилиш инсоннинг худо билан, табиат билан ўзаро рақобатининг кескинлигини бартараф этишга хизмат қилади².

Умуман тасаввуф, жумладан Аҳмад Яссавий тасаввуфида фано муаммоси ҳанузгача тадқиқотчилар томонидан сезиларли даражада тадқиқ этилмаган. Фанонинг муҳтасар маъноси ўлимдир. «Ал-фано фи-т-таҳид» Яссавий тасаввуфида инсоннинг худога етишишининг энг юқори босқичи бўлиб, бу босқичда инсон ўзининг борйўқлигини мутлақо унутади, худонинг висолига етишишга муштоқликни мақсад қилиб қўяди. Бу жиҳат мутафаккир қарашларининг муҳим томонини ташкил қилади.

Шу билан бир қаторда, фано тушунчасини инсонни ғоғиллик ва ғафлат деб атамиш бедаво қусурлардан озод этиш, «манманлик» дан покланиш, имон бўшлиғи ва «гумроҳлик» орқали кибру ҳавога қул бўлиш каби тубанликни ўлдириш маъносида ҳам тушунмоқ лозим. Кўпгина муаллифлар Аҳмад Яссавийни ҳалқ оммасини синфий курашга чорламаганликда айблайдилар. Дарҳақиқат, бу фикрда жон бор. У ҳаётida кишиларни ҳеч қандай синфий курашга, қирғинбаротга чақирмаган. Ўнинг бу борадаги қарашлари асосан Махатма Ганди, Л. Толстой каби даҳоларнинг зўравонликка зўравонлик

¹ Аҳмад Яссавий. Ҳикматлар. Тошкент. Faфур Ғулом номидаги бадиий адабиёт нашриёти. 1990. 219- бет.

² Қаранг: Степанянц М. Т. Средневековая философия зарубежного Востока: общие контуры методологического подхода (Социокультурные характеристики средневековой философии М., 1990) 62- бет.

билин қаршилик күрсатмаслик лозимлиги каби таълимотига жуда яқин туради.

Яссавий танлаган йўл ўзига хосдир. Бу йўл инсоннинг ўз гуноҳларини ахлоқий нуқсон ва қусурларини, жумладан, шахсиятпараматлик, тамагирлик, борига қаноат қилмаслик каби иллатларини аёвсиз очиб ташлаш ва улардан халос бўлиш курашидир. Бу йўл, унинг фикрича, ягона тўгри йўл бўлиб, у аслида «худо йўли» дир. Ҳар бир киши ўзининг ҳақиқий ахлоқий камолотида, комил инсон бўлиб етишиши жараённида «шайтон васвасаси» дан қутулиш учун ўз жонини ҳам, молу мулкини ҳам аямаслиги лозим. Бу тасаввуф учун умумий йўлдир, чунки Оллоҳни билиш инсоннинг ўзини билиши орқали рўй беради, деб таъкидланади¹. Мутафаккирнинг диний-ахлоқий фалсафасида дунёдан бутунлай юз ўғирилмайди. Чунки инсон ҳаёти учун ноз-неъматлар, кийим-кечаклар, турар жой кабиларнинг зарур эканлигини мутаффаккир тушунмайди, дейиш соддадиллик бўлар эди. Яссавийда нодонлик, жаҳолат, баднафслик, молу дунёга ҳирс қўйиш иллатлари ва уларни шакллантирадиган омиллар қораланди, улардан узоқлашишга даъват қилинади. Мутафаккир «толиб мен», деб ҳаммага жар солиб, аслида эса номаҳрамларга ёмон кўз билан бокувчиларни, «чин диллари» но-софларни, ҳаром-харишдан қайтмайдиганларни, «қўзларида нами йўқ»— виждони қийналмайдиганларни қаттиқ қоралайди. У «охир замон» умматлари уйларини нақш қилиш билан банд нотовонлардан, уларнинг шону шавкат изидан қувиш, дунё меҳмонларининг бир зум қўниб ўтадиган «эски работ» эканлигидан бехабарлигидан, «бебақо дунё» дан кўз юмганлардан лоақал ибрат олмаслиги, ўлмайман деб ўйланишларидан, манманликка беҳад даражада берилишларидан нолийди².

Яссавийнинг «гуноҳ дардис» ни доимо жони дили билан ҳис қилиб туриш фалсафасини талқин қилишда юзаки қараганда, унга ҳар хил сифатлар бериш билан кифояланиш мумкин. Агар унга моҳият нуқтаи назардан туриб эътибор берсак, унинг дини исломга эътиқод этувчилар учун муҳим аҳамият касб қилганлигини сезамиз.

¹ Қаранг: Султонов М. Суфизм как мировоззрение (Методологические и мировоззренческие проблемы истории философии стран Востока). Ч. I., 1986, 41- бет.

² Қаранг: Аҳмад Яссавий. Ҳикматлар, 82—86- бетлар.

Бундан ташқари ҳар бир инсон, у қандай динга имон келтириши ёки келтирмаслигидан қатъи назар, ўзини виждон дардидан фориғман деб фараз қилмаслиги лозим. Виждоннинг осудалиги яхши фазилатми? Агар бу ҳолат бутун жамият учун беқарор хотиржамлик, беғамлик сифатида қарор топсанчи? Инсондаги виждон осудалиги, унинг сусткашлиги бундай кимсанни ваҳший ҳайвонлар билан яқинлаштирса, унинг жамият ҳаётида барқарор ҳодиса сифатида амал қилиши эса умумий инқирознинг ҳақиқий автоматидир.

Аҳмад Яссавий тасаввуф фалсафасининг буюк вакили сифатида бу машъум жараённинг содир бўлишини олдиндан кўра билган. У ўзининг бор имкониятларидан келиб чиқсан ҳолда кишиларни поклик, Ҳалоллик, меҳнатсеварлик, инсоф ва имон, Қуръон, ҳадислар ва шариятга садоқатли бўлишга унади. Риёкорлик боқибекамлик имон, эътиқод сустлиги бўлиб, мутафаккирнинг «чаш дардлик» фалсафасига зиддир. Шунинг учун у номига рўза тутиб, халққа риё қилганларни, намоз ўқиб, кўлга тасбеҳ олганларни, шайхман дея ўзларига бино қўйганларни имонидан жудо бўлганлар сифатида нафрат билан тилга олади. Унинг наздида «манманлик» ка берилган кишиларнинг эришган барча нарсалари фоний дунёнинг тимсолидир, колос.

Яссавийнинг диний ахлоқ фалсафасида гуноҳ дарди орқали Ҳаққа етишиш учун кўнгилни кенг тутиш, дилозорликни гуноҳи азим деб талқин этиш (масалан, қаранг: «Суннат эрмиш кофир бўлса берма озор, кўнгли қаттиқ дилозордан худо безор»¹), фақирликни одат қилиш кабилар алоҳида ўрин эгаллади. Қамтаринлик, сабр-қаноатлилик, хоксорликка қул бўлиш, баъзан эса «туфроғ» бўлмоқ тимсолида ифодаланиб келинади. Мақсад Оллоҳ дея «ичга нурни тўлдирмак» экан, «ишқ бοғини» меҳнат самараси билан кўкартиromoқ, хорликни пеш қилмасдан «шум нафс» ни ўлдирмоқ лозимдир. Шоир диний эътиқодларга асосланиб, инсонни эзгу хулқ соҳиби, муруватли ва илоҳий зот шарафига эришишга чақиради. Яссавийдаги «туфроғ» образи шу маънода ва мантиқда Навоий шеъриятида ҳам татбиқ қилинган.. Туфроғ или ўзини кенг тутиш нима экан? Буюклик замини. Хоксорлик пояси, кибр, манманликдан покланниш, Инсон-

¹ Аҳмад Яссавий. Ҳикматлар, 47- бет.

иілдік мартабасы олдида бұлак мартабаларни назарга илмаслик»¹.

Мутафаккирнинг «Ҳикматлар» ида ҳам бундай хуло-са учун етарлы даражада ассо бор десак, хато қилмай-миз. У «Аслим туфроғ, наслим туфроғ, барчадиң хор, босиб ўтсанг мурда жиссим қылғуси ор» дейиши билан тупроқни тасаввуфда замин, борлық унсури маъносидан ташқари сабр-қаноат, худонинг марҳаматига умид, әзгу хулқ ва муруват сифатида ишлатилаётгандылыгы күриниб турибди.

Шунча фикр-мулоҳазалардан кейин ҳам мутафаккирнинг «Ҳикматлар» идан излаб жавобини топа олмаган муаммо пайдо бұлади. «Ишрат қилиб, вәҳдат майдин» түйіб ичган, ломаконда «Ҳақдан сабоқ олган» мутафаккирdir. «Чин дардликка ўзим дору, ўзим дармон, ҳам ошиқмен, ҳам маъшуқмен, ўзим жонон, раҳм айлайин отим Раҳмон, зотим субхон, бир назарда ботинларин сафо қилдим», деди. Аслида дард-дармон, ошуқ, маъшуқ, ишқ, Ҳақ инсоннинг ўзида экан, Ҳақнинг висолига етишиш учун яна фано бўлиш ҳар қандай мантиққа зид эмасми?

Инсоннинг нопокликдан халос бўлиш зарурияти тўғрисидаги тасаввуфий қарашлар ошиқ, ишқ, ҳол, ориф тушунчаларида ўз ифодасини топган. Ишқ ҳусни мутлаққа бўлган шиддатли севгидир. Ваҳдати вужуднинг чегараси бўлмагани сингари, Ҳақнинг ҳам на ибтидоси ва на интиҳоси бор. Ишқ оллоҳдан ато этилган раҳмоний бир улфат. Ҳол эса чин ошиқ қалбини забт этган илоҳий севинч туйғуларидир. Ўз қадрини билмаган авомга ошиқ дийдорини қай либосда кўриш қийнамайди, чунки у фоний дунё ташвишларига ғарқ бўлган. Орифлар эса ошиқ жамолининг кўзгусидир. Лекин бу кўзгунинг доимо тароватли бўлишига азалий гуноҳ, гумроҳлик халақит беради. Қуръоннинг «Ҳижр» сурасида айтилишича, Оллоҳ одамни яратганда барча фаришталарга мурожаат қилиб, унга сажда этишини буюрган. Иблис эса қора ботқоқдан яратилган, қуритилган лойдан инсон сурати берилган одамга сажда қилишдан бош тортган» (41—42). Оллоҳ деди: Менинг наздимдаги Тўғри Йўл будир (хоҳиши-иродам бундай): аниқки, магар бандаларим устидан сен учун ҳеч қандай салтанат-ҳукмронлик йўқдир,

¹ Аҳмад Яссавий. Ҳикматлар, 37- бет.

магар сенга эргашган гумроқ кимсаларнигина бу Тўғри Йўлдан оздира олурсан».

Демак, Қуръондан келтирилган оятлардан маълум буладики, Иблис Оллоҳдан гумроҳларни тўғри йўлдан оздириш ваколатини қўлга олган. Бундай гумроҳларниг сони кундан-кунга кўпайса-кўпаядик, озайиши амриамаҳол, чунки бу фоний дунё ўзининг «усти ялтироқ, ичи қалтироқ» лиги билан қанчадан-қанча кишиларни соф виждандан жудо қилмайди, дейсиз. Бунда тариқатнинг инсонни гуноҳдан фориғ қилиш дастурига кенг йўл очилади. Бизнинг фикримизча, фано тушунчасининг ахлоқий жиҳатининг моҳияти шундан иборат.

Мутафаккирнинг покланиш фалсафаси, унга қандай қиёфа берилганинигидан қатъи назар, аниқ тарихий давр меваси эканлиги яққол кўриниб турибди. Шундай экан, уни қандай бўлса шундай холда ўрганиш фаннинг муқаддас бурчи бўлиб қолмоғи лозим.

15. ПАҲЛАВОН МАҲМУД ВА УНИНГ АХЛОҚИЯ ФОЯЛАРИ

Улуғ шоир ва мутафаккир Пахлавон Маҳмуд XIII аср охири ва XIV аср боцида Ўрта Осиёда мӯгуллар ҳукмронлик қилган даврда яшаб, ижод қилди. Унинг таржи-маи ҳолига оид маълумот жуда ҳам оз, мавжуд материаллардан шу нарса маълумки, у Хоразмда туғилган¹, касби мўйнадўзлик ва телпакдўзлик бўлган. Маҳмуд кўп шогирдлар тарбиялаб етиштирган.

Замондошларининг хабар беришларича, Пахлавон Маҳмуд кўнгли очиқ, камтар ва саҳоватли, самимий инсон бўлиб, халқ орасида жуда катта обрў-эътибор қозонган.

Муҳими шундаки, у ўша замонининг кўзга кўринган форсий забон шонри бўлиб, унинг шеърлари юксак ғоявийлиги ва чуқур мазмуни билан кўзга яққол ташланиб турган. Шарқ шеъриятида у ўз шеърларини рубой шаклида ёзган Умар Ҳайёмнинг издоши сифатида майдонга чиқади. Умар Ҳайём шеърлари каби унинг шеърлари²

¹ Кўзга кўринган турк олими Шамсиддин Самибек ўзининг «Қомусул аълом» асарида, гарчи Пахлавон Маҳмуд хоразмлик бўлса ҳам уни эрон шоир деб кўрсатиб, хатога йўл қўйган.

² Пахлавон Маҳмуд — Рубоият (форсчадан ўзбек тилига таржима қилинган шеърлар тўплами) Т. Жалолов томонидан ёзилган катта сўз боши билан М. Мўйинзода, Васфиј билан биргаликда ўзбекча таржимаси нашрга тайёрланган. Тошкент, 1962. Faфур Fuлom номидаги бадиий адабиёт нашриёти, 1962.

ҳам Шарқнинг кўп мутафаккирлари ижодига хос бўлган бой фалсафий-ахлоқий мазмун билан сұғорилгандир.

Шуни қайд қилиб ўтиш керакки, Паҳлавон Маҳмуд меҳнаткаш халқ ўртасида кенг танилган, хоразмликлар ва теварак-атрофда яшайдиган аҳоли уни авлиё даражасига кўтарганлар. Унинг Хива шаҳрида қурилган кўркам мақбараси зиёратгоҳ жойга айлантирилгандир¹.

Паҳлавон Маҳмуд ўз рубоийларида ислом ақидаларини дастак қилиб аслида мунофиқона ҳаёт кечирувчи дин пешволарини аёвсиз танқид қиласди. Рубоийларидан бирида уларнинг ҳақиқий башарасини очиб ташлар экан, улар устидан очиқдан-очиқ кулади:

Бу ҳожики, аввал эди бир илон,
Ҳаддан келиб аждар бўлди беомон,
Ҳалол-ҳаром деса асло алданманг.
Уйинг куйтур асли ўзи бенмон².

Гарчи Паҳлавон Маҳмуднинг адабий меросини тат-қиқ этувчилар унинг «Қанзул ҳақойиқ» («Ҳақиқатлар хазинаси») номли асари бўлган деб хабар қиссалар-да, бу асар илм аҳлига номаълум бўлиб қолаверган. Бизгача мутафаккирнинг адабий меросидан фақат баъзи бир шеърларигина етиб келганки, бу шеърларда унинг фалсафий, адабий, ахлоқий қарашлари баён этилган. Мазкур рубоийлар асосида Маҳмуд дунёқарашида ахлоқий қарашлар устунлик қиласди, деб айтиш мумкин. Биз асосан Паҳлавон Маҳмуднинг ҳозирча маълум бўлган барча тўртликларини ўз ичига олган Рубоният китобини ўрганиш негизида унинг ахлоқий ғояларини кўриб чиқдик.

Паҳлавон Маҳмуднинг ахлоқ-одоб хусусидаги ўғитнасиҳатлари аниқ тарихий шахсларга бағишлиланган деб бўлмасада, (ваҳоланки Юсуф Хос Ҳожиб ва Аҳмад Юғнанийда шундай эканлигини кўрган эдик), улар меҳнат аҳли манфаатларини ифодаловчи умуминсоний ахлоқ мезонларини талқин этишда ажралиб туради.

Паҳлавон Маҳмуд дунёқарашида тасаввуф белгилари ўйук бўлиб, ваҳоланки, ўша замонларда тасаввуф таълимоти устун эди. Аксинча у шу дунё ҳаётининг қувончини ва гўзаллигини инкор этганликлари учун, зоҳидликни ва

¹ Паҳлавон Маҳмуд мақбараси нодир меъморчиллик ёдгорлиги сифатида ўзининг чиройи билан одамларнинг эътиборини жалб қилиб келган.

² Паҳлавон Маҳмуд. Рубоният, 40-бет.

жаннат лаззатларини тарғиб қилғанликлари учун сўфийлар (зоҳидлар) ни танқид қиласди.

Паҳлавон Маҳмуднинг айтишича, инсон — юксак камолатдир, лекин у ана шу буюк номга лойиқ бўлиши учун аввало инсоний, юксак ахлоқли бўлиши лозим. Дунёда ҳаёт ўз қонунларини мажбуран үтказади ва тирик инсон турмушининг қувончини ҳам, ғам-ғуссасини ҳам, кўради, аммо у ҳар қандай шароитда ўзига ақл кучи бериб қўйганилиги унумаслиги, ана шу ақл ёрдамида у бошқа кишилар, ҳалқ ва эл билан биргаликда ўз ҳаётини яхшилаб бориши лозимлигини унумаслиги лозим.

Маҳмуд тўғридан-тўғри, агар инсон ўз замони ҳақида жон кўйдирмаса (яъни ўз теварак-атрофидан содир бўлаётган воқеаларга бефарқ қараса) уни инсон деб ҳисоблаб бўлмайди, деб таъкидлайди.

Паҳлавон Маҳмуд учун инсон ва ҳалқ бир-биридан ажратиб бўлмайдиган тушунчалардир, айни чоқда у ҳалқ манфаатларини айрим шахс манфаатларидан юқори қўяди:

Подшолик истасанг, бўл эл гадоси,
Ўзингни унтути, бўл эл ошноси,
Эл тож каби бошга кўтарсан дессанг,
Эл қўлин туттилу бўл хокипоси!

Унинг уқтиришича, одамлар ўз табиатига кўра турлича: шундай одамлар борки, улар жуда очиқ қўл бўлиб, «кўнгли пок ва гина-кудуратин билмайдиган мевали дарахтлар»² га ўҳшайдилар, уларни ҳамма ҳурмат қиласди ва севади. Аммо шундай одамлар ҳам борки, уларда худбинлик ва фақат ўзинингни дейиш устунлик қиласди, шоир бундай одамлардан эҳтиёт бўлишини, улардан яхшилик кутмасликни, дўст танлашда ҳушёр бўлишини маслаҳат беради.

Емонлик билан улфат бўлса, юр йироқ,
Иўлингга дон сочиб, қўяди тузоқ.
Ейни эгри кўриб, тўғрилигидан
Ўқ ундан қанчалик қочганинга боқ³.

Мамлакатдаги иқтисодий қийинчиликлар ва сиёсий низолар шубҳасиз, ҳалқнинг маънавий жиҳатдан бузилишига, жамиятда ахлоқий нуқсопларнинг кўпайиб кети-

¹ Паҳлавон Маҳмуд. Рубонят, 78- бет.

² Уша жойда, 38- бет.

³ Уша жойда, 59- бет.

шинг сабаб бўлади. Замонасининг маърифатли кишиси бўлган Паҳлавон Маҳмуд ўз теварак-атрофида кишилар хулқ одобининг бузилиб кетаётганини ва халқнинг энг яхши анъаналари поймол этилаётганини кўрмай иложи йўқ эди. «Замонамида деган эди у,— самимий шерикни, содиқ дўстни топмоқ қийин, шу сабабли кишилардан садоқат ахтарма асло»¹, бордию топсанг, унга содиқ бўл. Инсонда агар садоқат бўлмаса, содиқ ит асрамоқ маъқулроқдир ва мен, деб таъкидлайди мутафаккир, содиқ инсоннинг ити бўлишга ҳам розиман².

Уз элининг содиқ фарзанди бўлган Паҳлавон Маҳмуд ўша оғир замонларда ватандошларини жасур, мард ва матонатли бўлишга чақирди. У қўрқоқларни, юраксиз ва аҳмоқ кишиларни ўоят ёмон кўрар эди.

Паҳлавон Маҳмуд асарларида соғ, ахлоқан мусаффо муҳаббат, инсонга чинакам баҳт келтирадиган муҳаббатни тараним этади:

Гоҳо гўзалларнинг юзин ўйлайман,
Гоҳо зулфин, гоҳо кўзин ўйлайман.
Алқисса, не борки, хуснинг эслатса,
Ўша замон шунинг ўзин ўйлайман³.

Мутафаккирнинг фикрича, муҳаббат — бу шундай ҳолатки, у инсонга ирода, куч баҳш этади, уни хушчақчақ қилади, инсоннинг дунёвий ҳаётини гўзаллаштиради. Унинг ана шу муҳаббатни тараним этишга бағишиланган рубонийлари ажойиб шеърий ўҳшашликларга жуда ҳам бойдир.

Паҳлавон Маҳмуд ахлоқий қарашларининг баъзи бир белгилари ана шулардир. Афсуски, тадқиқотчилар унинг фақат айрим асосларинингина топишга муваффақ бўлдилар, ҳозирча унинг «Ҳақиқатлар хазинаси» достони ва бошқа кўп асарлари бизга маълум эмас. Паҳлавон Маҳмуднинг адабий мероси, шубҳасиз, ўша замон илфор фалсафий ахлоқий тафаккурипнинг катта ютуғи бўлди ва унинг янада ривож топнишида ижобий роль ўйнади.

¹ Паҳлавон Маҳмуд. Рубонят, 49- бет.

² Ўша жойда, 60- бет.

³ Ўша жойда, 75- бет.

XIV—XV АСРЛАРДА ЎРТА ОСИЁДА ИЖТИМОИЙ-ФАЛСАФИЙ ФИКРЛАР

I. ТЕМУР ВА ТЕМУРИЙЛАР. МАДАНИЙ ҲАЕТ

XIII—XIV асрларда Ўрта Осиёни мўғуллар томонидан истило қилиниши иқтиносидий ва маънавий ҳаётга салбий таъсир кўрсатди. Мўғул хонларининг босқинчилик сиёсати патижасида шаҳар ва қишлоқларга катта зиён етказилди, ирригация иншоотлари, кўпприк ва каналлар ишдан чиқди. Бир вақтлар гуллаб яшнаган водийлар чўлу даштга айланди. Мамлакатда жабр-зулм ва зўравонлик кучайди, меҳнаткаш халқ қаттиқ эзилди. Жуда кўп маданий бойликлар, илм масканлари, мадраса ва кутубхоналар йўқ қилинди, санъат ва илм-фан вакиллари: олимлар, шоир ва ёзувчилар, мунахжимлар, меъмор ва мусавиirlар ўлдирилди, тасодифан омон қолганлари эса Шимолий Ҳиндистон, Ғарбий Эрон ва Хуросон вилоятларига қочиб жон сақлаб қолдилар.

Шундай шароитда халқ оммаси мўғуллар ва маҳаллий амалдорларнинг ўзбошимчалиги ва жабр-зулмидан безор бўлиб ғалаён кўтаради. Булар орасида энг йирик халқ қўзғолони — сарбадорларнинг чиқишидир. У 1337 йилда Сабзавор шаҳрида бошланиб, қарийб 45 йил давом этди.

Халқ оммасининг ажнабий истилочилар ҳамда маҳаллий ёзувчиларга қарши аёвсиз кураши Ўрта Осиёда мўғуллар ҳукмоилигини анча заифлаштириди ва уларга қарши кескин кураш кучайиши учун замин яратиб берди. Темур мана шу қулай вазиятдан фойдаланиб, ҳокимиятни қўлга олди.

Амир Темур бин Тарагай Баҳодир (1336—1405) Кеш (ҳозирги Шаҳрисабз) шаҳри яқинидаги Хўжа Илғор қишлоғида дунёга келди. У 25 ёшидан бошлаб

сиёсат билан шуғуллана бошлайди. 1370 йилда у Амир Ҳусайн устидан галаба қозониб давлат тепасига келади.

Темур давлат аппаратини мустаҳкамлашга, майда ва тарқоқ феодалликларни бирлаширишга ҳаракат қилди. У кучли марказлашган давлат тузишга муваффақ бўлди, мамлакатда иқтисодий ва маданий ўзгаришлар қилди. Мовароуннаҳрда феодал муносабатлари мустаҳкамланди, ўтроқ аҳоли ҳар томонлама ривожланди, тасаввуф мазҳабига мансуб йирик шахсларнинг таъсири кучайди.

Темур мамлакатнинг иқтисодий қудратини оширишга ҳаракат қилди. У ишғол қилган хорижий мамлакатларда катта бойликларни қўлга киритиб, уларни шаҳарларнинг ободончилиги учун сарф қилди.

XIV асрнинг охирига келиб Самарқанд Шарқнинг энг гўзал ва обод шаҳарларига айланди. Бу ерда улкан бинолар, кенг хиёбонлар қуришга катта эътибор берилди. Испан сайди Р. Г. Клавихонинг маълумотига қараганда, Самарқанднинг бойлиги фақат озиқ-овқатнинг мўллиги билан белгиланмасдан, балки шойи матолар, атлас, мўйнадан қилинган кийимлар ва шунга ўхаш сон-саноқсиз моллар билан ажralиб турарди.

Темур даврида қишлоқ хўжалиги яхшигина ривожланди. Мамлакатда ҳар хил қурилиш иншоотлари барпо қилинди. Суғориш шоҳобчалари тузатилди. Булардан ташқари Муғон чўли ўзлаштирилди, Хуросонда ва бошқа жойларда каналлар ўtkазилди, кўприклар қурилди, йўллар таъмирланди.

XIV асрнинг иккинчи ярмидан бошлаб Ўрта Осиёда ички ва ташқи савдо равнақ топа бошлади. Қадим замондан Самарқанд Шарқда муҳим савдо маркази эди, бу ердан бошқа мамлакатларни боғловчи ипак йўли ўтар эди. Айниқса Ҳиндистон, Хитой, Россия, араб мамлакатлари билан қизғин савдо алоқаларини ўрнатилиши Темур давлатининг иқтисодий қудратини мустаҳкамлашга хизмат қилди.

Бу даврда Ўрта Осиёнинг ижтимоий-сиёсий ва маънавий ҳаётида ҳукмрон мафкура бўлмиш ислом динининг роли кучайди.

Ўрта Осиёда маданиятнинг ривожланишида қўшини мамлакатлар билан маданий алоқалар муҳим рөль ўйнади. Маълумки, Ўрта Осиё Эрон билан қадимдан мустаҳкам алоқа ўрнатган эди. XIV—XV асрларда бу икки давлат ўртасида иқтисод ривожланиши билан

маданий алоқалар кучая бошлади. Шунингдек, бу даврда Хитой билан ҳам алоқа кучайди. 1420 йили Шоҳруҳ машҳур рассом Ғиёссиiddин Наққош бошчилигида у ёққа элчилар юборади. Улар хитой халқининг урф-одаати, турмуш тарзи, маданий ҳәти, давлатни бошқариш услугини ҳоказолар билан танишиб қайтадилар.

Шунингдек, Шоҳруҳ даврида Ҳиндистон билан ҳам алоқа кучайди. 1448 йилда Шоҳруҳ томонидан юборилган элчилар орасида тарихчи Абдураззоқ Самарқандий ҳам бўлиб, у Ҳиндистон маданияти билан танишиш имкониятига эга бўлади. Унга ҳинд халқининг урфодати, маросимлари, ҳинд миллӣ мусиқаси ва рақси чуқур таассурот қолдиради.

Темурийлар даврида маданиятнинг янги босқичига кўтарилишида ўтмиш маданий бойликларини ўзлаштириш ҳам муҳим аҳамиятга эга бўлди. Ҳусусан, бу даврда Ўрта Осиёда ҳинд олимларининг фалакиёт, риёзиёт, тиббиёт, кимё ва бошқа соҳалардаги тадқиқотлари, чунончи ҳиндларнинг «Калила ва Димна» асари Ўрта Осиёда катта шуҳрат қозонган эди.

Ўрта Осиёда айниқса қадимги юнон маданиятига қизиқиш кучли эди. Илк ўрта асрларда юнон олимларининг рисолалари юончадан араб тилига таржима қилинган, уларга кўплаб шарҳлар битилган эди. Шунинг учун қадимги юнонларнинг араб тилига таржима қилинган асарлари, ҳусусан Арасту, Афлотун, Птолемей ва бошқаларнинг табиий-илмий ва фалсафий асарлари XIV—XV асрда ҳам Ўрта Осиё олимлари учун танишади.

XIV—XV асрларда маданият ва илм-фан тараққиётида Ўрта Осиё ҳалқларининг IX—XII асрлардаги маданий меросини ўрганиш алоҳида ўринни эгаллади.

Навоний, Жомий, Биноний, Кошифий ва бошқалар дунёқарашларининг такомил топнишида Форобий, Ибн Сино, Насриддин Тусий кабиларнинг илмий мероси ғоявий манба бўлиб хизмат қилди. Шунинг учун ҳам жамият ва давлатни бошқариш, баҳт-саодатга эришиш, комил инсонни тарбиялаш, мукаммал ва адолатли жамият барпо қилиш каби масалаларнинг ўзига хос талқин қилиниши билан бирга улар ўртасида муштарақлик ва ўхшашликлар кўп.

XIV—XV асрда заргарлик ҳам юқори босқичга кўтарилиди. Заргарлар металга бадиий безак бердилар,

олтин, кумуш ва бронза эритадиган мөхир усталар пайдо бўлди.

XV асрнинг иккинчи ярмидан бошлаб меъморчилик санъати ҳам тез тараққий эта бошлади. Ҳусусан, Темур Самарқандда Бибихоним, Қўксарой масжиди, Шоҳизинда мақбарасини барпо қилди. Кеш (Шаҳрисабз) шаҳрида Оқ сарой қурила бошлади. Булардан ташқари, унинг даврида Самарқанд атрофида Боги Шамол, Боги Дилкушо, Боги нав, Боги Чинор қурилди. Темур ободончилик ишларига катта эътибор бериб, кўпrikлар, сугориш иншоотлари, карвон саройлари, работлар қурдирди, каналлар ўтказди, кўплаб мактаб, мадраса ва хонақоҳлар, ҳаммомлар барпо қилди.

XIV—XV асрларда Самарқанд, Ҳирот ва бошқа шаҳарларда мусаввирик мактаби тараққий этди. Мальумотларга қараганда, Навоий даврида наққошлик санъатининг мөхир усталари пайдо бўлди. Ҳусусан, «Шарқ Рафаэли» номини олган, дунёга машҳур Беҳзод ва Шоҳ Музффар номлари алоҳида ўринни тутади.

Беҳзод (1455—1535) Ҳирот рассомчилик мактаби бадиий услубининг асосчисидир. У рассомлик санъатини юқори босқичга кўтарди, одамлар суратини чизди, табиат манзараларини тасвирлади, китобларни безади. Унинг илк асари «Зафарнома» китобига солинган расмлар бўлиб, унда XIV асрнинг охирида рўй берган воқеалар тасвирланган. Ундан ташқари, Беҳзод Ҳисрав Деҳлавийнинг «Хамса», Саъдийнинг «Бўстон» асарларини нақшлар билан безаган. Ҳусайн Бойқаро, Хотифий, Жомий ва бошқаларнинг суратини чизган. Бу суратлар ҳозир дунёning турли музейлари ва кутубхоналарида сақланмоқда.

XIV—XV асрларда ҳаттотлик ва муқовасозлик санъати ҳам тараққий эта бошлади. Нафис китоб ва ҳаттотлик санъати соҳасида янги услублар пайдо бўлди. Масалан, Мир Али Табризий (1330—1404) насталиқ услубини ихтиро қилди. Бу услугуб «Ҳатти Хиротий» номи билан аталиб, кейинчалик бутун Яқин ва Ўрта Шарқ мамлакатларига кенг ёйилди.

Самарқанд ва Ҳиротда ҳаттотлик санъатини камолотга етказган иқтидорли ва қобилиятли ҳусният усталари етишиб чиқди. Улар орасида айниқса, Султон Али Машҳадий, Рафиқий таҳаллусини олган Мир Али Мажнүн бин Қамолиддин Махмуд, Самарқандлик ҳаттот Ҳўжа Абдулқодир Руянда (вафоти 1434 йил), «Ҳаттот-

лар султони» номини олган Султон Али (1437—1520) ва бошқалар ажралиб туради.

XIV—XV асрларда мусиқа соҳасида ўз касбининг моҳир усталири бастакорлар Абдуқодир Найи, Ҳусайн Удий, Ҳўжа Юсуф Андижоний, Мавлоно Нажмиддин Қавқабий, Шоҳқули Фижжакий, Дарвиш Аҳмад Қонуний, Устод Шодий ва бошқалар яшаб ижод этгандар Улугбек, Навоий, Жомий Биноий каби буюк мутафаккирлар кўйлар басталаганлар.

XIV—XV асрларда фанларнинг кўп соҳаларига, хусусан, тиббиёт риёзиёт, ҳандаса, жуғрофия, фалақиёт, тарих, мантиқ, адабиёт педагогика, фалсафа, ахлоқшунослик ва бошқа фанларга катта эътибор берилган. Айниқса, адабиёт ва адабиётшунослик тез тараққий эта бошлади. Шеърият, назм соҳасида ижод қилувчи машҳур шоирлар етишиб чиқди.

Самарқандда йирик шоирлар Давлатшоҳ Самарқандий (1437—1496) ва Саккокий (XV аср), Бисотий Самарқандий, Жавҳарий, Ҳўжа Сўғдий Самарқандий, Мирзабек, Э. Восифий, Ниёзийлар ижод қилдилар. Давлатшоҳ Самарқандий «Тазкират уш-шуаро» (шоирлар ҳақида тазкира) номли рисолаларнинг, Саккокий эса ғазал ва қасидаларнинг муаллифидир.

Хўжандда Камол Хўжандий (вафоти 1402 йил), Балхда эса Дурбек (XIV—XV аср) ижод қилган. Дурбек «Юсуф ва Зулайҳо» достонини ёзган. Ҳайдар Ҳоразмий эса (XIV—XV аср) «Махзун ул — асрор («Сирлар ҳазинаси») рисоласини битган. Булардан ташқари ўша даврда Исмат Бухорий (1365—1436), Ҳофиз Ҳоразмий (XIV—XV аср), Яқиний (XV аср), Ҳилолий (XV аср), Гадоий (XV аср), Атоий ва бошқа шоир ва ёзувчилар яшаб, ижод этгандар.

XV асрда адабиёт, шеърият, ижтимоий-фалсафий ва ахлоқий фикрлар буюк ўзбек шоирни ва мутафаккири Алишер Навоий тимсолида ўзининг юқори чўққисига кўтарилиди.

XV асрнинг йирик мутафаккири форс-тожик шоирни ва олими Абдураҳмон Жомий (1414—1492 йиллар) ҳам Үрта Осиё маданияти ва фанига улкан ҳисса қўшгандир.

Унинг ижоди кўп қиррали бўлиб, адабиётшунослик, тилшунослик, фалсафа, тасаввуп, санъатнинг турли соҳалари, шеърият ва насрни ўз ичига қамраб олади. Мутафаккир бир неча ўнлаб йирик асарларнинг чунон-

чи «Нафақат ул-унс», «Лужжат ул-асрор», «Рисолан муаммо», «Баҳористон», «Рисолан мусиқи» ва бошқа асарларни ёзади. Унинг асосий рисолалар тўплами «Хафт авранг» («Етти тахт») бўлиб, улар «Туҳфатул аҳрор» («Нуронийлар туҳфаси»), «Сабҳатул аброр» («Тақвόдорлар тасбеҳи»), «Юсуф ва Зулайҳо», «Лайли ва Мажнун», «Хирадномайи Искандарий» («Искандар хирадномаси») «Силсилатуз-заҳоб» (Олтин занжир) ва «Саломон ва Абсол» кабилар шулар жумласидандир.

Жомий ўз асарларида умуминсоний мазмун касб этган инсонпарварлик гояларини илгари сурди. У форс-тохии адабиётини ривожлантиришга улкан ҳисса қўшиди. Асарларининг бадиийлиги, мазмундорлиги ва халқчиллиги учун кураш олиб борди.

Темурийлар даврида тиљшуносликка ҳам катта зътибор берила бошлади. Жомий ва Навоийдан ташқари, тил муаммолари билан шугулланган йирик олимлар пайдо бўлди. XV асрда Самарқандда яшаб ижод этган олимлар Ибн Абу Бакр Лайсий Самарқандий ҳамда Исомиддин Иброҳим Ибн Мухаммад ибн Арабшоҳ номларини келтириш мумкин.

XIV асрнинг иккинчи ярмидан бошлаб Урта Осиёда фалакиёт ва риёзиёт фанлари ҳам ривож топди. Улуғбек асос солган фалакиёт мактаби ўша даврда табиий-илмий фикр тараққиётида муҳим роль ўйнади.

Улуғбек жаҳон маданияти ва илм-фани равнақига улкан ҳисса қўшган буюк мутафаккирдир. Улуғбек даврида 1417—1420 йилларда Регистонда улкан мадраса қуриб битказилди. Шу йилларда Бухорода, 1432—1433 йилларда Фиждувонда мадрасалар барпо қилинди. Булардан ташқари, Улуғбек Темур даврида қурила бошлаган Бибихоним масжиди, Гўри амир мақбарасини қуриб битказди. Бу даврдаги энг нодир меъморчилик санъатининг намунаси 1429 йилда барпо қилинган Улуғбекнинг фалакиёт расадхонасиdir.

Улуғбек асос солган фалакиёт мактабидан жуда кўп иқтидорли олимлар етишиб чиқди. Улар Мансур Коший, Марям Чалабий, Қозизода Румий, Абдуали Биржандий, Али Қушчи, Фиёсиддин Жамшид ва бошқалардир.

Бу даврда тиббиёт илми ҳам ўзининг йирик намояндаларига эга эди. Самарқандга келиб ижод қилиган, табобат илмининг йирик вакилларидан Бурхонуддин на-

фис ибн Эваз ҳаким ал-Кирмоний ва Султон Али Табиб Ҳурсонийдир.

XIV—XV асрларда Үрта Осиёда мантиқ ва фалсафа фанлари билан шуғулланган йирик олимлар пайдо бўлди. Бу фанларнинг ривожи, асосан икки йирик мутафаккир Саъдиддин бин Умар Тафтазоний ва Мир Саййид Журжоний номлари билан чамбарчас боғлиқдир.

Журжоний ва Тафтазонийлардан ташқари, Самарқандда ўша даврда Мавлоно Абдужаббор Хоразмий, Мавлоно Шамсиддин Муншӣ, Мавлоно Абдулла Лисон, Мавлоно Бадриддин Аҳмад, Мавлоно Нуғмониддин Хоразмий, Хўжа Афзал, Мавлоно Оловиддин Коший, Жалол Ҳокий ва бошқа олимлар яшаб ижод этгандар.

Умуман олгаңда, бу даврда фалсафа ва ахлоқшуносликка оид маҳсус рисолалар IX—XIII асрларга нисбатан камроқ учрайди. Лекин илғор ижтимоий-фалсафий ва ахлоқий Фикрлар бадиий адабиётда, тасаввуф шеъриятида, назм ва насрда, ғазал ва руబойларда муфассал баён қилина бошлади. Шунинг учун ҳам бежиз эмаски, Убайд Законий, Жомий, Лутфий, Биноий ва бошқаларнинг бадиий асарлари бой фалсафий ва ахлоқий мазмунга эга.

Бу даврда ахлоқ ва таълим-тарбия муаммоларига бағишлиланган рисолалар орасида Ҳусайн Вонз Кошифий ва Жалолиддин Давонийларнинг мероси алоҳида ўринни этгалийди.

Бу даврда тарих фани тараққий эта бошлади. Тарих соҳасида ижод қилувчи йирик мутафаккирлар пайдо бўлди. Булар ичиди XIV—XV асрларда яшаб ижод этган Аҳмад ибн Маҳмуднинг «Китоби муллазода», Абдураззоқ Самарқандийнинг (1413—1482) «Матлаъ ас-саъдайн ва мажмаъ ал-баҳрайн» («Икки саодатли юлдузнинг чиқиши ва икки денигизнинг қўшилиши»), Ҳофиз Абрӯнинг (1361—1430) «Зубдат ат-таварих» («Тарихларнинг сараси»), Шароғиддин Али Яздийнинг (1454 й. да вафот этган) «Зафарнома» си, Ҳиротлик тарихчи Фосиҳ Ҳавоғийнинг (1375—1442) «Мужмал-и фосиҳи» («Фосиҳи тўплами») каби рисолаларини кўрсатиб ўтиши мумкин. Шунингдек, XV—XVI асрда машҳур тарихчилар Мирҳонд ва Ҳондамир яшаб ижод қилдилар. Юқоридагиларни холоса қилиб шуни таъкидлаш керакки, Үрта Осиёдаги XIV—XV асрдаги маданий кў-

таринкилил ӯзининг хусусияти, йўналиши жиҳатдаи IX—XII асрлардаги Урта Осиёдаги Уйғониш даврининг қонуний давомидир. Зеро, унга ҳам Уйғониш даврига мос келадиган иқтисод, маданият, илм-фан, санъат соҳасида беқиёс тараққиёт, қадимги юон маданияти ва ўтмиш қадриятларига қизиқиши, инсонпарварлик, юксак фазилатни куйлаш ва бошқа шунга ўхшаш хусусиятлар хос эди.

Шунииг учун ҳам Темурийлар маданияти жаҳон маданияти ривожига улкан ҳисса бўлиб қўшилди. У Улугбек, Навоий, Беҳзод, Жомий каби жаҳонга танилган буюк сиймоларни етказиб берди.

2. САЪДИДДИН ТАФТАЗОНИЙ ВА МИР САИЙД ШАРИФ ЖУРЖОНИЙНИНГ ФАЛСАФИЙ ВА МАНТИКИЙ ҚАРАШЛАРИ

Урта Осиё фалсафий тафаккури тарихида ўчмас из қолдирган аллома Саъдиддин Тафтазоний 1322 йилда Ашхобод яқинидаги Нисо шаҳри атрофидаги Тафтазон қишлоғида туғилди. Темур ўз марказий давлатини тузгунча бўлган феодал уруслари натижасидаги нотинчилклар ёш Тафтазонийни Ҳурросоп шаҳарлари бўйлаб саргардан бўлиб юришга мажбур этди. 16 ёшли Саъдиддин илоҳиёт фанларини, араб тили, нутқ санъати ва мантиқ соҳаларини мукаммал эгаллади. Бу фанларни у ўша даврининг машҳур олимлари бўлган Азиддин Ижий ва Қутбиддин Розий ат-Тахтонийлардан ўрганди. Тафтазонийнинг 16 ёшида ёзган биринчи илмий асари унга шуҳрат олиб келди ва унинг мадрасада мударрислик қилиш ҳуқуқини қўлга киритишига сабаб бўлди.

1340 йилдан 1372 йиллар ичida Тафтазоний Фиждувон, Жон, Туркистон, Ҳирот ва Мовароунаҳрининг бошқа шаҳарларида мадрасаларда дарс бериб, йирик олим сифатида шуҳрат қозонди. Айниқса мантиқ, нутқ санъат, араб тили грамматикаси ва илоҳиёт соҳаларида унга тенг келадиган олим кам топилар эди¹. Унинг замондоши машҳур араб тарихчиси Ибн Халдун Тафтазоний ҳақида қўйидагиларни ёзган эди: «Мовароун-

¹ Садикон Муртазоев. Саъдиддин Тафтазоний асарларида дунё қараш, билиш назарияси ва мантикий масалаларнинг ёртилиши. Автореферат, Тошкент, 1975, 5-бет.

шаҳрдан чиққан қуёшнинг нури араб мамлакатлари ва Испаниягача етиб келмоқда»¹.

Гафтазонийнинг шуҳрати ўз пойтахти Самарқандга энг машҳур олимлар, ҳунармандлар ва усталарни тўплаётган Амир Темурга ҳам етиб келди. У Тафтазонийни Самарқандга чақиртиради. Тафтазоний умрининг охиригача саройда яшайди ва 1392 йилнинг 12 августида вафот этади.

Тафтазонийнинг назарий мероси ўрта асрлар фанининг барча соҳаларини ўз ичига олади. Қуръон тафсиридан бошқа асарлари араб тилида ёзилган бўлиб, улар ичида мантиқ, нутқ санъати ва араб тили грамматикасига оид рисолалари алоҳида ўрин тутади. Бу рисолалардан XIV асрнинг иккинчи ярмидан XVI асрнинг иккинчи ярмигача Мовароуннаҳр ва унинг атрофидағи ўлкалар мадрасаларида ўқув қўллашмаси сифатида фойдаланилган. Е. Э. Бертельс ўз тадқиқотларида форс-тожик шеъриятининг буюк классиги Абдураҳмон Жомий шеърият ва нутқ санъатини Саъдиддин Тафтазоний асарларидан ўргангандигини кўрсатиб ўтади.

Тафтазоний қирқдан ортиқ асар ёзган бўлиб бизгача етиб келган асарларидан диққатга сазоворларни қўйидағилар: «Тахзиб ал-мантиқ вал-Қалом» («Мантиқ ва Қаломга сайқал бериш»), «Ас-Саъдия» (XIII аср охири ва XIV аср биринчи ярмида яшаган Котибийнинг мантиқа оид «Лаш Шамсия» рисоласига ёзилган шарҳ), «Ал-мутаввол» (Нутқ санъатига оид «Кенг талқин»), «Мухтасар ал-маоний» (риторикага оид «Қисқача маънолар»), «Ал-иршод ал-ходий (араб тили грамматикасига оид «Иўл бошловчи раҳбар»), «Ал-мақосид ат-толибин» (фалсафа ба Қаломга оид «Толиби илмларнинг мақсадлари»), «Рисола фи завое ал-мусаллас» («Уч бурчакнинг бурчаклари ҳақида рисола») булардан ташқари Тафтазоний ўзидан олдинги ўтган мутафаккирларнинг асарларига кўплаб шарҳлар ва ҳошиялар ёзган.

Саъдиддин Тафтазоний ўз фалсафий қарашларида табиат ҳодисалари ўртасида сабаб-оқибат муносабатлари мавжудлигига шубҳа қилмайди. Боз устига у борлиқнинг ана шундай муносабатларини диққат билан таҳлил этиб, сабаб ва оқибатнинг муайян хилма-хилтурларини ажратиб кўрсатади. Сабаб — бу шундай нарсаки, нарсанинг мавжуд бўлиши унга боғлиқdir. Са-

¹ Ибн Ҳалдун. Муқаддима. Қоқира, 1985, I жилд, 545-бет.

баб ички ва ташқи кўринишларга эга. Агар сабабнинг муайян белгилари оқибатга кўчиб ўтса, унда ички сабаб намоён бўлган бўлади, агарда бунинг акси бўлса, унда ташқи сабаб ўзлигини кўрсатган бўлади¹.

Тафтазоний дунёқарашидаги диққатга сазовор масалалардан бири қазо ва қадр ҳамда ирода эркинлигидир. Мъълумки, ирода эркинлиги масаласида кўплаб файласуфлар ҳар хил фикрлар баён этишга ва инсон ўз хулқ-авторида эркинми, яъни ихтиёри ўз қўлидами, деган саволга жавоб топишга интилганлар.

Саъдиддин Тафтазоний ўзининг «Тахзиб ал-мантиқ ва ал-калом» асарида инсоннинг хулқ-авторидаги ирода эркинлиги масаласига кенгроқ тўхталаши. Унинг фикрича ҳар қандай олижаноблик ва хайрли ишлар ўз табиатига кўра худонинг моҳиятидан келиб чиқади ва у ҳамма нарсанинг ҳолиқи сифатида хайр ва шарофатнинг яратганлиги сабабдан инсонларни ёмон хулқ-автордан тийилиб туришга чорлайди. Ёмон хулқлар, гуноҳлар инсонга хос нарсалар бўлмасдан, улар фақат кишиларни синаш учун яратилганлар. Шундай қилиб, унинг фикрича, Худо ўз бандаларига икки йўлни «таклиф» этади, яъни шарафли, хайрли фаёлият кўрсатишни ёки номатлуб машгулотлар билан гуноҳга ботишини, гуноҳга ботиш эса жазога тортилишни келтириб чиқарди. Мутафаккирнинг таъкидлашича, худо томонидан кўпроқ инсонларга хайрли ишлар қилиш, гайришаърий ишлар камроқ бўлиши таъкидланади. Қайси йўлни танлаш инсоннинг ўз иродасига боғлиқдир. Шунинг учун худо ёмон хулқ-авторли инсонларни жазолайди. Ёмон хулқ-авторни қоралаш худонинг иродасига қарши бориши эмас, чунки ёмонликни ер юзида мавжудлиги инсонларни покликка чорловчи синовдир.

Билиш назариясида Тафтазонийнинг қарашлари Ибн Синоникидан фарқ қиласиди. Масалан, Ибн Сино нарса, ҳодисалар ҳақидаги мъълумотларни билим деб қабул этган бўлса, Тафтазоний уларни алоҳида ҳис-туйғу ва билим ўртасидаги воситавий босқич деб тушуниади. Билиш жараёни уч шартни тақозо этади:

1. Ҳис-туйғу органлари ва ашёлар ўртасида ўзаро таъсир.

¹ Саъдиддин Тафтазоний, «Тахзиб ал-мантиқ ва ал-калом». Душанбе шаҳридаги Фирдавсий номидаги Жумҳурият кутубхонаасида инв. № 2979 раками остида сақланадиган қўллэзма, 7- бет.

2. Бу омилларнинг инсон рухи томонидан қабул этилиши.

3. Ақлий билиш¹.

Ҳис-туйғуни Тафтазоний ташқи ҳиссиёт деб атаб, ички ҳис-туйғу ҳам ташқи ҳиссиёт асосида пайдо бўлишлигини таъкидлайди. Нарсалар тўғрисида бирор тушунча ҳосил қилиш ҳис-туйғу уйғотган қиёфа орқали амалга ошишини кўрсатиб ўтади².

Ашёлар ва ҳодисалар мавжудлиги туфайли улар уйғотган ҳис-туйғу шаклларидан билим шаклланади. Чунки ҳиссиёт моддадан унинг зарурӣ сифатлари ва алоқалари билан биргаликда ташқи қиёфасинигина қабул қилиб олади. Шу сабабдан мутафаккирнинг фикрича, ҳиссий тасаввурга эга бўлиш учун модданинг бўлишлиги шартдир. Лекин ақлий, мантиқий билиш эса моддий асосдан анча узоқлашган бўлиб, ҳиссий билимларга қараганда юқорироқ босқичдан ҳосил бўлади.

Тафтазоний фикрича, мантиқ тафаккурдаги хатоликлардан ҳалос қиласидан восита бўлиб, янги билимлар ҳосил қилиш заминидир¹. Мантиқий билиш шакллари тасаввурот ва тасдиқотdir. Бирор ашё ёки ҳодисани тасаввур этиш ва унинг тўғрисида ҳукм чиқаришда асосий ўринни тил бажаради. Онг ва унинг белгиси нутқ бир-бири билан бевосита боғлангандир. Бирор ашё ёки ҳодисани белгиси бўлган сўзлар, бирор бир мазмун туфайлигина қандайдир маъно касб этади. Сўзлар ва уларниң ҳар хил турларини тилшунослик фани ўрганади, мантиқ эса муайян мазмунга алоқадор муносабатдаги белгилар ўрнини аниқловчи сўзларни ўрганади. Шундай қилиб, Тафтазоний фикрича, мантиқ фани мавҳум мантиқий онг билан боғланган бўлиб, тушунча ва ҳукмни ифодаловчи сўзлар ва гапларни таҳлил этади.

Унинг қайд этишича, тушунча муайян сўзлар ёрдамида инсон ақлида акс этадиган ашёлар ва табиат ҳодисаларининг мажмуасидан келиб чиқади. Инсон ақли умумий ашёларнинг хусусиятлари ва белгиларини ҳамда уларнинг айрим қисмларини ҳам акс эттиради.

Ақл қуроли орқали ашёларни акс эттирадиган тушунчаларни таърифлаб Тафтазоний ўз олдига шундай

¹ Қаранг: Тақриби ал маром фи баҳзиб ал-калом, 2-қисм, 65-бет.

² Қаранг: Уша жойда, 66-бет.

савол қўяди: тушунчалар қандай келиб чиқади ва шаклланади. Тафтазоний ақлнинг таҳлилий — хулосавий қобилияти (таҳлилот) ва шуурий истеъоди (мағҳумот) тушунчалар шаклланиши учун асосий йўл деб ҳисоблайди. Унинг таъкидлашича: «Фақат таҳлилот ва мағҳумот вөситасидагина ашёлар ҳақида муайян тушунчалар ҳосил этини мумкин».

Тафтазонийнинг илмий мероси унинг Яқин ва Үрта Шарқ ҳалқлари ижтимоий-сиёсий тафаккури тарихида илғор ўрин тутган қадимги юон файласуф ва мантиқшунослари мактабига мансублигини кўрсатади. Аммо эрамиздан олдниги илмий ютуқлар билан чегараланмасдан Шарқ уйғониш даври юксакликларидан туриб уни ривожлантирганлиги ва янги ғоялар билан бойитганилиги диққатга сазовордир.

Унинг ёзган асарлари ўз илмий қимматини ҳозирда ҳам йўқотгани ўйқ. Тафтазонийнинг измий меросини ўрганиш тафаккуримиз тарихини зарҳал сахифаларга бойитиш имконини очиб беради.

Мир Сайид Шариф Журжоний Темур асос солган марказлашган давлат пойтахти Самарқандга бутун шарқ мамлакатларининг энг машҳур олимлари мажбураи бўлса ҳам кўчирилиб, уларга ўз соҳаларида илмий излапишларини давом эттиришлари учун қулай шароит яратилди. Темур томонидан Шероз фатҳ этилиши муносабати билан 1387 йилда у ердаги йирик олимлар қаторида Самарқандга келгаплар орасида машҳур файласуф ва мантиқшунослардан Али иби Мұхаммад Мир Сайид Шариф Журжоний ҳам бор эди. Илмий адабиётларга Мир Сайид Шариф номи билан кирган Али бинни Мұхаммад бинни Али Ҳусайний Журжоний (1339 йил) Эроннинг Гурган вилояти маркази бўлган Астробод шахри яқинидаги Тағу қишлоғида туғилди¹.

Ёшлик йилларидан Шарқда мавжуд бўлган фанларнинг барча турлари билан шуғулланди. Ислом фалсафаси бўлган Калом, мантиқ, тил масалаларидан ташқари табиатшуносликка доир барча соҳаларни қунт билан ўрганиб, улар ҳақида катта илмий асарлар ёзиб қолдирди.

Журжоний Ҳирот, Қоҳира, Стамбул, Шероз шаҳар-

¹ Қаранг: Ч. А. Стори. Персидская литература в трех частях, ч. 1, М., изд-во «Наука», 1972, 203—204- бетлар.

ларида турли олимлардан билим ўрганди, ўз илмини ошириди. 1387 йилда Самарқандга келган Журжоний, бу ёрда 20 йил самарали ижод этди ва фақат Темур вафотидан кейингина Шерозга қайтиб, 1413 йилда дунёдан кўз юмди.

Журжоний Самарқанднинг машҳур мадрасаларида фалсафа, мантиқ, фалакиёт, фиқҳ, тил ва адабиёт, мунозара илми ва бошқа фанлардан дарс бериб ўзидан яхши ном қолдирди. Унинг асарларининг умумий сони 50 дан ошиқdir. Булар ичida фалсафа, мантиқ ва табиятшуносликка доир асарлар салмоқли ўринни эгаллайди, ўз навбатида, бу соҳадаги асарлари бутун Шарқ мамлакатларига кенг ёйилгандир.

Журжонийнинг бизгача «Борлиқ ҳақида рисола» ва «Дүйёни акс этирувчи кўзгу» деб номланган фалсафиј асарлари етиб келган. Шунингдек, унинг ўзидан олдин ўтган олимларнинг асарларига ёзган шарҳларидан Кутбуддин ар-Розий ат-Тахтонийнинг «Шамсия», 1276 йили вафот этган Котибий Қазвенийнинг «Ҳикматул-айн» («Билимлар манбаининг донолиги») кабилар катта илмий қимматга эгадир.

Журжонийнинг қаламига мансуб араб тилида ёзилган табиятшунослик фанларига доир бир қатор асарлар ҳам мавжуд. Булардан XII—XIII асарларда яшаб ўтган хоразмлик астроном ва файласуф Маҳмуд ал-Чағминийнинг «Шарҳу мулаҳҳасил ҳайча» (Фалакиётга доир сайланмага шарҳ) номли асарига бағишиланган китоби диққатга сазовордир.

Шунингдек, у Насрииддин ат-Тусийнинг «Фалакиётга оид эслатма» асарига бағишилаб «Шархе тазкиратун Насирият» номли китобни ҳам ёзган.

Журжоний билиш назарияси ва мантиққа доир «Ат-таърифот» («Таърифлар»), «Усули мантиқийа» («Мантиқ усули») ва илмий баҳс фанига бағишиланган «Одоб ул-мунозара» («Мунозара олиб боришининг қоидалари ҳақида рисола») каби араб тилида ёзилган асарларнинг ҳам муаллифидир. Бундан ташқари Журжонийнинг форс тилида ёзилган мантиққа оид бир неча асарлари ҳам бизгача етиб келгацдир. Булардан «Суфро» (Кичик далил бўла оладиган ҳукм)¹, «Кубро» (кatta далил бўла оладиган ҳукм), «Авсат дар мантиқ» (Мантиқда

¹ Журжоний: Мажмуи мантиқ. Лакнав, 1972. («Суфро» рисоласи, 1—96- бетлар.)

ўрта хулоса¹ ва бошқаларни кўрсатиб ўтиш мумкин. Унинг «Шархе фароизе сарожийа» (Мерос бўлиш мажбуриятларининг Сарожий таърифига шарҳ)² асари ҳуқуқшунослик масалаларига бағишлиланган бўлиб; фақиҳ Сажковандий асарларига жавоб тариқасида ёзилган.

Журжонийнинг XIV аср файласуфи Эзиддин Абдураҳмон ал-Ижий (1300—1356)нинг «Мавоқиф фи илм ал-калом» («Калом илмидаги манзиллар») асарига шарҳ сифатида ёзган «Шархе мавоқиф фи илм ал-калом» («Калом илмидаги манзилларга шарҳ»)³ китоби унинг замондошлари ва келгуси авлод олимлари учун фалсафа ва мантиқ бўйича ўзига хос қомус мақомига эга бўлди. 1018 саҳифадан иборат бўлган бу асарда Журжоний мутакаллимларнинг айрим қарашларини танқид остига олади.

Шарҳлардан ташқари Журжоний жуда кўп фалсафий асарларга ҳошиялар ёзди. Унинг Абу Али иби Сионинг «Ишорат» («Кўрсатмалар») асарига ёзган шарҳи алоҳида қизиқиш ўйғотади.

Насриддин Тусийнинг «Тажрид» («Абстракция») асарига шарҳ ёзган шайх Шамсуддин Маҳмуд Исфаҳоний (1294—1349) га жавоб тариқасида ёзилган Журжоний ҳошияси* ҳам дикқатга сазовордир.

Журжонийнинг дунёқараши, ундан олдин ўтган салафлариникидек, ўрта асрлардаги бутун фалсафий масалаларни, чунончи, борлиқ ҳақидаги таълимот, коинот жумбоқлари, модда ва унинг шакллари, жонсиз ва жонли дунёнинг хусусиятлари, жисмоний ва руҳий муносабатлар, билиш муаммолари, мантиқий фикрлаш ҳақидаги таълимот, тил ва тафаккур алоқалари ва бошқаларни ўз ичига олади. У коинот, инсон ва ақлни қамраб оловчи дунёнинг умумий манзарасини яратишга ҳаракат қилди. Журжоний ақидасига хос бўлган нарса борлиқ манзарасини босқичма-босқич тартибда тушуниришдан иборат эди. Беш бобдан иборат бўлган ўзининг «Дунёни акс эттирувчи кўзгу» рисоласининг биринчи бобини вожиб ул-вужуд ва мумкин ул-вужудни мавжуд эканлигини асослашга бағишлиайди. Журжоний

¹ Mir Sayyid Sharif. Makhmuai risolai manтиқ. Каннур, 1893, 9—14-бетлар.

² Журжоний. Шархе фароизе сарожийа. Стамбул, 1873 й.

³ Журжоний. Шархе мавоқиф фи илм ал-калом. Стамбул. «Дор улматбзтул Омера» босмахонаси. 1267 ҳ. й.

* Ҳошия — бирор асарга ёзилган шарҳга ёзилган шарҳ.

унга шундай таъриф беради: «Йўқ бўлиш мумкин бўлмаган, бор бўлиши эса зарур бўлган нарса вожиб ул-вужуд деб аталади. Масалан, ҳолиқнинг ўзлиги каби тушунча, Борлиғи ҳам, йўқлиги ҳам зарур бўлмаган нарса эса мумкин ул-вужуд деб аталади»¹.

Журжоний фикрича, вожиб ул-вужуд худо бўлиб, мумкин ул-вужуд эса — моддий оламдир. У борлиқнинг биринчи сабаби сифатида вожиб ул-вужудни, яъни худонинг борлигини тан олади. Унинг фикрича, мумкин ул-вужуд ўзининг бор бўлиши учун қандайдир тарэда бўлеа ҳам, бирор-бир сабабга эҳтиёж сезади. У бирор-бир нарса туфайли, яъни биринчи сабаб қимматига кўра вожиб ул-вужуд дараражасига кўтарилади.

Журжоний фикрича, ҳамма жисмлар бир-бирига бўлган ўзаро муносабатда сабаб-оқибат иисбатида бўла-дилар. «Дунёни акс эттирувчи кўзгу» рисоласида шундай ёзди: «бор бўлишта имкони бор нарса икки тар-кибий қисмдан — субстанция ва акциденциядан, яъни туб моҳият ва тасодифий ҳолдан ёки ҳодисадан ташкил топади. Агар мавжуд бўлишга имкони бўлган нарса ўз мавжудлиги учун жойга эҳтиёж сезмаса, унда уни туб моҳият деб, агарда унга эҳтиёж сезса, ҳодиса деб аталади. Туб моҳият беш хил бўлиши мумкин. Агарда бирор-бир туб моҳият, бошқа жойда бирорта нарса ўрнида қарор топган бўлса, у жойлашган ўша жой модда деб, ҳолат эса — шакл деб аталади. Агар у ўз ичига ҳолат ва жойни олган бўлса, у жисм деб номланади. Агар туб моҳият, бу айтилган уч парсани ўз ичига олмаса, у айирувчи субстанция деб аталади. Агарда шу айирувчи туб моҳият жисмга эга бўлса, у ҳолда унинг ўзгарувчи қисми руҳ деб аталади. Бу жисмлардаги ўзгармайдиган нарса ақл деб аталади. Агарда ушбу ақл бевосита вожиб ул-вужуддан келиб чиқсан бўлса, у бошлангич онг ёки умумий ақл деб аталади»².

Журжоний табиатдаги ҳеч бир ҳодиса сабабсиз келиб чиқмайди, деб таъкидлайди. Ҳамма мавжуд ашёлардаги бутун ҳаракат ва ўзгаришлар фақат макон ва замондагина рўй беради.

Мир Саййид Шариф Журжоний дунёқарашига хос

¹ УзРФА Беруний номидаги Шарқшунослик институти қўлләзмалар фонди «Ойнале титинамо», 1-саҳифа.

² Уша жойда.

хусусият, унинг бутун борлиқни бир-бирига қонуний равишда боғланган бўлакчалардан иборат ягона тана сифатида таърифлашидир. Унинг фикрича, моддий душёни ташкил этган нарсалар асосида тўрт унсур, яъни олов, ҳаво, сув ва тупроқ ётади. Уч унсурдан иборат бошқа жисмлар, яъни металлар, ўсимликлар ва ҳайвонлар эса, юқорида айтилган тўрт унсурниңг бир-бirlари билан қоришишининг ҳосиласи сифатида келиб чиққандир.

Тўрт унсур доимо ҳаракатда эканилигидаи ўзгарувчан бўлиб, бири иккинчисига айланиб қолиши мумкин. Масалан, ҳаво сувга, сув тупроқقا ва ҳоказо.

Журжоний фалсафасида моддийлик ғояларигина эмас, балки диалектик дунёқараш мавжуд. Унинг фикрича, моддийликдан холи бўлган бўш жой йўқ. Бу ҳақда у шундай ёзади: «Самовий гумбаз буюк доирадир. У барча жисмларни қамраб олган бўлиб, моддий дунёни чегаралаб туради. Аммо у бўшлиқ эмас, чунки уни моддадан ташқарида бўлган тушунча ёки бирор ўлчов билан тушунтириб бўлмайди. Бундан ташқари бир-бiri билан ўзаро ёпишиб, айни вақтда бошқа жисм билан ҳам боғланиб турган нарсанинг ўзи бўлиши мумкин эмас. Ҳар бир атрофдаги дунё, ўзи ўраб турган нарсага тегиб туриши зарур ва бир-бiriнинг кетидап юқоридагидек тартибда жойлашиши лозим, чунки бўшлиқнинг бўлиши мумкин эмас. Мана шундай жисмлар, унсурлар, самовий доиралар, бутун сайдерлар ва моддий бўлакчаларниң таркиби мажмуаси олам деб аталади»¹.

Мир Сайид Шариф Журжоний мантиқ илмига салмоқли ҳисса қўшди. У Марказий Осиё, Яқин ва Ўрта Шарқ мамлакатлари мантиқий меросининг барча оқимларини таҳлил этиб, уларни янада ривожлантириди.

XV—XVI асрлар давомида мантиқ илмини ўрганиш ва ўқитиш ишлари XIII асрда ёзилган дарсликларга XIV асрда ёзилган шарҳлар, айниқса машҳур мантиқшунос Ат-Тахтоний (1290—1365), унинг шогирди Ибн Муборакшоҳ (1310—1375), Самарқандда ижод қилган унинг иккى издоши—Тафтазоний (1322—1390), Журжо-

¹ Журжоний. Шархе муллахасс ал-хайа ал-Чағминий. УзФА Беруний номидаги Шарқшунослик институтидаги 2655 рақамли қўллэзма, 225-а бет (араб тилида).

ний томонидан ёзилган шарқ ва ҳошиялар асосида олиб борилди. Бу даврда араб тилига нисбатан форс тилида кўпроқ асарлар ёзилди. Можият жиҳатдан мантиқ илмининг фалсафа ва табобатдан ажralиши, унинг ҳуқуқ, тил ва илоҳиёт соҳасидаги тадқиқотларда ишлатилиш жараёни кўпайди. Журжоний ўз ижодида мантиқни фалсафадан ажратмаган ҳолда, уни кўпроқ ҳуқуқ ва тил соҳаларида қўлланилишини таъминлади. Унинг баракали ижоди туфайли шу даврдан бошлаб, ислом мадрасаларида мантиқни ўқитиш ҳуқуқ ва тил фанлари билан боғлиқ ҳолда олиб борилди.

Натижада мантиқ илмига ислом ақидаларига хос бўлган «бегона таълимот» деб ғараз билан қараш астасекин барҳам топа бошлади.

Журжоний фикрича, назарий билимлар ҳаётий тажрибада ҳосил қилинган бошланғич билимлар ва улар тўғрисида фикрлаш йўли билан киритилади. Бундай фикрлаш жараёнини у хулоса деб атайди.

У хулосанинг уч турини кўрсатиб ўтади. Булар: қиёс (силлогизм) эстекро (индукция — бўлакдан бутунга томон ҳукм юритиш) ва ҳадс (аналогия — ўхшатиш). Булардан қиёс (силлогизм) хулосанинг бош тури ҳисобланиб, назарий билимлар ҳосил қилишнинг асосий воситаси бўлиб майдонга чиқади.

Журжоний қиёс деганда, икки ёки бир неча мулоҳазалардан таркиб топган хулосани тушунадики, агар уларнинг мазмуни тўғри бўлса, ундан учинчи мулоҳазанинг ҳам тўғрилиги келиб чиқади.

Эстекро (индукция) тушунчаси остида Журжоний шундай хулосани назарда тутадики, унда дастлабки хусусий шартлар асосида умумий натижага чиқарилади. У икки хил эстекрони, яъни тўла ва тўла бўлмаган индукцияни кўрсатиб ўтади.

Тўла эстекрода ҳар бир бўлакдаги бирор-бир сифат мавжудлигига асосланиб, ана шундай сифат хусусияти умумий бутуниликда ҳам бор эканлигига ишонч ҳосил қилинади.

Тўла бўлмаган эстекро шундай хулосадирки, умумий бутун бўлган нарсанинг баъзи бир қисмларида мавжуд бўлган бирор-бир хусусиятидан келиб чиқиб, шундай хусусият бутунда ҳам мавжуд эканлигига ишонч ҳосил қилинади.

Журжоний фикрича, тўла бўлмаган индукция фақат тахминий мулоҳазагагина олиб келади. Унинг кўрса-

тишича, масалан, биз оловнинг айрим хусусий ҳолатларини кузатсак, ҳар қандай слов иссиқлик чиқаради деган айрим хусусиятга эга бўлган билимдан (дедуктив бутундан бўлакка ўтадиган) ҳолатга ўтадиган хулоса келиб чиқиши мумкин¹. Шу билан бирга унинг таъкидлашича, индуктив йўл билан ҳосил қилинган билимлар ҳамма вақт ҳам ҳақиқатга тўғри келавермайди. Чунки инсон тажрибаси ҳеч вақт тўла мукаммаликни бермайди.

Журжонийнинг индуктив ва дедуктив хуросалар ҳақидаги фикри Арасту ва унинг Шарқдаги издошлари фикрини эслатади. Аммо бу фикрга ноёб хуросалар қўшилиб, такомиллаштирилган.

Журжонийнинг фалсафий асарлари, айниқса унинг мантиққа оид рисолалари Ўрта Осиё ва Эронда мантиқ илмининг ривожига қўшилган муҳим ҳисса бўлди. Сўнгги асрларда унинг рисолалари мадрасаларда ўрганилди ва уларга шарҳлар ёзилди.

3. МУҲАММАД УЛУҒБЕК ВА УНИНГ АКАДЕМИЯСИ

Буюк табиатшунос тадқиқотчи, давлат арбоби Муҳаммад Тарағай Улуғбек (1394—1449) астрономия ва математика соҳасида дунёда маълум ва машҳур олим. Бошқа соҳаларда ҳам туркий ва форсий тилларда ижод қилган. У Самарқандда ҳоким бўлиб турганда илмфани ривожига катта эътибор берди. Ўз замонасигача жаҳонда мавжуд астрономик обсерваторияларнинг энг йириги ва нодири — Самарқанд расадхонасини, Шарқнинг йирик дорилғунуни ҳисобланган мадрасани қурдирди. XV аср фанлар академияси ҳисобланган астрономия-математика илмий мактабига асос солди. Жаҳон илми аҳлига «Зижи Кўрагоний»ни тақдим этди.

Улуғбек илмли бўлиш, илмий ҳақиқатни очиш инсон учун олий фазилат эканлигини алоҳида таъкидлайди. Фанда кузатиш усулинига ва илмий асбобларнинг ролига катта эътибор беради, илмий тадқиқотда математик воситалар ва мантиқий усуллар ролини алоҳида қайд этади.

Айни пайтда шуни ҳам айтиш керакки, у Оллоҳ таоллоининг қудратига ишонган. Улуғбек Жордано Бруно каби атеистик дунёқараши туфайли ўлдирилган деб

¹ Қаранг: Мир Сайид Шариф Журжоний. Ат-таърифат, Стамбул. «Дор-ул табоате омера», 1818 й., 11-бет.

келингани фикр унчални ҳақиқат эмас, балки у асосан ижтимоий түқнашувлар сабабли жоҳил фитначилар томонидан ўлдирилган десак ҳақиқатга яқинроқ бўла-ди. Ҳар ҳолда дунёқараш сабабларидан кўра ижтимоий сабаблар кўпроқ бўлса керак.

Улуғбек илмий фаолиятининг муҳим фазилатлари-дан бири у тадқиқотни уларни мавҳум мулоҳазалардан эмас, балки жонли мушоҳададан бошланганилигидир.

Улуғбек кузатиш ва ўлчаш асбоблари ҳали тако-миллашмаганилигига қарамай, Қуёш ва Ой ҳаракатла-рини тўғри ҳисоблади, унинг ҳисоблари ҳозирги ҳисоб-лардан жуда оз фарқ қиласди. Буни турли замонларда ўтган астрономларнинг осмон экваторига эклиптика (Қуёшниңг бир йилдик ҳаракатидан ҳосил бўлган кат-та доира) текислиги оғмалигини ўлчаш бўйича қўлга киритилган натижаларини солиштирсан, Улуғбек ҳисоби нақадар ҳақиқатга яқинлигини кўрамиз:

Эратосфенда $23^{\circ}51'20''$ бўлиб, хатоси $7'35''$, Гип-параҳда хатоси $-23''$. Птолемейда $-10' 10''$, Бат-тонийда $-0' 17''$, Абулвафода $0' 35''$, Кўхийда $16' 36''$. Тусида $-2' 9''$, Улуғбекда $23^{\circ}30'17'', -0'32''$. Бу хато-ларда турли даврларниң кузатиш имкониятлари ҳи-собга олинган. Улуғбекнинг юлдуз йили (сферик давр) ҳақидаги ҳисоблари ҳам ҳозирги ҳисоб-китобларга жу-ла яқин. Улуғбек фаидаги тушунчаларни чунончи, мад-ҳал, толе, матоле, мамар, матлли тлу, матлли толе маҳ-фуз, ҳисса, синус-верзу ва ҳоказоларни тўлдириди. Уларнинг кўпларини Улуғбекнинг ўзи киритди.

Улуғбек расадхонасидағи асосий ўлчов воситаси сектант бўлиб (баъзилар квадрант дейишади), у кузатиш натижаларини жадвал ва каталоглар шаклида иф-далаган. Каталогда 1018 юлдуз бор. Уларда ҳар бир юлдузниң координатлари (кенглама ва узуллама), уларнинг юлдузлар тўпламларидағи ҳолати, юлдуз миқдорлари берилган. Координатлар боши қилиб 1437 йилдаги кун тенглиги олинган.

Каталог — мураккаб билиш жараёнининг якуни бў-либ, рақамлар математика қолипига туширилади, яъни қоида-қонуниятлар яратилади.

Улуғбек жадваллари:¹ 1) Ҳижрий йиллар мадҳали-

¹ Улуғбек. Зинги Қўрагоний (Т. Н. Қори Ниёзий. Улуғбек ва унинг илмий мероси, 1971, 110—159-бетлар. Келгусида Улуғбек... деб, саҳифа кўрсатилади).

нинг жадвали; 2) Ҳижрый ойлар мадҳалининг жадвали; 3) Юнон ойлари мадҳалининг жадвали; 4) Эрон эраси мадҳалининг жадвали; 5) Юнон, ҳижрый ва Эрон эралари кунларининг бир-бирига ўтиш жадвали; 6) Юнон, ҳижрый ва Эрон эралари кунларининг жадвали; 7) Маликий эраси тўла йиллари кунларининг жадвали; 8) Чаржадвали; 9) Икки йилнинг қўшилиш жадвали; 10) Кун ва фенклар сони, улардан ташкил топған йилнинг қисми, уларнинг хитойча номи жадвали; 11) Йилнинг 360 кундан ошган қисмлари жадвали; 12) Чаржава КЭ бўшининг фенк билан ифодалаш жадвали; 13) Үртacha қамария ойи жадвали; 14) Шамсия йилининг қамария йилидан ортиқлиги жадвали; 15) Шамсия йилининг ой элицикли ўп уч айланишидан ортиқлиги жадвали; 16) Ойнинг ой давомидаги ҳиссаси жадвали; 17) Қуёш тенгламаси жадвали; 18) Ой тенгламаси жадвали; 19) Хитой эраси йилидаги кун ва фенк жадвали; 20) Улуғбек юлдуз каталоги, 21) Ўша юлдузларнинг ҳолати.

Улуғбек қоидалари

1) «Мадҳалини аниқлаш учун шу ҳижрый йил рақамидан 210 ни шундай айириб бораверамизки, охирида қолдиқ 210 тўла йилдан катта бўлмасин. Сўнг қолдиқни 30 га бўлинг, чиққанини 5 га кўпайтиринг...»¹.

2) «Ҳижрия йиллари ва ойлари мадҳалини аниқлаш учун биз икки жадвал туздик: берилган йилдан 210 тадан айириб, қолдиқни, биринчи жадвалга киритдик. Шунда қаралаётган йил муҳаррамнинг мадҳали топилди. Иккинчи жадвал ойлари вертикал устунда, йил мадҳаллари горизонтал қаторда берилган бўлиб, уларнинг кесишган нуқтаси берилган ой мадҳалини ифодалайди»².

3) Юнон эраси «македониялик» Филиппнинг ўғли Искандэр вафотидан кейин 12 (қуёш) йили ўтгандан сўнг ҳафтанинг иккичи кунидан бошланади. Бу эранинг йиллари ва ойлари — шамсий, оддий. Бир йил — 365 кун — 12 ой. Улардан 7 таси 31 кундан, тўрттаси 30 кундан, биттаси 28 кундан иборат. Бу ой ҳар тўртничи йили 29 кунлик деб ҳисобланади (ўша 1—4 кунлар эвазига). Бундай йил кабиса йил дейилади. Ой номлари ва кун сони қўйидагича: Тишрин I: 31 кун;

¹ Улуғбек..., 120-бет.

² Улуғбек..., 123—124-бетлар.

Тишрии 11:30 кун; Канун 1:31 кун; Канун 11:31 кун;
Шубот: 28 кун; Озор: 31 кун; Найсон: 30 кун; Айёр: 31 кун;
Хазирон: 30 кун; Таммуз: 31 кун; Об: 31 кун;
Айлул: 30 кун».

4) «Юнон йилларидан бирортасининг бошланиш кунини аниқлаш учун берилган йилдан имконият борича 28 тадаб айрамиз, қолдиқ 28 тадан катта бўлмайди. Қолдиқ 4 га тақсим қилилади. Чиққанига бўлинганидан ҳосил бўлган миқдор қўшилади. Унга 1 қўшилади ва чиққанидан 7 ёки унинг карраси айрилади. Чиққан сон аниқланмоқчи бўлинган йилнинг биринчи куни (ҳафтадаги номи) ни ифодалайди.

5) Юпон эраси «ойининг мадҳалини аниқлаш учун биз жадвал туздик. Утаётган йилдан имкони борича 28 талаб айрамиз. Чиққан сонни ён устундан қидирамиз, ой номини устки қатордан топамиз. Иккала йўл кесиншган нуқта аниқланмоқчи бўлган ой мадҳалини беради»¹.

Улуғбекнинг илмий меросини ўрганиш. «Зижи Кўрагоний» Улуғбек вафотидан сўнг кўп ўтмай, Европа маданий дунёсига кириб борди. 1643 йили Оксфорд университети асарнинг Ж. Грэвс (XVII аср) тайёрлаган нусхасири нашр этди. 1690 йили Польшада астроном Ян Гевелий (1611—1687) нинг лотин тилида нашр этилган «Юлдузлар осмонининг атласи» асарида Улуғбек ижодига катта ўрин берилди. Шунингдек, Улуғбекнинг илмий меросини инглиз шарқшуноси Т. Хайд, француз астрономлари Ж. Деламбр (1749—1822), Л. Пётэрс (1806—1880), кейинчалик немис шарқшуноси К. Броккельман (1868—1956) ва бошқа овруполик йирик олимлар атрофлича ўргандилар. Унинг асари эса турли тилларда ва Европа ҳамда Америка қитъаларининг турли шаҳарларида чоп этилди.

Асримизнинг бошларида шарқшунос сифатида В. В. Бартольд Улуғбек яшаган давр, унинг илмий ва маданий меросини баракали ўрганди, 1908 йили В. Л. Вяткин Улуғбек расадхонаси харобаларини топди ва археологик қазилма ишларини олиб борди. Асримизнинг ўрталарида Т. Н. Қори Ниёзий Улуғбек меросини ўрганишга фаол киришди ва унинг раҳбарлигида Давлат комиссияси 1941 йили июнь ойида Амир Темур мақбарасини очди. Амир Темур, Шоҳруҳ ва Улуғбек жасадлари текширилди. Текширишлар натижасида

¹ Улуғбек..., 168—253- бетлар.

Улуғбекнинг қилич билан ўлдирилганлиги аниқлашди. Антрополог А. В. Ошанин унинг калла суюгини ўрганди, антрополог — ҳайкалтарош М. М. Герасимов эса шу асосда Улуғбекнинг бюстини яратди.

1950 йили Москвада Т. Н. Кори Ниёзийнинг «Астрономическая школа Улугбека» монографияси нашр этилди. 1971 йили эса ўзбек тилида «Улугбек ва унинг илмий мероси» асари чоп этилди.

Кейинчалик Улугбек яшаган давр ҳаёти ва илмий фаолияти ҳақида бир қашча асарлар нашр қилинди.

Улугбекнинг 600 йиллик юбилейи муносабати билан республикамизда жуда катта ишлар амалга оширилди. Унинг «Энжи ...» биринчи бор рус тилида тўла нашр этилди, (А. Аҳмедов таржимасида) «Тўрт улус тарихи» ҳам нашр бўлди. Парижда Юнесконинг Улугбекка бағишланган маҳсус халқаро илмий симпозиуми ўтказилди.

Пулково астрономик обсерваториясида, Москва давлат университети конференция залларидаги пештоқларда дунёдаги буюк олимлар қаторида Улугбек қиёфаси ҳам ўрин олган.

Самарқанд илмий мактаби — академиясининг ниҳоятда шуфузли эканлигини унинг етакчи юксак обрўли олимларининг ким эканлигидан билса бўлади, Улар: Муҳаммад Улугбек, Қозизода Румий (1419 йили вафот этган), Ғиёсиддин ал-Қоший (1436 йили вафот этган), Али Қушчи (1402—1474) ва бошқалар.

Ғиёсиддин Коший биринчилардан бўлиб ўни касрлар арифметикасини яратган эди. Орадан 150 йил ўтгач Европада бу янгидан кашф этилди.

Улугбек ва Коший¹ томонидан бир даражали ёйнинг синусини аниқлаш усули ишлаб чиқилди (бунда ах — $-bx^2 - c = 0$ кўришишидаги учинчи даражали алгебраик тенгламанинг очиш усулидан фойдаланилди. Шунингдек, Коший «пи» сонининг қийматини 17 хонагача аниқлик билан ҳисоблаб берди, яъни

$$3,141592\ 653\ 589\ 279\ 32.$$

Бу — олимнинг ниҳоятда заҳматкаш бўлганидан дарак беради. Бундай патижага иккичи марта 150 йил кейин, яъни 1597 йили Ромен деган олим эришди.

¹ Джемшид Гиясиддин ал-Қаши. Ключ арифметики. Трактат об окружности. М., 1950.

Ал-Қошний бутун соилардан илдиз чиқариш, илдиз-
нинг бутун қисмни аниқлаш усулини, бешинчи дара-
жали бином қондаси, итерацион алгоритм қонуниятни
яратди.

Самарқанд илмий мактаби таркибий ҳисоблаш
усулларини бойитди, бундан ташқари $\sin 1^\circ$ ҳам
моҳирона аниқланди:

$$\sin 0,001745\ 247\ 643\ 728\ 357\ 1$$

Бу қадар нозик қийматларни аниқлаш жуда катта ютуқ
эди.

Миқдорий муносабатлар ҳақидаги таълимотда қиёс-
сий усул тадқиқ этилди. Натижада миқдорлар муноса-
батининг диалектикаси ривожлантирилди.

Алавиддин Али ибн Мұхаммад Қушчи — Улуғбек-
нинг содиқ шогирдларидан, у фан ва маданият тарихига
Али Қушчи номи билан кирган машҳур олим бўлиб,
ҳали Улуғбек тирик вақтларидаёт йирик олим сифатида
танилган эди. Бундан ташқари Али Қушчи мұхим тарихий
вазифани бажарди: ўз ҳаётининг охирги йилларида
устози Улуғбекининг, Самарқанд олимларининг илмий
меросларини Туркияда кенг тарғиб қилди.

Олимнинг фан равнақига қўшган хиссаси бекиёс. У
кўпгина асарлар муаллифи, чунончи: «Арифметика илми
ҳақида рисола», «Касрлар ҳақида рисола», «Али Мұ-
хаммадийя рисоласи», «Улуғбекнинг янги астрономик
жадвалларига шарҳлар», «Астрономия илми ҳақида
фатҳ китоби», «Геометрик масалаларни ечиш рисоласи»,
«Мантиқ рисоласи», «Азуддиннинг фалсафий рисола-
сининг шарҳлари», «Истиорат рисоласи», «Муфрадийя
рисоласи», «Ойсимон шаклларни ечиш рисоласи»,
«Астрономик рисола» кабилар унинг қаламига мансуб.
Бу асарларнинг қўлёзмалари Тошкент, Душанбе,
Москва, Петербург, Туркияда сақланиб келмоқда. Али
Қушчининг астрономия, математика ва фалсафа соҳа-
сида ёзиб қолдирган асарларининг сони 25 дан ор-
тади.

Али Қушчи Самарқанддаги Улуғбек мадрасасида
ва Туркиядаги Аё Сўфи университетида мударрис сифа-
тида лекциялар ҳам ўқиган.

Али Қушчининг «Астрономия рисоласи» И. М. Мұ-
минов таҳрири остида 1968 йили Тошкентда, А. У. Ус-
монов нашрга тайёрлаган нусхаси 1970 йили Самар-
қандда чоп этилди.

Рисоланинг Муқаддимаси икки қисмдан иборат бўлиб, биринчисида геометрик билимлар асослари берилб, шуқта, чизиқ, текислик, айлана, сфера ва бошқа тушунчалар изоҳланган; иккинчисида, табиий, самовий фанлар соҳасидан маълумотлар келтирилган.

Маълумки, барча нарсалар мураккаб ва содда жисмларга бўлинади. Дунё минераллар, ўсимликлар, ҳайвонлардан ташкил топган. Улар бир-бирлари билан чамбарчас боғланганки, улар буг ёки туман каби бир бутун. Ҳар хил ҳаракатдаги нарсалар маълум вақтда бирлашишиб, янги нарсаларни ҳосил қиласди. Аниқроғи, улар ўз доирасида мувозанатни бузиб, эндият ҳосил қиласдилар ва бир доирада содда, бошқа доирада мураккаб қисмлар шаклида мавжуд бўладилар.

Ҳар бир содда нарса бир хил ҳаракат қиласди, мураккаби эса ҳар хил ҳаракат қиласди. Лекин ҳар бир содда зарра соддалигича қолмайди, мураккаби мураккаблигича қолмайди. Али Қушчининг бу фикрида чуқур фалсафа ётади: мавжуд дунё нарсалардан иборат экан, улар соддалик ва мураккаблик табнатига эга.

Али Қушчи осмонии 9 фалакдан иборат деб қараган, унингча энг катта фалак — осмон, бурж фалаки — юлдузларини, Зуҳал, Муштарий, Миррих, Қуёш, Зуҳра, Аторуд, Ой фалаклари. Фалакларни санаш Ойдан бошланади, охиргиси осмон.

Маълум турт унсур — олов, ҳаво, сув, тупроқлар ўз айланаларига эга, улар гоҳо жуфт бўлиб ҳам мавжуд бўладилар.

Али Қушчи уфқ, қутб, шарқ, шимол, жануб, зенит каби тушунчаларни мукаммал тушунтиради. У Улуғбек расадхонасида ўзи олиб борган кузатишлар натижаларига асосланниб. Қуёш ва Ойни йил бўйича изоҳлаган. Ер ҳароратининг ўзгаршиига сабаблар излаган, Ой ва унинг сирти ҳақида қизиқарли мuloҳазалар юритган.

Қуёш ва Ой, сайёralар ҳаракатларининг бир-бирларига муносабатини тадқиқ қилишда ҳаракат сабабияти ва йўналиши, ҳаракатдаги мувозанатининг пайдо бўлиши ва бузилиши, апогей ва перегей масалаларини қараб чиққан.

Али Қушчи шуқта, тўғри чизиқ, эгри чизиқ, текислий, параллел, оғишма, содда жисм, мураккаб жисм, ўқ, курра, қутб, орбита, алмукантарат, доира, диаметр, хорда, ёй, кўп бурчаклар, шамат, зўрвон вусто, хадид вусто, фалак, меридиан, азимут, содда ҳаракат, мурак-

каб ўзгарувчан ҳаракат, эквіто, эклиптика, зеніт, нодир, апогей, перигей, эпіцикл тушунчаларининг таърифини беради.

Умумфалаклар сони 13 та: 1) буюк фалак; 2) қўзғалмас юлдузлар фалаки; 3) Зуҳал фалаки, 4) Муштарий фалаки; 5) Миррих фалаки; 6) Қуёш фалаки; 7) Зуҳра фалаки; 8) Уторуд фалаки; 9) Ой фалаки; 10) Олов; 11) Ҳаво; 12) Сув; 13) Ер, уларнинг биринчи 9 таси осмон фалаклари.

Осмон экватори билан эклиптика икки нуқтада: баҳорги ва кузги кун тенгликларида кесишади. Қуёш ва Ой ҳаракатларин йўлида ҳар бир фаслга учтадан бурж тўғри келиб, ҳаммаси 12 та: Хут, Ҳамал, Савр, Жавзо, Саратон, Асад, Сумбула, Мезон, Ақраб, Қавс, Жадӣ, Далв.

Фалакларниң ўхшашлиги ва фарқлари ҳақида ҳам баён этилган. Масалан, Зуҳал, Муштарий, Миррих ва Зуҳра фалаклари Қуёшникидан фарқ қилмайди. Уторуд ва Ой фалаклари улардан фарқ қилади. Сабаби эпіцикл ва деферентларининг ҳар хиллигидан.

Сайёralарнинг жоординат тизимламаларидағи эклиптика узунламаси ва кенгламаси тадқиқ этилган. Сайёralарнинг ҳар хил вақтдаги кенглама ва узунламаларини аниқлаб, маълум қарорга келинган. Шунингдек, ҳар бир сайёralанинг бошқа сайёralарга ва Қуёш ва Ойга нисбатан ҳолатларин изоҳланган. Ойниң ҳилола ва бадр ҳолатларин таҳлил қилиниб, Ой ва Қуёш тутилишларининг сабаблари аниқланган.

Ер шар шаклида, ер куррасининг чорагида одамзод яшайди. Кундуз ва кечаларнинг миқдорий муносабатлари Қуёшниң буржи юлдузларига, бинобарин эклиптика бўйича силжишига боғлиқлиги уқтириб ўтилади. Икки қутбда кеча ва кундуз бир-бирини инкор қиласди.

Қуёш чиқишидан олдинги осмоннинг ёриши узоқ вақтга чўзилади, ботишдан кейингисп оз вақтда давом этади. Бу фарқининг катта-кичиклиги Қуёшниң эклиптикадаги ўрнига боғлиқ.

Ҳақиқий сутка билан ўртача сутка орасидаги тафовут Қуёш ҳаракатининг тезланишидандир, дейди Али Қушчи. У мусулмонлар эраси (ҳижрий) нинг, Эрон, Юнон, маликшоҳ эраларининг келиб чиқишини ва бошланишларини таққослайди.

Сайёralарнинг катталикларини Ер диаметрига нисбатан хисоблайди.

Али Қушчи ўзининг «Астрономия рисоласини» Улугбек бошлиқ Самарқанд расадхонаси ходимлари билан биргаликда 1428 йилдан 1438 йилларгача олиб борган кузатув натижаларига асосланиб ёзган. Шунинг учун бу рисолани Улугбек «Зинги» нинг шарҳи деса ҳам бўлади.

Улугбек илмий мактабининг табиий-илмий қарашлари Али Қушчидан кейин ҳам давом эттирилди. Самарқанд олимларининг илмий меросини Ўрта Осиё, Афғонистон, Эрон, Туркия, Ҳиндистонда Мирим Чалабий, Ҳусайн Буржандий, Баховуддин Омулий, Нажмиддин Алихон, Ида Нақиб, Фарид, Деклавий, Савай Жай Синх ва бошқалар XVIII аср бошларигача давом эттирилдилар.

Улугбек мактаби вакилларининг илмий ютуқларини Европада XVI асрдан бошлаб Коперник ва Галилей, улардан кейинги машҳур олимлар янада ривожлантирилдилар.

Улугбекнинг астрономия-математика илмий мактаби академияси ишлаб чиққан қонун-қоидалар коинот манзарасини яратишда тарихий илмий замин асосларидан бўлганки, улар ҳозирги замон астрономияси, космонавтикаси, космогониясини ривожлантиришда, мантиқий фикрлашда ҳам ҳали кўп фойда келтиради.

4. ЖАЛОЛИДДИН ДАВОНИЙ ВА УНИНГ ИЖТИМОИЙ АХЛОҚИЙ ҚАРАШЛАРИ

Жалолиддин Муҳаммад ибн Асад ас-Сиддиқий ад-Давоний 1427 йилда Эроннинг Казарун вилоятининг Давон қишлоғида туғилди. У ёшлигидаёт юн-фанг; айниқса мусулмон фиқҳшунослигига қизиқди ва бошлангич мактабни битиргандан сўнг Шерозга келиб мадрасада — йирик олимлар қўлида таҳсил кўрди.

Давоний ўз ҳаётида Эрон, Ироқ, Ҳиндистоннинг қатор шаҳарларида бўлди, Кошон, Ҳирот, Табриз, Ғилон ва бошқа жойларга сафар қилди. Ўз сафарлари давомида жуда кўп олим ва шоирлар билан учрашиб, улар билан илмнинг ҳар хил соҳалари бўйича баҳс юритди.

Кейинчалик у Шероз шаҳрининг қозиси этиб тайинланди. Қозиликдан истеъфога чиққандан сўнг мадрасада мударрислик қилди. Умрининг сўнгги йилларида ўз қишлоғига қайтиб илмий иш билан шуғулланди. Да-

воний 1502 йилда вафот этди. У ўз қишилгидаги дағын этилган.

Давоний Урта Осиё олимлари ва шоирларининг ижоди ва дунёқараши билан яхши таниш бўлган, Форбий Ибн Сино, Насируддин, Тусийнинг илмий мероси, асарларини қунт билан ўрганган, уларнинг рационалистик ва инсонпарварлик фояларини давом эттирган.

Муҳаммад Али Табризийнинг таъкидлашича, Давоний ўз рисолаларини битишда «Византия, Хурсон, Туркестон олимлари ҳамда Султон Абу Саид Темурий даврида яшаган машҳур мутафаккирларнинг асарларидан фойдаланган»¹.

Давонийнинг илмий мероси Урта Осиёда ҳам машҳур эди. Октябрь ииқилобига қадар Давонийнинг «Ахлоқи Жалолий» номли асари мактаб ва мадрасаларда қўлланма сифатида фойдаланилиб келинди. Унинг ахлоқий қарашлари Урта Осиё мутафаккирлари дунёқарашига самарали таъсир кўрсатди. У фалсафа, мантик, фиқҳ, ахлоқшунослик, риёзиёт ва геометрия соҳалари бўйича бир қатор рисолалар ёзган. «Рисолайи исботи вожиб» («Заруриятниң исботи ҳақида рисола»), «Рисола тул муфрадот» («Моддалар ҳақида рисола»), «Рисолат ул-ҳуруф» («Ҳарфлар ҳақида рисола»), «Рисолайи фи тавжиҳ улташибиҳ» («Мажоз талқини ҳақида рисола»), «Рисола дар илмин-нафс» («Руҳшунослик тўғрисида рисола»), «Тариқати тарбият ул-авлод» («Болаларни тарбиялаш усули») кабилар унинг қаламига мансуб. Худди Навоий сингари, у ҳам «Фоний» тахаллуси билан шеърлар ёзган.

Давоний қомусий билим эгаси бўлиб, ўзидан кейин бой илмий мерос қолдирган. Унинг форс тилида ёзилган энг иирик рисоласи «Ахлоқи Жалолий». 1470—1478 йиллар орасида ёзилган мазкур рисола Фарбий Эрон ҳокими, Оққўйинлилар сулоласидан бўлган Узуп Ҳасанга бағишлилангандир. Ушбу асар 1839 йилда В. Ф. Томпон томонидан инглиз тилига таржима қилиниб, 1911 йили Калькуттада чоп этилган. 1948 йилда ўзбек тилига Ишонжон Ибн Муҳаммадхўжа томонидан қисқача таржима қилинган. Рус шарқшуноси А. А. Семенов Рье ва Браунларга асосланиб, Давонийнинг ушбу

¹ Муҳаммад Али Табризий. Раҳоннат-ул-адаб. Текрон, 1949, 3- том, 26- бет.

рисоласини мусулмон Шарқи машхур китоблари қато-
рига қўшади.

Ўзбекистон Фанлар академияси Шарқшунослик
институтида ушбу рисоланинг қўллэзма ва тошбосмада
босилган нусхалари сақлаимоқда.

Давоний «Рисолайи исботи вожиб», «Нур-ул-ҳидоя»,
«Рисолат ул-хуруф», «Ахлоқи Жалолий» ва бошқа
асарларида ўзининг фалсафий дунёқарашини баён
этади. Энг аввало, Давоний фалсафага, яъни илми
ҳикматга ўз муносабатини билдиради. Фалсафа фани
ҳамма билимларни эгаллашга ёрдам бериши, инсон-
нинг амалий фаолиятига раҳшамолик қилиши лозим.
Үндигча, фалсафа ақлнинг имконияти даражасида бор-
лиқнинг моҳиятини ўрганиши лозим.

Давонийнинг таълимотича, объектив мавжуд нарса
ва ҳодисаларни назарий фалсафа (ҳикмати назари)
ўрганади, амалий фалсафанинг (ҳикмати амали) вази-
фасига эса инсон фаолиятининг асосий йўналишини
кўрсатиш, унинг иродасини бошқариш киради.

Давоний ўз салафлари сингари фалсафани назарий
ва амалийга тақсимлайди. Лекин у ўзининг «Ахлоқи
Жалолий» рисоласида кўпроқ амалий фалсафа ҳақида
сўз юритади. Олимнинг фикрича, амалий фалсафа учга
бўлниади. Биринчиси ахлоқ ҳақидаги фан бўлиб, у
ҳаммага тегишилдири. Иккинчиси оила ва унинг қсунун-
қоидалари билан шуғулланади ва оила ҳақидаги фан
ёки онлашунослик, деб аталади. Учинчиси давлат ва
шаҳарларни бошқариш ёки сиёsat тўғрисидаги фандир.
Шундай қилиб, амалий фалсафа ахлоқ, таълим-тарбия
ва давлатни бошқариш муаммолари билан машгул
бўлади.

Давоний худонинг бирлиги, худо билан табиатниң
бир бутуслиги ҳақида фикр юритади.

Маълумки, борлик ҳаракатда ва ўзгаришда бўлади,
бир шаклдан бошқа шаклга ўтиб, янгиланади ва тако-
миллашиб боради. Алоҳида, бошқалардан ажralган
нарса ва ҳодисалар бўлмайди, улар бир-бири билан
сабабий боғланган. Бу ҳақда Давоний шундай деб ёза-
ди: «б» сабабидан кейин «ж» сабаби келади, зероки,
мантиқан олиб караганда «б» бир ўзи алоҳида мавжуд
бўла олмайди. Агар у алоҳида мавжуд бўлганда эди,
унда (умуман) бир-бири билан боғлиқ нарсалар бўл-
маган бўлур эди. Шундай қилиб, худди ҳарфларга ўх-
шаб, нарсалар ҳам бир-бири билан қўшилиб, ўзаро

таъсир қиласи, бирлашиб, оддийдан мураккабга қараб ҳаракат қиласи»¹.

Давоний «Заруриятнинг исботи ҳақида» рисоласида сабаб ва оқибат, зарурият ва имконият тушунчалари устида тўхталади. Дунёдаги мавжуд нарсалар бири иккинчисига асос бўлиб хизмат қиласи, ўзаро ҳаракат қилиб, бошқа нарсаларнинг пайдо бўлишига сабабчи бўлади. Лекин бутун мавжудотларнинг сабаби вожиб ул-вужуд, яъни худодир.

Давоний юон файласуфлари изидан бориб, Урта Осиё ва Хуросоннинг бошқа мутафаккирлари сингари, моддий дунёнинг асоси қилиб тўрт унсур; Сув, Ҳаво, Тупроқ, Оловни олган.

Давоний жамиятни ҳам тўрт унсурни қўллаган ҳолда талқин қиласи. Инсон, унингча қайси тоифага мансуб бўлишидан қатъи назар, унсурлардан ташкил топади. Ҳамма унсурлар кишилик жамиятига хизмат қиласи, улар табиат ва моддий нарсалар тараққиётининг асосий сабабчиси ҳисобланади. Бу унсурлар инсоннинг меҳнат фаолиятига ёрдам беради. Улар меҳнат қуроллари, ўсимлик, озиқ-овқат, ҳатто инсон танасининг таркибий қисмидир. «Унсурларнинг ҳар бири,— деб таъкидлайди Давоний,— иш ҳаракатнинг олдиндан мўлжалланган табиий қуролини яратади: сув билан олов иситиш ва совутишга ҳамда овқат тайёрлашга хизмат қиласи, ҳаво эса нафас олиш учун керак бўлиб, у (инсон) руҳига ором беради. Тупроқ эса уруғ сочиш, озиқ-овқат ва уйжой қуриш ва ҳоказоларга керак бўлади»².

Давоний қаравшарида Озарбайжон, Туркия, Ироқ, Сурия ва бошқа баъзи Шарқ мамлактларида тарқалган ҳуруфийлик оқимиининг таъсири яққол сезилади. Баъзи олимларнинг айтишига қараганда, бу оқим қисман Урта Осиёда, хусусан Самарқандда ҳам тарқалган.

Ҳуруфийликинг асосчиси Наимий ва унинг издошлиари борлиқнинг, бутун мавжуд нарсаларнинг асоси қилиб ҳарфларни олганлар. Улар ҳарфларни илоҳийлаштириб, дунё, худо ва инсон 28 ёки 32 ҳарфларда намоён бўлади, деб ҳисоблаганлар. Бу ҳарфларни ҳатто тўрт унсур билан тенглаштирганлар.

¹ Жалолиддин Давоний Рисолайи исботи вожиб. ЎзРФА Беруний номидаги Шарқшунослик институти қўллэзмалар фонди. Қўллэзма. № 8613 179-взрақ.

² Давоний. Ахлоқи Жалолий. ЎзФА Беруний номидаги Шарқшунослик институти қўллэзмалар фонди. инв. 7703.

Давоний «Рисолат ул-хуруф» асарида¹ қадимги юонон мутафаккирларининг ғоясидан фойдаланиб, хуруфийлар сингари ҳарфларни осмон ёритгичларидаи, моддий унсурлардан пайдо бўлганини айтади. Ҳарфлар дастлаб осмон сайёralари ва юлдузларининг бир-бирига урилиши ва ишқаланиши натижасида келиб чиқкан.

Хуруфийлар кишиларни объектив борлиқни, худо, ҳарфлар ва инсонни идрок қилишга чақирадилар. Эрон олимларидан Эҳсон Ёршатр ҳуруфийликни «инқилобий гуруҳ» деб атаб, у ҳар хил сеҳрли ҳарфлар ва белгилар билан ишқобланган даҳрийлик ғояларини тарғиб қилди, дейди. Хуруфийлар ҳунармандлар ва шаҳар камбағаллари мағфаатини акс эттириб, ҳукмрон синф жабр-зулми ва зўравонлигига қарши курашдилар. Шунинг учун улар Темурийлар ҳукмдорлиги даврида қаттиқ таъқиб қилинди. Хусусан, Шоҳруҳ уларга қарши кураш олиб борди, дейди. Мутафаккир, ҳарфларнинг пайдо бўлиши тўрт унсур билан чамбарчас боғлиқ деб таъкидлайди. Ундан ташқари, Давоний ҳар бир ҳарф табиатда ўз шаклига эга, яъни ҳарфларнинг ёзуви табиатда бошланган, деган қизиқарли фикрни илгари сурди. Унингча, ҳар бир ҳарфнинг номи илоҳий бўлиб, маибай осмон жисмлари, унсурлар ва худога бориб тақалади. Табиат, худо, ҳарфлар ва инсон ўртасидаги ўзаро бирлик ва алоқа мавжуд.

Давоний инсоннинг ақлий қобилиятига катта баҳо беради: «инсоннинг ҳар бир ҳаракати, қилган иши ақлдан келиб чиқиб, унга бўйсуниши лозим ... ақлли киши иккита қарама-қарши фикрни эшитганда,— дейди у,— ҳар бир гапни ўз билими билан пухта ўйлаб кўриши, ақл тарозиси билан ўлчashi лозим. Ана шундан сўнг эса ақл ҳукмига тўғри келадиган ва аниқ исботланган фикрни маъқуллаши зарур»².

Шундай қилиб, Давоний ўзининг фалсафий дунё-қарашида замонаси учун илғор ғояларни илгари сурган. У борлиқ ва дунёни билиш масаласида перипатетиклар, яъни Арасту ва унинг издошлари ғоясини ривожлантирди. Айниқса, Давонийнинг унсурлар тўғрисидаги фикрлари, дунёни билишда ақл қудратига катта баҳо

¹ Давоний. Рисолат ул-хуруф. Кўллэзмалар фонди. иш. 5231.

² Жалолиддин Давоний: Нур-ул-ҳидоя. Қаранг: Али Давоний, Жалолиддин Давоний. Кум, З-бет.

бериши XV асрда ижтимоий ва фалсафий фикр тарақ-қиётига муҳим ҳисса бўлиб қўшилди.

Давоний ўзининг ижтимоий-сиёсий қарашларида, ўтмишнинг илғор мутафаккирлари сингари, давлат ва жамиятни бошқариш масалаларига кўп эътибор берган.

Давоний ўзининг «Ахлоқи Жалолий» асарида давлат тўғрисида ўзининг хаёлий орзусини тасвиirlайди. У Ибн Мисковейх, Форобий ва Насритдин Тусий сингари шаҳарин (давлатни) фозил ва жоҳилга бўлади. Фозил шаҳарни таърифлар экан, Давоний «бу шундай шаҳарки, унииг қоидаси баҳт-саодатга эришувдан ва баҳтсизликка олиб борадиган ходисаларни бартараф қилишдан иборат»¹ дейди. Фозил шаҳарни ақлли, адолатли ва жасур кишилар бошқариши лозим. Шаҳар аҳолиси, қайси ижтимоий табақадан бўлмасин, қонун-қоидаларга сўёсиз бўйсунадилар. Жоҳил шаҳар аҳолиси эса баҳтсизлик ва фалокат йўлига кирган бўлиб, бундай шаҳар ҳокимлари тамагир, жоҳил бўладилар, ўз хоҳиш-истаклари ва ҳиссиётларини қондиришга ружу қиладилар. Давоний фикрича, жоҳил шаҳар аҳолиси ярамас ва разил ишлар қилишга қобил бўлади. Улар одил ҳокимларнинг амр-фармойишига бўйин товладилар.

Давоний фикрича, агар фозил шаҳар учун баҳт-саодат ва адолатга интилиш хос бўлса, жоҳил шаҳарда ялпи баҳтсизлик ва камбағаллик ҳукм суради. «Тажрибадан маълумки,— дейди у,— адолат қоидалари амал қилган ва кишилараро аҳилликка эришган ҳар қандай давлат ривожланиб келган, одамлар орасида нифоқ, жанжал ва бир-бирини эзиш пайдо бўлиши биланоқ инқирозга юз тутган»².

Давоний ўз рисоласида мукаммал ва одил шоҳ тўғрисида сўз юритар экан давлатни бошқариш учун лозим бўлган бутун фазилатлар унда мужассам бўлиши керак, деб ҳисоблайди. У давлат бошлиғига 10 та ахлоқий талабни қўяди. Биринчиси — ҳоким одамларда ўзига нисбатан нафрат уйғотмаслиги учун уларни хафа қилмаслиги, аксинча, эъзозлаши лозим. Иккинчиси — шоҳ давлат ишлари ўз вақтида ва адолатли ижро этилиши тўғрисида жон куйдириши зарур. Учинчиси — ҳирс ва шаҳватга берилмаслиги лозим, чунки бу нарса охири давлатни барбод қилишга олиб келади. Тўртиччиси —

¹ Давоний. Ахлоқи Жалолий, 152-варақ.

² Уша жойда, 162-варақ.

давлат бошлигининг ҳукми шошма-шошарлик ва ғазабга эмас, балки шафқат ва муруватга асосланиши керак. Бешинчиси — халқнинг эҳтиёжини қондиришда у худонинг иродасидан келиб чиқиши лозим. Олтинчиси — халқнинг хоҳиш истагини қондирувчи ишлардан ўзини олиб қочмаслиги керак, акс ҳолда у худонинг ирадасига қарши чиққан бўлади. Еттинчиси — ҳоким афв этишни билиши керак, зероки у одилликни билдиради. Саккизинчиси — у бирор қарор қабул қилишдан олдин ўз атрофдагилари билан кенгашни олиши лозим. Тўқ-қизинчиси — подшоҳ ҳар кимни муносиб лавозим билан таъминлаши, паст насабли ва қобилиятсиз кишиларга юқори мансаб бермаслиги зарур. Унинчиси — давлат бошлиғи адолатли фармонлар чиқариши, бирон кишининг қонунни бузишига йўл қўймаслиги лозим. Булардан ташқари, Давоний давлат бошлиғига диний талаблар қўяди: у диний мажбуриятларни бажариши, художўй бўлиши, диний маросимларга амал қилиши керак. Подшоҳга қўйилган бу талаблардан кўриниб турибдики, Давоний теократик ҳокимият тарафдори бўлган, яъни дин билан давлатни, сиёсий ҳокимият билан диний ҳокимиятни яхлит, бир-биридан ажратиб бўлмаслигини таъкидлаган.

Бизнинг фикримизча, Давонийнинг ўша давр учун қимматли бўлган фикри — давлат бошлиқларидан хизматга тенг ва бир хил муносабатда бўлишини, бир кишини иккичи киши устидан ҳукмронлик қилишга йўл қўймасликни талаб қилишидир. «Модомики давлат бошлигининг вазифаси адолат йўлида фаолият кўрсатиш экан, кишиларнинг турли тоифасини уларнинг меҳнатига қараб баҳолаш, биронинг иккичи киши устидан ҳукмронлик қилишга йўл қўймаслиги керак. Ҳар бир иш давлат таъсис этган қонунлар бўйича бажарилиши лозим. Акс ҳолда одамлар фақат ўз манфаати йўлида ҳаракат қилишга интиладилар ва улар бир-бирига зиён-заҳмат етказадилар».

Бу ерда шуни таъкидлаш лозимки, Давоний дин йўлида уруш олиб боришни инкор қилмайди, муқаддас уруш-жиҳод — газоват урушларини ҳимоя қиласди, душман мажбур қилганда, ҳақиқатни ўрнатиш учун жанг қилиш керак, деб ҳисоблайди. Лекин у босқинчилек урушларини, талон-торожликни, бошқа мамлакатларни зўрлик билан босиб олишини қоралайди.

Давоний ахлоқ фанининг предмети ва вазифаларини

белгилашда Аристогель таъсирида бўлади. Ахлоқ фани деганда, у кишиларнинг хулқ одоби ва фазилатларини ўрганувчи фанни тушунади. Ушбу фан амалий характерга эга бўлиб, у кишиларнинг кундалик ҳәётида асосий қўлланма бўлиб хизмат қилиши лозим.

Давоний фикрича, кишиларнинг хислатлари табиий (тумса) ва яшаш давомида шаклланадиган хислатларга бўлинади. Ушбу масалада у Форобий ва Тусийларнинг фикрига қўшилади.

Давоний, худди Форобий сингари, туғма хусусиятларга кишиларнинг баъзи бир ақлий ва ахлоқий малакалари: зеҳн ўтиклиги, фараз қилиш қобилияти, ҳамфирлик ва бошқаларни киритади. Мутафаккир кишиларнинг баъзи туғма хусусиятлари ва қобилиятларини тан олса ҳам, яшаш давомида қўлга киритиладиган малакаларни инсон учун муҳим, деб ҳисоблайди. Зоро, инсон ёшлигидан ташқи муҳит ва бошқаларнинг таъсирида барча хислатларни эгаллай боради.

Юқорида айтиб ўтилганидек, ахлоқ фани тўрт асосий тушучаларни ўрганади. Буларга донолик (ҳикмат), адолат, шижоат ва иффат киради.

Донолик, олимнинг айтишига қарагандা, амалий ақлнинг маҳсулидир. Доноликнинг белги ва турлари кўп. Уларга зукколик, хотира, фаҳм тезлиги, иқтидорлик, зеҳн ўтиклиги ва бошқалар киради. Шундай қилиб, Давоний кишиларнинг ақлий қобилиятига ва унинг камолотига катта баҳо беради.

Давоний адолатни уч қисмга бўлади. Биринчиси — адолат мол-мулк ва яхшилик (эзгулик) билан боғлиқ. У кишининг мол-мулк ва бойликка бўлган муносабатида намоён бўлади, яъни кишиларни инсоний қадр-қиммати ва мол-мулкига қараб баҳо берилади. Қимки катта бойликка ва обрўга эга бўлса, шу одам кўпроқ қадрланади. Иккинчиси адолат мол алмасинишда ўз ифодасини топади. Масалан, айтайлик курсини олtingга айрибош қилиш каби. Бу ерда мол тенг таксимот асосида амалга ошади, яъни тенглик қондаси ҳукм суради. Адолатнинг учинчи тури сиёsat ва тарбияга дахлдор бўлиб, бунда Давоний кишиларни «мўтадилликка» риоя қилишга, шариат қонун-қоидалари бўйича иш тутишга даъват этади.

Адолатнинг ҳуқуқий томони фуқароларни шариат қонунларига сўзсиз бўйсунишини тақозо қиласди. Бу ҳол адолатнинг юксак кўриниши ҳисобланади. Демак, ким-

ки шарнат қонунларига амал қылса, ундаи кишини одил писоң деса бўлади, зероки, у айни бир вақтда худонинг ҳамда подшоҳнинг иродасига, давлатнинг қонунларига бўйсунган бўлади.

Бундан ташқари, адолат сиёсий тушунча сифатида намоён бўлади. Давоний ва бошқа мутафаккирлар дунёқарашида сиёсий адолат давлатни оқилона бошқаришини билдириб, ҳукмдор фаолиятига баҳо беришнинг муҳим ўлчови бўлиб хизмат қиласиди. Давоний, юқорида айтилганидек, адолатни мамлакатнинг гуллаб яшнаши, халқнинг фаровонлиги ва баҳт-саодатга эришуви билан боғлайди.

Давоний «Ахлоқи Жалолий» рисоласида дидактика, педагогика, таълим-тарбия муаммоларига тўхталиб, одам ижобий малакаларни таълим-тарбия натижасида қўлга киритади, дейди. Бола туғилганда ҳеч қандай нуқсониз бўлади, салбий ёки ижобий сифатларга эса у тарбия жараёнида эришади. Шунинг учун болада яхши малакалар ҳосил қилиш учун унинг тарбияси билан ёшлиқдан, яъни туғилганидан бошлаб шуғулланиш лозим.

Бола дунёқарашининг шаклланишида ташқи муҳит ва унинг теварак-атрофидаги одамлар муҳим роль ўйнайди. Ташқи муҳит таъсирида бола фақатгина атроф-муҳитни кузатибгина қолмасдан, балки яхши ёки ёмон малакаларни ҳосил қила боради.

Давоний кишиларни бола тарбиясида жуда эҳтиёт бўлишга чақиради, чунки улар ёшлигига ўта таъсирчан бўлади, яхши ва ёмоннинг Фарқига бормасдан қабул қиласеради. «Бола қалби,— деб таъкидлаган эди, у,— тоза тахтага ўхшайди, унга ҳар қандай тасвирини осонликча чизиш мумкин»¹. Шуниси қизиқки, Давоний вафотидан таҳминан 150 йил ўтгандан сўнг, худди шунга ўқашаш фикрни улуғ инглиз файласуфи Жон Локк (1632—1704) такрорлади. Унинг айтишича, туғилганда бола қалби тоза тахтани эслатади, руҳий ҳолати (психикаси) эса яшаш жараёнида тўлдириб бориладиган бир варақ оқ қофозга ўхшайди. Локк Декартнинг «туғма ғоялари»ни танқид қиласиди, дуцёни сезгилар орқали билиш тарафдори бўлади.

Шундай қилиб, Давонийнинг тушунтиришича, одамда тайёр хулқий фазилатлар бўлмайди. У дунёни муай-

¹ Давоний. Ахлоқи Жалолий, 119-бет.

ян ижтимоий муҳитда яшаб, кузатиш ва тарбия ёрдамда билади.

Бола тарбиясида мактабнинг роли муҳимдир. Ўқитувчи ақлли, бола тарбиясига қобилиятли бўлиши лозим. Давоний ўқитувчини севишга, ҳурмат қилишга чақиради ва уни маънавий ота деб ҳисоблайди. Мактаб ва жамоанинг бола учун афзал томонларига ўз вақтида Иби Сино ҳам катта баҳо берган эди.

Давоний ёш авлодни касб-ҳунарга ўргатиш масаласига ҳам ўз эътиборини қаратади. Болаларни ўқитишида, уларнинг қобилиягини ҳисобга олиш зарур. Агар бола бирор касб-ҳунарга қизиқса, шу ихтисосни эгаллаши учун унга шароит яратиб бериш керак. «Ҳамма мавжуд касб-ҳунарларга кишининг қобилияти бўлмайди, аксинча, ҳар бир одам муайян бир ҳунарга қизиқади. Бунинг заминида бир сир яшириниб ётади. Бу сирининг сабаби дунёнинг мавжуд бўлиши ва кишилар турмушини тартибга солиб туришдир», дейди Давоний. Битта ҳунар билан қизиқувчи одам, ўзининг бутун қобилияти ва эътиборини шу касбни эгаллашга қаратади. Шуни айтиш керакки, ушбу масалада у Форобий билан бир фикрда туради.

Давоний ўзининг ижтимоий-ахлоқий қарашларида олимнинг жамиятда тутган ўрнига, унинг илмий фаолиятига, хулқ одобига катта баҳо беради. Олимлар жамият равнақига ёрдам бериши, мамлакатда ҳар хил қарама-қаршилик, жанжал, ўзаро келишмовчилик, федал урушларини бартараф килишда фаоллик кўрсатиши, ижтимоий адолат ўрнатилишига интилишлари зарур.

Илм-фан халқнинг оғир турмушини енгиллаштиришга, бева-бечораларга ёрдам беришга хизмат қилиши лозим. Шунинг учун Давоний ҳар қандай ылм-фан турлари билан шуғулланмасдан жамиятга нафи тегадиган билимларни эгаллаш мақсадга мувофиқдир, деб таъкидлайди. Энг фойдали фанларга геометрия, риёзиёт, вужум илми, тиббиёт киради. Улар «олижаноб касб-ҳунарлар» турига киради. «Риёзиёт — аниқ (фандир), унда (киши) характеристининг қатъийлиги ва матонатлиги билинади». Давонийнинг ҳикоя қилишича, Афлотун ўз эшиги тепасига «кимки геометрияни билмаса, уйимизга кирмасин» деган сўзларни ёзиб қўйган экан.

Давоний кишиларни эстетик ва ахлоқий тарбиялаш-

да санъатнинг, хусусан, мусиқанинг аҳамияти катта эканлигини уқтиради.

Давоний инсондаги бутун ярамас одатлар, разил ва тубан хатти-ҳаракатларни фош қилади, ақл ва донолик ёрдамцида салбий иллатларни йўқотишга чуқур ишонди. Айниқса, илм-фанинг кучига катта баҳо берди, жамиятдаги зўравонлик, жабр-зулм, адолатсизлик, ёпузликни бартараф қилишда ва кишиларни тарбиялашда унинг роли катта эканлигини таъкидлади.

5. ҲУСАЙН ВОИЗ КОШИФИЙНИНГ ИЖТИМОИЙ АХЛОҚИЙ ҚАРАШЛАРИ

Унинг асл исми Камолиддин бўлиб, лақаби Воиз, Кошифий эса мутафаккирнинг тахаллусидир.

Ҳусайн Воиз Кошифий Ўрта Осиё ва Ҳурросонининг машҳур мутафаккири бўлиб, тахминан 1440—1450 йиллар орасида Сабзавор шаҳрида туғилади. Унинг ёшлик йиллари ҳам шу шаҳарда ўтади. 1470 йили Кошифий Жомийнинг таклифига биноан Ҳиротга кўчиб келади ва умрининг қолган қисмини шу ерда ўтказади. У 1505 йилда Ҳиротда вафот этади.

Кошифий Жомий ва Алишер Навоийлар билан шахсан тапиш бўлиб, улар билан яқин алоқада бўлди. Шунинг учун ҳам уларнинг асарларида Кошифийнинг номи тез-тез тилга олинган. Жомий ва Навоий Кошифийнинг дунёвий ва илоҳий фанлар соҳасида қилган хизматларига юксак баҳо бердилар.

Уша даврда ва кейинги замонларда яшаган олимлар Кошифийнинг бадиий, адабий асарлар ёзишга қобилияти кучли эканлигини алоҳида таъкидлаганлар. Машҳур тарихчи Мирхонд эса «Кошифий ўз даврида нужум ва ишо илми соҳасида тенги йўқ эди», — деган эди.

Манбаларда келтирилишича, Ҳусайн Воиз Кошифий Абдураҳмон Жомийнинг таклифига биноан тасаввуфнинг нақшбанд мазҳабига киради. Шуннайтиш лозимики, у ушбу мазҳабнинг ҳалол меҳнат қилиш, бирорларнинг ҳақигига хиёнат қилмаслик, меҳр-шафқатли бўлиш, бойликка ҳирс қўймаслик, бева-бечораларга хайр-эҳсон қилиш каби қоидаларига содиқ қолди, асарларида инсонпарварлик ғояларини, умуминсоний ахлоқий қадриятларни улуғлади.

Қошифий замонаснинг етук ва фозил кишиси бўлиб, риёзиёт, фалакиёт, ахлоқшунослик, фалсафа, тарих, адабиёт, иншо назарияси, таълим-тарбия, наср ва наэм соҳасида ижод қилган. У «Рисола дар илми адод» («Ҳисоб илми ҳақида рисола»), «Ойнайи Искандарий» («Искандар ойнаси»), «Равзати шуҳадо» («Шаҳидлар боғи») ва бошқа китобларнинг муаллифиdir.

Ҳусайн Вонз Қошифий XV асрнинг йирик илоҳиётчиларидан бўлган. Унинг бир неча асарларида Куръон тафсири, унинг сура ва оятлари, тасаввуфчилик, кимё ва нужум илми ҳақида фикр юритилади.

Қошифий ўзининг «Ахлоқи Муҳсиний», «Анвари Суҳайлий», «Рисолаи Хотамия» ва «Футувватномайи сultonий» рисолаларида ижтимоий-сиёсий, ахлоқий таълим тояларини илгари суради.

Айниқса, мутафаккирга катта шуҳрат келтирган «Ахлоқи Муҳсиний» рисоласида давлат ва уни оқилона бошқариш муаммолари, ижтимоий табақалар, ижтимоий адолат, комил инсон ва уни тарбиялаш йўллари, илм-фани ва касб-ҳунар эгаллаш каби масалалар таҳлил қилинади.

Қошифий давлат ва жамият ҳақида ўз фикр-мулоҳазаларини билдирад экан, энг аввало, ўша давр ва жамиятда мавжуд бўлган синплар ва ижтимоий табақаларни туркумларга бўлади. Табиийки, Қошифий жамиятнинг турли тоифаларини ишлаб чиқариш воситаларига муносабатига қараб эмас, балки уларнинг маънавияти, саводхонлиги, маърифати, билимдонлиги, ахлоқий фазилатига қараб тақсимлайди. Навоий ва Давоний сингари Қошифий одамларни тоифаларга бўлишда уларнинг ахлоқий фазилатига катта зътибор беради.

Қошифий жамиятни уч гуруҳга ёки синфга бўлади. Биринчиси юқори синф, у 8 тоифадан иборат. Уларга подшоҳ ва султонлар, султон ва унинг меросхўрлари, амирлар, вазирлар, шоҳнинг яқин маслаҳатчилари, юқори лавозимдаги давлат хизматчилари, султон саройидаги иш бошқарувчилар, котиблар, вақф ишлари билан шуғулланувчилар, солиқ йиғувчилар ва бошқалар қиради.

Иккинчи синф аслзодалар бўлиб, улар пайгамбар авлодлари, қабила бошлиқлари, машҳур илоҳиётчилар, олий ҳакамлар, шариат қозилари, сўфийлар, фиқҳунослар, шариат билимдонлари, хатиблар, муҳтасиблар,

уламолар, файласуфлар, табиблар, шоирлар, хаттотлар, зоҳидлар ва бошқалардан иборат.

Учинчи синфга юксак обрўга эга бўлган машҳур кишилар, маърифатли зиёлилар ва ўрта ҳоллар киради.

Кошифий давлат ва уни бошқариш муаммоларига ҳам катта эътибор беради. Унингча, агар давлат ўз фуқароларининг тарбияси билан шуғулланмаса, жамиятда бошбошдоқлик ва тарбиясизлик ҳукм сурини муқаррардир. У давлатни бошқаришда қаттиқ ёйни бўлиш, ёмон кишиларни жазолаш услубини қўллаш тарафдори бўлади.

Кошифий давлат бошқарувини иккига бўлади. Биринчиси ўз нафсини бошқариш, яъни кишининг ўз-ўзини тарбиялаши ва иккинчиси фуқароларни бошқариш. Биринчиси кишидаги тубан иллатларни бартараф қилиб, яхши фазилатларни касб қилишни билдиради. Иккинчиси икки турга бўлинади: а) зодагонлар ва шоҳ саройига яқин табақаларни бошқариш; б) оддий халқни бошқариш. Бу ерда Кошифийнинг юқори табақаларга кўпроқ мойиллик кўрсатганлиги аён бўлади.

Кошифий «Ахлоқи Мұҳсиний» рисоласида ҳукмдорларнинг фаолиятига тўхтатар экан, давлатни идора қилишда фақат ақл фармойншидан келиб чиқиш лозимлигини уқтиради. Ана шундагина давлат бошлиғи адолатли ва тўғри буйруқлар чиқариши мумкин.

Кошифий давлат бошлиғи камтар, адолатли, саҳий бўлышин, доимо халқ фаровонлиги, баҳт-саодати тўғрисида қайгуриши зарур, деб ҳисоблайди. Давлат бошлиғига ярашмайдиган салбий иллатлар бу ортиқча ҳирс, майшат ва ичкиликка берилишдир.

Кошифий ўзининг ижтимоий-сиёсий қарашларида урушлар ва уларни олдини олиш йўллари ҳақида ҳам ўз фикрини билдириб ўтган. Ўтмишнинг илғор мутафаккирларий сингари у ҳам урушларни, айниқса, босқинчилк урушларини, зўравонликни қаттиқ қоралайди. У урушлар жамият учун оғат келтиришини, мамлакат ҳароб ва хонавайрон бўлишини, халқ қирғинга учрашини чуқур тушуниб етади. Шунинг учун Кошифий ўзаро феодаллар урушлари, зўравонлик, оддий халқни эзиш; жабр-зулм ўтказишга қарши чиқиб, инсонийликка энд бундай хатти-ҳаракатларнинг олдини олиш лозимлигини айтади. У шоҳларга мурожаат қилиб заифлар, бева-бечоралар ва муҳтоҷларга қўл кўтармасликни талаб қиласди. Кошифий оқилона фармойишлар ёр-

дамида меңр-шафқат ва саҳийлик кўрсатиб душманнинг ишончини қозониб, у билан дўстлашса бўлади, деган фикрии илгари суради.

Мутафаккир уруш ва жанжалларга қарши ақл ва донолик билан ўйлаб иш тутишини қарама-қарши қўяди. У кишиларни ҳар қандай жанжал чиқишига йўл қўймасликка, токи тинчлик тўғрисида сулҳ тузиш имконияти бор экан, урушни бошламасликка чақиради.

Хусайн Воиз Кошифий дунёқарашида ахлоқшунослик муаммоларни муҳим ўринни эгаллади.

Кошифий «Ахлоқи Муҳсиний» асарида ахлоқшуносликни маҳсус фан тармоғи сифатида тан олиб, унинг вазифаларини белгилаб беради. Унингча, ахлоқшунослик кўпроқ амалий фанлар туркумига кириб, унинг асосий вазифаси яхши фазилатларни касб қилишдан иборат. Кошифий ахлоқни кишилар ўртасидаги муносабатлар ва уларнинг кундалик турмушидан қидиради.

Кошифий ўз замондошлари сингари, ахлоқ ақлга бўйсуниши лозим, деб ҳисоблаб, ақл ва унинг объектив дунёни билишдаги ролига катта баҳо берди. У асарларида ахлоқий муаммоларни ҳал қилишда инсоннинг ақлий фазилатларини қўллашга интилди.

Кошифий илм-фанинг афзалликлари ҳақида ганириб, уни жамият тараққиётни учун фойдаси катта эканлигини таъкидлайди. У барчани илмни эгаллашга, табиат сирларини ўрганишга чақиради. Кошифий фанларни назарий ва амалийга бўлар экан, кўпроқ амалий фанларга эътибор беради. Умуман, Хусайн Воиз Кошифий фанларни уч қисмга бўлади. Биринчиси касб-ҳунардан пайдо бўладиган фан бўлиб, уни расмий ёки касб-ҳунар илми дейилади. Иккинчи фан кузатиш билан боғлиқ, исбот ва далилга мухтоҷ эмас. Учинчи фан эса билим эгаллаш билан боғлиқ эмас, уни илоҳий фан деб атайдилар. Лекин у фанларнинг ҳар бир туркумига қайси фанлар киришини аниқ айтиб бермаган. Унинг айтишига қараганда, илм-фан бойлик тўплаш воситаси бўлмаслиги, балки кишиларни охиратга, яъни у дунёга тайёрлашга ёрдам бериши лозим.

У «амалда қўлланмайдиган билим жони йўқ танага ўқшайди. Билим дараҳтдир, амал эса — унинг мевасидир... Ҳосил бермайдиган шоҳ носоғлом бўлади» деб таъкидлайди. Албатта, бошқа Шарқ мутафаккирлари сингари Кошифий ҳам билим ва иш, ҳаракатнинг ўзаро алоқасини тор маънода тушунади. У амалиёт деганда

эні аввало, кишиларнинг таълим-тарбияси, уларнинг хатти-ҳаракатини тушунади.

Кошифий кўп йиллар Ҳирот мадрасаларида талабаларга дарс берди. Шунинг учун ҳам унинг рисолаларида таълим-тарбияга онд фикрларни кўплаб учратамиз. Болаларни тарбиялашда мактаб ва муаллимнинг роли каттадир, Кошифий, гарчи уларнинг бола тарбиясидаги ролига юқори баҳо бергаю бўлсада, унинг болаларни ўқитиш ва тарбия қилиш услуби Навоий ва Давоний дунёқарашидан бирмунча фарқ қиласди.

Кошифий болаларни ёшлидан бошлаб уларнинг қобилиятига қараб муайян касб-хунарга ўргатиш лозим, деб ҳисоблади. Агар бола бирор касбга қизиқни билдириса, унга керакли шарт-шароитларни яратиб бериш керак.

Кошифий шахснинг ахлоқий камолатида яхши фазилатларни эталлаши лозимлиги масаласига кенг тұхталади.

Маълумки, энг мұхим ахлоқий тушунчалардан бири адолатдир. Кошифий адолатни кенг маңнода тушунади, уни инсоннинг ахлоқий малакаларини юксак шакли сифатида талқин қиласди. Агар адолат мутлақ фазилат бўлса, инсоннинг бошқа хусусиятлари унинг хизматкори ҳисобланади. Унингча, «адолат — энг яхши фазилат бўлса, адолатсизлик эса энг тубан ва ярамас иллатдир».

Кошифийнинг таъкидлашича, адолат — бу кишилар ўртасидаги тенгликни назорат қилишdir. Бир тоиға иккичи тоиға устида тазиңүтказмаслиги, зўравонлик қијимаслиги лозим. Адолатнинг ҳуқуқий томони Қуръон ва шариат қонун-қоидаларига сўзсиз амал қилишдан иборат. У адолат тушунчасини фақат ахлоқий, ҳуқуқий талқин қилиш билан чекланиб қолмасдан, унинг сиёсий томонига ҳам эътибор беради. Адолат сиёсий тушунча сифатида давлатни оқилюна бошқариши билдириб, давлат бошлиқларнинг фаолиятиға баҳо беришда асосий мезон бўлиб хизмат қиласди. Кошифий адолатни мамлакат фарованиелиги, хазинанинг маъмурлиги, бойликнинг кўпайиши, шаҳар ва қишлоқларни гуллаб-яшиши билан боғлайди. Қаерда адолатсизлик ҳукм сурса мамлакат таназзулга учрайди, халқнинг аҳволи ёмонлашади. У подшохларнинг давлатни бошқариш йўлларига тўхталар экан, уни табибга, фуқароларни эса беморга ўхшатади.

Кошифий яхшилик ва ёмонлик ҳақида ҳам ўз фикрини билдирган. Унипг тушунчалари жуда кенг маънини англатади, Шарқ мутафаккирлари улар орқали кишиларнинг хулқ-одоби, юриш туриши ва хатти-ҳаратини баҳолаганлар.

Навоий сингари Кошифий кишиларни яхши ва ёмонга ажратади. У кишиларни беш гуруҳга бўлади.

Биринчи гуруҳ кишилари шундай кишиларки, улар ўз табнати ва келиб чиқишига кўра яхши кишилар бўлиб, доимо хайрли ишлар билан шуғулланадилар. Шунинг учун уларни қўллаб-қувватлаш зарур. Иккинчи гуруҳдагилар ўзига яхшиликни раво кўриб, бошқаларга нафи тегмайди. Бундай одамларни ҳам қадрлаб, уларни хайрли ишлар қилишга ундаш керак.

Учинчи гуруҳга киравчи одамлар жамиятга на фойда, на зиён келтирадилар, яъни улар табиатига кўра на яхши ва на ёмондирлар. Уларни ҳам яхши ишлар қилишга, ёмонликдан кочишига чорлаш лозим. Лекин тўртиничи гуруҳга киравчилар, гарчи улар ёмонлик қилмаса-да, танбеҳ беришга лойиқ одамлар ҳисобланади. Уларни ёмонликдан тийилишга даъват қилиш зарур. Бешинчи гуруҳдагилар ёмон ва ахлоқсиз одамлар бўлиб, жамиятга фақат зиён келтирадилар. Уларга нисбатан жазо чораларини қўллаш ва уларнинг тарбияси билан шуғулланиш лозим. Кошифийнинг юқоридаги мулоҳазалари Саъдий Шерозий ва Навоийнинг ғояларига ўқшаб кетади. Бу мутафаккирлар кишиларни ижтимоий белгиси ва ишлаб чиқаришга бўлган муносабатига қараб эмас, балки ахлоқий фазилатига қараб туркумларга бўладилар.

Кошифийнинг «Анвари Сухайли» асарида таъкидланисича, киши қанча бойлик тўпламасин, ўлимидан кейин қолиб кетади. Киши қанча бойлика ҳирс қўйса, ўшунча тамагир ва очкўз бўлади. Шунинг учун Кошифий кишиларни камбағал ва бева-бечораларга ғамхўрлик қилишга, уларга ёрдам беришга чақиради. «Агар,— деб таъкидлайди Кошифий,— ҳурмат ва обрўга эга бўламан десанг олтинни арзимас нарса деб бил, чунки олтинни арзимас нарса деб ҳисобловчи кишини ҳамма ҳурмат қиласи, эъзозлайди. Олтинни яхши кўрган кишини эса ҳамма ҳақиқир ва тубан деб ҳисоблайди».

Умуман олганда, Кошифийнинг ахлоқий тушунчалари тўғрисидаги ғоялари ўз моҳият эътибори билан умуминсоний характерга эга эди. Кошифий ўзининг

«Футувватномайи султоний» номли рисоласида Үрта асрда Яқин ва Үрта Шарқ мамлакатлари ҳунармандлари орасида кенг тарқалган ижтимоий-сиёсий, ахлоқий-диний ва мафкуравий оқим футувватга тұхталар экан, бу оқим тарафдорлари мәннат ахли ва косибларни ўзаро өрдам, меҳр-шафқат, тенглик, фаровонлик, ўзаро ҳурмат, тұғрилик, соғдиллик, садоқат, инсонийлик, әзгулик, яхшилик, мәҳмандүстлик, сахийлик, камтарлик, мәннатсеварлик ва бошқа ахлоқий фазилатларни әгаллашга чақирғанликлариниң таъкидлайды. Кошифийнинг таъкидлашича, футувват аъзоси ҳалол касбни әгаллаган бўлиши лозим, чунки ўз мәннати эвазига яшатан киши Оллоҳга яқин туради.

Хулоса қилиб айтганда, Кошифийнинг бой илмий мероси, айниқса, «Ахлоки Мұхсиний» асари асрлар мобайнида асосий қўлланма сифатида мактаб ва мадрасаларда фойдаланиб келинди, зиёлилар орасида кенг тарқалди, эски ўзбек тилига таржима қилинди, ҳаттотлар томонидан кўп нусхаларда кўчирилди, тошбосмаларда чоп этилди. Буларнинг ҳаммаси Ҳусайн Вони Кошифийни улкан ва забардаст мутафаккир эканлигиндан гувоҳлик беради.

6. АЛИШЕР НАВОИЙНИНГ ДУНЕҚАРАШИ ҲАҚИДА

Алишер Навоий (1441—1501) Темурийлар оиласига мансуб хонадонда дунёга келди. У Ҳирот шаҳрининг Беғи Давлатхона деб аталган жоғида таваллуд топди. Унинг отаси Ғиёсиддин Мухаммад Кичкина Темурийлар саройида эътиборли мансабдор шахслардан эди. Алишернинг онаси Қобулнинг амирзодаларидан Шайх Абу Саид Чангининг қизи, бувилари Темурий шахзодаларнинг әнагалари бўлган.

У 10—12 ёшларида ёқ илк шеърлари билан ном чиқариб, санъаткорлар ва адиллар диққатини жалб этган, ўзининг илм-фанга қизиқиши билан замонасиининг таникли маданият арбоблари эътиборини қозонган эди.

Алишер туркий, форсий ва араб тилларини мукаммал билган. У 15 ёшларида форсий ва туркий тилларда ғўзал шеърлар яратиб, зуллисонайн (икки тилда ижод этувчи) шоир сифатида танилди. Форсий тилда ёзилган илк шеърлари «Фоний» (маъноси вақтинча, ўткинчи бақосизлик) тахаллуси билан, туркий тилдаги асарлари

«Навоий» (Садо, Овоз, Оҳанг) тахаллуси билан имзоланган.

Алишер Навоийнинг ижоди бой ва кўп қирралидир. Унда борлиқ ва унинг моҳияти, инсон ва инсон ҳаётининг мазмуни ҳақида чукур фалсафий мулоҳазалар, инсоннинг баҳт-саодати ҳақидаги орзу умидлари, адолат ва ахлоқий камолат, комил инсон ва фозил жамоа, уларга етиш йўллари ва чоралари хусусида изланишлар ўз ифодасини топган. Навоий жуда кўп шеърий «Девон»лар, поэмалар, тарих, адабиётшунослик, тилшунослик, ахлоқшуносликка онд асарлар муаллифи, подшо Ҳусайн Бойқаро саройида узоқ йиллар давомида вазирлик лавозимида хизмат қилган давлат арбоби ҳамдир.

Шэир дунёқарашин мавҳум тушунчаларда эмас, балки бадиий-шеърий шаклда турли эстетик воситалар ёрдамида жонли тасвиirlанган, унинг ғоя ва қарашлари турли бадиий ўхшатиш ва рамзли иборалар орқали ифодаланган. Улар мантиқий далил-исботлар усулига асосланган илмий-фалсафий мулоҳазаларда эмас, балки чукур ҳис-туйғуларга тўла ички кечинмаларда, лирик қаҳрамон саргузаштларида баён қилинган. Бу борада Навоий ўтмиш тажрибаларига, турли тарихий шахсларга мурожаат қиласи ва ўз мулоҳазаларини яхшилик ва ёвузлик, адолат ва зулм, тўғрилик ва эгрилик хусусида ибратли ҳикоятлар, ҳикматлар, мақоллар билан исбётлайди. Ана шу хусусиятига кўра Навоий ижоди, унинг фалсафий шеърияти Форобий, Ибн Сино, Беруний каби мутафаккирлар ижодидан шаклан фарқланади. Навоий ижодида тафаккур хиссий-эстетик воситалар ёрдами билан ифодаланади ва рисолаларда эса тафаккур мантиқий далил-исботларга ва илмий усулга асосланади, мулоҳазалар мавҳум тушунчалар, ақидалар ва мураккаб ибораларда баён этилади. Аммо ҳар иккаласи ҳам ҳақиқатни билиш услубларидир.

Алишер Навоий дунёқарашини талқин қилиш ва шарқлашда турли ёндашувлар бўлиши ва унга ҳар хил баҳо берилиши табиий бир ҳолдир. Бу ҳол аввало шонр дунёқарашининг мураккаблиги билан, унинг ғоялари, қизиқиш доираларининг, интилишларининг ҳар томонлама кенглиги билан боғлиқдир. Унда ҳар хил ғоявий оқимлар, диний — ахлоқий-ижтимоий қарашлар узвий равиша ўзаро бир-бирлари билан чирмавишиб кетгандир.

Бу гоявий оқимларни аниқлаш, уларнинг хусусиятлари ҳамда асосларини билиш тадқиқотчи олдидағы мұхым вазифадир. Бинобарин навоийшунос олимларимиз олдида турган долзарб масалалардан бири XV асрда жамиятнинг маънавий ҳаётида белгилі из қолдирған, кишиларнинг турмуш тарзига ва ижтимоиј тафаккур тараққиётига таъсир күрсатған гоявий оқим — тасаввуф ва унинг Ҳавоий ижодида, дунёқарашида таъсирини ўрганишдан иборатдир.

Алииер Навоий ижоди ўзининг гоявий мазмунига кўра серқирра бўлиб, мажозий, аллегорик хусусиятга ётга. Шу хусусиятига кўра унинг ижоди тасаввуф анъаналари билан узвий равишда боғлангандир, умуман ўрта аср тафаккурига икки маънолик, рамзијлик хосдир: илм икки хил — ташқи, зоҳирӣ ва ички, ботиний маъноларда талқин этилади. Илмга ва диний ақидаларга бундай ёндашув ўрта аср дунёқарашининг бадний-эстетик қондаларига ва эҳтиёжларига монанд келади, унда илоҳийлик дунёвийлик билан, дунёвийлик илоҳийлик билан нисбат қилинади. Хусусан бу услуб тасаввуф таълимотига хос: тасаввуфда илоҳиёт ва коннот, илоҳиёт ва иносон, илоҳийлик ва дунёвийлик ўзаро бир-бирлари билан узвий равишда боғланған, бу боғланиш ваҳдат ул-вужуд (борлиқнинг бирлиги) гоясида ифодаланади.

Ботинийлик шарқ тафаккурида кенг тарқалған ҳақиқатни билиш назарияларидан бири, айни вақтда у муайян бир билиш услуги ҳамдир. Диний, фалсафий ва бадний асарларни ташкин ва ички маъноларда шархлаш хусусан, исмоилийлар таълимотида, тасаввуфда, шунингдек ўрта аср фалсафа тафаккурида ҳам мавжуд. Аммо бу услуб ўрта аср ҳурфнокрлик фалсафий шеъриятида кенг тарқалған. Масалан, буюк мутафаккир Абу Наср Мұхаммад Форобийнинг «Ишқ ҳақида рисола», «Фусус ул ҷикам», Абу Али ибн Синонинг «Қушлар ҳақидағы рисола», «Ишқ ҳақидағы рисола» каби асарлар мажозий — рамзий мазмунга эгадир. Бу асарларда мұхим фалсафий ва ахлоқий гоялар ва масалалар ташкин жиҳатдан оддий ва қизиқарлы ривоятлар ҳамда ҳикоятлар асосида бағн этилған.

Алииер Навоийнинг «Лисон ут тайр», «Хамса» дostonлари, Абдураҳмон Жомийнинг «Соломон ва Абсол» каби асарлари ҳам мажозий — рамзий мазмунда ёзил-

ған бўлиб, уларда илоҳийлик ва дунёвийлик, маъниавийлик ва моддийликнинг узвий равишда бир-бирлари билан уйғунашганини кўрамиз. Илоҳийлик ва дунёвийлик рамзи, ботинийлик ва зоҳирийлик Навоий ижодининг негизини белгилайди.

Алишер Навоининг бошқа достонлари ҳам мазмунига кўра икки маъноли асарлардир. Масалан, «Фарҳод ва Ширин», «Лайли ва Мажнун» достонларининг бевосита мазмуни шарқ мамлакатларида кенг тарқалган фожиали ишқ ривоятларига асосланган, уларнинг мазмуни мана шу фожиали ишқ тарихини ифодалайди. Бу ишқ ҳақидаги ривоятларни тасвирлаш борасида Навоий қаҳрамонларнинг ички ҳис-туйғуларини ва кечин-маларни бадний воситалар ёрдами билан чуқур ва ищонарли ёритади, кўпгина масалаларни, чунончи, ўзаро урушлар, қабилабозлик, ижтимоий зулм, адолат-сизлик, аёллар шахсини камситиш каби феодал жамиятига хос ҳодисаларни ҳам ўртага қўяди. Зоҳиран хаёлий нарсалар ҳаётий ҳодисалар билан узвий боғланиб кетади. Аммо бу достонлар ички ботиний мазмунига кўра фалсафий ахлоқий маънога эгадир. Уларда инсон руҳи (ақл)нинг камолат сари юксалиши жараёни ифодаланади. Достонларнинг ички, ботиний маъносини англар эканмиз, уларда идеал дунё ҳаётининг тасвирини кўрамиз. Бу муҳаббат ва эзгулик, дўстлик ва бирдамлик дунёси бўлиб, унда яхшилик ёвузлик устидан ғалаба қозонади, адолат ва донолик, муҳаббат ва яхшилик ҳукм суради. Бу дунёда гўзалликка, камолатга интилиш истаклари чуқур ғоявийлик, маънавийлик мазмун касб этади. Бу гўзал образлар, юксак ғоялар дунёсида дунёвий ҳаёт, кишиларнинг кундалик турмуш тарзи, хатти-ҳаракатлари ахлоқий-эстетик бўёқлар билан тасвирланган, унда инсонга хос яхши хислатлар кўрсатилади ва куйланади, мавжуд ҳаёт буюқ шонрининг ахлоқий ғояларга, юксак ахлоқийликка монанд тасвирланади, ҳақиқий инсонийлик муносабатлари дунёси акс этади.

Хуллас, ботиний маъносига кўра муайян фалсафий ахлоқий мазмундаги достонлар икки тоифа ўқувчиларга мўлжалланган — оддий ўқувчилар, омма ёки авом ва ахли хос — мумтоз, ўқимишли, юксак билим эгалари учундир. Оддий ўқувчини достонларнинг ташки маъноси, воқеаларнинг ёритилиши зоҳиран қизиқтиради, ҳаяжонлантиради ва қаноатлантиради, аҳли хос ўлар-

нинг ички, яширин маъносидан баҳра олади, уларда инсон руҳининг такомил топишини ва ҳақиқат сари юксалишини кузатади. Масалан, «Фарҳод ва Ширин» достони ўзининг ички, ботиний мазмунинг кўра тасаввупда сулук (ҳақиқатга етиш йўли) нинг бадиий шаклда ифодаланишининг тимсоли сифатида ҳам талқин этилиши мумкин.

«Хамса» достонларида Алишер Навоийнинг дунёқараши қаҳрамонона романтик ишқ орқали ифодаланган. Уларда шоирнинг инсон ва маънавий ҳаёт, оламнинг яратилиши ва мақсади, инсоннинг тақдиди ва баҳтсаодати ҳақидаги чуқур ўй-фикрлари, мушоҳадалари икки буюк туйғуда Мұҳаббат ва Гўзалликда ўз ифодасини топган. Ўрта аср фалсафий шеъриятида гўзалик ўзининг ҳиссий моддий шаклида атрофимиэдаги табиий мұхит, борлиқ сифатида шарҳланади, мұҳаббат эса ҳаётнинг ўзиdir. Мұҳаббат кишилар дилида атроф оламга нисбатан самимий ҳис-туйғулар уйғотувчи маънавий куч сифатида ифодаланади. Гўзаликка эришиш воситаси ҳам мана шу куч — мұҳаббатдир.

Навоий ижодида мұҳаббат жуда кеңг ижтимоий-ахлоқий истилоҳа (тушунча) дир. Ишқ-муҳаббат Фарҳод, Мажнун, Искандар ва бошқа романтик қаҳрамонларнинг хатти-харакатларини бошқарувчи ва тартибга солувчи асосий омилдир. Навоий қаҳрамонлари учун ишқ — бу инсон қалбини турли иллатлар ва ҳайоний ҳиссиётлар таъсиридан тозаловчи, инсонда юksақ маънавий ҳис-туйғулар уйғотувчи бир руҳ ёки ахлоқий кучдир. Ишқ — бу инсон руҳининг олижаноблик ва мардликка юксалиш йўли, садоқат ва дўстликни синов йўли, инсон ўзининг барча маънавий куч-қуввати, жисмоний ва ахлоқий қобилиятларини юзага чиқарининг воситасидир. Бундай ишқ кишидан ахлоқий поклик, илм ва маънавий жасорат талаб қиласи, ошиқни кўпдан-кўп қийинчилклар, азоб-үқубатлар ва мұхтожликларга маҳкум этади, шу тариқа уни маънавий такомилликка олиб келувчи синов йўлидир.

Мана шундай ишқ, мұҳаббат «Хамса» достонлари қаҳрамонларига, Навоийнинг лирик қаҳрамонига хосдир. Бу ишқда қуйидаги уч хусусиятни кўришимиз мумкин:

1. Ишқнинг қурбонлик хусусияти, ошиқни абадий дард-ҳасрат ва ҳалокатга маҳкумлиги. Асосий

ғоя — ишқ йўлида ўз-ўзини қурбон қилиш, ҳар қандай қийинчилликлар олдида бош эгмасдан ёвуз кучлар, зулм ва жаҳолатга қарши қатъий кураш олиб боришидир.

2. Ишқ-йўлида дунёвий манфаатларни тарк этиш, ўзлигини тарк этиш. Дунё лаззатларидан воз кечини орқали нафси турли иллатлардан тозалаш ва маънавий камолатга етиш талаб қилиниади. Буни биз Фарҳод, Мажиун образларида, уларнинг ишқида кўришимиз мумкин.

3. Ишқ инсон қалбини тозаловчи, уни яхшилика даъват этувчи, мардликка чорловчи маънавий куч. Унда гўзалликка интилиш юксак ахлоқий фазилатлар билан узвий боғлангандир. Бу ишқ, ақл ва иродани мустаҳкамлайди, унинг мақсади — Ҳусни Мутлақ, Хайри Мулак, Ҳақиқатдир, унга эрншиш йўли — ахлоқий поклик, яхши ишлар ва маърифатдир. Бу гўзаллик ёр, Санам, Бут, Махвиш Сокий, Тарсо бачча номлари билан кўйланади.

Навоий шеърнитида куйланган ишқнинг бу хусусиятлари маълум даражада уйғониш давриннинг ахлоқий ғояларига ва инсон руҳиятига ҳам монанддир. Масалан, Фарҳод образи уйғониш давридаги инсонларварлик, дунёқараш қондалари асосида яратилган: у барча қасб-хунарлар соҳиби даражасига етган моҳир уста ва санъаткор, жасур, довюрак жангчи, айни вақтда, юксак илм эгаси ва маънавий камолатга етган шахс ҳамдир. Мана шу хусусиятларга кўра Фарҳод — комил инсондир. Фарҳод Алишер Навоий ахлоқий ғоясининг рамзий ифодасидир.

Ботинийлик ва зоҳирнийлик аломатлари Алишер Навоийнинг «Лисон ут-тайр» достонида яна ҳам равшан ифодаланган. Зоҳирдан бу асарда Шарқда кенг тарқалган қушлар тили ривоятидан фойдаланиб, қушларни ўз подшоҳи Семурғни қидириб (излаб) қилган сафари ва шу жараёнда уларнинг кечирган саргузаштлари, сермашаққат йўли тасвирланган. Лекин ўзининг ботиний мазмунига кўра унда инсон руҳи (ақл) нинг, шахснинг Илк манбага, Илк ибтидо — Худога ёки Ҳақиқатга кўчирниши, Ҳақиқат сари юксалиши, такомил топиши, руҳининг ҳақиқат билан қўшилиш (висол) жараённи тасвирланади. Бошқача қилиб айтганда, бу достонда сулук, яъни тасаввуфда маънавий камолатга эришиш йўли бадний-эстетик воситалар ёрдами билан содда ва қизиқарли шаклда баён этилган. Авом аҳли

(оддий ўқувчилар) асарнинг ташқи жиҳатдан қизиқарли мазмунидан завқланади, аҳли хос (ҳикматни тушунган ўқувчилар, мумтоз кишилар) асарнинг ички фалсафий мазмунидан баҳра оладилар, унда инсон руҳининг камолат сари юксалишини кузатадилар ва мушоҳада қиласидилар.

Алишер Навоий дунёқарашининг ва у яратган бадиий образларнинг ички маъносини англашимиз учун шонр ижодининг ғоявий-назарий манбаларига мурожаат қилишимиз, унинг дунёқарашининг шаклланишида ўрин олган турли ғоявий оқимларни аниқлашимиз ва шарҳлашимиз зарур. Булар ичидаги тасаввуф ўзининг ҳар томонламалиги, кўпқирралиги ва сермазмунлиги билан алоҳида аҳамиятга эга. Ботинийлик ҳам тасаввуф таълимоти билан боғлиқ. Ботинийлик ва зоҳирнийлик мазмунидаги асарлар Тарийқи мажоз (аллегорик усул) га асосланади. Тарийқи мажоз илоҳийликни дунёвийлик билан, дунёвийликни илоҳийлик билан узвий равишда боғлаб қараш имконини беради. Навоий ўзи куйлаган ишқининг мажозийлигини эслатиб, шундай дейди:

Гар Навоий йиғласа, ишқинг мажозийдир дема,
Ким назар пок айлагач, айни ҳақиқатдур мажоз.
Мажоздин манга мақсад эрур ҳақиқий ишқ.
Нединки, аҳли ҳақиқатга бу тарийқат эрур.

Мусулмон Шарқида мажозий шеъриятнинг пайдо бўлиши ва кенг тарқалиши тасаввуф билан боғлиқ. Навоий лирикаси ва достонларидаги турли тушунчалар ва ўхшатишлар тизилмаси (ёр, санам, муғбачча, маҳваш, соқий, ошиқнинг ўз ёрига мафтун бўлиши, унинг исёнкор ҳулқали, майпараст ринд шаклида тасвирланиши, ишқ йўлида мачит ва Каъбани тарк этиши, булбулнинг гул ишқида мангу ҳасрати, ишқ алансасида куйган парвона ва чироқ каби иборалар) тасаввуф истилоҳалари ва анъаналарига асосланган. Мазкур терминлар ва иборалар ботиний маънода худо билан инсон ўртасидаги ғуносабатларни ифодаловчи рамзий воситалар ва ўхшатишлардир.

Напой ижодида ишқи мажозий ва ишқи ҳақиқий куйланади, улар ўзаро бир-биirlари билан узвий равиида боғланган. Чунки бу ишқининг ҳар иккала тури бир нарсага — ҳақиқатга қаратилган бўлиб, мақсадла-

ри ҳам ҳақиқатга етишдан иборат. Лекин улар турли воситалар билан ҳақиқатга эришишни мақсад қиласи. Масалаң, ишқи ҳақиқатни күйлаган шоирлар Аттор, Румийларнинг мақсадлари, дейди Навоий, бевосита илоҳиёт сирларини баён қилиш, маърифат ва тарийқат йўлини ифодалашдан иборат бўлган, Сўфийлар шеърияти бевосита ҳақиқатга қаратилган. Ишқи мажозий услугубида күйлаган мутасаввиф шоирлар ҳақиқатни, илоҳиёт сирларини бевосита эмас, балки билвосита — дунёвий воситалар орқали мажозий услубда күйлаганлар. Шу мақсадда мутасаввиф шоирлар бадиий-эстетик воситалардан кенг фойдаланганлар. Навоий сўзлари билан айтганда, мутасаввиф шоирлар ҳақиқат тарийқини (йўлини) мажоз тарийқи билан маҳлут қилганлар, яъни аралаштирганлар. Мажоз дунёвий ишларда поклик ва маънавий камолат орқали ҳақиқатга етиш йўли бўлиб, у илоҳиёт сирларини дунёвийлик воситалари билан ифодалайди.

Шарқ фалсафий тафаккурида ваҳдат ул-вужуд (борлиқшинг бирлиги) таълимоти кўпинча тасаввуф ниқоби остида намоён бўлади. Ваҳдат ул-вужуд таълимига кўра атрофдаги борлиқ (вужуди донра) нинг пайдо бўлиши илоҳиёт (вужуди мутлақ) нинг ўз ҳуснини табиат ҳодисаларида намоён қилишининг ифодасидир, деб тасаввур қилинади. Дунёнинг яратилиши бир қонуний, табиий жараён бўлиб илоҳиёт ўз ҳуснини зуҳур этишга муҳтож эди, бунинг учун унга кўзгу (ойна, миръот) керак бўлиб қолди: табиат ана шу кўзгудир, унда худо ўзининг барча сифатлари билан турли ҳодисаларда жилваланади (кўриниб туради). Аммо илоҳиётнинг табиатда зуҳур этилишининг асосий мақсади инсон эди, унинг хайр-саҳовати, муҳаббати ҳам инсонга қаратилган. Инсон ҳам, ўз навбатида, илоҳиётнинг коинотда жилваланишидан ҳайратда ва унга мафтун бўлиб туради. Шунинг учун инсон худонинг ҳам муҳаббат объекти (маҳбуби), ҳам унга ошиқ субъект ҳисобланади. Масалан, шоир «Садди Искандарий» достонида шундай дейди:

Жамолингки меҳри жаҳонтоб ўлуб,
Хафо пардаси ичра ноёб ўлуб.
Жамолингға чунким зуҳур истадинг,
Қўёшингға ифшой нур истадинг.
Бу иавъ иқтизо айлади яўблуғ,

Ки қилғайсан изҳори маҳбублуғ.
Чу маҳбублуғ амри пинҳон эмас,
Ки то бўлмағай ошиқ имкон эмас.

Демак, дунёнинг яратилиши Худонинг ўз ҳуснини олам шайъаларида зуҳур этишга ва ўз ҳусни билан ованишга эҳтиёжлигидандир. Аммо асосий мақсад — инсон эди, унинг муҳаббати ҳам инсонга қаратилгандир. Ўз навбатида инсон ҳам Тангрининг ранг-баранг ҳодисаларда жилваланишидан мафтун бўлиб, ўз муҳаббатини изҳор қиласди:

Ул қилиб жилва бу бўлиб шайдо,
Ишқ бўлди жаҳон аро пайдо.
Бўлди ошиқ бири, бири маъшуқ,
Ийӯкки ул оташину бу маҳруқ.
Ҳам анга ўртамоқ буюрган ишқ,
Ҳам мунунг жонига ўт урғон ишқ.

Худони билиш мумкинми, у билан одамлар ўртасидаги нисбатлик, дengиз билан қатра ўртасидаги боғланиш қандай қонунга асосланади, деган саволга Ҳудхуд шундай жавоб беради: Худо (Семурғ) нинг ҳикматидан ҳеч ким воқиф эмас, Уни билишга инсон ақли (мантиқий мулоҳазалар орқали) қодир эмас, аммо Унинг мавжудлигини инсон ўз атрофидаги ҳодисаларни мушоҳада қилиш, кузатиш, ўрганиш орқали сезиши, идрок этиши мумкин. Чунки илоҳиёт атрофдаги барча нарсаларда зуҳур этиларкан, у инсон қалбидаги ўз аксияни топади. Яратувчинини қалб нури билан таниганлар аҳли дилсуфийлардир. Шоирнинг қўйидаги мулоҳазалари фикримизнинг далилидир:

Муттасил бўлсанг Сифотиљлаҳ ила,
Жаэм этарсен хотири огоҳ ила.
Ким сен — ўқ ҳарисеким мақсуд эрур,
Сендин ўзга йўқ иским мавжуд эрур.
Зотинг жамолига тафсилсен,
Ҳам вужуд ишқолига таъвилсен.
Ўз вужудингга тафаккур айлатил,
Ҳарне истарсен ўзунгдин истагил.

Хуллас Худо ҳар кимнинг дилидадир. Уни топиш, сезиш учун соликдан риёзат (дилини тозалаш), маърифат (сулук йўлида ҳақиқатни билиш) талаб қилинади. Инсон Худога ўзининг ахлоқий фазилатлари, маъ-

навий поклиги ва илму ҳикмати билан етиши мумкин. Лекин бу машақатли иш эканлиги, кўп азоб-уқубатларни бошдан кечириш лозимлиги қайд қилинади. Күшларниң Семурғиң қидириб қилган сермашақатли сафари ва сафар жараёнидаги кечинмалари сулукнинг, яъни дарвешнинг Ҳақиқатга етиш йўлиниң рамзи ифодасидир. Ҳақиқатга эришган солик ориф, яъни комил инсон ҳисобланади.

Комил инсон гояси илк бор тасаввуф ниқобида пайдо бўлган, кейинчалик фалсафий тафаккурда ўз ифодасини топган.

Илк мутасавифлардан Боязид Бистами (вафоти 874) тариқатнинг юқори манзили — ҳақиқатга эришган орифнинг маънавий қиёфасини белгиловчи термии сифатида комил инсон ёки ал инсон ал комил тушунчасидан фойдаланган. Комил инсон хусусидаги тасаввурлар кейинчалик Абу Наср ал-Форобий (875—950) ва унинг издошлари томонидан ривожлантирилиб, мантиқдан изчил фалсафий ва ахлоқий мазмун касб этади. Комил инсон таълими Мухиддин Йиби ал-Арабий (1165—1240) нинг лантенистик философия тузилмасида яна ҳам тула ва батафсил равишда ўз аксини топди. Туркияда яшаган шонр ва мутафаккир Абдуқодир Жилий (вафоти 1417) шу ном билан маҳсус асар ёзган «Китоб ал-инсон ал-комил». Ҳар иккала муаллиф ҳам ўзларининг фалсафий тузилмаси вахдат ул-вужуд таълимотини асослаш учун комил инсон гоясидан фойдаланганлар. Азиз ад Дин Мухаммад Насафи (XIII аср) инг «Иисони комил» номли асари маълум.

Комил инсон таълимининг муайян таъсири Алишер Навонининг фалсафий ва ахлоқий қарашларида ҳам ўз аксини топган бўлиб, комил инсон гояси Суқрот, Афлотун, Арасту, Искандар Зулқарнайн, Фарҳод, Ширин синигари ижобий қаҳрамонларнинг образларида бадний ифодаланади. Шонр достонларида улар тарихий шахслар сифатида талқин этилмайди, балки унинг ахлоқий дунёқарашига монанд бадиий образлардир. Комил инсоннинг мавжуд тимсоллари сифатида Навонӣ асаларининг маҳсус бобларида Низомий Ганжавий, Баҳоуддин Нақшбанд, Абдураҳмон Жомий номларини тилга олади. Шоирнинг таърифига кўра, номлари зикр этилган шахсларда юксак илм (маърифат) ва санъаткорлик ахлоқий поклик ва маънавий камолат билан узвий равишда боғланган. Бу ҳолни биз Фарҳод сбра-

зида батафсил ва изчил гавдаланишини кўришимиз мумкин.

Фарқод Навоийнинг ахлоқий қарашига монанд образ, у комил инсонга хос барча сифатларни ўзида мужассамлантирган: Фарҳод — рассом, моҳир санъаткор, уста, билимдон олим ва доно мутафаккир, айни вақтда у довюорак жангчи ҳамдир. Унда биз икки фазилатли сифатнинг, яъни ҳикмат ва инсонийликнинг узвий равншда ифодаланишини кўрамиз. Шунга кўра, Навоийнинг ижобий қаҳрамонлари бошқаларининг жабр-зулм тортишини, дард-ҳасратларини кўтар эканлар, уларга нисбатан ҳамдарлик, раҳмдиллик биланги на чекланмай, балки ўзлари ҳам ёвуз кучларга, золимларга қарши борадилар. Буни биз Фарҳоднинг ёвуз кучларга қарши жангларида кўришимиз мумкин.

Навоий инсонпарварлигига хос хусусиятларни Искандар образида ҳам кўриш мумкин. Маълумки, шоирнинг мақсади Искандарнинг босқинчилик саргузаштларини мадҳлаш ва уларни батафсил тасвирилаш эмас, балки Шарқ ҳалқлари ривоятларида кенг тарқалган бу образдан фойдаланиб, ўз дунёқарашига, ўзининг ижтимоний ва ахлоқий қарашларига муносиб одил подшо образини яратиш эди.

Умуман, достонда Искандар образи Навоийнинг ахлоқий-ижтимоний идеалига монанд тасвириланисб, у етук олим ва донишманд подшо, истеъоддли саркарда ва ҳалқпарвар давлат арбоби сифатида гавдаланади. Айни вақтда Искандарда комил инсонга хос хусусиятлар ҳам тасвириланади: у дили ва нияти пок, хайр-саҳоватли камтарин ва мулойим шахс, доно подшо ва дунё сирларини билишга қизиқувчи ақл-заковат эгаси. Бу образни яратар экан, Навоий ўзининг эзгу мақсади — жамиятни ҳикмат, адолат ва инсонийлик йўллари билан бошқариш керак, деган фикрни илгари суради ва уни бадиний воситалар ёрдами билан асослашга уринади. «Саддий Искандарий» достонида Навоий инсонпарварлигининг Европа гуманистлари таълимотларига ҳамоқанг кўпгина томонларини ифодаланишини кўришимиз мумкин. Булар инсонга муҳаббат, унинг ақлзаковатини улуғлаш, инсонни қадрлаш ва ҳимоя қилиш, инсониниг баҳт-саодати учун муносиб шарт-шароитларни яратиш — идеал давлат қуриш каби ғоялардан пборат.

Маълумки, уйғониш даври инсонпарварлигининг ғоявий асосини инсон шахсининг мустақиллиги, унинг ҳар қаңдай ғайритабиий (илоҳий) кучлардан ҳоли бўлиши тўғрисидаги қараш ташкил этади. Бу инсонпарварликнинг умумий ғоявий манбаси инсонни қадрлаш, унинг шахсини ҳурмат қилиш қоидасидан иборат эди. Бу қоидадан инсонпарварликнинг фалсафий, сиёсий, ахлоқий ва эстетик ғоялари келиб чиқади. Уйғониш даври инсонпарварлиги муҳим сиёсий ғоясини — одил подшо раҳбарлигига идеал жамият қуриш истаги ташкил этади. Чунки инсоннинг яшаши учун муносисиб шарт-шароитлар яратмасдан туриб, унинг орзу-умидларини юзага чиқариш мумкин эмас. Инсонпарварлик дунёқарашининг ғояси инсон шахсининг фикр ва ҳиссият ёркинлиги тўғрисидаги қарашлардан иборат эди.

Ренессанс инсонпарварлигининг бу хусусиятларий Навоийнинг идеал жамият ва комил инсон хусусидаги қарашларида кўринади. Шоир Искандарнинг фаолиятини кўрсатиш орқали идеал подшо қиёфаси, унинг вазифалари, идеал жамият ҳақидаги тасаввурлари, уни бошқариш йўллари тўғрисида ўзининг ғоялари ва мақсадларини бадиий шаклда баён этади.

Навоийнинг инсонга муҳаббати унинг баҳти яшashi учун муносисиб ижтимоий муҳит яратиш (идеал жамият қуриш) зарурлигини ҳам ўз ичига олади. Унинг инсонпарварлигига ахлоқий ва сиёсий масалаларнинг ўзаро бир-бирлари билан узвий боғланишини кўрамиз. Шоир ўз ахлоқий ва ижтимоий идеалларини юзага чиқаришнинг асосий воситаларини илм-маърифат ва ахлоқий тарбия, деб билади. Унинг фикрича, илм дунёни билиш, яхши-ёмонни бир-биридан ажратиш воситаси, ахлоқий-маънавий камолатга, инсонийликка олиб келувчи воситадирки, у инсон қалбини бошқа одамларга нисбатан ҳамдардлик ва меҳр-муҳаббат ўти билан аллангалаштирувчи бир маънавий куч. Бу ғоя Фарҳод образида равшан ифодаланган. Фарҳоднинг ўз шахсий баҳтига эришиш йўлида маърифат, маънавий камолатга интилиши бошқаларга нисбатан ҳам муҳаббат баъш этиш орзулари билан узвий боғлангандир. Шунга кўра, унинг фаолияти, ўз шахсий баҳтига интилиши кенг ижтимоий маъно касб этади. Фарҳоднинг муҳаббати эса бутун инсониятга мансуб шаклда намоён бўлади.

Фарҳод инсон буюк ишларни рўёбга чиқариш учун яратилган, бу йўлдан уни ҳеч қандай қийинчиликлар,

кулфатлар, дарл, ҳасратлар ҳам тұхтата олмайди деб қарайди, натижада унинг шахсий мұхаббати ўзининг тор ғаразгүйлик мөхиятини ва шахвонийлигини йўқотиб, буюк бир маънавий кучга айланади. Бу куч Фарҳод фоалиятининг ғоявий манбаига айланаб, уни олижаноблик ва мардликка, вафодорлик ва дўстликни синашга, эзгу орзуласга интилишга даъват этади.

Умуман, Навоийнинг инсон ва унинг ҳаёти тўғрисидаги муроҳазаларида ижтимоийлик, маънавий етуклик ва ахлоқий поклик худбинликдан устун туради, шоир ўз салафлари Форобий, Ибн Сино ва бошқа мутафаккирлар сўнгари илм-маърифатга ахлоқий тус беради: илм аввало инсоннинг маънавий камолатга эришиш воситаси бўлиши керак. Илм, жумладан философия ҳам, кишиларни юксак фазилатларга жалб этиш, уларни бойлик ва шон-шуҳрат, яъни инсон дилини вәсасага сўлувчи мол-дунёга, нарсаларга нисбатан ҳирс қўймаслик руҳида тарбиялаш қуроли. Навоийнинг фикрича, инсоннинг қадр-қиммати унинг мол-мулки ёки ижтимоий келиб чиқиши билан эмас, балки унинг маънавий қиёфаси, ахлоқий сифатлари билан ўлчанади:

Элга шараф бўлмади жоҳу насаб,
Лек шараф келди ҳаёву адаб.

Дунёга, мол-мулкка ҳирс қўйиш кишини тубанлика, разиллик ва худбинликка олиб келишидан шоир огоҳлантиради:

Кўп олтун, кумуш сори қўл сўнмоғил
Ки, тутсанг, кафтингни қаро ранг этар,
Кўнгулда доғи майлини асрара
Ки, кўнглунгни доғи ҳам ул ранг этар

(Хазоинн ул-маоний).

Навоий айтадики, мол-дунёга, шон-шуҳрат ва манманлика берилган одамлар нарсаларнинг мөхиятинини уларнинг ташқи кўринишларидан фарқламайдилар, бу иллат инсондаги жоҳиллик, нодонлик ва нокасликнинг нишонасиadir. Бу тоифадаги одамлар калтафаҳмлик, улар ташқи кўриниши олтин янглиғ, ором олиш жойлари најбесат ичидаги бўлган чибин (тилла пашалар)га ўхшатилади:

Тұнни зарбафт айлабон ҳиффатдин үчқон тараф.
Пұқ ажаб гар бор эса дунә матои ком анга.
Үл чибинким, күзға олтун янглиғ ошкор хилъети
Құпроғи билкім, најосат узрадир ором анга

(Хазойин ул-маоний).

Умуман, нафсни тиши, уни поклаш Навоий ахлоқий дунёқарашиңнинг асосларидан бири. Шу хусусда «Лисон ут-тайр» да қушлардан бири Ҳуд-Ҳудга савол беради: «Менинг күнглумга мол-дунё беқад муҳаббат солди, мен дунёсиз ўз ҳаётимни тасаввур этолмайман. Бунинг оқибати қандай бўлади?» Ҳуд-Ҳуд (муршид, шайх, савол берувчи қуш — муриднинг рамзи): сенинг қалбингни ҳирс жомн маст айлаган экан, деб жавоб беради. Бу сифатга (иллатга) эга бўлган одамларнинг оқибати яхши бўлмайди, чунки улар бойлика сифиниб, одамийликдан чекинадилар, жоҳиллик асоратида қоладилар:

Ўйлардурким жоҳилу нодон маст,
Сийимдин бут айлаб, ўлғай бутпараст,
Жаҳл бирла тарки ислом айлаган,
Ўзга дўзаҳ азмни анжом айлаган.

Инсоннинг зеби уннинг маънавий-ахлоқий сифатларидир, шундагина ундан элга наф тегади, деган фикр илгари сурилади. Бу ҳақда Ҳуд-Ҳуд бошқа бир қушнинг саволига берган жавобида шундай дейди:

Гавҳар ўлди ҳиммату одам садаф,
Бу садафга ул гуҳардиндур шараф.
Одамнинг зеби ҳимматдин дурур,
Нафснинг таъбийи ҳимматдин дурур.
Паст ҳиммат гар топар баҳти баланд,
Мудбири кўҳидек эрмас аржуманд.

Алишер Навоийнинг фалсафий дунёқарашида ҳур-фикрлик инсонга нисбатан муҳаббатда, мавжуд ижтимоий муносабатларга нисбатан уларни ўзгартиришга қаратилган идеал кураш хусусидаги ижтимоий ғояларда ифодаланади. Мана шу мақсадда буюк шоир ўз асарларида, хусусан «Хамса» достонларида идеал ҳаёт дунёсини — одиллик, муҳаббат ва яхшилик дунёсини яратди. Бу дунёда яхшилик ҳамон ёвуз кучлар устидан ғалаба қиласи. Чунончи, уннинг ахлоқий ғоялари кела-жакка қаратилган бўлиб, чуқур ҳаётпийлик билан суғо-

рилган. Мутафаккир шоирнинг тафаккур кучи ва бадий маҳорат билан яратилган ижобий образлари, юксак гоялар ва ахлоқий қоидалар дунёси бизнинг давримизда ҳам кишиларни мафтун этиши шубҳасиздир. Шу боисдан шоир ижодини ҳар бир авлод замон талаблари, дунёқараш эҳтиёжларига муносиб ҳолда қабул қиласди ва унга ёндашади. Шунинг учун Навоийнинг ижоди асрлардан асрга, даврлардан даврга ўтган сари янги мазмун касб этади, ўзининг янги қирралари билан жилваланади.

Алишер Навоий каби қўпқиррали шахснинг ижоди, дунёқарани айрим масалаларда зиддиятлардан холи бўлмаслиги мумкин. Лекин буюк шоирнинг инсон ақлзаковатига бўлган ишончи, инсоннинг маънавий кучи ва қобилиятларини ҳар томонлама намойиш қилиши Навоий ижодининг кучли ва ижобий томонидир. Мутафаккирнинг инсонийлик, адолат, яхшилик ва дўстлик хусусидаги мулоҳазалари, жозибали ўй-фикрлари, илгор гоялари бугунги мустақиллик шароитида алоҳида аҳамият касб этади.

XVI—XIX АСРНИНГ БИРИНЧИ ЯРМИДА ИЖТИМОИЙ-ФАЛСАФИЙ ФИКРЛАР

1. ТАРИХИЙ ШАРОИТ

XVI—XVII асрлар Ўрта Осиё хонликларининг иқтисодий ва ижтимоий-сиёсий ҳаётида бурилиш даври бўлди. Бу даврда йирик ҳарбий тўқнашувлар кўп содир бўлди.

Маълумки, феодал тарқоқлик ва кўп сонли ҳокимият даъвогарлари орасидаги муттасил урушлар Темурийлар салтанатининг сиёсий қудратини сусайтириб юборди ва Шайбонийхон лашкарлари томонидан мамлакатни босиб олишга замин яратиб берди.

Бошқа мамлакатларни босиб олиш, уларни талонторож қилиш, муттасил урушлар, динни мустаҳкамлаш, унинг таъсир доирасини кенгайтириш ҳисобига вужудга келган Шайбонийларнинг марказлашган давлати мустаҳкам эмас эди. Феодал хонликлари ва вилоятларни бирлаштиришдан ҳамда иқтисод тараққиётидан асосан катта феодаллар ва руҳонийлар манифаатдор эдилар.

Абдуллахон ва унинг ўғли Абдулмўмин вафотидан сўнг уларнинг давлати тезда ёмирилиб, қўлга киритилган мол-мулклари барҳам топади. XVI аср охирида Мовароуннаҳр ҳукмронлиги Шайбонийлар сулоласидан ўзбекларнинг бошқа шохобчаси — аштархонийларга ўтди: тарихчиларнинг таъкидлашича, бу сулола ҳукмронлиги даврида ўзаро низолар ниҳоятда авж олиб кетган.

Хонлик ҳокимиятини мустаҳкамлашга интилган И момқулихон (1611—1642) ҳаракатлари бирмунча ижобий натижалар берди.

1645—1680 йиллар орасидаги тарихий давр ерлик ҳалқлар учун ниҳоятда оғир бўлди. Чунки И момқулихондан кейин таҳт учун бўлган кураш узоқ ва қонли

кечди. Бундай оғир вазият бора-бора Субхонқулихон ҳукмронлигининг сўнгги йилларида ниҳоятда чуқурлашди ва XVIII асрнинг бошига келганда аштархонийлар давлати тушкунликка учраб, парчалана бошлади. Кейинги иқтисодий, сиёсий тараққиёт Мовароуннаҳрни учта хонликка бўлинниб кетиши учун замин тайёрлаб берди. Шунга қарамаён, Мовароуннаҳрда, аввалги даврлардаги каби, адабиёт ва тарихий фанлар, меъморчилик ва тасвирий санъат ривожланди. Шеърият равнақ топди. Шу ўринда Ҳасан Нисорийнинг «Музаккирул-аҳбоб» (1566), Мутрибийнинг «Тазкирати шуаро» (1604—1605) асарларидаги таълимотлар фикримизнинг далили бўла олади. Уларда Самарқанд, Бухоро, Тошкент ва Ўрта Осиёнинг бошқа шаҳарларида яшаб ижод этган адабиёт ва илм-фан аҳлларининг номларий учратамиз. Бундай тазкираларнинг майдонга келишининг ўзи халқнинг маданий савияси қанчалик юқори бўлганилтигини билдиради.

XVI—XVII аср тарихчилари ҳам маълум ва машҳур эдилар. Аксар тарихий асарлар ўша даврни ўрганишда ўз аҳамиятини йўқотмай келади. Улар орасида «Абдўлланоманинг» муаллифи Ҳофиз Таниш фахрли ўрин эгаллади.

Бу давр мафкуравий ҳаётида олий мусулмон мактаблари—мадрасалар мұхим роль ўйнаган. Шайбонийлар ҳам, аштархонийлар ҳам мадрасалар таъсирини мустаҳкамлашга интилганлар ва Бухоро, Тошкент, Самарқанд ва Балхда бир қатор янги мадраса ва масжид биноларини қурганлар. XVI асрда фан оғир аҳволда эди. Ҳақиқий илм ўрнини мусулмон сунний мазҳаби вакиллари мустаҳкам эгаллаб олган эдилар. Натижада аниқ ва табиий фанлар қувғунга учраган, айниқса математика ва астрономия орқада қолган эди. Буниинг оқибатида XVII—XVIII асрларда илм-фан ривожининг даражаси кескин пасайиб кетди. Шунга қарамай тараққиётнинг тарихий одимини тўхтатиб бўлмаганидек, маънавий бойликларнинг тарқалиши ва ийғилиши жараёни давом этди. Бу даврнинг илғор кишларини Улугбекнинг илмий ғоялари, Жомий ва Науойнинг ҳайратомуз асарлари руҳлантирап эди. Улар илм-фан равнақи, инсон билими уфқларини кенгайтириш учун ислом ақидаларига, тасаввуф оқимининг баъзи ғояларига қарши кураш олиб бордилар, ўз асарларида ердаги ҳаёт гўзалликларини тараннум этдилар.

Қатор манбаларни ва қўлёзмаларни ўрганиш феодализмнинг сўнгги даврлари аксар буржуа олимларининг таъкидларига қарамай юононларнинг антик маданиятини, Урта Осиё, Эрон, Хиндистон ва бошқа мамлакатлар олимларнинг фалсафий меросини, дунёвий илмларга бўлган қизиқиши, инсонпарварлик ғояларининг ривожланиши, ўтмишдаги олимлар асарларини ўрганиш билан характерланишини кўрсатади. Бу ўринда XVI—XVII асрлардаги фалсафий тафаккур ривожига хос бўлган баъзи белгиловчи хусусиятларга эътибор қилиш жопз кўринади:

— Бу давр аввалги мутафаккирлар илгор ғояларининг фаол ўзаро таъсири аста-секин заифлашуви билан характерланадики, буни мавжуд ижтимоий-сиёсий ва иқтисодий сабаблар билан изоҳлаш мумкин. Бу даврда Урта Осиёнинг қўшни мамлакатларга сиёсий ва маънавий таъсири доираси бирмунча торайди.

— Тасаввуф равнақ топди. Бунинг таъсирида жамиятдаги диний тазиيқ кучайди. Суфизм давлат идораси даражасигача кўтарилиди. Масалан, шайбоний шахзодаларидан Жонибек Султон йирик шайхлардан Хожагий Косонийнинг муриди бўлган. Убайдуллахон (1533—1539) ҳам Косоний муридларидан эди. У тасаввуф йўлнга қадам қўйгач, дарвешларга мададкорлик ва ҳомийлак қила бошлаган эди. Шайх Косонийнинг обрўйи жуда баланд бўлган. Унинг «Бобур рисоласи» бунинг далилидир. Бу рисола Заҳириддин Бобур хатига жавоб тарзиидаги Шайхнинг фикр-мулоҳазаларидан иборат. Бу даврда сўфиийлик адабиёти жуда ҳам ривож топиб, табиий-илмий фикрда илгорлик кўринмайди. Фалсафий тафаккур бир қатор орнгинал рисолалар яратилганлигига қарамай, асос эътибори билан клас-сик давр асарларига бўлган шарҳ ва ҳошияларда ўз аксини топган эди.

Бу даврда Урта Осиёдаги фалсафий тафаккур ривожини белгиловчи икки асосий йўналишни ажратиб кўрсатиш лозим.

1. Биринчи йўналиш Урта Осиёнинг ўзида кузатилган бўлиб, бу ерда ҳам иккни даврни ажратиб кўрсатишимиш зарурдир:

а) XVI—XVII асрлардаги ижтимоий-фалсафий фикрнинг ривожи;

б) XVIII—XIX асрнинг биринчи ярмидаги ривожи. Биринчи даврни иккинчисидан ажратиб турувчи

асосий белги шундан иборатки, бу даврда биз замонасикинг йирик файласуф намояндалари бўлмиш кўзга кўринган шахслар, жумладан Мирзажон Шерозий, Юсуф Қорабоғий, Муҳаммад Шариф Бухорий ва Иноятулло Бухорий, Ҳусайн Ҳалхолий ва бошқаларни яққол кўрамиз. Улар фалсафа, тарих, тилшунослик ва бошқа соҳаларга оид бир қатор асарларининг муаллифлари бўлишилари билан бир қаторда, ўз салафларни асарларига шарҳ ва изоҳлар ёзишган.

Иккинчи давр эса алоҳида шарҳлар, ҳошиялар ва баъзи фалсафий рисолаларнинг пайдо бўлниши билан изоҳланади. Фалсафий тафаккур соҳасида қаламларига бир нечадан тортиб то ўнлаб рисолалар мансуб бўлган Иби Сино ёки Беруний каби йирик муаллифларни учратмаймиз. Шоирлар бундан мустасно бўлиб, уларнинг асарларида ўша даврга хос бўлган ижтимоний-сиёсий ва ахлоқий мавзуларни кўриш мумкин. Шундай қилиб, XVI—XVII асрларни фалсафий тафаккур соҳасидаги сустлашиш, иккинчи даврни эса нисбатан инқирозга юз тутиш дейиш мумкин. Шуни ҳам таъкидлаб ўтиш лозимки, бу баҳо XIV—XV асрларга қиёс қилиб берилган бўлиб, бинобарин мазкур даврларда фалсафий фикр бутунлай йўқ бўлиб кетди деган маъниони англаштмайди.

XVI асрнинг машҳур файласуф олимларидан бири **Мирзажон аш-Шерозий ал-Боғнавий** бўлиб, у Эронда шинизм расмий мазҳаб деб эълон қилингач, фан ва маданиятнинг бошқа намояндалари каби қувғунга учраган эди. Мирзажон ўз шогирдларни билан ижод қилиш учун қулай шароит излаб, кўп саргардонликлардан сўнг Ўрта Осиёга келиб қолади. Аксарият қочоқ олимлар бой илмий, жумладан фалсафий анъаналар заманига эга бўлган Ўрта Осиёда шаклланганлар. Улар орасида Мирзажон аш-Шерозий «Муллойи нав»—«янги мулла» иоми остида танилган. Профессор А. А. Семенов кўрсатганидек, Мирзажон Шерозий Эроннинг Шероз шаҳрида мударрислик қилган. Эроннинг турли жойларидан келган талабаларн кўп бўлган. Уларниң аксарияти маърифат ва адабиёт соҳасида кенг танилиб, фалсафа ва фалсафий асарларга изоҳлар ёзишни ўзларига мақсад қилиб олганлар.

Баъзи манбаларда Шерозий ва Қорабоғийлар Ўрта Осиёга Имомкулихон даврида келганлар деб кўрсатилади. Лекин бу маълумотлар тўғри эмас, чунки Мир-

зажон Шерозий 1585 йилда Самарқандда Абдуллахон II ҳукмронлиги даврида вафот этган. Бизгача Шерозийнинг ўн бешдан ортиқ асарлари етиб келган. Бу асарларида бир қатор масалаларда Шерозий қадимги илғор, билим таълимоти анъаналарини қайтадан юзага көлтириб, тараққий эттиришга ҳаракат қилди, Шерозийнинг дунёни билиш борасидаги қарашларининг асосий хусусиятлари шундан иборатки, у ўз даврининг имкониятлари чегарасида ўтмиш фалсафий фикрининг илғор намояндадарига хос илғор рационалистик ва сенсуалистик ғояларни давом эттиришга ҳаракат қилди.

Унинг фикрига кура, объектив дунёни билиш жарәёни ҳиссий омил билангина чегараланмайди, аксинча, ҳиссий билиш умуман билишнинг бир қалқасидир.

Биз кўриб ўтаётган даврлардаги ижтимоий-фалсафий фикр ривожининг иккинчи йўналиши—Ҳиндистонда Бобурйлар давридаги Ўрта Осиёлик мутафаккирларининг ижоди ва дунёқарасидир. Бобурйларнинг Ҳиндистонда 300 йилга яқин ҳукмронлик қилишлари ёлғиз у ердагина эмас, балки Ўрта Осиё ва бошқа қўшни мамлакатлардаги маданий ҳаётда ҳам чуқур изқолдирди. Маънавий ҳаётда улар ўзларини Ўрта Осиёнинг муайян бир қисми деб қарадилар ва ватанларидаги илғор анъаналарни садоқат билан давом эттирдилар, ривожлантирилар.

Ўрта Осиё ва Ҳиндистон фан ва маданиятининг ўзаро таъсири ва тараққиётининг муҳим омилли бу мамлакатларнинг мустаҳкам маданий алоқалари ҳамда бошқа давлатлар орасидаги муносабатлари эди.

XVI—XVII асрларда бу давлатларнинг маданий алоқалари янги хусусиятлар касб этди. Қўшни давлатлардан келган илғор шахслар ҳиндларни ўз мамлакатларидаги фан ва маданият ютуқлари билан таништирилар, ҳиндлар эса уларни ҳинд олимлари, шоирлари ҳаёти ва ижодидан хабардор қилдилар.

XVI асрнинг иккинчи ярми Ҳиндистондаги ижтимоий-сиёсий ҳаётда катта ўзгаришлар бўлиши билан характерланади. Давлат тепасига Акбар келгач, Ҳиндистоннинг қадимги ва ўрта асрдаги маданиятига чуқур қизиқиш билан қаради.

Файласуфлар орасида Муборак Нагорий, Жалолиддин Танисорий ва бошқаларни учратамиз. Тарихчилар-

дан „Мунтахабут — таворих» муаллифи шайх Абдул Қодир ал-Бадаюнийни, «Табақоти Акбарий» муаллифи Низомутдин Ҳиротийни, «Ҳафт иқлим» муаллифи Амин Әҳмад Розийларни эслаш кифоя.

Амир Ҳисрав Деҳлавий ва Абул Файз Файзийдан кейин йирик шоир, шубҳасиз, Абдул Қодир **Мирзо Бедил**дир. Файзийнинг «ваҳдати вужуд» билан боғлиқ илғор фалсафий ғоялари XVI—XVII асрлар мобайнида Мирзо Бедил томонидан ривожлантирилиб, фалсафий тизим даражасига кўтарилди. Бедилнинг XVII—XIX асрлардаги Ўрта Осиё ижтимоий-сиёсий тафаккурига таъсирини барча тадқиқотчилар эътироф этадилар. Шоир ҳали ҳаёт эканидаёқ унинг маслакдошлари, издошлари пайдо бўлган ва унинг бой меросини тадқиқ эта бошлаганлар. Улардан Ҳиндистон фалсафий тафаккури соҳасидаги издоши Абдул Ҳаким Сиёлкутий, Муҳиббулло ал-Ҳинди ва Қози Муборакни кўрсатиш мумкин.

Абу Абдулло Абдул Ҳаким бин Шамсуддин ал-Ҳинди ал-Лоҳури ас-Сиёлкутий (вафоти 1682 й.) ижтимоий-сиёсий тафаккурнинг йирик намояндаси эди. Манбаларнинг хабар беришича, у масъул лавозимлариц эталлагац, шоҳ саройига яқин аёнлардан, Шоҳ Жаҳоннинг (1628—1648) маслаҳатчиси бўлган эди. Унинг асарлари фақат Ҳиндистонда эмас, балки узоқ ўлкаларда ҳам машҳур бўлган, баъзилари жаҳон каталогларида ҳам учрайди. У Ўрта Осиё, Эроннинг Қазвиний, Тафтазоний, Давоний каби олимларининг асарлариниц мукаммал билган.

Муҳиббулло бин Абдушукур ал-Баҳорий ал-Ҳиндий (вафоти 1707 й.) Бедил ғояларининг яна бир давомчи-сидир. Бизгача олимнинг биргина рисоласи етиб келган. Лекин шунинг ўзи ҳам олимнинг билим доираси қенглигини, хусусан, мантиқ соҳасида ғоят юксак бўлганини намоён этади. Рисола «Сулламул улум» (Билим поғоналари)¹ деб аталади ва мантиқий билим пиллапояларининг изчил баёнига бағишлишади. Асар мазмунни муаллифнинг шарқ мутафаккирларининг мантиқ, фалсафага оид асарларини ҳамда қадимги юнонистон файласуфларининг асарларини ҳам пухта билган-

¹ Узбекистон Республикаси ФА Абу Райҳон Беруний номли араб тилида.
Шарқшунослик институти қўллэзмалар фонди, 4851 рақами қўллэзма,

лигидан далолат беради. Муаллиф рисола саҳифала-рида Арасту, Афлотун, Суқрот, Форобий, Ибн Сино, Бахманиёр каби мантиқшунослар билан фалсафа ва мантиқ юзасидан баҳслар олиб боради. Бу рисола таҳ-лили кишини билиш назарияси соҳасидаги аристоте-лизм ғоялари Ўрта Осиё ва Ҳиндистонда ўз илдизлари билан ўрта асрлар қаърига кириб борганини ва бу даврлардаги фалсафа тарихи сўфиизмнинг диний хуро-фий шаклларидангина иборат бўлиб, ҳеч қандай рацио-нал моҳиятга эга эмас деган баъзи соҳталаштиришлар-нинг асоссиз эканига яна бир бор ишонтиради.

Хулоса қилиб айтиш мумкинки, ўрганилаётган давр-да Ҳиндистонда XVIII асрга қадар тафаккурли олим-ларнинг катта гуруҳи яшаб, ижод этганлар. Уларнинг ҳар бирининг ижоди Ўрта Осиё ва Ҳиндистондаги иж-тимоий-фалсафий фикр тарихини ўрганишда муайян аҳамиятга эгадир.

Ўрта Осиёнинг ўзида XVIII аср ва XIX асрнинг би-ринчи ярмида маълум ўзгаришлар рўй берди. Ўзаро феодал курашлари авж олди, ижтимоий ҳаётда туш-кунлик кучайди, диний тасаввуф оқимлар ва уларнинг таъсири зўрая борди. Руҳонийларнинг роли ортди. Маданий ҳаётда сустлашиш ўз ифодасини топган бўлсада, адабиётда, тафаккур ривожида, ижодиётда янгиликка интилиш, мавжуд ижтимоий муносабатдан норозилик давом этди, айрим ҳолларда танқидий фикрлар кучайди. Тасаввуфининг айрим кўриниши, ҳукмрон табақа вакильлари, мавжуд муносабатларни кескин танқид остига олган айрим шеърий асалар ҳам вужудга келди.

Турди, Машраб ижодлари шу даврнинг маҳсулидир, шу билан бирга Сўғи Оллоёр каби тасаввуф шоирлар ҳам шу даврда ижод этди.

XVIII асрнинг охири XIX асрнинг бошларига келиб Ўрта Осиёда узлусиз феодал урушлари натижасида уч хонлик — Бухоро, Хива, Кўқон хонликлари ташкил топди. Иқтисодий ва маданий ҳаёт шу хонликларда мустақил ривожланди. Чунончи, бу даврда иқтисодий ҳаёт, савдо ишларида маълум жонланиш кузатилди. Адабиёт ва ижтимоий-фалсафий тафаккурда истеъоддод эгалари вужудга келди, улар ижодида маълум маъ-нода Ўрта Осиё ҳалқларининг бой ижтимоий-фалсафий мероси ўз таъсирини сақлаб қолганини кўрамиз.

Бу даврда Хива хонлигига Огаҳий, Мунис, Комил Хоразмий, Аваз Үтар каби йирик шоирлар ижод этдилар, улар асарларида даврнинг маънавий ҳаёти ўз аксини топди.

Қўқон хонлигига эса XIX асрнинг биринчи ярми, Россия томонидан босиб олингунинг қадар бўлган даврда Махмур, Гулханий, Нодира, Увайсий, Дилшод, Амир Умархон каби шоирлар, тафаккур эгалари ижод қилиб, асарларида ўз даври маънавиятининг муҳим тоғонларини ифодаладилар. Бухорода Мужрим Обид, Шавқий Каттақўргоний каби шоирлар ижод этдилар.

2. ИБН МУҲАММАДЖОН ЮСУФ АЛ-ҚОРАБОГИИ

Урта Осиёнинг XVII асрдаги ижтимоий ва илмий тафаккурининг йирик намояндасидир. У аслида Озарбайжонлик бўлиб, ижтимоий-сиёсий шароитнинг нечоқлик мураккаблигига қарамай, ўзининг буюк салафлари — асарларида баъзи илғор анъаналарни давом эттира олган ижодкордир.

Файласуф 1563 йили Кавказ орти Аракс дарёсининг ўртасидан шимол томонда жойлашган Қорабог деган тоғлиқ қишлоқда туғилган. Бирор бир манбада унинг туғилган йили учрамайди. Лекин 10925 рақами қўлёзманинг иккинчи сахифасидаги тўртлик асосида абжад ҳисоби билан мелодий 1563 йилни келтириб чиқардик.

1579 йилда 16 ёшлиқ Қорабогий Ширвонга келади. Ширвоидаги сиёсий ғалаёнлар туфайли Қорабогий ўша йилининг ўзида Шерозга жўнайди ва Ҳабиулло Мирзажон Шерозийдан таҳсил ола бошлайди. Қорабогий устозининг вафотидаи сўнг Самарқанднинг таниқли сиймоларидан, Кубровия оқимининг фаол тарғиботчиларидан бўлган Халиулло Бадахший билан ташшади ва унинг содиқ шогирдига айланади. У умрининг сўнгги йилларини шу ерда ўтказади ва 1647 йилда вафот этади.

Олимнинг қабри аввал Сағид мўй деган қишлоқда (Бухоронинг жанубида Бобойи Шавқи Порадуз, кейинчилик Саллахона деб аталган дарвоза ташқарисида), бир неча ўн йиллардан сўнг 1690 йилда унинг қолдиқлари Бадахшонга кўчирилиб, устози Халиулло Бадахшний қабри ёнида қайтадан дағн этилади.

Қорабоғий аниқ фанлардан хабардор бўлиб, тиббиётни билган, астрономия ва бошқа фанларга яқиндан қизиқкан. Шунингдек, у ўзигача бўлган фалсафий йўналиш ва оқимларни қадимги юнондан тортиб ўз замонасигача пухта ўзлаштирган. Қорабоғий Аристотелнинг «Осимон ҳақида» номли асари билан яхши таниш бўлган. У илмий фаолиятдан ташқари шеърият билан ҳам қизиқкан. Унинг номи ўша давр шоирлари орасида тез-тез ёдга олиб турилганлиги манбаларда кўплаб учрайди. Қорабоғийдан бой фалсафий мерос қолган, унинг жами асарларининг сони 24 тадан ошади. Улар асл нусхадаги рисолалар, шарқ ва изоҳлардан таркиб топгандир.

Қорабоғийнинг фалсафий қарашлари, унинг воқелик ҳақидаги таълимоти бошқа кўп ўрта аср шарқ мутафаккирлари таълимоти каби пантеизм элементларига эга. «Ҳудо бирламчи сабаб», — дейди файласуф.

Қорабоғий бутун оламни қонуний тарзда узвий боғлиқ бўлган ягона жисм деб тасаввур қиласди: «Оlam — ягона жисм, ундаги барча мавжуд нарсалар унинг аъзоларидир. Olamda нимаки содир бўлса, ҳаммаси жисм манфаатига қаратилган»¹.

Қорабоғийнинг мана шу фикри ғоят диққатга сазовордир. У бутун ҳодисаларни жисмоний оламга, нарсалар оламига бўйсундиради. Ер, ҳаво, сув ва словдан иборат тўрт унсур моддий оламни ташкил этган барча нарсалар асосида ётади. Лекин у оламни ана шу унсурларнинг механик қўшилиши эмас, балки мураккаб диалектик бирлиги деб тушунади: «бирликларнинг сонга муносабати тўрт унсурнинг ҳайвонотга муносабати кабидир. Зероки, улардан ташкил топган ҳайвонотдаги кўриниш шакли ҳайвонлар турини ташкил этади»².

Қорабоғий оламни тушуниш назариясига сабабият қондасини асос қилиб олади. Унинг бу қарашлари эса мутакаллимлар фикрига қарама-қаршидир. Каломга кўра, олам — нарсаларнинг тартибсиз йигини, уларнинг пайдо бўлиши ва йўқолиши мутлақо ўз хатти-ҳаракатида эркин бўлган ҳудо иродасига боғлиқдир.

Қорабоғийга кўра, объектив оламдаги барча нарсалар ўзаро сабаб-оқибат муносабатидадирлар. Шундай қилиб, ҳар қандай оқибат сабабга эга. «Бинобарин,

¹ «Хонқоҳий» рисоласи. Қўлёзмалар фонди, 251- бет.

² «Жилватийя» рисоласи, қўлёзма рақами 86—09—11, 69 бет.

дейди файласуф — агар сабаб йўклиги таъкидланса, у вақтда, албатта, натижа ҳам йўқ бўлади»¹.

У ёки бу ҳодисанинг сабаби маълум ёхуд номаълум бўлиши мумкин, лекин у муқаррар мавжуд. Оқибат идрок этиш сабабини билиш орқали содир бўлади. Бу ёрқин диалектик фикр Қорабоғийнинг қуидаги сўзларида ўз аксини топади: «билимга унинг сабаби орқали эришилади»².

Маълумки, араб тилида шаклланган перипатетик фалсафанинг машҳур намояндалари ҳаракатнинг тўрт тури ҳақида сўз юритганлар; пайдо бўлиш ва ҳалок бўлиш, жойини ўзgartириш, озайиш ёки кўпайиш, ҳолатни ўзgartириш.

Кейинчалик Садриддин Шерозий ҳаракатнинг бу тўрт хилига яна субстанционал — жавҳарий ҳаракат деб номланган хилини қўшади ва бу билан бир қадам олға ташлайди³. Унинг фикрича, жавҳарий ҳаракат шундай ҳаракатки, у жисмнинг табиатида, моҳиятида содир бўлади, яъни ҳаракатнинг шундай яширин шаклини, у охир натижада масалан, чунончи, тошнинг майдаланишига олиб келади, гарчи тош инсбий тинч ҳолагда турган бўлса ҳам.

Субстанционал ҳаракатдан ташқари яна әкциденциал ҳаракат шакли ҳам бўлган. Бунинг тарафдори Иби Сино эди.

Юсуф Қорабоғий акциденциал ҳаракатни ҳам, субстанционал ҳаракатни ҳам тан олади, бу икки ҳаракатнинг натижаси янгиланиш, бошқача қилиб айтганда, умуман ўзгариш деб ҳисоблайди: «Оlam ўзининг барча қисм ва зарралари билан, субстанциялари ва акциденциялари билан доимий янгиланишададир»⁴.

Шундай қилиб, ўз даври табиий-илмий билимларининг барча маҳдудликларига қарамай, Юсуф Қорабоғий ўз салафлари илмий ютуқларига таянган ҳолда ҳаракатнинг табиатини тушунтиришга интилади.

¹ Кўлёзмалар фондл. «Ҳикматул айн шарҳига ҳошия» асари, ли-тография, рақами 6974, 196-бет.

² Агахи А. Из истории доществённости вожиб»—«Вожибнинг бўйране. Баку, изд-во «ЭЛМ», 1971, 118-бет. Ли-тография, рақами 8509, 3-бет.

³ Агахи А. Из истории общественной и философской мысли в Иране. Баку, изд-во «ЭЛМ». 1971. 118-бет.

⁴ Қаранг: Ҳикматул айн шарҳига ҳошия. Юқоридаги фондда сақланадётган ли-тография, рақами 6974, 191-бет.

Қорабогий ўз асарларида инсоннинг руҳий кучларига алоҳида эътибор беради. Ҳар бир руҳий кучга муфассал тўхталар экан, уларни инсон организмида кечеётган барча руҳий ва физик жараёнлар билан яқин боғлиқликда кўради. Шу билан бир қаторда, у руҳий кучларни таснифлаш масаласига ҳам тўхталиб ўтади. Масалан, унинг талқинида руҳий кучлар алоҳида, инсон аъзоларининг вазифасига яқинлаштирилган. Қорабогий «руҳ» тушунчасини моддийлаштиради. Руҳостида у алоҳида инсон жисми аъзоларининг вазифасини тушуниади. Қорабогий таълимотининг илғорлиги ҳам шунда яққол кўриниади. Энг аввало, у жонли жисм ўз намоён бўлишида бир-биридан фарқ қиласди, деган ҳаётий қондага асосланади. Масалан, ўсимликлар озиқланиш, ўсиш, кўпайиш қобилиятига, жонзодлар, инсонлар эса бунга қўшимча равишда ташки оламни ҳиссий идрок этиш қобилиятига эгалар.

Юсуф Қорабогийнинг руҳий кучларининг физиологик асосларига, мия вазифалари, сезги пайдо бўлишининг физикавий сабаблари, ёруғлик, товуш ва ҳоказоларга берган таърифи маълум даражада Ибн Сино билдириган гояларни тўлдиради.

Қорабогий ижодида руҳ билан танаплинг ўзаро алоқаси алоҳида ўрганилади. У мазкур масалани руҳ билан тана бирлиги нуқтаи назаридан тадқиқ ва тахлил қиласди.

Қорабогий руҳининг кўчиши ҳақидаги шарқда «тансух» номи билан машҳур таълимотни таңқид қиласди. Бу таълимотга биноан руҳ абадий ва ўлмас, узлуксиз янгича шакл касб этади — ўлган танадан янгидан туғилгайлар жисмнiga ўтади. «Ҳар бир жисм пайдо бўлишида руҳ ҳам пайдо бўлади. Чунки руҳ яратилгандир, унинг яратилиши ўз сабабиятига кўра моддага муҳтождир. Руҳ моддаси жисм ҳисобланади ва унинг маҳв бўлиш сабаби жисмнинг йўқ бўлиши билан йўқ бўлади ва унинг пайдо бўлиши билан пайдо бўлади»¹. Қорабогийнинг бундай фикрларини умумлаштиради эканмиз, унинг илғор гояларни ўзида акс ва давом эттирганини кўрамиз. Олим фалсафаси таҳлилидан келиб чиқадиган холосалардан бири шуки, шарқдаги перипатетизм таъ-

¹ Қаранг: Қўлёзмалар фондидаги сақланадиган «Хонқоҳий» рисослари, 294-бет.

лимоги у ёки бу даражада XVII асрғача давом этган ва Қорабоғий унинг ёрқин намояндадаридан бири бўлган.

Қорабоғий ўз даврининг йирик маърифатпарварларидан, илм ва маърифатнинг тинмас тарғиботчиларидан эди.

У инсонни маънавий баркамолликка интилишга чорлайди. Инсон шаънига нолойиқ хусусиятларга тўхтабиб, инсон улардан фориғ бўлиши зарурлигини, инсон деган шарафли номга лойиқ бўлиш учун тинмай гўзал хислат ва фазилатлар ортира бориши лозимлигини маслаҳат беради.

Умуман олганда, мутафаккирнинг ижоди Озарбайжон, Ўрта Осиё, хусусан, Ўзбекистондаги ижтимоий-фалсафий фикр ривожига катта ҳисса бўлиб қўшилгандир.

3. МУҲАММАД ШАРИФ АЛ-БУХОРИЙ

1697 йилда Бухорода вафот этган «ал-Мавлавий» лақаби билан ҳам машҳур бўлган бу олим XVII асрда Ўрта Осиёда яшаб ўтган мутафаккирларнинг ёрқин намояндадаридан бири эди. У ўз ижоди давомида ёлғиз фалсафа билан эмас, балки тарих, шеърият, ҳуқуқ, тилшунослик ва бошқалар билан ҳам шуғулланган. Бизгача унинг қаламига мансуб бўлган 20 та асари етиб келган. Улардан баъзилари билан азиз қитобхонларимизни қисқача таништириб ўтамиз:

1. «Ар-рисола ад-давриййа»¹— Даврийлик ҳақида рисола. Бухорода ёзилган, йили маълум эмас. XIX аср бошларига мансуб бир нечта нусхалари мавжуд. Шулардан бири «Рисолату истилзами давр мин тасалсул»— «Даврийликнинг муттасилликка зарурй тобелиги ҳақида рисола»².

Рисола узлуклилик ва узлуксизлик масалаларига бағишлиданади. Қизиги шундаки, муаллиф бу муаммони юқорига юксалувчи айлана йўл кўринишида ҳал қилади. Унинг тасаввуррида ҳар бир узилган доира — «босқич» га бошқа босқич қўйилади. Натижада «юқорида турув-

¹ Қаранг: Қўлләзмалар фонди, рақами II645—XI. 516—519-бетлар.

² Уша қўлләзмалар фондидағи асар рақами 2445—V, 34—38-бетлар.

чи» ва «қүйида турувчи» деб номланган босқичлар пайдо бўлади, яъни биз мавжудлигига изчиллик зарурий замин бўлган даврийликка дуч келамиз.

Муаллиф фикрича, изчиллик занжиридаги юксалувчи айлана йўлдаги босқичларнинг узлуксиз қайтарилиши чексизликка олиб келади. Шундай қилиб, узлуксиз юксалиш занжириининг шарти доиравий изчиллик билан боғланган босқичларнинг чексиз қатори ҳисоблаҳади. Муаллиф бу билан каноатланмайди, у ўз салаблари билан юқорида турувчи босқичнинг қўйида турувчи босқичдан сифат ўзгаришлари ҳақида ғойидан муносара қиласди.

2. «Ҳошия-и Мавлави Шариф бар шарҳи таҳзиб»—«Мавлавий Шарифнинг «таҳзиб» шарҳига ҳошияси»¹. Асл чусхасининг тўлиқ номи «Мантиқ ва каломнинг тузатилчши» бўлиб, қариб барча манбаларда у қисқа тарэда «тузатиш» яъни «таҳзиб» деб аталади.

Бу асар фақат Урта Осиёдагина эмас, балки бошқа чамлакатларда ҳам машҳур бўлган, олимлар XIX аср-гача қатор шарҳ ва изоҳлар ёзишган.

Муаллифнинг ижтимоний-ахлоқий қарашлари «Китоби фавоиди хоқоний»²—«Хоқонларга фойдали китоб» деб эталган асарида тўла намоён бўлгандир. Рисола қисм ва бобларга ажратилади. Қўлёзма жами бўлиб 22 боб ва 32 қисмдан иборат. Шулардан муҳимларига тўхталиб ўтамиз: «Ҳукмронлик ва шариатга биноан у билан боғлиқ ҳамма нарсалар ҳақида» деган боб ҳукмроннинг фазилатларига оид сўзлар билан бўшлиниади: «Халиф мусулмон бўлмоғи керак, оқил, балоғат ёшига етган, нутқ, кўриш ва эшитиш қобилияти бўр бўлмоғи лозим». «У шариат кўрсатмаларини бажара билиши зарур, ислом давлати ҳудудларини ғайридии ва босқичилардан асраши, мазлумларни зулмдан, ёвузликтан ҳимоя қилиши лозим. Агар халиф ана шу сифатларга эга ва яна хушфель бўлса, у вақтда ҳукмронликка лойиқдир»³.

Учинчи қисм халифнинг одиллиги ҳақида бўлиб, жумладан муаллиф ёзади: «подшоҳлик қилишда адолат эзгулик саналади»⁴.

¹ Қўлёзмалар фонди, рақами 6364—111, 10- бет.

² Уша ердаги қўлёзма, рақами 5444, 87- бет.

³ Уша ерда, 4а саҳифаси.

⁴ Уша ерда, 5б саҳифаси.

Тўртинчи қисм исёнкорлар ҳақида бўлиб Муҳаммад Шариф уларни шундай таърифлайди: «Қуръон ва пайғамбар ҳадислари асосида ҳукмронлик қилаётган одил мусулмон шоҳ билан ҳақиқат талашувчи одам исёнкордир»¹.

Олтинчи қисм солиқ уловлари солиш ва улардан шоҳнинг фойдаланиши ҳақида бўлиб, жамиятнинг солиқ тизими ҳақида қимматли маълумотлар беришига кўра бу қисм ғоят аҳамиятлидир. Шу нуқтаи назардан олгандга еттичи ва саккизинчи қисмлар ҳам муҳимдир.

Жазолар ҳақидаги қисмда муаллиф фаҳш ишлар билан шуғулланиш, май ичиш, ҳақорат қилиш ва ҳоказолар билан айблангандарга қарши жазо белгилаш тўғрисида ёзади.

Файласуфнинг шеърий мероси унинг «Девони Шариф»² номли шеърлар тўпламида ўз аксини топган. Шу ном билан номланган яна 5 та қўллэзма бор, уларнинг барчаси 1679 йилда Мир Араб мадрасасида муаллиф мударрислик қилган вақтда кўчирилган. Шундан кейин девон турли котиблар томонидан XX аср бошлирагача кўчирилиб келинган. Бу ҳол Бухорий шеъриятига Марказий Осиёнинг йирик шаҳарларида катта қизиши билан қаралганидан далолат беради. Девонини ҳар тарафлама ўрганиш бир жиҳатдан олим дунёқарашини аниқлашга ёрдам берса, иккинчи жиҳатдан эса адабиётимиз тарихини бойитади.

Муҳаммад Бухорийнинг араб грамматикасига оид асари «Ҳошияи Мавлавий Шариф бар фавоиди Зиёниййа»—«Мавлавий Шарифнинг Зиёий фойдаларига изоҳи»³ деб аталади. Изоҳлар «Ал-Қоғия номли Ибн ал-Ҳожиб» (вафоти 1248 йил) қаламига мансуб бўлган араб грамматикаси ҳақидаги асар шарҳига битилгандир. Шарҳ муаллифи машҳур шоир ва олим Нуриддин Абдураҳмон бин Аҳмад ал-Жомий ан-Нақшбандий (1414 йилда туғилган 1492 йилда Ҳиротда вафот қилган)дир.

¹ Қўллэзмалар фонди, рақами 6364—111, 6 б саҳифаси.

² Қаранг: Мазкур фонда сақланаётган қўллэзма асар, рақами 6656—IV, 47- бет.

³ Қаранг: Мазкур фонда сақланаётган қўллэзма асар, рақами 10811—I, 257- бет.

⁴ Араб грамматикасига оид жуда кенг тарқалган қўлланма бўлиб, рисолалар шаклида қарийб ҳар бир қўллэзма фонdlарида бор. Фарб ва Шарқда бир неча бор чоп этилган.— М. Н.

Шарҳ Жомийнинг ўғли Зиёвиддин Юсуф учун 1491 йилда ёзилган ва ўша давр мадрасаларида дарслик сифатида қўлланилган. Оддий халқ орасида «Шарҳи мулло» номи билан маълум бўлган Бухорий изоҳлари катта ҳажмда Бухорода ёзилган ва қўлләзмалари XIX асрнинг охирларигача кўчирилиб келинган. Асар тўрт бобдан иборат.

Ўрта асрлардаги маданият ва мафкуравий ҳаёт тараққиётишинг ўзига хос бўлган шарт-шароитлари фалсафа соҳасида, жумладан мутафаккирлар ижодида ҳам маълум из қолдирган. Шунинг учун Муҳаммад Шариф Бухорий фалсафага оид асарлар қаторида фиқҳ, илоҳиёт, сўғизм масалаларида ҳам алоҳида рисолалар ёзди.

Муҳаммад Шарифнинг мазкур асарларини чуқур тадқиқ этиш Ўрта Осиёning XVII аср фалсафий тафаккури ривожи даражаси ҳақидаги тасаввурларимизни кенгайтиради, фалсафа тарихининг ўрганилмаган саҳифаларини тўлдиради.

Ўрганилаётган давр ҳақида юқорида берилган маълумотларни якунлар эканмиз, бу даврда мафкуравий кураш бутунлай сўнган, қачонлардир машхур бўлган фалсафий тафаккур барҳам топган деган соҳта гапларга умуман қўшилиб бўлмайди деган холосага келамиз. Ўрта Осиёдаги маданий ҳаёт жараёни XVI—XVII асрларда ҳам, кейинчалик ҳам ривожланди, янги шакл ва янги ифода ола бошлади.

4. МАШРАБ ВА СУФИ ОЛЛОЁР

Бобораҳим Машраб 1653 йилда Андижон вилоятида таваллуд, топди. У илм эгаллаш мақсадида 1665 йили Намангандга келиб мулло Бозор Охундга шогирд тушиб, ундан илоҳий илм сирларини ўрганди. Машраб 1671 йили Самарқандга келиб бироз тургач, яна Намангандга қайтиб борди. 1672 йили ўз шогирди Пирмат Сеторий билан Қашқарга жўнайди. У 7—8 йилча Қашқарнинг машҳур эшонларидан бўлмиш Офоқ Хўжанинг хизматини қиласди. Шундан сўнг бир неча вақт Машраб Бадахшонга, яъни Кубодилга сафар қиласди ва у ерда Сўфи Оллоёр билан учрашади. Машраб 1690 йили Намангандга қайтиб келади. Мовароуннаҳрининг шаҳар ва қишлоқларини кезгандан сўнг, 1691 йили шогирди Пирмат Сеторий билан узоқ сафарга чиқади. У 1711

йили ўз шеърларида руҳонийларни ҳажв қилгани учун Балқ ҳокими Маҳмудхон томонидан осиб ўлдирилади. Машрабнинг қабри Афғонистоннинг Хонабод шаҳри жанубидаги Ишқашим қишлоғида жойлашган.

Машрабдан бой бадиий мерос қолди. Унинг кўплаб ғазал ва рубоийлари, мухаммасу мусаддаслари халқ орасида машҳурдир. У ўша вақтда Яқин ва Ўрта Шарқ мамлакатларида тарқалган тасаввуфнинг қаландарлик оқимиға эътиқод қилиб, жамиятдаги адолатсиазликка қарши кураш олиб боришга ҳаракат қилди.

Машраб илоҳий севги, яъни худога муҳаббатини ўзининг шеърларида баён қиласди. Буни у мажозий шаклда, яъни капалакнинг шамга интилиши мисолида кўрсатиб беради. У сўфийлардан Боязид Бистомий, Мансур Ҳаллож, Насимийларни ўз шеърларида тилга олади, уларнинг дунёқарашини ўрганиб, улар ғоясига эътиқод қиласди. Тасаввуфнинг бу йирик вакиллари зоҳид ва шайхларнинг дин ва шариатга тўғри келмайдиган лўттибозлиги, тамагирлиги, ёлғончилиги, фирибгарлигини фош қилганликлари учун зодагон ва руҳонийлар томонидан умр бўйи таъқиб қилиниб пировардидаги қатл қилинган эдилар.

Машрабнинг дунёқараши, турмуш тарзи, тақдири Мансур Ҳалложга ўхшайди, у унинг эътиқодига, ғоясига қўшилади. Маълумки, Мансур ал-Ҳаллож (858—922) тасаввуф оқимининг машҳур намояндаси бўлиб, ўзининг машҳур «ана-л-Ҳаққ-мен ҳақман, мен худоман» деган гапи учун қатл қилинган эди. Мансур ал-Ҳаллож инсонни илоҳийлаштиради. Уни зиндонга ташласалар ҳам ўз эътиқодидан қайтмайди. Худога муҳаббатни ва у билан бирлашишни тарғиб қилганлиги, мусулмончилик маросимларини инкор қилгани, ўзини худо билан тенглаштиргани ва бошқа гуноҳлари учун уни айблайдилар. Мансур ал-Ҳалложнинг дунёқараши, илоҳий эътиқоди Машрабга кучли таъсир кўрсатади.

Машраб ўзининг ғазал ва рубоийларида илоҳий севгини, худога муҳаббатини жуда жозибали тасвирлайди. Лекин, айни бир вақтда, мавжуд дунёнинг ишларини, ғам-ташвишларини, инсоний фазилатларни эгаллаш, халқнинг аҳволини яхшилаш муаммоларини ҳам унутмайди. Гарчи Машраб тасаввуфнинг қаландарлик тариқатини танлаган бўлса-да, ундан ахлоқий покликка эришиш, ҳаётидаги салбий иллатларга қарши

курашиш учун фойдаланади. Унингча, инсон ҳаётида мақсад ва муродга етишиш, фисқу фасод ва ёмонликдан, ситамгарлардан қочиш учун қаландар бўлиш керак. У адолатсизликка, жабр-зулмга, зўравонлик ва ўзбошимчаликка, фирибгарлик ва мунофиқликка, хуллас, разиллик ва ёмонликларга қарши курашиш учун қаландарлик йўлини танлайди ва ҳақиқатга эришишда ундан фойдаланмоқчи бўлади.

Машраб яхши фазилатлар, инсоний хислатларни Оллоҳдан қидиради, демак худони севган киши инсонларни ҳам севиши, ўзида гўзал фазилатларни мужас-самлантирга бўлиши лозим. Шунинг учун ҳам Машраб ўз шеърларида илоҳий муҳаббат, худо ва у билан бирлашиш ҳақида Фикр юритибина қолмасдан, мавжуд дунё, инсон ва унинг фазилатлари, ёрга бўлган ишқ-муҳаббат, вафодорлик, маҳбуб, ҳалқ ғами тўғрисида қайғуриш, инсонга хулқ-одоб қоидаларини сингдириш, ярамас иллатлардан ҳалос бўлиш ҳақида гапиради.

Булардан ташқари, Машраб дунёқарашида зодагонлар ва руҳонийларни ярамас ҳатти-ҳаракатлари, ахлоқсизлигини танқид қилиш, охиратдан, жаннату дўзахнинг ваҳимасидан қўрқмаслик, замонасидан зорлаланиш, руҳий тушкунлик ғоялари муҳим ўринни эгаллайди.

Умуман олганда, Машраб диний ақидаларни инкор этмайди. Аксинча, у дин йўлидан чиқиб кетган, шариат қонунларига риоя қилмай, риёкорлик, муттаҳкамлик, фирибгарлик, бузуқчилик билан шуғулланаётган дин вакилларини фош қилиб, уларни тўғри йўлга солмоқчи бўлади. У тақводор мўмин-мусулмонларни, ислом дини ва шариат қонун-қоидаларидан четга чиқмаган руҳонийларни шарафлайди.

Машрабнинг ижтимоий-сиёсий ва ахлоқий қарашлари ҳам эътиборга сазовордир. У ўзи яшаган даврда ҳокимлардан адолатли тадбир-чораларни кутади. Ҳатто уларга мурожаат қилиб, ҳалқ тўғрисида ғамхўрлик қилишини, уларнинг арз-додига қулоқ солишини сўрайди:

Адолатли амирим, балки, ҳоқоним, деб арз қилдим,
Кўнгул шаҳрига тушган, шоҳи султоним, деб арз қилдим,
Сўрар аҳволи зоримин, Сулаймоним, деб арз қилдим,
Вужудим кишварига мамлакатдоним деб арз қилдим,
Нироқдин арз қилдим, гўшини кар қилди-ю кетти.

Хақсиэлик ҳукмрон бўлган жамиятда Машрабнинг бундай арз-додлари, оху воҳлари шоҳлар томонидан инобатга олиниши амримаҳол эди. Бундай илтижолар самара бермаганини кўргаи шоир ҳукмдорларнинг адолатсизлигини фош қилишга ўтади. У кишиларни адолатсиз подшолардан ҳазар қилишга чақиради.

Машраб қаландарлик сулукига риоя қилиш ахлоқий покликка эришишнинг муҳим воситасидир, деб ҳисоблади. Инсон фақатгина «кулоҳи жапда» ии кийиб «ғарибларни ғарibi» бўлиб, ўз нафсини тиши, оз нарсаларга қаноат қилиши мумкин. Бундай одам бойликка интилмаслиги, ўз ҳалол меҳнати эвазига кун кешириши лозим. Машраб бирорларнинг берган хайр-эҳсонини олмасликка ундан, сенинг олдинга «тиллойи аҳмар» тўкса ҳам олма, «амирнинг қандидан гадонинг ёвғон оши яхшироқдир», дейди. Унингча, бойларнинг берган ошу нони ҳеч қачон беминнат ва сидқидилдан бўлмайди:

Қадинг бирла баробар ҳалқ агар зар тўкса ҳам олма,
Қопингга чош этиб зирвор-шакар тўкса ҳам олма,
Сани иззат қилиб тиллои аҳмар тўкса ҳам олма,
Бу кўхна чарх агар инъом берар тўкса ҳам олма,
Амирнинг қандидин авло гадонинг оши явгони.

Машраб кишиларни бойликка ҳирс қўймасликка, ўзгаларга яхшилик қилишга, сахийликка чақиради. У инсон ва унинг тарбияси ҳақида сўз юритар экан, киши кичиклигидан тўғри йўлдан бориши, ўзига муносиб устоз танлаши лозимлигини уқтиради. Айниқса, у инсон учун илм эгаллашнинг афзаллигини айтиб шундай дейди:

Сахледур агар бўлса киши илми пужуми,
Аллома эрур зоҳирида бўлса улуми.
Таҳсил эмас ул бўлмаса гар зарра ҳумуми,
Яъники «Шитоб айла» деди мавлави Румий,
Султони тариқат шаҳи мардонани кўрди.

Машраб бошқа Шарқ мутафаккирлари сингари дўстликни улуғлади.

Машраб хулқ-одоб масалаларига катта эътибор бераб, одамларни ярамас хатти-ҳаракатлардан, ёмон қириқлардан, хусусан, такаббурликдан, ёлғон сўзлашдан сақланишга унайди. Унингча, киши ҳеч қачон ўзининг келиб чиқиши, насл-насабига ишониб, мағурланмас-

лиги, вақтини беҳуда ўтказмаслиги, имонини сотмаслиги лозим. У Санд бўладими, Хўжа бўладими камтарликни қўлдан бермаслиги, беадаб бўлмаслиги, яхши билан ёмонини ажрата билиши, ширинсухан бўлиши даркор. Машраб ўз шеърларида нокас, баҳил ва яхши одамларни сўзига кирмайдиган, бошқалар билан маслаҳатлашмайдиган кимсаларни танқид остига олади, доимо ҳақиқат томон интилишга, олий ҳимматли бўлишга даъват қиласди.

Машраб дунёқарашида, ота-онани ҳурмат қилиш, уларни юксакликларга кўтариш ғоялари мухим ўринни эгаллайди. Хусусан, у боладан отанинг рози бўлиши лозимлиги, акс ҳолда бу ёмон оқибатларга олиб келиши ҳақида шеър ҳам ёзади.

Машрабдек мураккаб шахснинг дунёқараши қарама-қаршилик ва ноизчиликлардан иборат бўлганлиги ўша даврнинг ижтимоий-иқтисодий шароити, мамлакатда ўзаро курашлар, синфий зиддиятларнинг кескинлашуви, халқнинг турмумни ёмонлашуви, жабр-зулм, зўравонлик ва адолатсизликнинг кучайиши билан чамбарчас боғлиқдир. Бир тарафдан у адолатли жамият ҳақида хаёл қиласди, инсон ва унинг энг яхши фазилатларини куйлайди. Иккинчи тарафдан, ҳақиқат ва адолатга эришиш мушкуллигини тушунган шоир руҳий тушқунлик ва умидсизликка тушади, тасаввур ва таркидунёчилик ғоялари билан суғорилган шеърлар битади, ўзи яшаётган замондан зорланади, кишиларни бу жафокаш ва фоний дунёдан юз ўғиришга, охират умидида яшашга даъват қиласди. Булардан қатъи назар, умуман қараганда, унинг ижтимоий қарашлари чуқур инсонпарварлик ва умуминсоний ғоялар билан суғорилган эди. Машрабнинг исёнкорлик руҳи билан суғорилган ғоялари ҳозир ҳам ўз қимматини йўқотгани йўқ.

Сўфи Оллоёр. Манбаларда келтирилишича, Сўфи Оллоёр Самарқанд вилоятидаги Минглар қишлоғида дунёга келган. Лекин уни таваллуд топган ва вафот этган йили аниқ эмас. Сўфи Оллоёр XVII асрнинг охиirlарида туғилган деб таҳмин қилишади. Шоирнинг отаси Темурёр Нўғой уруғидан бўлиб, ўз даврининг фозил кишиларидан бўлиб, зоҳирий ва ботиний илмларни пухта эгаллаган эди. Сўфи Оллоёр ўз қишлоғида мактабини битиргандан сўнг, 12 ёшида Бухородаги мадрасалардан бирида таҳсил ола бошлайди. У 12 йил давомида Шайх

Ҳабибуллоҳга муридлик қилади ва тасаввуфга бағиши-ланган «Маҳзан-ул-митони» (Мутелар хазинаси), «Маслик ул-муттақин», «Мурод-ул-орифин» (Орифлар муроди), «Сабойи ул-ожизи» (Ожизлар саботи) каби рисолаларни ёзди. Бу рисолаларниг аксарияти форстожик тилида ёзилган. Сўфи Оллоёр форстожик тилида ёзилган шеърларини ўзбек тилига ўгиринб, «Ожизлар саботи» номи билан эълон қилган. Унинг асарлари асосан ислом дини ва тасаввуфнинг қонун-қоидалари ва маросимларига багишлангандир. У бу дунё азоб-уқубатларига чидаш, қийинчиликларга қўникиш, жаннат ва дўзах, сирот — қил кўпrik ва бошқалар тўғрисида ёзди, Масалан, «Маслак ул-мутақин» («Тақволилар маслаги») рисоласида Оллоҳ таолонинг фазилатлари, авлиёларнинг кароматлари, намоз ўқиши ва аzon айтиш, таҳорат қилиш йўл-йўриқлари, имомлик қилиш йўллари, Рамазон ва қурбон ҳайитини ўтказиш қоидалари, марҳумни дағи қилиш маросими, рўза тутиш, закот бериш сабаблари ҳақида сўз юритилади.

Булардан ташқари, Сўфи Оллоёрининг ушбу китобида мусулмонларнинг юқоридаги маросимларини бажаришда хулқ-одоб қондаларига амал қилишлари ҳақида кўрсатмалар берилган. Буларга ахлоқий поклик, бадани тоза тутиш, кийим-бош, уй-жойни озода сақлаш, либос кийиш, йиртқич ҳайвонларни овлаш, жонзот сўйиш қондаларига амал қилиш ва ҳоказолар киради.

Умуман олганда, Сўфи Оллоёрининг бошқа асарларида инсон ва унинг хулқий фазилатлари ва умуминсоний қадриятларни тарғиб қилувчи ғоялар, ижтимоий-ахлоқий мазмунга бой фикрлар кўплаб учрайди. Улар тасаввуф мазҳаби нуқтаи назаридан талқин қилинади. Фикримизнинг далили сифатида Сўфи Оллоёрининг ўзбек тилида ёзилган «Ожизлар исботи» рисоласида баён қилинган баъзи бир ахлоқий фикрларни келтириш мумкин. Хусусан, унда зоҳидларнинг хулқ-атвори, юриштуриши тўғрисида гап кетар экан, шоир уларни ахлоқий поклик ва руҳий камолатга чақиради. Зоҳид, Сўфи Оллоёрининг фикрича, сахий, очиқ юзли, муруватли ва энг муҳими, ширинсухан ва хушмуомалали бўлиши лозим. Шоир ширинсуханлик ва мулойимликни хайрли ишларнинг асоси деб ҳисоблайди. Зеро, бундай хислатга эга бўлган одам аждарҳони енгиши, уруш-жанжалсиз бирорни қўлга олиши, гумроҳларни тўғри йўлга бошлиши, ҳаром-хариш ишлардан ўзини тийиши мумкин.

Сўфи Оллоёр ўз рисолаларида ширин сўз ва мулодим кишиларга тили заҳар, «сўзи совуғлар» ни қарама-қарши қўяди. Совуқ сўзли, маҳмадапа кишиларнинг гапидан ишлар чаппасига кетади, имон йўқолади, улардан зарар етади, киши хор бўлади. Унингча, ёмон тил у дунёю бу дунёда хавфу хатар келтиради, мусулмонларни имондаи айиради.

Булардан ташқари, Сўфи Оллоёр одил подшоҳларниг ўз фуқаројларига муносабати, мамлакатда тинчлик ва осойишталик ўрнатиш тўғрисида қимматли фикрларни келтиради.

Сўфи Оллоёрнинг рисолалари кейинги асрларда, хусусан, XIX—XX асрларда Тошкент, Қозон, Боку ва бошқа шаҳарларда қайта-қайта чоп қилинган, унинг номи ҳалқ орасида машҳур бўлган. Шуни айтиш керакки, унинг илмий ва адабий мероси ҳали мукаммал ўрганилган эмас. Шонринг ижодини чуқур тадқиқ қилиш унинг дунёқарашидаги тасаввуф ғоялари, ижтимоий-фалсафий ва ахлоқий қарашларининг муҳим хусусиятларини очишга имкон беради деган умиддамиз.

5. НОДИРА, УВАЙСИЙ, ДИЛШОД

XIX асрнинг биринчи ярмида Ўрта Осиё ижтимоий-фалсафий фикри тараққиётида Қўқон хонлиги даврида яшаган шоиралар — Нодира (1792—1843), Увайсий (1789—1850), Дильтод Барно (1800—1906) ва бошқаларнинг ўзига хос ўрни бор. Шоиралар бадий ижоддан, асосан шеърият жанридан ўзларининг илғор ғояларини, фалсафий-ижтимоий қарашларини ифодалаш учун фойдаланиб, муҳим ижтимоий-сиёсий ва ахлоқий масалаларни кўтаргандар. Уларнинг ҳар бири ҳаёт тарзи, фаолияти, айрим масалаларга турлича ёндошиши билан бир-бирларидан фарқ қиласидар. Шу билан бирга уларнинг барчасига хос умумий хусусият мавжуд бўлиб, бу умуминсоний қадрнятларни улуғлаш, уларни ривожлантиришга хизмат қилишdir. Бундай фидойилар қаторида шоира Нодиранинг алоҳида ўрни бор.

Асл исми Моҳларойим бўлган шоира Андижон ҳокими Раҳмон-қулийнинг оиласида туғилган, Нодира-Комила-Макнуна тахаллуслари билан ўзбек ва тоҷик тилларида ижод этган, 1807 йили уни Марғилон хони Қўқонга келтиради.

Нодира ўзининг амалий фаолияти, ижоди билан XIX асрнинг биринчи ярмидаги Қўқон адабий ҳаётидаги

муҳим роль ўйнаган. Ижодининг ғоявий йўналиши билан илғор демократик адабиёт вакиллари шеъриятига яқин турган шоира ўзининг салоҳияти, иқтидори билан Қўқон адабий мактабининг устози даражасига кўтарилиган.

Ҳозирги кунда Нодиранинг ўзбек ва тожик тилларида ёэилган ўн минг мисрадан ортиқроқ ғазаллари тўплланган. Шоира ўзининг бутун ижоди давомида инсонпарварликни, адолатни, ҳаққонийликни, муҳаббатни улуғлади, ўзбек аёлининг орзу-умидларини куйлади. Нодира инсоннинг дунёга келганидан кейинги мақсади, вазифаси ҳақида фикр юритар экан унга: «Мақсад на эди жаҳона келдинг? Қайфиятинг баён этиб кет»— деб мурожаат этади. Шоира ўз ғазалларида ишқ-муҳаббат, вафодор ёр ҳақида сўз юритганда, зоҳидлардан фарқли ўлароқ ер қизининг фазлу камолини, моддий олам латофатини, қувонч, азобларини куйлади. Нодира учун муҳаббат кенг ижтимоий маънога эга бўлиб, инсонийликнинг асосий омилларидан биридир. У:

«Муҳаббатсиз киши одам эмасдур,
Гар одамсан, муҳаббат ихтиёр эт»¹.

— деб даъват этади.

Сарой муҳитида яшаган Нодиранинг дунёқараши маълум даражада чекланган эди, у ўз даврининг илғор намояндалари сингари инсофли, адолатли шоҳ бўлишини орзу қилиб, жамиятдаги қарама-қаршилик ижтимоий тенгсизлик туфайли эканлигини англаб етмаган. Зеро, шоира эгаллаб турган мавқен ва яшаган даври иуқтаи назаридан бунинг акси бўлиши ҳам мумкин эмас эди. Лекин унинг ўз даври учун илғор аҳамиятга эга бўлган ғоялари, фикрлари шубҳасиз эътиборга сазовордир.

«Қайда дард эли бўлса ошнолиги» ҳақида куйланган, бутун инсоният дардини ўзиникидек ҳис этган шоиралардан яна бири — Ҷаҳон отин Увайсий Марғилоннинг Чилдухтарон маҳалласида туғилган. У отасидан бадиият сирларини, араб, форс тилларини ўрганишга ҳаракат қиласи, акаси — машҳур Охунжон ҳофиздан дутор, танбур чалишни ўрганади. Отаси вафотидан сўнг мустақил равишда мутолаа қиласи, шарқ шеъ-

¹ Нодира шеъриятидан. Тошкент, 1979, 27- бет.

рияти намояндаларининг меросини қунт ва муҳаббат билан ўрганади. Буюк мутафаккир Алишер Навоийнинг серқирра ижодиёти Увайсийнинг етук санъаткор сифатида камол топишида катта аҳамиятга эга бўлди. Увайсий устозининг назарий-эстетик тамойилларини қабул қилиб, уни давом эттиришга ҳаракат қилган, ижодида қайта-қайта Навоий шеъриятига мурожаат этган.

XIX аср шароитида аёлларнинг жамият ва оиласда тутган ўрни, ҳуқуқсизлигини фош этиш Увайсий ижодининг асосий йўналишидир. Ўзбек аёлининг ижтимоий аҳволи ва маънавий қисмати ифодаланган анор таъри-фидаги қисқа шеърида шоиранинг ўткир фалсафий му-шоҳада кучи намоён бўлади.

Шоира тасвиридаги анор — жаҳолат, хурофотга ботган жамият томонидан яратилган қафас бўлиб, анор доналари—бағриқон, юзи пардали мазлума аёллар, уларнинг бу қафасдан чиқиб, эркин нафас олишлари учун унинг на эшиги, на туйнуги йўқ.

Увайсий ижоди дин, тасаввуф оқими таъсиридан холи эмас эди. Бу ҳолатлар «Тариқи Хўжай Аҳрора ошиқ» ликда, «Майн ваҳдатга» интилиш лаҳзалари ва бошқаларда кўринади. Шоира инсоний муҳаббатни айрим зоҳидларга ўхшаб динга қарши қўймайди, аксинча:

«Кимки сепдан юз ўгирса, эрмас ул толиби дин,
Топшир ул куфр аҳлини сен козпир жабборингга»¹.

деб хитоб қиласди. Умуман, шоира ижодидаги умидсизлик кайфиятлари у яшаб ижод этган даврдаги адолатсизлик, жаҳолат маҳсули бўлиб, ҳаёт ҳақиқатини, инсоний муҳаббатни тараннум этиш Увайсий ижодининг асосий мазмуни эди.

Ўзбек ва тожик адабиётиниг илғор анъанасини давом эттирган маърифатпарвар шоира Дилшод ҳам умуминсоний қадриятлар ривожига катта ҳисса қўшди. У 1800 йилда Ўратепа шаҳрида туғилган.

Туркий лаҳжани мукаммал ўрганиб олган Дилшод 1830 йиллардан бошлаб мактабдорлик билан шуғулланиб, қизларга мустақил дарс бера бошлайди. Замондошларининг маълумотларига кўра у мактабда дунёвий фанлардан тушунча беришга ҳаракат қилган.

¹ Увайсий. Кўнгил гулзори. Fafur Fулом номидаги Адабиёт ва санъат нашриёти, 1983, 17- бет.

Дилшод дунёқараши мураккаб ижтимоий-тарихий воқеалар жараёнида шаклланди.

Дилшод мамлакат ҳаётидаги қолоқлик, ночорлик сабабларини ўзаро урушлар, хон ва беклар орасидаги тож-тахт учун курашда кўради. Илмий ва маданий тараққиётнинг асосий шарти бундай урушларга барҳам бериш, халқни билимга, китобга ошно қилиш деб ҳисоблайди, айни вақтда билимга эга бўлиш ҳаётни ва жамиятни гўзаллаштиради, деб ишонади.

Ешлигидаги Қўёнга банди қилиб олиб кетилган Дилшод ижтимоий адолатсизликни, ҳақ-хуқуқсиз аёлларнинг фожиали тақдирини ўз кўзи билан кўради, жамият ҳаётида юз берган воқеа ва ҳодисалар қалбидаги ижтимоий түғён уйғотади. Шоиранинг ижтимоий қарашлари, феодал тартибларидан норозилиги уларни ўзгартириш ҳақидаги мулоҳазаларида, дунё тузилиши айрим дин раҳнамоларини кескин танқид остига олган шеърларida ифодаланган.

Дилшод умуминсоний қадриятларни улуғлар экан, ўзининг салафлари Нодира, Увайсий ва бошқалар сингари диннинг ўзини эмас, балки бу диннинг асл моҳиятини бузиб талқин этаётган айрим дин раҳнамоларини танқид қиласди.

Барча жаҳон динларида оламни диний-фалсафий мушоҳада этишда илоҳиёт томонидан ташвиқ этилган тушунча билан кенг халқ оммаси эътиқоди ўртасида маълум бир айрма мавжуд бўлиб келган. Ислом дини ҳам бундан мустасно эмас. Қўпгина оятларнинг серқирава, мавқум хусусияти уларни турлича шарҳлашга имкон берган. Шоиралар танқид остига олган дин раҳнамолари бундан усталик билан фойдаланиб, Қуръонни ўз манфаатларига мос тарэда шарҳлаганлар. Дилшод ҳажвий шеърларida бундай дин раҳнамоларининг шарҳлари моҳиятини очиб ташлайди. Қуръонни ҳаққоний, инсониятга фойда келтирадиган асл маъносида талқин этишни ёқлаб чиқади. Шоира сўзда эмас, балки амалда «чинакам исломга ихлос қўювчилар»га ишониши ҳақида ёзади:

Худога қулман, дейди бой,
Асли мақсад тиллога қул.
Барно, ишонгуси ҳар ким,
Чиндан эрса оллога қул¹.

¹ Зебунисо, Дилшод. Анбар Отин. Тошкент, 1981, 40—41- бетлар.

Дилшод Россиянинг Ўрта Осиёда олиб бораётган мустамлака сиёсатига салбий муносабат билдиради.

Ўрта Осиё чоризм томонидан босиб олингач, Россиядан турли тоифадаги чиновниклар — муттаҳамлар, иштаҳаси карнай юлгичлар Ўрта Осиёга чигирткадек ёпириладилар. Дилшод шу ҳодисага шаъма қилиб ўзининг малах — чигиртка ҳақидаги шеърини ёзди. «Хукумат ва бойлар ўз айшу ишрати ила оворалиги» ҳақида гапиради.

Фаоллик, ижодкор меҳнат, маърифатни улуғлаш Дилшод Барно ижодининг етакчи йўналиши бўлиб қолади.

Дилшод ҳар икки тилда, чунончи, тоҷик ва ўзбек тилларида мингдан ортиқ ғазал битган бўлишига қарамай бизга шоиранинг 142 шеъригина маълум бўлиб, улардан 91 таси ўзбек тилида, 51 таси тоҷик тилида битилган¹.

6. КОМИЛ ХОРАЗМИЙНИНГ ИЖТИМОИЙ ҚАРАШЛАРИ

XVIII аср охири XIX аср ўрталарида Хива хонлигида Огаҳий, Мунис каби илғор шахслар ижод қилди.

XIX аср ўзбек ижтимоий фикри ва адабиётининг иирик вакилларидан бири Комил Хоразмий 1825 йилда Хивада туғилди. Адибнинг асли исми Муҳаммадниёз бўлиб, Комил унинг адабий таҳаллусидир. Комил энг аввало, маҳалла масжидида таҳсил топди, дарсдан ташқари вақтларда эса ўз отаси Абдулла Охундан сабоқ олди. Абдулла Охунд ўз даврининг билимдон кишиси бўлиб, мадраса мударриси лавозимида ишлаган. Кейинчалик у Хивадаги мадрасалардан бирида ўқиди. Комил араб ва форс тилларини чуқур ўрганди. У айниқса Фирдавсий, Рудакий, Жомий ва Алишер Навоий каби Шарқ адабиётининг иирик намояндаларининг асарларини қунт билан эгаллаб олди, уларга ўхшаб ўзбек ва форс тилларида ажойиб шеърлар ёзди, Комил Хоразмий куйлар ҳам басталаган.

Бундан ташқари у Европа нота тизимидан илҳомланаб (бунга унинг Россияга қилган сафарлари давомида

¹ Дилшоднинг бизга З та қўмёзмаси маълумдир: «Тақирии Барно» (ўзб. т.); «Инсон матонати» ва «Муҳожирлар тарихи» (ўзб. т.), «Тарихи муҳожирон» (тоҷик тилида).

Европа нота тизими билан танишиши турткы берди Ф. К.) «Хоразм танбур чизиги» деб номланган махсус нота ихтиро қилди. Унинг «Рост» мақомига боғлаган «Мураббай Комил», «Пешрави Феруз» каби күйлари ўзи яратган нотага туширилган ҳолда бизгача етиб келган. Бу ноталар ҳозирда Ўзбекистон Фанлар академиясининг Абу Райхон Беруний номли Шарқшунослик институти фондида сақланмоқда (инв. № 7406).

Комил Хоразмий Хивада Санд Мұҳаммадхон Хонлиги даврида деярли 10 йил саройда ҳаттотлик вазифасида ишлади ва 1865 йилда Мұҳаммад Раҳимхон давлат бошига келгандан кейин у Мирзабоши лавозимига күтарилиди. Саройда ишлаган даврларида Комил Хоразмий ҳаттотлик ва мирзабошилик ишлари бўйича бир қанча шогирдлар тайёрлаб этиштиради.

Давлат арбоби сифатида Комил Хоразмий Хоразм халқининг маънавий маданиятини ривожлантиришга салмоқли ҳисса қўшди. Унинг бошчилигига 1874 йилда Хива шаҳрида нашриёт ташкил қилиниб, унда даставвал Алишер Навоий ва бошқа буюк алломаларнинг адабий асарлари босилиб чиқа бошлади. 1883 йилда эса бевосита Комил Хоразмий раҳнамолигига рус-тузем мактаби очилди. Бу эса Хоразмлик ёшларнинг дунёвий илмлардан баҳраманд бўлишларида муҳим роль ўйнади. Комил Хоразмий 1899 йилда 74 ёшида вафот этди.

Бизгача Комил Хоразмийнинг қатор шеърлари билан бир қаторда унинг махсус «Девони» ҳам етиб келган. Комил Хоразмийнинг дунёқарашини ўрганар эканмиз, унинг мураккаблигига ишонч ҳосил қиласмиз. У каломнинг маълум қаидаларини ҳам, баъзан эса тасаввуфга тааллуқли қарашларни ҳам эътироф этади. Оламнинг яратилиши муаммосига келганда у қўйидағича фикр юритади: шундай бир замон бўлганки, унда худодан бўлак ҳеч нарса мавжуд бўлган эмас. Бошқача, айтганда, бу борлиқ ўзида, худо ўзида, апиқ бўлмаган кўринишдаги, йигилган, имконият кўринишидаги борлиқ эди. Жаңаҳар (субстанция) ҳам, араз (акциденция) ҳам, жисем, жон ҳам зоҳир бўлмаган, худо маконсиз (ломакон) бўлган замон эди. Жон ҳали худонинг ҳуснини кўришга шайдо, гулларда ранг ҳам, бўй (ҳид) ҳам йўқ бўлган, мавжудотларга, инсонларга забон (тил) ҳам берилмаган эди.

Худо бу ҳолатда, яъни йигилган борлиқ ҳолатида узоқ турга олмас эди. Худо ўзини зоҳир этиши, ўзини

намоён қилиши, ҳуснини кўрсатиши лозим эди. Комилнинг шоирона тили билан айтганда ўзининг кўринишини «рангин гулистон» қилиши лозим эди. Шу сабабдан у дастлаб ўсимликларни, яъни гул ва аргувонларни тупроқдан пайдо қилди, турли гуллар, алвои лолалар олам гулшанида юз очди, ўсимликлар, дараҳтлар, меваларни яратиб, боғ ва боғбон пайдо бўлди, яъни инсон яратилди.

Комилнинг фикрича, худо барча мавжудотни, инсондан тортиб бутун коинотни ўзининг мавжуд эканлигини кўрсатиш учун, уни намойиш этиш учун яратган. Демакки, бутун табият худо мавжудлигининг гувоҳи, далилидир.

Худонинг на аввали, на охири бор. Унинг мавжудлигининг чеки, чегараси ҳам, бошланиши ҳам йўқ. Уни ҳеч ким яратган эмас, у ўзича мавжуд. Аксинча у бутун мавжудотниң яратгувчисидир. У (худо) «кун» дейиш билан барча ўсимликларни, жамодотни яъни, жонсиз табиятни, маҳлуқотни, инсонларни, инсу жинсларни яратган.

Барча оламни, коинотни яратган худо уни ўз амрида сақлаб қолади. Демакки у (худо) хоҳласа бор, хоҳласа йўқ қиласди.

Зихи эрмас вужудигга замон зохир макон пайдо, 5

Десам пайдо ниҳонсен, борсен десам ниҳон пайдо.

Эй подшоҳ боргаҳи ломакон санго,

Хилват саройи қурбida берди макон санго¹.

Ўз даврининг илғор зиёлиларидан бири Комил тасаввуфга, фалсафага доир асарлар билан ҳам яқиндан таниш бўлган. Маълумотларга қараганда, унинг шахсий кутубхонаси Хива хонлигидаги энг бой кутубхоналардан бири бўлган.

Комилни тасаввуфга у ёки бу даражада алоқаси бўлган классик адиллар сингари, ҳусусан Жомий ва Навоий каби, зоҳидлик ва дарвешлик қизиқтирмас эди. У тасаввуф ғоялари орқали инсон зотига бўлган ҳурмат ва эҳтиромини ифода этди. Тенгликтини, инсон баҳтсаодатини куйлади.

Бундан ташқари Комилнинг шайх ва зоҳидларга бўлган муносабатини янада ёрқинроқ ифода этувчи,

¹ Комил. Девон. Қўлёзма, 2 а, 3 а-бетлар.

баъзи сохта шайх ва зоҳидларнинг кирдикорларини, хулқ-авторини фош қилувчи сатирага бой шеърлар ҳам борки, булар юқорида айтилган фикрларни тўла тасдиқлади. Комил инсон ўлимидан кейин нариги дунёда ўз умрини давом эттириши ҳақидаги ақидаларга унчалик ишонмас эди. Ваъда қилинадиган у дунёning ҳуру филмонларидан кўра нақд бўлган ушбу дунё лаззатларидан, ўз севикли ёри билан бўлган висол дамларидан баҳраманд бўлишни афзал кўрар эди. Унинг кўпгина ғазалларида у дунё ҳур ва филмонларига, жаннат боғларининг серфайз ҳавосига «фоний» дунёдаги севикли ёр, реал табиат гўзалликларини қарама қарши қўйилади.

Шоир ижодидан турли қарама-қаршиликларнинг ўрин олишини тушунтириб бериш илмий қимматга эга. Булар Комил яшаган даврнинг шоир ижодидаги инъинкоси бўлса ажаб эмас. Чунки у ўз ҳаёти давомида Хива хонлигига кечган кўп воқеаларнинг гувоҳи бўлди. Бу эса шоир ижодида ўз аксини топмай қолмади, албатта.

7. АВАЗ ЎТАРНИНГ ИЖТИМОИЙ-СИЕСИИ ҚАРАШЛАРИ

Аваз Ўтар ўғли 1884 йилнинг август ойида Хива шаҳрида сартарош оиласида дунёга келди.

Аваз Ўтар ўзи билан замондош Комил Хоразмий, Баёний, Фақирий, Мутриб, Чокар, Мирзо Сўфи, Табибий, Девоний, Рогиб, Сафо Муғанийлар каби хоразмлик адиллар билан бирга адабий ҳаракатда фаол иштирок қилди ва шу ҳаракатнинг олдинги сафларида бўлди. Аваз ўзининг лирик ва сатирик асарларида ўзи шоҳид бўлган, кўзи билан кўрган ва билган воқеаларни ростгўйлик билан қаламга олди.

Шоир дастлабки йилларда бадний ижод ва ота касби сартарошлиқ билан шуғулланади. У ўз асарларида саройнинг «Қабиқ алфоз» ва «ёлғон нуқта» ларни ҳажв остига ола бошлади. Шоир бу даврда яратган асарларида инсофизз амалдорларни, очкўз мулкдорларни, замонасидаги адолатсиэликларни аёвсиз фош қилиш йўлидан борди ва ранг-баранг образлар яратди. Унинг бу хилдаги асарлари тезда оммалашиб кетди. Бундан дарғазаб бўлган қора турӯҳлар шоирни таъқиб қила бошладилар ва унга қарши фитна уюштирилар, уни динсиэликада айблаб, хонга арз қилдилар. Дастлаб хон

ўйламай-нетмай Авазни ўлимга ҳукм қилади, тезда бу жазони уни 200 дарра уриш билан алмаштиради ва шонрни «жинни бўлган» деб эълон қилади. «Жинни» бўлган ва оғир қийноқлардан ҳолсизланган Аваз занжирбанд ҳолда Хива шаҳридан чеккада бўлган Бобоэшон мозористонига жўнатилади.

Аваз эркин фикрли шоир бўлганлиги учун таъқиб остида яшашга мажбур бўлди. Авазнинг саройдаги даври шоир ҳаётининг энг оғир йиллари бўлган эди. Уша кезларда шопр сил касалига чалинади ва даволаниш учун Кавказга (1905—1906 йилларда) боради. Кавказ сафари Аваз ижодида алоҳида аҳамиятга эга бўлди. У сафар давомида Россия ва Кавказ халқлари ҳаёти, маданияти, адабиёти билан яқиндан танишиш имкониятига эга бўлади.

Аваз Ўтар ниҳоятда қисқа умр кўрди. У 1919 йилда 36 ёшида вафот этди.

Аваз Ўтардан бизга жуда бой адабий мерос қолди. У ўзининг ҳаёт вақтидаёқ шеърларини бир жойга жамлаб икки девон тузида ва уларни «Саодат-ул-иқбол» («Бахти иқбол») деб номлади. 1908 йилда шоир деонларни ҳаттот мулло Болтаниёз Қурбонниёз ўғлига бериб кўчиритиради. Узи ҳаёт вақтидаёқ унинг ғазаллари Хивада литография усулида чоп этилган эди. Аваз ижодидан намуналар Хоразмда кўчирилган турли хил баёз ва антологиялардан муносиб ўрин олди. Шоир асарлари «Ойна», «Мулло Насриддин» каби вақтли матбуотда ҳам босилган.

Аваз Ўтар ижоди учун характерли бўлган асосий хусусият дастлаб XIX асрнинг иккинчи ярмида Ўрта Осиё халқлари адабиётида асосий оқим сифатида майдонга келган маърифатпарварлик гоясининг давом этирилиши бўлиб, аммо ундан айрим жиҳатлари билан тубдан фарқ қилади. Чунки Аваз Ўтар яшаган даврда адабиётдаги маърифатпарварлик гояси ривожланиб ўзининг энг юксак босқичига кўтарилган ва демократик маърифатпарварлик оқими бўлиб шаклланган эди.

Унинг «Тил», «Мактаб», «Халқ», «Фидойи халқим», «Топар экан қачон?» каби асарларида феодал қолоқлийка қарши маърифатпарварлик куйланади.

Аваз Ўтар илм-маърифат ҳақида фикр юритар экан, ўзбек халқи маданиятига нисбатан маданияти илғор бўлган халқлардан намуна олишни тарғиб этади. У

бошқа қардош халқлар ҳәтидағи янгиликтарға хайрихоҳлик билан қарайди.

Ҳар тиљи билүв эмди бани одама жонлур,
Тил воситаи робитайш оламиендер.
Файри тиљни саъй қылшыг билгали ёшлар,
Ким илму ҳунарлар биланкі ондин аендур.
Лозим сиза ҳар тиљи билүв она тилидек,
Билмакта оның файрат этинг фойдалы кондур.

Бу ғазалда Аваз Үтар маданият ва тараққиётнинг қизғин тарғиботчиси, қолоқлық ва разолатнинг душманни сифатида намоён булади. Унинг сатирик асарлариде эса чор чиновниклари ва маҳаллий амалдорлар, давлат орттириш йўлида алдамчилик, риёкорлик қилувчи бойлар, руҳонийлар ва шуларга ўхшаш кинниларниң қилмешлари фош этилади.

Аваз Үтар бир қатор асарлариде ижтимоий тенгсизликни ва унинг кескинлашиб бораётганлигини ҳаққоний тасвиirlаб фалакни «ғаддор» (хиёнатчи), замонани «каж» деб атади.

«Хуррият», «Сипоҳийларга», «Халқ», «Топар экан қачон?», «Фидойи халқим», «Уламоларга» каби қатор асарлариде Аваз Үтар келажак ҳақида инқилобий фикр билдири.

Аваз Үтар ўз замонаси бир бирига қарама-қарши бўлган икки синф — бой ва камбағаллар ҳәтидан иборат эканлигини ажрата боради. Шоир зулм ва зўравонлик ҳисобига тўпланган бойликлар эвазига кечакундуз айш-ишрат билан шуғулланувчи бир ҳовуч текинхўрлар билан бирга, жамиятнинг гули бўлган, аммо сон-саноқсиз солиқлар солиниши натижасида хонавайрон аҳволда ҳаёт кечиришга мажбур этилган меҳнаткаш халқ мавжудлигини ўқувчи онгига етказади.

Асримизнинг ўнинчи йилларida Хоразм ўзининг энг оғир ва мусибатли даврини бошидан кечирди. Бир томондан Исфандиёрхон, иккинчи томондан, туркман ёвмудларининг бошлиғи Қурбонмамад — Жунайднинг таловчилиги халқ бошига жуда катта кулфатларни келтирди. Бу воқеаларга бағишилаб Аваз Үтар «Қолдиму» радифли шеър ёзди ва даврнинг реалистик манзаралаини чизиб берди.

Шоир «Халқ» радифли шеърида озод, фаровон ҳаётни қўйлаш билан чекланмасдан, балки замона ва унинг ярамас тартибларини ўзгартириш учун «Зулм ти-

ғи бирла» бағри «Юз минг пора» бұлған халқа қарата мурожаат қылади:

Пұқ жаҳонда мұлкида биздек ожизу бечора халқ,
Зұлм тиғи бирла бұлған бағри юз минг пора халқ.
Күлларин оқиста-оқиста агар очса замон,
Әй Аваз, бұлмас шуннингдек барқо оввора халқ.

1914—1919 йиллар орасыда Аваз Үтар ижодининг бош құналиши озодлик ва эркапарварлықдан иборат бұлған әди.

Хонник сиёсати ўзбошимчалик ва халқа қарши фаолият юргизиш манбай эканини Аваз түшүниб етди. У «Миллионларга бир кимсаны қылгуси Ҳукумат?» дея хоннинг чекланмаган ҳокимиятининг ижтимоий мантиқ-сизлигини таъқидлади. Дархақиқат Аваз Үтар хон ва феодал тузумининг муросасыз душмани әди.

Аваз Үтар ўз ижодининг дастлабки давларыда халқнинг азоб-уқубатда яшаганлигини күриб зорланған, озодликка чиқыш йўлларини түшүниб етмаган бұлса, кейинчалик феодал деспотизм ва қолоқликдан қутулиш мүмкін эканлигини англади. Унинг ижодидә озодлик, эркин фаровон ҳаёт ҳақидаги фикрлар бириңчи даражага чиқди. 1917 йил апрель ойида Хивада халқ озодлик учун курашга отланди. Бу воқеаларга бағишли Аваз Үтар ўзининг «Ҳуррият» шеърини әзді:

Сиёсат маҳа бўлди, яшасун оламда ҳуррият,
Борқ эл иттифоқ ила жаҳонни айласун жаннат.

Шеърда ҳуррият натижасыда феодал тузуми ўрнида пайдо бўлған воқеалар куйланиб, унда шоир халқнинг ва ўзининг асрый орзусини ифодалади.

«Еш Хиваликлар» партиясининг феодаллар, савдо-гарлар, мулла, имомлар ва бошқа миллий буржуазия вакилларидан иборат қисми Исфандиёрхон билаш тил бириктириб ҳурриятпарвар халқа хонилик қиладилар. Улар оғизда «ҳуррият, эрк» деб халқни алдаш йўлига ўтадилар. «Савдо-сотиқ бозорида жавлон» урувчи, халқ ғами билан иши бўлмаган, қўлига «қапча олиб ариқ қозмаган» миллий буржуазия намояндадарининг сирларини фош этишда ҳам шоирнинг ғазаллари ниҳоятда катта аҳамиятга эгадир.

Аваз Үтарнинг сиёсий лирикасида озодликдан маҳрум бўлған, уига ташна бўлған халқни ўз эрки учун

курашга даъват қилиш мотивлари кучли бўлиб, меҳнаткашларнинг вижданни ва ғазабининг ҳайқириғи Исландиёрхонни йўқ қилишга қаратилганлиги билан характерланади.

Истеъдолли шоир, ҳалқнинг мубориз куйчиси бўлган Аваз Утар ўз замонасида рўшнолик ўрнида «халсийқнинг фифони ила ноласи»ни кўрди ва ўзининг «ғаму, дарду, алами»ни, изтироб ва фифонини ғазаллари орқали:

Менинг ҳолим ашъорим ичра дурур
Баёну, баёну, баёну, баён...

деб ифода этди.

ТУРКИСТОННИНГ РОССИЯ ТОМОНИДАН
БОСИБ ОЛИНИШИ ВА XIX АСР ОХИРИ
XX АСРНИНГ БОШИДА ИЖТИМОИЙ-ФАЛСАФИЙ
ФИҚРЛАР

1. ТАРИХИЙ ШАРОИТ

ХІХ асрнинг иккинчи ярмида Урта Осиё тарихида янги давр бошланди, у рус чоризми томонидан қурол ва авёсиз урушлар ёрдамида босиб олиниди. 60—70-йиллар давомида ерли халқнинг қаршилиги, хонликларнинг норозилик курашига қарамай рус аскарлари Туркистон шаҳарларини бирин-кетин шафқатсиз урушлар олиб бориб қонхўрлик билан босиб олдилар. Туркистон Россия таркибида мустамлака қилиб қўшиб олингандан сўнг, бу ерда ҳарбий бюрократияга асосланган мустамлакачилик режими ва тартиблари ўрнатилди. Турли ҳарбий гарнизонлар барпо этилди, ўлкани марказдан бошқариб туришга қаратилган турли давлат органларига таъсис этилди ва органларда ишлаш учун марказдан турли рус чиновниклари сафарбар этилди.

Бухоро ва Хива (Хоразм) хонликлари рус чоризмининг мустамлакачилик сиёсати таъсирига учраган бўлсада XX аср бошига қадар ўзининг ярим мустақиллигини сақлаб қолди.

Рус чоризми Туркистонни босиб олиб мустамлакага айлантиришдан иккى томонлама манфаатдор эди. Биринчидан, бу ердаги хом ашё молларини текинга олиб кетиш, уларни аёвсиз эзиш, ўз саноати учун керакли бўлган материалларни арzon нархда ўлка бойликлари ҳисобига таъминлаш имкони туғилган эди. Иккинчидан, ривожланаётган рус буржуа саноати ишлаб чиқарган маҳсулотларни сотиш учун Урта Осиё янги бозор бўлиб хизмат қиласр эди.

Шу билан бирга рус чоризми марказдаги саноат корхоналарини кенгайтириш мақсадида Туркистонда

енгил саноатнинг майдада корхоналарини оча бошлади ва унга марказдан рус ишчиларини сафарбар қилди.

Туркистон шаҳарларида аста-секин рус маҳаллалари вужудга кела бошлади. Бу чоризмнинг мустамлакачилик сиёсатига, бошқариш ва саноатнинг асосий тармоқларини руслаштириш сиёсатига хизмат қилиши керак эди.

Ерли феодал бойлар янги саноат, савдо-сотиқ, бозор муносабатларининг ривожидан манфаатдор эдилар, шунинг учун рус буржазия вакиллари билан бойлар ўзаро тил тоғидилар — бу меҳнаткаш халқнинг икки томонлами эзилишининг кучайишига олиб келди.

Чор ҳукумати босиб олинган ўлкалар халқини иқтисадий ва сиёсий қолоқликда, қарамлик ва нодонликда сақлаб туришдан ўта манфаатдор эди.

Чор ҳукумати ўз мустамлакасидан тўлиқ ва ҳар томонлама фойдаланиш, хом ашёларга ҳар томонлама эга бўлиш, ўлка халқларини итоатда сақлаш, унинг аҳволидан хабардор бўлиб туриш мақсадларида Туркистонга саноат ва маданият воситаларини олиб кела бошлади. Бу воситалар мустамлакачилик зулми ва сиёсатини мустаҳкамлаш учун хизмат қилиши назарда тутилган эди ва улар объектив равишда Туркистоннинг Европа маданий ҳодисалари билан алоқада бўлишига, бу ерда ўзгача, янги шаҳар маданияти ютуқларининг кириб келиши ва тарқалишига олиб келди. Туркистоннинг айrim шаҳарларида кичик саноат корхоналари очила бошлади, янги бинолар, телефон, электр, почта, телеграф пайдо бўла бошлади, темир йўл қурилди, тиббиёт, янги савдо-сотиқ корхоналари ва банклар очилди. Литография, типография, газета, журнallар пайдо бўлди.

Янги маданият мевалари ерли халқнинг илфор вакиллари орасида маориф, маърифатга бўлган қизиқишининг кучайишига, бу эса ўз навбтида Туркистонда маърифатпарварлик ҳаракатининг вужудга келиши ва ривож топишига олиб келди.

Бу ҳаракат вакиллари асосан янги маданият ҳодисаларига ўз муносабатларини билдириш, халқни маърифатга чақириш, уни маданиятни эгаллашга ундаш, хонликларда мустамлакачилик сиёсатининг айrim томонларини танқид қилиш билан шуғулланган, сўнгроқ бу маърифатпарварлар орасидан демократлар, жадидлар етишиб чиқиб, давлат тузилиши, уни бошқариш, тузатиш каби сиёсий масалалар билан ҳам қизиқа

бошладилар. XIX асрнинг охири ва XX асрнинг бошидаги ижтимоий-фалсафий фикр асосан шу маърифатпарварлар ижодида, уларнинг асарларида ривожлантирилди.

2. ТУРКИСТОНДА МАЪРИФАТПАРВАРЛИК ҲАРАКАТИ

Маърифатпарварлик капиталистик муносабатларининг вужудга келиш даврига хос тарихий, аниқ, муайян синфлар манфаатлари билан бөглиқ антифеодал гоявий-маданий ҳаракат эди. Бу ҳаракатга хос бўлган умумий белги феодал тузумига қарши қаратилган бўлсада, унинг ичидаги ўз хусусиятлари билан бир-бираидан ажралиб турадиган оқимлар мавжуд бўлган. Бироқ уларнинг барчаси объектив равишда жамиятнинг капиталистик йўналиш томони ривожланиши эҳтиёжларини ифодалаган.

Маърифатпарварликнинг феодализмга қарши қаратилган гоявий ҳаракат сифатида вужудга келиши умумий қонуниятдир. Лекин бу қонуният турли халқларда турлича ва ҳар хил тарихий даврда намоён бўлади.

Ўрта Осиё маърифатпарварлиги ҳам феодал тартибларига қарши, мамлакатни феодал қолоқлигидан чиқариш учун курашувчи илфор кучларининг манфаатларини ифодаловчи гоявий ҳаракат эди. Бироқ, Ўрта Осиё маърифатпарварларининг фаолияти XIX аср охири ва XX аср бошлари Европада капитализмнинг тўла тантана қилганинги, ўлканинг Россиянинг мустамлакаси сифатида кескин сиёсий кураш доирасига тортилганлиги даврига тўғри келади. Бу ҳол Ўрта Осиё маърифатпарварлигига из қолдирмай иложи йўқ эди.

Маърифатпарварлик мафкураси капиталистик муносабатларининг Ўрта Осиёга кириб келиши натижасида юз бера бошлаган ижтимоий-иқтисодий ва маданий ўзгаришларни ўзида акс эттирди ва ривожланди, маънавий мазмунини бойитиб борди. Унинг олдида турган вазифа феодал қолоқлигидан чиқиш, ўлканинг илфор тараққиётни учун чоралар топишдан иборат бўлсада, ҳаёт тақозоси билан қўйилган масалалар ва уларни ҳал қилиш чоралари турли босқичда турлича бўлди.

а) Маърифатпарварликнинг илк намояндлари. Маърифатпарварлик мафкурасининг илк намояндлари Ўрта Осиёни Россияга таққослаш натижасида ўлкани иқтисодий ва маданий соҳада орқада қолганлигини

яққол күриш имкониятига эга бўлдилар ва шу асосда феодал-хонлик тузумини, қолоқликни танқид қилдилар. Улар дою, маърифатпарвар подшоҳ маърифат тарқатишга кўмаклашиши орқали мамлакатни қолоқликдан олиб чиқиши мумкин деган фикрга амал қилдилар, рус маданийти, илм-фанини ўзлаштириш зарурлигини уқтиридилар.

Бухоро хонлик тузумининг биринчи танқидчиси Аҳмад Дониш (1827—1897) эди. Бухоро хонлигини Россия билан таққослаб, Дониш ўз ватанини иқтисодий ва маданий жиҳатдан орқада қолганлигини кўрсатиб берди. Бу аҳволнинг асосий сабабини у Бухоро амирларининг нодонлиги ва ўзбошимчаликларида деб билди.

Аҳмад Дониш ўз ҳалқини зулм ва ноҷорликдан қутказиши чораларини излади. Унингча, Бухоро давлат тузуми ислоҳ қилинса, давлат ҳукмдори одил ва донишманд бўлса ҳалқни қашшоқликдан қутқариш мумкин бўлади. Мамлакатни бошқариш тартибларини ислоҳ қилиш зарурлигини уқтириш мақсадида Дониш ислоҳ лойиҳаси билан амирга мурожаат қиласди.

Дониш давлат бир гурӯҳ кишиларга эмас, балки ҳалқ манфаатларига хизмат қилиши керак, деган ғояни асослайди. Бунинг учун ҳукмдор билимдон, одил ва донишманд бўлмоғи шарт. У ўз фуқароларига оид масалаларни ҳал қилишда ўзини улар ўрнида, уларни эса ўз ўрнида тасаввур қилиши керак. Мамлакатни идора қилишда, дейди Дониш, ҳукмдор муҳим давлат ишларини ўз атрофидаги давлат арбоблари билан маслаҳатлашиб ҳал қилиши лозим. Булар ҳам донишманд ва одил бўлмоқлари шарт. Ҳукмдор буларнинг маслаҳатларига қулоқ солниши ва ҳисоблашиши керак, чунки кўпчиликнинг ақли бир кишининг ақлинига нисбатан кўнроқдир. Дониш фикрича, бу хислатлар фақат давлат бошлиғигагина хос бўлмай, унинг атрофидаги барча давлат амалдорига ҳам хос бўлмоғи шарт. Мамлакатни мана шундай кишинлар бошқаргандагина жамиятда тартиб ва интизом ўрнатилади, давлат тараққий қилади.

Кейинчалик Аҳмад Дониш ҳаётий тажриба таъсири остида «донишманд ва одил ҳукмдор» га умид боғлаш фикридан қайтди, бироқ мавжуд амир ҳокимиютини инкор қилиш даражасига кўтарила олмади. Адолатсизликка асосланган, ўз фуқаролари ҳақида ғам емаган давлат узоқ яшай олмайди, чунки золим амир ва жо-

ҳил уламолар зулмiga узоқ чидаб туриш мумкин эмас, албатта, ўзгариш бўлиши керак, деган холосага келди.

Аҳмад Донишнинг қарашларини баҳолашда унинг хаёлий социализм foяларига бўлган муносабатини ҳисобга олмасдан бўлмайди. Бу назарияга кўра, дейди Дониш, ер юзидаги барча бойликлар одамлар ва халқлар ўртасида тенг тақсимланади. Одамлар қадим замонларда тенг бўлишган, кейинчалик кучлилар кучсизларнинг мулкларини тортиб олиши натижасида тенгсизлик келиб чиқкан. Агар адолат нуқтаи назаридан ўйлаб қаралса, ҳар ким ўз ери билан қаноатланиши керак. Кучлилар тортиб олинган ерларни ўз эгаларига қайтиб беришлари, агар кимда-ким қайтиб беришини истамаса одамлар иттифоққа бирлашиб ноchorларга тегишли бойликларни кучлилардан тортиб олишлари керак. Ушанда одамлар ўртасида келишмовчиликлар, подшоҳлар ўртасида уруш ва адоватлар тугатилади, қон тўкишлар тўхтайди. Оқибат натижада халқлар ўртасида тинчлик ва хотиржамлик ўрнатилади.

Аҳмад Дониш бу назарияни амалга ошириш мумкинлигига шубҳа билдиради, чунки, дейди у, ҳеч ким ўз молу мулкидан осонлик билан воз кечмайди. Бундай тартибини ўрнатиш учун кўп қон тўкилиши керак ва ўшанда ҳам унинг амалга ошиши номаълумдир. Кишилик тарихида бундай тартиблар ҳали бўлган эмас, лекин улар ўрнатилса, ер юзида бўлиб ўтган энг хайрли ишлар ҳам унинг олдида кўзга кўринмай кетади.

Эзилган меҳнаткашлар оммасининг феодал-хонлик тузумига қарши норозилиги ва ғазабини қорақалпоқ халқининг буюк шоири ва мутафаккири **Бердимурод Бердақ** (1827—1900) ҳам ўз асарларида ифодалади.

Бердақ замонасидаги жамиятнинг ижтимоний тартибларини, унинг сиёсий тузумини қаттиқ танқид қилди. Ўз танқидида у инсонпарварлик қоидаларига, меҳнаткаш омманинг ахлоқий тушунчаларига асосланди.

Бердақнинг фикрича, инсон учун энг олий баҳт бу ўз Ватанига, халқига ҳалол ва беғараз хизмат қилишидир.

Ишни ишла, туғилган эл учун,
Жонингни аяма, элда эр учун.

Киндик қони томган азиз ер учун,
Үлиб кетганингча хизмат якшироқ...

Бердақ халқа хизмат қилишга чақирап экан, у, даставал, тұғрилик, ҳақиқатгүйлик, адолат, инсон қадр-қиммитігі ҳурмат билан қараш, әзилган ва ҳуқуқсизларни ҳимоя қилишни күзде тутади. Бұндай хислатларға әга бұлмаган кишини инсон деб бұлмайды. Шунинг учун уннің асарлари марказида халқ оммасининг, азоб-уқубатға, дағшатлы әзнилишга маңкум этилған дәхқонларнинг оғир ақвөли туарди.

Бердақ үз асарларыда халқ оммасининг оғир ақвөлини ёритиши, феодаллар ва рұхонийларни фош қилиш билан чеклапиб қолмай, балки теварак-атрофдаги ижтимоій адолатсизликтер ҳақида умумлаштирувчи ижтимоій хулосалар чиқариш даражасига күтарила олди ҳамда Хива хонлигининг бутун маъмурий ва сиёсий идора усулини фош қилди. Лекин Бердақнинг ҳукмрон ижтимоій тузумга нисбатан қаршилиги, қатъий норозилиги, исәнчилігі стихиялы характерда әди.

Бердақ баҳтли ва адолатли жамият, одил ва доно ҳукмдор пайдо бўлишига боғлиқ, деган тушунчачи олға суради. У мамлакатни виждонли, одил, халқ манфатларини биринчи ўринга қўювчи кишилар идора қилғандагина зулм ва зўравонлик, қашшоқлик ва эрксизликдан қутулиш мумкин, деган хаёлий орзу қиласиди.

Бердақнинг ғоялари қорақалпоқ халқининг маънавий ҳаётіда катта роль ўйнади.

Илғор ғоялар ўзбек маърифатпарварлари **Сатторхон** (1843—1902) ва **Фурқат** (1858—1909) асарларыда ҳам ифодасини топган.

Улар мамлакат қолоқлигининг асосий сабаби феодал-хонлик ижтимоій тартибларыда деб билиб, уни танқид остига олганлар.

Сатторхон хонлик тузумини ўзбошимчаликда, қонунсизлик ва порахўрликда, мамлакат фаровонлиги, илм-фан ривожи ҳақида ҳеч қандай ғамхўрлик қилмасликда айблади. Уннің кўрсатишича, мамлакат ҳамма жиҳатдан кулгили даражада қолоқ бўлса-да, хон, бек ва ҳокимлар ўз машнатини кўзлайдилар. Хоннинг бек ва ҳокимларга муносабати, уларнинг ишига эмас, олиб келадиган улушига қараб белгиланарди, мактаб, илм-фан, ўқиш-ўқитиши устидан назорат деярли йўқ әди.

Сатторхон, мамлакатнинг қолоқликда қолишига шуларни сабаб қилиб кўрсатади.

Сатторхоннинг фикрича, жамият тараққиётининг асосини илм-фан, маърифат ташкил қилади, бу жамиятининг фаровон яшаш гаровидир. Унингча, илм-фана, тараққиётга эришиш воситаларидан бири — бошқа халқлар билан дўстона алоқада бўлиш, ундан ибрат олиш ва ўрганишdir.

Сатторхон маъмурий органларга чоризм томонидан ўтказиладиган сайловларни танқид қилди. Унинг айтишича, Туркистон шароитида ўтказиладиган бу сайловлар соҳта бир нарсадир, чунки у суиқасдликка, адодатсиэзликка асосланган.

Сатторхон давлат органлари ҳукмрон синфлар қўлида қурол бўлиб, муайян бир сиёсий мақсад учун хизмат қилишилгани тушуниб етмаган. Шунинг учун ҳам у давлатни бошқарувчи кишилар жамиятдаги ўзбoshimchалик ва суиқасдликларни чеклашлари мумкин, деган фикрга амал қилган эди.

Сатторхоннинг маърифатпарварлик фаолияти ўз халқига чуқур муҳаббат, халқ оммасини маърифатли қилиш ишига садоқат туйғулари билан сугорилганди.

Фурқат ҳам феодал-хонлик тартиблари — мамлакат ривожига ғов, деб қараган ва уни фош қилган.

Фурқат илм-фан жамият тараққиётининг асосий кучи деб тушунади.

Фурқат хон ва бекларнинг ўзаро уруш ва низоларини қаттиқ қоралайди, бу урушлар халққа оғир кулфат эканини, мамлакатни вайронликка олиб келганлигини таъкидлайди.

Сатторхон ва Фурқатнинг бутун фаолияти ўз халқини зулм ва жаҳолат дунёсидан озодликка олиб чиқиши ишига қаратилган эди.

Маърифатпарварларнинг илм-фан орқали мамлакатни қолоқликдан чиқариш, халқнинг моддий фаронлигини кўтариш, зулмат ва мусибатларни тугатиш ҳақидаги ғоялари, албатта, хаёлий эди. Улар «доно ва маърифатпарвар ҳукмдор» ҳақидаги тасаввур доираларидан батамом чиқиб кета олмадилар, уларнинг феодал қолоқлигига қарши, маърифат ва ижтимоий тараққиёт учун олиб борган кураши тарихий тараққиёт эҳтиёжларини ифодалаб, йўхум аҳамиятга эга бўлган эди.

б) Маърифатпарварлик ҳаракатининг демократик намояндалари. XIX асрнинг 90-йиллари капиталистик муносабатларининг жонлашуви натижасида ўлкада ижтимоий зиддиятлар кескинлашди, меҳнаткашлар оммасининг зулмга қарши норозилиги ошиб борди. Бу ҳол ижтимоий фикрда ҳам ўз аксини топди. «Дено ва маърифатпарвар ҳукмдор» ҳақидаги ғоя ўрнига монархия ҳокимиятини инкор қилиш ғояси кучая борди. Бу ғоялар **Муқимий** (1850—1903), **Завқий** (1853—1921) **Анбар Отин** (1870—1914), **Ҳамза Ҳакимзода** (1889—1929) асарларида яққол сезилади.

Улар ҳам ижтимоий тараққиёт жамият аъзолари нинг илм-фанга, билимга эга бўлишига боғлиқ, деб тушиунгандар. Муқимий, Завқий, Анбар Отин, Ҳамза ҳам феодал ҳонлик тартибларини қаттиқ танқид қилдилар, мамлакат қолоқлигига илм-фанинг ривожланмаслигини сабаб деб билдилар. Бироқ уларнинг танқиди Сатторхон, Фурқат танқидига нисбатан ўз кескинлиги билан ажраблиб туради. Улар жамиятда маърифат, ижтимоий адолат ва халқ фаровонлигини таъминловчи тартиблар ўрнатиш зарурлигини англадилар, ўтмиш тарихига ва ўз замонасига ана шу нуқтаи назардан баҳо бердилар. Улардан Муқимий зулм ва жаҳолат остида эзилган меҳнаткаш деҳқонлар ва шаҳар камбағалларининг оғир аҳволи, бойлар, руҳонийлар ва чиновникларнинг ўзбoshимчалиги, жабр-зулмларини жуда ўткир ва ёрқин тасвирлаб берди. Муқимий ўз меҳнати билан моддий бойликларни яратувчи меҳнаткашлар очлик на қашшоқликда яшаётган бир пайтда, бойларнинг айшу ишратда турмуш кечираётгани билан ҳеч келиша олмайди.

Муқимий ижтимоий ҳодисаларни меҳнаткашлар мавқеидан туриб тасвирлаб, эзувчиларни фош қилиш билан чекланмади. У замондош жамиятда ҳокимият «ғирчиллама ковуш ва силлиқ салла» ликлар қўлида эканлигини тушуниш даражасига кўтарилиди ва халқ оммасининг диққатини мавжуд ижтимоий тузумнинг адолатсиз тузум эканлигини чуқурроқ англашга жалб қилди, унга нисбатан халқнинг нафрат ва ғазабини оширди. Бироқ бундан Муқимий инқилобий хulosалар чиқара олмади.

Ватанга ва ўз халқига бўлган қизғин муҳаббат, ҳаётнинг битмас-туганмас қудратига бўлган ишонч шоирга эҳтиросли сўзлар айтишга имкон берди:

Келар сэни ҳам йүқлагудек бир замон яхши.

«Допо ва маърифатпарнар ҳукмдор» ғоясини ширкор қилиб майдонга чиққан мутафаккирлар ичидаги Айбар Отин қарашларни диққатга сазовордир. У ўзининг «Рисолали фалсафаи сиёхон» асаридаги мазлум меҳнаткаш халқ манбаатларини ҳимоя қилиб, Туркистонда ўрнатилган мустамлакачилик ижтимоий-сиёсий түзумини танқид қилди. «Баъзи подшоҳлар одил бўладилар, деб айтидилар. Одил подшоҳ бўлмаган ва бўлиши мумкин эмас»,— дейди у. Зулмдан қутулиш учун одамлар нодонликни тарқ этиб, ақл-идрекка амал қилган холда бирлашиб харакат кильмоқлари зарур деб таъкидлайди.

Анбар Отин рус зиёлилари вакиллари билан муло-
қотда бўлган ва улардан рус халқининг чориэмга қар-
ши инқилобий курашин ҳақида эшитган ва ўз халқини
хам нодонлик ва зулмга қарши курашишга чақирган.

Узбек маърифатпарварларининг сиёсий дастурини «доно ва маърифатпарвар ҳукмдор» ғоясидан подшолик ҳокимияттини инкор қилиш жарабинин Завқийнинг ижтимоний карашларида ёркин кўриш мумкин.

Ўз фаолиятининг бошлангич даврида Завқий ҳам «доно ва маърифатпарвар» ҳукмдор қўли билан адолатли жамият тузиш мумкин, деган фикрда бўлган ва шу нуқтаи назардан феодал хонлик даври ва унинг идора этиш усулини фош қилган. Унинг фикрича, хончексиз ҳокимият эгаси бўла туриб бу ҳокимнинтдан ўзининг худбинлик мақсадларида фойдаланса, фуқаролар-нинг фаровонлиги ҳақида ўйламаса, машшатда яшаса, мамлакатни атрофидаги ўзига ўхшаганлар маслаҳати билан идора қилса бундай мамлакат харобага айланади. Бундай ҳол ҳалқ норозилигини кучайтиради. Агар мамлакатни доно, одил ва маърифатли кишилар идора қилса, ахвол унчалик мушкул бўлмайди.

Завқий учун хонлик ҳокимиятининг тутатилиши мамлакат тараққиётининг муҳим омилларидаң бири бўлиб кўринган эди. Бу масалада у ўз дўстлари Фурқат ва Муқимиylар билан ҳамфир эди.

Завқый ўз асарларыда мәхнаткаш халқ әркүн вабахтли ҳаётга эришишига ишонч билдиради. Бу күнлар, дейди у, бошимизда бир «саҳоб»дир, чунки зулм ва зўравонликка асосланган давлат сув юзидағи ҳубобига ўхшаб узоқ яшай олмайды бир кун келиб халқ уни ағдариб ташлаши мукаррардир. Инқилобдан кейин жа-

миятда адолат ва осойи шталил үрнатилади жақон обод бўлади, деган фикрни баён қиласди.

Завқий инқилоб яқинлашиб қолганлигига ишонч билдиради. Завқий инқилоб қандай бўлиши, унинг ҳаракатлантирувчи кучлари ҳақида гапирмайди, лекин у инқилобга қатъий ишонади, инқилоб ижтимоий ҳаётни адолат асосида қайта ўзгартиради, деган умидда бўлди. Мана шунинг учун ҳам Завқий 1917 йилнинг феврал инқилобига юксак баҳо беради. Инқилоб унга чидамсизлик билан кутган орзусини амалга ошганлиги бўлиб кўринади ва шундай деб ёзади:

Энди бемор замон кетди,

Зулматда ётган элнинг чироги ёнди.

Лекин ижтимоий-иқтисодий ва сиёсий ҳаётда ҳеч қандай муҳим ўзгаришлар юз бермади. Туркистонда илгаригидек, мустамлакачиликнинг идора этиш усули, миллй зулм ҳукм сурди. Мана шунинг учун ҳам Ўрта Осиёдаги ижтимоий фикрнинг илғор намояндлари феврал инқилобидан умидни узиб, мӯваққат ҳукумат сиёсатига золимликнинг янги шакли деб қарай бошладилар. Завқий, Ҳамза, Аваз, Айний каби илғор ижтимоий фикр намояндлари Октябрь инқилобининг миллий озодлик, ўз тақдирини ўзи ҳал қилиш ҳуқуқи ҳақидаги сохта ғояларидан илҳомланиб, уни тарғиб қилдилар.

✓ в) **Жадидизм.** Шу вақтга қадар жадидизмни ўрганишда унга ақидапараастлик билан ёндашиш, материалларни илмий таҳлил қилиш ва назарий умумлаштириш ўрнига оддий изоҳлаш, далилларни партия ва давлат ҳужжатларида берилган олдиндан маълум бўлган баҳога мослаштириш каби хатоларга йўл қўйилди. Бу ҳол жадидлар ҳаракатини миллатчилик ҳаракатидир деб бир томонлама бузиб кўрсатишга олиб келди.

Аслида эса жадидизм маърифатпарварлик ҳаракатининг юқори босқичи бўлиб, унинг намояндлари мәмлакатни феодал қолоқликдан чиқариш, миллй мустақилликка эришиш учун курашда жонбозлик кўрсатдилар. Жадидлар ҳаракати ўзининг бошлангич даврида ижтимоий таркиби жиҳатидан бир хил бўлмай улар ўз сафларида жамиятнинг ҳар хил табақалари вакилларини бирлаштирган эдилар. Улар асосан мадраса талабалари, янги усул мактаб ўқитувчилари, майдада савдо гарлардан иборат эди. Кейинчалик йирик савдо гарлар, эндиғина пайдо бўла бошлаган саноат корхоналари жадидизмни таҳлил кечирдилар.

налари эгалари ҳам улар сафига қўшилиб, жадидлар ҳаракатини асосан моддий жиҳатдан қўлладилар.

Жадидлар ҳаракатида миллий зиёлиларнинг деярли барча илғор вакиллари қатнашгандилар. Улар орасида Ҳамза, Авлоний, Холмуҳаммад Охундий, Иброҳим Даврон, Сиддиқий, Мирмуҳсин Шермуҳамедов, Назир Тўрақулов, Мунаввар қори ва бошқалар бор эди. Шунинг учун жадидлар ҳаракатига ёндашган ҳар бир кишини маҳаллий буржуазия манфаатларининг ҳимоячиси деб ҳисоблаш нотўғридир. Масалан, Иброҳим Даврон пайдо бўла бошлаган маҳаллий буржуазия намояндадарига бўлган ўзининг муносабатини ифодалаб, улар ўз бойликларини камбағаллар ва етим-есирлар ҳисобига жамғармоқдалар, деган эди.

Бироқ жадидизм намояндадари қарашларида хилма-хиллик, баъзи масалаларда жиддий фарқ борлигини инкор қилмаган ҳолда, жадидизм мафкура, муайян қарашлар тизими сифатида капиталистик тараққиёт эҳтиёжларини ифодалар эди, десак хато бўлмайди. Бинобарин, демократия намояндадарининг ҳаммаси дўйкондорлар ёки дўйондорларнинг мухлисларири, деб ўйлаш ҳам ярамайди. Демократия намояндадари ўзарининг маълумотлари ва шахсий аҳволлари жиҳатидан дўйондорлардан ер билан осмонча фарқ қилишлари мумкин. Уларнинг майда буржуя намояндадари ғўлишига сабаб шуки, уларнинг фикри майда буржуалар ҳаёти доирасидан нарига ўта олмайди, шунинг учун майда буржуазия ўзининг моддий манфаатлари ва ижтимоий аҳволи тақозоси билан амални жиҳатдан ўз олдига қандай вазифаларни қўйса ва уларни қайси йўл билан ҳал қиласа, улар ҳам назарий жиҳатдан худди шу вазифаларга келиб тақаладилар ва уларни худди шу йўл билан ҳал қиласидар. Бирор синфнинг сиёсий ва адабий намояндадарин билан уларга ваколат берган синф ўртасидаги муносабатлар ҳам умуман ана шундай.

Миллий-озодлик ҳаракати кучайиши муносабати билан жадидлар орасидан ҳалқнинг манфаатларини ҳимоя қилувчи кўп илғор кишилар майдонга чиқди.

Жадидизмнинг ижтимоий илдизини миллий буржуазиянинг вужудга келиши ва уни миллий-озодликка иштилишидан изламоқ керак.

Маълумки, Туркистонда йирик саноат деярли йўқ эди. Маҳаллий буржуазия йирик ер эгалари, савдогар-

лар ичидан ажралиб чиқа бошлади. Бироқ, маңаллай буржуазия чоризм мустамлакачилик сиёсати доирасидагина ҳаракат қилиши мүмкин эди. Унинг осойиштаги, бойиб бориши мустамлакачилик режимига қанчалик мослашиб олишига боғлиқ эди.

Саноат моллари билан рақобат қила олмаслик, чоризм ҳарбий-мустамлакачилик маъмуриятига қарамлий миллий буржуазиянинг феодал тартибларга ҳам, мустамлакачилик маъмуриятига ҳам кескин қарши чиқишига имкон бермас эди. Мана шу тарихий вазият хусусиятлари жадидизм ҳаракатида ҳам ўз аксиин топди. Унда феодал тартибларига ва мустамлакачилик режимига қарши қаратилган гоялар билан бирга иккапланышлар, мўътадиллик гоялари уйғунлашган эди.

Туркистанда жадидизмнинг шаклланиши ва ғивожланишига Туркия, Татаристон ва Бошқирдистон илфор зиёлилари катта таъсир кўрсатдилар. Жадидлар улар билан шахсий алоқалар ўрнатдилар, уларнинг рўзнома ва ойномалари Туркистанда кенг тарқала бошлади.

1906 йилдан бошлаб жадидлар Туркистанда ўзларининг рўзнома ва ойномаларини нашр қила бошладилар. Умуман олганда, бу матбуот мўътадил бўлсада, унинг саҳифаларида мустамлакачилик сиёсатига, феодал тартибларининг ҳимоячиларига қарши қаратилган кескин мақолалар ҳам босилиб турди.

Жадидлар ҳаракатининг йирик намояндаси, унинг назарий асосчиларидан бири Маҳмудхўжа **Беҳбудий-дир** (1879—1919 й.).

Беҳбудий Самарқанд шаҳрида имом Беҳбудий Хўжа оиласида дунёга келди. У болалик чоғларидан илмфанга қизиқди, ҳисоб, ҳуқуқ, дин, араб ва форс тилларидан сабоқ олди. Маҳмудхўжа Беҳбудий отаси ўлимидан сўнг 1894 йили козиконада мирза бўлиб ишлай бошлайди. Узининг ҳуқуқшунослик соҳасида чукур билимга эгалиги туфайли кўп ўтмай муфти лавозимига кўтарилди.

1900 йили у ҳаж қилиб Макка ва Мадинага борди, Миср ва Туркия шаҳарларига саёҳат қилди. 1903—1904 йилларда Петербург, Москва, Қозон, Уфа, Оренбург каби Россиянинг йирик шаҳарларида рус маданияти, татар жадидчилик ҳаракати билан яқиндан танишиди, унинг йирик намояндалари билан мулоқотда бўлди.

Беҳбудий ўз уйида камбагал оиласи болалари учун янги усул мактабини очди ва шу мактабда тарик, ге-

ография, адабиётдан дарс берди, ўзбек ва форс тилларида бир неча дарслар ёзди. «Алифбо», «Қитоб аттифи», «Амалиёти исломия», «Мухтасари тарихи исломия», «Жуғрофи умрони ва руси», «Мухтороби жуғрофияти турки» кабилар шулар жумласидандир.

Беҳбудий Самарқандда кутубхона ташкил қиласиди. 1913 йилдан «Самарқанд» рӯзномаси ва «Ойна» сийномасини нашр қила бошлади. Беҳбудий миллий театр, драматургия, ўзбек театршуносликка ҳам катта ҳисса қўйди. Унинг «Падаркуши» пьесаси, театршуносликка оид кўплаб мақолалари фикримизнинг далилидир.

Россия мусулмонларининг миллий-озодлик ҳарақати натижасида 1905 йилда ташкил топган мусулмонлар партиясининг раҳбарлари давлат думасининг мусулмонлар фракцияси Беҳбудийнинг фаолиятини юксак баҳолади. Давлат думасининг мусулмонлар фракцияси Туркистон масалалари бўйича Беҳбудий билан маслаҳатлашиб турарди ва 1914 йилда фракциянинг дастурини ишлаб чиқиши ишида иштирок қилиш учун уни Петербургга таклиф қилган эди.

Беҳбудий жадидчилик ҳарақатининг бошқа бир қанча раҳбарлари — Мунаввар қори, Фитрат, Файзула Хўжаев билан биргаликда умрининг охирги дақиқалари гача ўз халқининг маънавий ва сиёсий озодлиги учун оташин курашчи бўлиб қолди. Беҳбудий 1919 йил Бухоро амири қўлига тушиб, унинг буйруғи билан Қарши шахрида ўлдирилди.

Жадидчилик ҳарақатининг асосий мақсади маориф тизимини ислоҳ қилишдан иборат эди. Жадидлар миллий мустақиллик манфаатларини ҳимоя қила оладиган, иқтисодий ва сиёсий қарамлик ва қолоқликдан чиқиш муаммоларини биладиган замонавий билимга эга саводли кадрлар бўлиши зарурлигини яхши англашарди. Мана шунинг учун ҳам дунёвий билимларни ўрганиш ишлари, маориф тизимини ислоҳ қилиш масаласи XIX аср охири ва XX аср бошлари Туркистон ижтимоий фикрининг диққат марказидаги масала бўлиб қолди.

Беҳбудий, ислоҳни мактаб ва мадрасалардан бошлаш зарур, чунки миллат ҳаёти таълим-тарбия билан белгиланади, дейди¹. Бизнинг бойларимиз ўзларининг саводсизлиги учун ҳам синадилар, чунки улар савдо

¹ «Ойна», 1913, 1-сон.

қилиш, молиявий операцияларни олиб бориш ишларини билмайдилар¹. Агар биз маданият ва иқтисод соҳаларида бошқа миллатларга қарам бўлишини истамасак, биз миллий судьялар, адвокатлар, ўқитувчилар, давлат арбоблари, инженер, саводли тижоратчиларни тайёрлашимиз зарур. Улар савдо идоралари ва банкларда бизга ёрдам беришлари, бизни манфаатларимиз, динимизни ҳимоячилари бўлмоқлари зарур. Бусиз бизни куннимиз саноқлангандир. Масала шундай экан, сиз ҳурматли ватандошлар, ўз фарзандларингизни дин ва миллатга хизмат қўлмоқлари учун замонавий билимга ўргатишга ҳаракат қилишингиз зарур, миллат ва динга фақат билим ва маблағ билан хизмат қилиш мумкин².

Барча миллатлар ўз фарзандларини дин ва миллатга содиқ бўлиш руҳида таълим берадилар. Шунинг учун улар мактабга алоҳида аҳамият берадилар. Бизда мана шуни ҳис қилиш йўқ. Биз дин ва миллатни ҳимоя қўйувчи ишонарли ва мустаҳкам воситага эга бўлмоғимиз шарт. Бу восита — маорифdir³.

Беҳбудийнинг бу фикрлари ўз аҳамиятини ҳозир ҳам йўқотгани йўқ. Беҳбудий икки даражадаги мутахассислар тайёрлаш зарурлигини маслаҳат беради. Биринчи даражадагилар диний маълумот эгалари. Булар ҳалқнинг маънавий насиҳатгўйлари, исломнинг поклигини сақловчилардир. Иккинчи даражадагилар замонавий билимга эга бўлганлар. Булар мусулмонлар манфаатларини ижтимоий ҳаёт соҳасида ҳимоя қиласидар. Шунинг учун, дейди Беҳбудий, ўқувчиларни Макка, Мадина, Миср ва Стамбулга юбориш билан бирга, Россиянинг университетлари ва техник ўқув юртларига юбориш керак. Бундан ташқари янги усул мактабларига ўқувчилар тайёрлаш учун Кавказ, Қрим, Оренбург ва Қозон шаҳарларига ҳам ўқувчилар юбориш зарурлигини уқтиради⁴.

Жадидлар матбуотида маорифни ислоҳ қилиш мосалалари ҳар тарафлама муҳокама қилинган эди. Унда мактаб ишини иқтисодий ва молиявий томонлари, уламолар ва чоризм маъмуринятининг янги усул мактабла-

¹ «Ойна», 1913, 6-сон.

² «Ойна», 1913, 7-сон, 1914, 31-сон, 1915, 10-сон.

³ «Ойна», 1914, 41-сон.

⁴ «Ойна», 1913, 7-сон.

рига муносабатлари, ўқувчилар руҳияти ва одобига ижобий таъсир қилиш усууллари, ўқитиши дастурлари ва мактаб ишига онд бопиқа кўп масалалар ҳақида мақолалар бериб бориларди.

Шуни ҳам алоҳида таъкидлаб ўтиш зарурки, жадидлар ўз мақолалари ва асарларида маориф, ижтимоий ҳаёт ва турмуш тарзининг айрим томонларини ислоҳ қилиш зарурлигини уқтириш билан бирга ёшлар диққатини мусулмонларининг ўтмиш маданиятига, илм-фан соҳасида эришган шуҳратларига, диний ва хулқий поклиқ масалаларига жалб қилиб, ўтмишин мавжуд аҳволга таққослаб кўрсатишга ҳаракат қилган эдилар.

Жадидлар миллий доирада чекланиб қолмадилар. Уларнинг матбуотида умуминсоний маданият ютуқлали, фан ва педагогик фикр янгиликларини тарғиб қилиш соҳасида ҳам маълум иш олиб борилди. Бу, албатта, ижобий аҳамиятга эга эди.

Жадидчилик ҳаракатида туркӣ ҳалқлар учун ягона тил яратиш муаммоси ҳам мавжуд эди. Россия мусулмонларини ягона тил асосида бирлаштириш ғоясининг ижодкори ва тарғиботчиси Исломил Гаспринский эди. Унинг фикрича, бу ягона тил турк ва татар тиллари заминида бўлиши керак эди. Бу ғоя Россиянинг турли ўлкаларнда, жадидлар орасида тарқалди ва кеңг баҳсларга асос бўлди. Аммо бу масалани ҳал қилишда жадидлар орасида яқдиллик йўқ эди. Уларнинг орасида якка тил яратиш мумкинлигига шубҳа билан қараганлар ҳам, бу ғояни қўллаб-қувватлаганлар ҳам бор эди.

«Садои Туркистон» рўзномаси ҳам Гаспринский ғоясини қўллаб-қувватлаб турк тилидан араб, форс ва бошқа тиллардан кириб қолган сўзларни чиқариб ташлаш, уларни ўрнига турк сўзларини ишлатиш зарурлигини асослашга уринди. Бу фикрини қўллаб Хожи-Муин Шукурулло ўз мақоласи билан чиқди.

Ушбу мунозараларни якунлаб Беҳбудий унга ўз мунозараларни билдиради. Унинг фикрича, турк ҳалқларининг лугат фондидаи араб ва форс сўзларини бутунлай чиқариб ташлаб бўлмайди, чунки бу сўзлар асрлар давомидаги сингиб келган ва маълум тарихий сабабларга кўра шу даражада уйғунлашиб кетганки, уларни чиқариб ташлаш турк ҳалқларини ўзаро яқинлаштириш ўрнига узоқлаштириши мумкин. Масалан, «меҳмон» сўзини олайлик. Бу сўз аслида форс тилидан кириб келган бўлсада турк учун ҳам, форс учун ҳам тушунарли,

«кунак» сўзи фақат турк учун тушунарли холос. Тўғри, бизнинг тилимизга турк сўзларини киритиш керак, бироқ сунъий йўл билан эмас, аста-секинлик билан мақсадга мувофиқ бўлгандагина,— деб ёзди Беҳбудий ва яна давом этади: мусулмонларни бирлаштирувчи энг тўғри йўл бу форс, араб, турк ва рус тилларини ўрганишdir. Биз учун форс тили мадраса ва уламолар тили, араб тили динимиз тили бўлса, турк тили Туркистон аҳолисининг асосий қисмининг тилидир. Рус тили биз учун ниҳоят зарур, чунки биз Россия фуқароларимиз. Биз банк, савдо идоралари, суд муассасалари, нотариус, темир йўл ва бошқа замонавий ҳёт хизматларига муҳтожмиз. Рус тилини билмасдан туриб савдо, саноат тараққиёти, дин ва миллат учун хизмат қила олмаймиз. Масалан, бизда ҳозир, миллатимиз ва динимиз фойдаси учун давлат думасида чиқиб гапирадиган одамларимиз йўқ. Араб тили дин учун қанчалик зарур бўлса, рус тилини билиш ҳам бизнинг ҳаётимиз учун шунчалик зарурдир. Агар араб тилини билмасак динни, рус тилини билмасак бойликни қўлдан чиқарамиз. Турк ва форс тиллари ҳақида гапиришининг ҳожати йўқ¹.

Беҳбудий чет тилларидан бирини — инглиз, француз ёки немис тилини билиш зарурлигини ҳам уқтиради.

Жадидлар матбуотининг саҳифаларида диний-фалсафий масалаларга ҳам катта аҳамият берилган эди. Бу мавзудаги мақолаларининг барчасига хос хусусият фан билан динни бир-бирига келишиши, ўрта аср Шарқидаги фан ва маданий тараққиёт ютуқларини ислом динига боғлаб кўрсатишдан иборат бўлган. Жадидлар доимо ислом ва шариат қоидаларини қўллашда замонанинг ўзгаришларини ҳисобга олиш зарурлигини уқтирганилар. Улар қандай масалани муҳокама қилмасинлар, масалани асослашда Куръон ва ҳадисларга мурожаат қиласидилар, ўз фикрларига улардан исбот топганилар. Жадидлар фалсафаси материалистик дунё-қараш ва атеизмга қарши қаратилган эди. Бу вазифани амалга ошириш йўлида улар Гарбий Европа идеалистик фалсафа оқимларидан ҳам фойдаланиш зарурлигини билардилар. Беҳбудий ўзининг «Самарқанд» рўзномасида босилган мақолаларидан бирида охирги 500 йил ичida мусулмонлар фан ва фалсафа соҳасида бошқа мамлакатлардан орқада қолганликларини таъ-

1 «Ойна», 1915, 12-сон.

кидлаб, материализм ва атеизм билан курашиш учун Фан ва фалсафанинг янги ютуқлари билан қуролланиш мақсадга мувофиқлигини, чунки беш юз йил илгари ишлаб чиқпилган калом фалсафаси билан материализм ва атеизмга қарши курашиб бўлмаслигини алоҳида уқтиради.

Жадидларнинг сиёсий дастури Туркистоннинг мустақиллиги учун курашиш вазифасига қаратилган эди. Бироқ жадидлар бу олий мақсадни амалга ошириш нинг чора ва воситаларини танлашда эркин эмас эдилар. Маҳаллий буржуазиянинг кучсизлиги, унинг чоризм маъмуриятига ва метрополия капиталига қарамлиги кескин курашга чақиришга имкон бермас эди. Улар ўз сиёсий талабларини Конституцион подшолик тузумини ўрнатиш орқали амалга ошириш мумкин деб билдишар. Шунинг учун ҳам улар сиёсий курашда иштирок қиливчи партиялар дастурларига баҳо бериб, кадетлар партиясининг дастурини маъқулладишлиар.

Маҳмудхўжа Беҳбудий ҳам ўзининг турли партияларга бўлган муносабатини ифодалаб кадетларни қўллаб-қувватлашга чақиради.

Сиёсий партиялар ичida, дейди Беҳбудий, биз учун тўғри келадиган кадетлар партиясидир, чунки бу партия подшоҳни ҳалқ билан мулоқотда бўлишига имконият яратувчи давлат думаси тарафдоридир. Кадетлар партияси туфайли Россияда тинчлик ва осойишталини таъминлаш мумкиндири.

Беҳбудий 1905 йилда ташкил топган мусулмонлар партиясига хайриҳоҳлигини алоҳида таъкидлайди. Бу партия, дейди Беҳбудий ўзининг умумий сиёсий талаблари ва эътиқоди билан кадетлар партиясига яқин бўлсада, у мусулмонлар манфаатларини ҳимоя қилиш учун ташкил қилинган. Шунинг учун, биз Туркистон мусулмонлари, сиёсатда кадетларни қўлласакда, мусулмонлар партиясига қўшилишимиз даркор. Бу партияга хизмат қилиш, унинг тарафдори бўлиш, дейди у, динимиз, ватанимиз ва миллатимизга хизмат қилиш демакдир¹.

Мусулмонлар партиясининг сиёсий талабларидан асосийси мусулмонларнинг дин ишларига ҳукумат маъмуриятининг аралашмаслигини таъминлаш, (диний автономия) ва маҳаллий идора қилиш тизимида ўз-ӯзиши бошқаришини ўрнатишдан иборат эди. Бу партия буни фақат

¹ «Хуршид», 1906, 6-сон.

давлат думаси орқали, конституцион-монархия тузумида амалга ошириш мумкинлир деб билди.

Беҳбудий ҳам Туркистанни идора қилишни ислоҳ қилиш ҳақиқидаги лойиҳасида мана шу талаблардан келиб чиқади. Бу лойиҳа давлат думасининг мусулмон фракциясига юборилган ва бир нусхаси Туркистанни ревизия қилган граф Паленning қўлига топширилган эди.

Беҳбудий Туркистанда мусулмонларнинг диний ва фуқаролик ишлари билан шуғулланувчи марказлашган маҳаллий бошқарма тузиш зарурлигини таъкидлайди. Марказий идора 4 кишидан иборат бўлмоғи зарур. Раис диний ва дунёвий маълумотга эга бўлиши шарт. Тошкентда жойлашган марказий идоранинг жойлардаги вилоят бўлимлари ҳам 4 аъзодан иборат: икки киши дин вакили ва икки киши дунёвий билим эгаси замонавий зиёлилардан бўлмоғи зарур. Уларнинг ҳаммалари ўрта ёки олий маълумотли, Раис мусулмон зиёлиси бўлиши керак.

Бу идораларга тавсия қилинадиган номзодлар эллик-бошилар томонидан сайланади ва 2/3 овоз олгандан сўнг раис бу номзодларни ҳукуматга тасдиқ учун олиб киради. Бу идоралар ҳукумат маъмурий органиларига тенглаштирилган бўлиб, давлат хазинасидан таъминланмоғи керак¹.

Туркистан маҳаллий бошқармаси қозилар суди, вақф мулкини тақсимлаш, мактаб ва мадраса, мачит, бозор масалалари ва бошқа диний ва миллий муаммоларни ўз қарамоғига олиши керак.

Бошқарма мана шу соҳаларни замона талабига жавоб берадиган йўлда ислоҳ қилиш ишларига алоҳида аҳамият бериши керак ва ислоҳ лойиҳаларини ҳукумат тасдиғига киритиши зарур. Биз Туркистан мусулмонлари учун, дейди Беҳбудий, диний ва гражданлиқ бошқармаси сув ва нон каби зарурдир, чунки бусиз биз имонимизни йўқотамиз ва фалокатга гирифтор бўламиз².

Беҳбудий қози судларига алоҳида диққат билан қарайди. Бу судлар шариат асосида майда жиноий ва фуқаро ишларини кўриш билан шуғулланар эди. Беҳбудийни ташвишга солган нарса чор ҳукуматининг қози судларини тугатиш нияти борлиги эди. Хусусан, граф Пален бошчилигига Туркистан ўлкасини ревизия қилган

¹ «Ойна», 1914, 11-сон.

² «Ойна», 1913, 9-сон.

комиссия шу таклифни кирилган, Туркистон генерал-губернатори томонидан қози судларини тугатиш лойиҳаси ҳам ишлаб чиқилганди.

Бу ҳолдан ташвишланиб Беҳбудий қози судларини қандай бўлмасин сақлаб қолиш зарурлигини таъкидлайди: мусулмонларнинг қози судлари ва диний бошқармаси ҳақидаги масала — миллатнинг ҳаёт-мамот масаласидир. Қози судларини тугатиш масаласининг кўтарилиши бу судларни миллат ҳаётида обрўси ва таъсири йўқлигидан дарак беради. Бунга ҳукумат эмас, бизнинг ўзимиз айбормиз, чунки қозиликка саводсиз, шариат қонунларидан ва ҳозирги замон талабларидан бехабар одамларни сайлаймиз. Улар динимиз ва миллатимизга хизмат қилиш ўрнига шариат қоидаларини бузадилар. Биз шариатимизни шунчалик хор қилдикки, бизнинг болаларимиз, хотинларимиз адвокатларга, уларни воситачилари ва таржимонларига катта пул ҳаражат қилишга, улар олдида хўрланишга мажбур бўлишади¹. Беҳбудий бу судларни мусулмонларнинг диний ва фуқаролик бошқармаси ихтиёрига беришни таклиф қилади. Унинг фикрича, бу бошқарма қозилар судининг ҳукмларини кўриб чиқниш ҳуқуқига эга бўлган кассацион инстанция бўлмоғи зарур ва шу билан бирга суд тизимини давр талабига мослаштириб ислоҳ қилиш лойиҳаларини тайёрлаш билан ҳам шуғулланиши зарур.

Беҳбудий қози судларининг фақат шариат асосида иш кўриши зарурлигини алоҳида таъкидлайди. У фақатгина суд ишларини юргизишга судьяларни сайлаш таргиблаларига ўзгариш киритиш мумкинligини таъкидлайди. «Қози судлари шариат мезонларига амал қилмоқлари шарт, бироқ ҳукмни ижро этиш, жавобгар ва даъвогарни судга чақириш ва олиб келиш янгича бўлиши керак. Васиятнома, шартнома ва бошқа ҳужжатларни расмийлаштириш ҳам ислоҳ қилиниши керак»².

Беҳбудийнинг мақолалари ва ислоҳ лойиҳаларида баён қилинган ғоялар жадидлар ҳаракатининг асосий дастур ҳужжатлари, ҳаракат қўлланмаси сифатида хизмат қилди.

1917 йил февраль буржуа-демократик инқилоби, жадидлар дастурларини амалга ошириш учун имконият пайдо бўлганлигига ишонч ҳосил қилди.

¹ «Ойна», 1913, 9-сон.

² «Ойна», 1914, 34-сон.

Чор ҳукуматининг ағдарилиши ўлкада мустамлақачилик сиёсатини ва миллий зулм заминини зарбага учратиб, миллий-озодлик туйғуларнинг кучайишига олиб келди. Ўлкадаги туб аҳолининг сиёсий онгида ва курашида кескин ўзгаришлар содир бўлиб, «Шўрои Исломия», «Шўрои Уламо» сингари партиялар ташкил топди. 1917 йил март ойида ташкил бўлган «Шўрои Исломия» нинг ташкилотчиларидан бири жадид **Мунаввар қори Абдурашидхонов** эди. Бу партиянинг вақтнчилик илк дастурнида унинг қўйидаги асосий вазифалари белгиланганди:

1. Туркистон мусулмонлари ўртасида замон талабларига мос сиёсий, илмий ва иқтисадий ислоҳотлар зарурлигини тарғибот қилиш;

2. Туркистон мусулмонларини ягона бир мақсад ва ягона гоя асосида бирлаштириш учун барча зарур чора ва тадбирларни амалга ошириш;

3. Халқни янги мувакқат ҳукуматни қўллаб-қувватлашга чақириш;

4. Мамлакатни идора этиш шакллари ҳақида маълумотлар тарқатиш ва таъсис мажлисига тайёргарлик кўриш.

Бу дастурда Туркистоннинг бошқарув давлат тузуми ҳақида аниқ бир фикр кўрсатилмаган бўлсада, «Шўрои Исломия» партияси раҳбарлари Мунаввар қори, Мустафо Чўқаев, Беҳбудий ва бошқалар Туркистонда мухторият таъсис этилишини, молия, адлия, бошқарувда, маориф ва бошиқа соҳаларда мустақиллик ўрнатилиши зарурлигини ҳамда матбуот эркинлигини талаб қилдилар.

Беҳбудий Туркистон мухторияти қандай бўлиши ҳақида гапириб, мухторият, биз Туркистон мусулмонлари истаймизким, Русия мамлакатига ёпишуб туриб, хорижий ва ишларға онинг ила бир бўлиб туриб, даҳил ишлар ва тирикчиликларимизни ўзимиз идора этсак... Беш вилоят (область) дан иборат Туркистоннинг ҳар бир шаҳар ва уездидан бир печа нафардан киши сайланиб Тошкентда катта марказ бир мажлисимиш бўлурки, барча олур-солиқ ва минбад жорий бўлатурган қонун ва низомномаларни алар тузиб Туркистонда жорий қиласадирлар.

Русия ҳукумати ила мусулмонлар орасинда шул мажлис восита бўлур...

Ўзимизнинг муҳофазамиз учун миллий жандарма, аскаримиз бўлур. Мамлакат хазинасидан бошқа миллий ва маданий ишларимизнинг масрафи учун ўзимизнинг

алоҳида хазинамиз бўлур. Мактаб ва мадрасаларимиз вақф ва дорулқазоларимиз ўз қарамоғимида бўлур. Хулоса калом, давлат ва сиёsat ишларидан бошқа барча ишларимиз ўз ихтиёrimизда бўлур. Ва мунинг учун замонавий ва маданий низомнома ва қонуномаларни таҳрир этмоқ лозимдур. Туркистонда рус, яҳудий, армани ва бошқалар бўлиб, алар ила муомаламиз тўғрисида яна янги ва замонавий қонунлар керакдур, деган хулоса гага келади.

Бу мақсадларни амалга ошириш учун рус ва мусулмонлар Туркистонда бирлашиб таъсис мажлиси олдида талабларни қатъий қўйишлари ва буни амалга ошириш учун ҳаракат қилишлари зарур эди, чунки таъсис мажлиси ўз ихтиёри билан мустақилликни бермаслиги аён эди. «Мажлиси муассис ўз хоҳиши ила муҳториятни бизга бермайдур. Балки биз — Туркистон рус ва мусулмонлари бирлашиб муҳторият ҳақини мажлиси муассисдан олмоқимиз керакдур. Биз жопсизлик кўрсатганда муҳторият, агарча юз сана сўнгра бўлсун, бизга берилмайдур. Азбаски, «Ҳақ олинуру, берилмас»¹.

Муҳториятни тузиш ғояси Октябрь тўнтарилишидан кейин кенг қулоч ёйиб бутун ўлкани қамраб олди. 1917 йил 27 ноябрда Қўқон шаҳрида «Шуори Исломия», «Уламо» ва «Олаш ўрда» партиялари 4-ўлка мусулмонлари фавқулодда съездини ўтказди. Съезд «Қўқон муҳторияти»ни эълон қилди. Бу Туркистон мустақиллигини тиклашга қаратилган курашнинг дастлабки ифодаси эди.

Беҳбудий съезд ишида фаол иштирок қилди. Туркистон муҳториятининг ташкил топшишига ўз ҳиссасини қўшиди. Ўз мақолаларида ҳалқ оммасига мурожаат қилиб, муҳториятни ҳимоя қилишга чакирди. Туркистон ҳалқи иттифоқ этса, қон тўкилмас, Ер ва амлок ҳам тақсим бўлмай қолур. Дин ҳам ривож топур... Бутун Туркистон иттифоқ этса 15 миллионлик бир қувват имлоға келурки, мунга ер титрайдур. Агар сўзумни фаҳмлатолган бўлсам ўзумни баҳтлик ҳисоблардим, деган эди.

Бир вақтлар устига қора чизиқ тортилган жадидизм ҳаракати намояндадарининг асл мақсади ҳам ҳаракатининг йирик намояндадаридан бири, юқорида кўриб ўтганимиздек, Беҳбудийнинг мақсади ва талаби билан ҳамоҳанг эди.

¹ «Ҳуррият», 1917 йил 22 декабрь.

3. ТУРКИСТОНДА МАРКСИЗМ ҒОЯЛАРИНИНГ ТАРҚАТИЛИШИ

XIX асрнинг охири XX асрнинг бошларида Россиядаги чоризмга қарши қаратилган инқилобий ҳаракат Туркистонга ҳам кириб кела бошлади. Марказдан сургун қилинган рус ишчи-зиёлилари Туркистонда социал-демократик ҳаракат ва марксизм ғояларининг тарқалишида жонбозлик кўрсатдилар. Бу ерда ҳам турли ишчи кружоклари ташкил топиб, улар ҳар хил варақалар, турли яширин адабиётлар ёрдамида марксистик ғояларни тарқатишга интилдилар. Бу ҳаракат ва ғоялар асосан рус ишчи ва зиёлилари орасида эътиборни тортди. Ерли аҳоли бу ҳаракат ва ғоялардан, марксистик адабиётларни тарғиб ва ташвиқдан узоқда эди. XX асрнинг бошига келиб босмахоналарда яширин демократик газеталар нашр этилиб, унда марказдаги — Москва, Петербургдаги ишчи ҳаракатлари, марксизм таълимоти ҳақида турли маълумотлар чоп этилди. Бу рус тилидаги газеталар ҳам асосан рус ўқувчилари орасида тарқалди.

Туркистонда социал-демократик ҳаракатнинг кўришиллари, марксистик ғояларининг кириб келиши рус большевиклари учун бу ерда Октябрь инқилобини амалга ошириш учун хизмат қилди.

Ерли аҳоли асосан маърифатпарварлик ҳаракатларида иштирок этди.

ХУЛОСА ҮРНИДА

Юқорида кўриб чиққанимиз, Ўрта Осиё ҳалқларининг ижтимоий-фалсафий фикрлари тарихи ҳалқимизнинг бой маданияти тарихининг ажralmas қисмидир. У табиат, ижтимоий мұхит, инсон муносабатларини ўрганиш, мавжуд оламни билиш ва уни ўзгартиришга бўлган ўзлуксиз интилиш жараённан шаклланиб, ривожланиб борди ва ҳалқнинг илмий-фалсафий тафаккурининг ўсиши, маънавиятининг бойиши, инсон келажаги ҳақидаги ғояларни олға суриш ва амалга ошириш учун кураш ишига хизмат қилди.

Ўрта Осиё ҳалқлари ижтимоий-фалсафий фикри аввало табиий-ижтимоий шароит ва тарихий ҳусусиятлар, кўп асрли маданий мерос асосида шаклланиши билан бирга у бошқа ҳалқлар билан узлуксиз маданий алоқалар, маънавий-фалсафий қадриятларни ўзаро алмаси-

нув жараёнида бойиб, ривожланиб борди. Шу билан бирга ижтимоий-фалсафий фикрлар тарихий жараёнида даврларнишг ўзгариши, турли мафкура оқимларининг таъсирида тўхтовсиз бойиб, ўзгариб борди.

Шарқ фалсафаси, шунингдек Ўрта Осиё халқлари ижтимоий-фалсафий фикри тарихида ҳам инсон ва унинг фазилатлари, таълим-тарбия, ахлоқ муаммолари энг асосий ўринлардан бирини эгалаб келди.

Шарқ, жумладан Ўрта Осиёда ҳам ижтимоий-фалсафий, ахлоқий масалалар бадиий ижодининг энг муҳим мавзуларидан бўлиб келди, шунинг учун ижтимоий-фалсафий фикрлар тарихини ўргангандан маҳсус файласуфолимлар билан бирга, йирик бадиий адабиёт намуналари, адиблар ижодига эътибор бериш талаб этилади. Акс ҳолда ижтимоий-фалсафий, ахлоқий фикрлар тарихини изчил ёритишда катта хатога йўл қўйиш эҳтимолдан холи эмас.

Ўрта Осиё халқларининг маданият, жумладан ижтимоий-фалсафий, сиёсий-ахлоқий фикрлари тарихи ислом тарқалғандан — VIII асрдан сўнг уч тилда араб, форс, туркий тилларда баён этилиб келинди. Бу ҳолатнинг ўзи ҳам Ўрта Осиёнишг кўп ўлкалар билан яқиндан маданий алоқаси узлуксиз ривожланишига катта таъсир кўрсатди.

Ривожланган мамлакат халқларининг ижтимоий-фалсафий фикрларида олға сурилган асосий масалалар Ўрта Осиё халқлари ижтимоий-сиёсий фалсафий фикрларининг ҳам асосий мавзусини ташкил этганлиги айrim мустамлакачилик мафкурачиларининг Шарқ халқлари маданиятини камситиш, Фарбни Шарққа қарши қўйишга бўлган даъволарининг асоссиз ва туҳмат эканлигини ишботлайди.

Шундай қилиб, Ўрта Осиё халқларининг ижтимоий-фалсафий фикрлари жаҳон фалсафаси, ижтимоий-сиёсий, ахлоқий таълимотлари тарихининг ажралмас ўзига хос муҳим қисмини ташкил этади. У ўзида жаҳон фалсафаси тараққиётининг асосий ва муҳим муаммоларини ўз усул ва воситалари ёрдамида ифодалаши билан бирга уларни ҳал этишининг ўзига хос жавобларини қидиради ва олға суради.

1917 йилдаги Октябрь инқилоби ҳаётнинг барча соҳаларида — ижтимоий-иқтисодий, сиёсий ва маданий, маънавий-мафкуравий соҳаларида кескин бурилиш ясади.

1917 йилда Ўрта Осиёда аввалги мустамлака ўрнида

Туркистон Халқ Республикаси вужудга келиб, у 1924 йилгаңа давом этди, сүнг унинг асосида турли миллый республикалар шаклланди.

Туркистон республикасининг биринчи кунларидан бошлабоқ эски маънавиятга қарши кураш, марксча-ленинча мафкура, марксистик фалсафий фикрнинг мухим масалаларини тарғиб қилиш ва омма ўртасида тезлик билан тарқатиш ишлари авж ола бошлади. Хусусан диалектик материализм масалалари идеализм ва динга зид қўйилиб, у ишчилар синфи дунёқарашининг асоси эканлиги кенг тарғиб этилди. Жамиятшуносликда ҳам марксча-ленинча таълимот асослари, илмий-социализм, тарихий материализм, жамиятнинг иқтисодий нэгизи, сиёсий тузум, миллий масала, янгила ахлоқ каби мавзуларга катта эътибор берилди. Ииқилоб ғалабасининг биринчи кунларидан бошлабоқ ислом динининг таъсирига қарши қаратилган атеистик тарғибот халқнинг норозилигига қарамай, авж олдирилди. Собиқ СССРда социализм учун курашининг биринчи кунларидан бошлабоқ большевиклар партиясининг сиёсати марксча-ленинча таълимотни маънавий ҳаётнинг барча соҳаларидаги бирдан-бир ҳукмрон ғояга айланишини таъминлашга, колган барча таълимотларга қарши кураш олиб бориш, уларнинг таъсирини йўқотишга қаратилган эди. Бу ишлар асосан марказдан юборилганлар томонидан амалга ошириларди.

20-йиллар охири 30-йилларда социализм қуриш, унинг узил-кесил ғалабасини таъминлаш учун кучайиб бораётган турли соҳалардаги синфий кураш маънавий ҳаётда, маданиятнинг турли соҳаларида кенг авж олди. Коммунистик партияниң ягона ҳукмронлиги, диктатураси кучая борди, тоталитар режим мустаҳкамлана борди, одамларни сиёсий таъқиб қилиш авж олди. Бу ҳол шубҳасиз маданий ҳаёт, мафкурада ҳам ўз ифодасини топмасдан қўймас эди. Булар табиий равишда ерли халқ вакиллари ўртасида норозилик ва қаршилик кўрсатишга олиб келди. Уларга нисбатан давлат томонидан қаттиқ чоралар амалга оширилди.

Турли олий ўқув юртлари очилиб, уларда марксизм-ленинизм таълимотини сингдириш, марксча-ленинча сиёсий иқтисод, фалсафа, жамиятшуносликни ўқитиш кенгайтирилди, буржуа мафкураси таълимотларини фош этиш, марксизм-ленинзм классиклари асарларини чуқур таҳлил этиш ўқув дастурларида кенг ўрин эгаллади.

Марксизм-ленинизмнинг соғлиғи учун ғоявий кураш тарих, адабиёт, тилшунослик каби барча гуманитар илмларда ҳам ўз ифодасини топди. Социализм ғояларининг, маркесча-ленинчча ижтимоий-фалсафий фикрнинг узилкесиси ғалабаси учун олиб борилаётган ашаддий кураш юзлаб, минглаб қурбонларга, ноҳақ жазоларга ҳам олиб келди. Ўз миллати, маданияти, ҳақиқий социализм идеаллари, маънавий юксалишга содик бўлган кўплаб зиёлилар, марксизм-ленинизмнинг тантанаси учун чин дилдан итилган ижтимоий фикр вакиллари — олим, санъаткор, ёзувчи, маданият ва давлат арбоблари ноҳақ жазоланди, турма ва сургунларга жўнатилди, айримлари қатл қилинди. Булар ичиде Абдулла Қодирий, Чўлпон, Ақмал Икромов, Файзулла Хўжаев, Отажон Хошим, Шокир Сулаймон, Сулаймон Азимов, Элбек, Б. Мустақай каби ўзбек халқининг кўплаб атоқли фарзандлари бор эди.

1941—1945 йиллардаги урушда совет халқи фашизм устидан ғалаба қозонди. Бу қатор халқларни қулликдан сақлаб қолди ва жамиятнинг ривожини таъминлади, лекин шу билан бирга маркесча-ленинчча таълимотнинг сиёсийлашуви, Сталин шахсига сифинишнинг авж олиши, Коммунистик партия сиёсатининг тўла ҳукмрон бўлишига ҳам олиб келди.

60—80-йиллар давомида Ўзбекистоннинг итисодий-маданий ривожида муҳим ўзгаришлар рўй берди.

КПСС сиёсатининг ҳоким бўлиши, унинг мафкура соҳасини ўзига бўйсундириши, айниқса, ижтимоий тадқиқотларга катта таъсир кўрсатди.

«КПСС тарихи», «Илмий коммунизм назарияси», «Илмий атеизм» каби сиёсат билан сугорилган илмлар олий ўқув юртлари дастурига киритилди.

Миллий масалани ёритишда байналминаллик баироғи остида, ҳақиқий миллийликни аста-секин йўқотиб, миллатларнинг умумийлашуви, марказга бўйсунуви тарғиб қилинди.

Ижтимоий фикрнинг энг муҳим мезонидан бири бўлиб қолган синфиийлик, синфий кураш қоидаси, барча ижтимоий ҳодисалар ўтмишни ҳам, ҳозирги замон масалаларини ҳам таҳлил этишда асосий роль ўйнади. Синфиийлик мезони партиявийликни, бу эса ижтимоий-фалсафий фикрда, гуманитар илмларда маркесча-ленинчча ғоявийлик ва ғоявий курашни авж олдиришни тақозо этди.

Ижтимоий-фалсафий фикрда КПСС сиёсати кучайсада, ерли зиёлилар ўртасида миллий маданият, миллий онг, объектив илмий дунёқараш учун кураш давом этди.

60-йиллардан бошлаб мавжуд ғоявий имкониятлар донрасида Шарқ, жумладан Ўрта Осиё халқлари фалсафий меросини, илми, тарихини ўрганиш ривожлана бошлади. Бу соҳанинг кучайишида академик И. Мўминов фаолияти ва у яратган мактаб муҳим роль ўйнади. Шунингдек, В. Зоҳидовнинг асарлари ва фаолиятини ҳам таъкидлаб ўтиш зарур.

80-йилларга келиб КПСС нинг маънавият, ижтимоий-фикр соҳасидаги тоталитар сиёсати, деярли бир аср олдин вужудга келган марксизм-ленинизм таълимотининг ақидалари тизими, ягона ўзгармас ҳақиқатга айлана бориши ижтимоий-гуманитар илmlар, ижтимоий фикр ривожига тўсиқ бўла бошлади. Уларнинг ижодий ривожига салбий таъсири кучайди. Бу — ижтимоий илmlарнинг жаҳон илми ютуқларидан фойдаланишига катта зарар етказди.

Жаҳонда энг қудратли ҳисобланган Совет Иттилоқининг парчаланиб кетиши ва Ўзбекистоннинг мустақилликка эришуви барча соҳада, жумладан маънавият соҳасида ҳам кескин бурилишга олиб келди. Марксизм-ленинизм мафкураси, дунёқарashi ўз устунилиги ва ҳукмронлигини йўқотди, у инсон маънавияти тарихидаги маълум бир давр, босқичга, таълимотга айланиб қолди.

Биз совет даврининг камчиликлари, салбий томонлари, миллий маънавиятимизга етказган заарларини кўрсатиш билан бирга халқимизнинг ўтган етмиш йил давомида олиб борган мардоиавор меҳнати туфайли қўлга киритган ютуқларини, қурилиш, илм-фан, санъат, маданият, маърифатли бўлиш, кадр тайёрлаш кабилар соҳасидаги ижобий натижаларини унутмаслигимиз зарур. Улар асосидагина янги давр маънавиятини ривожлантира оламиз.

Совет мафкурасининг сиқувлари, ақидапарастлигига қарамай, халқимизнинг тафаккури, маънавий даражаси, ижтимоий-фалсафий онги юксалди. Ҳозирда бу эса янги давр маънавий юксалишини таъминлашнинг омилларида бирига айланди.

Ниҳоят халқларимизнинг асрлар оша кутган орзуси ушалиб, жонажон юртимиз Ўзбекистон мустақил бўлди, қарамликдан қутулиб, жаҳон давлатлари орасида тенг ҳуқуқли давлат сифатида ўзининг тарихий ўрнини эгал-

лади. Узбекистонда миллий онг, миллий руҳнинг ривожига, миллий маданият тараққийсига кенг имкониятлар вужудга келди. Маънавиятимиз манбаи — тарихий қадриятларимизни ўрганишга муносабат ўзгарди. Ижтимоий фанларнинг, жумладан фалсафа илмининг ҳам йўналиши, мазмуни, вазифалари янги давр талаблари асосида шаклланиб келмоқда. Эндиликда янги маънавият, истиқлол мағкураси, ижтимоий-фалсафий фикр ривожланиб бормоқда. У Узбекистоннинг мустақил буюк давлат бўлиб етишувига хизмат қилмоғи керак. Бу йўлда эндиликда Шарқ халқлари, хусусан Ўрта Осиё халқларининг бой маданий меросини, ўтмиш фалсафий қадриятларини чуқур ва изчил ўрганиб янги маънавиятни юксалтириш йўлида фойдаланиш олдимиизда турган энг муҳим вазифаларданdir.

МУНДАРИЖА

Сўз боши	35
Қириш	35
I боб. VIII—XII асрларда Ўрта Осиёда табиий-илмий ва ижтимоий-фалсафий фикрнинг ривожланиши	9
1. VIII—XII асрларда Ўрта Осиёда маданий ривожланиш	9
2. Исломнинг тарқалиши ва унинг Ўрта Осиё тарҳидаги роли	11
3. Муҳаммад ибн Мусо ал-Хоразмий илмий қаравашлари	25
4. Аҳмад ибн Муҳаммад ал-Фарғонийнинг илмий қаравашлари	32
5. Имом Бухорий	37
6. Феробийнинг фалсафий ва ижтимоий қаравашлари	40
7. Абу Абдуллоҳ ал-Хоразмийнинг илмий-фалсафий қаравашлари	52
8. Абу Али ибн Синонинг илмий-фалсафий ва ижтимоий қаравашлари	59
9. Берунийнинг табиий-илмий ва фалсафий қаравашлари	71
10. Исмоил Журжоний ва Маҳмуд Чаганийнинг табиий-илмий қаравашлари	81
11. Абул Косим аз-Замахшарий ва унинг мероси	87
12. Юсуф Хос Ҳожиб ва Аҳмад Юғнакийнинг ижтимоий-ахлоқий қаравашлари	91
13. Ўрта Осиёда тасаввуф оқимлари	103
14. Аҳмад Яссавийнинг диний-ахлоқий қаравашлари	115
15. Пахлавон Маҳмуд ва унинг ахлоқий қаравашлари	120
II боб. XIV асрларда Ўрта Осиёда ижтимоий-фалсафий фикрлар	124
1. Темур ва темурийлар. Маданий ҳаёт	124
2. Саъдиддин Тафтазоний ва Мир Сайид Шариф Журжонийнинг фалсафий ва мантиқий қаравашлари	131
3. Муҳаммад Улугбек ва унинг академияси	141
4. Жалолиддин Давоший ва унинг ижтимоий ахлоқий қаравашлари	149
5. Ҳусайн Вонэ Кошифийнинг ижтимоий ахлоқий қаравашлари	159
6. Алашер Навоийнинг дунёқараши ҳақпда	165
III боб. XVI—XIX асрнинг биринчи ярмида ижтимоий-фалсафий фикр	180
1. Тарихий шароит ва маданий ҳаёт ва ижтимоий (фалсафий) фикрнинг асосий йўналишлари	180

2. Ибн Муҳаммад Юсуф ал-Қорабогий	
3. Муҳаммад Шариф ал-Бухорий	
4. Машраб ва Сўғи Оллоёр	
5. Нодира, Увайсий, Дишод	
6. Комил Хоразмийнинг ижтимоий қаравалари	
7. Аваэ Утарнинг ижтимоий-сиёсий қаравалари	

**IV б о б . Туркистоннинг Россия томонидан босиб олиниши
XIX аср охири XX асрнинг бошида ижтимоий-фа
ний фикр**

1. Тарихий шароит	
2. Туркистонда маърифатпарварлик ҳаракати	
3. Туркистонда марксизм ғояларининг тарқатилиши	
Хулоса ўрида	23

*Музаффар Мухитдинович Хайруллаев,
Хайдар Алиқуллов*

**ИЗ ИСТОРИИ ОБЩЕСТВЕННО-ФИЛОСОФСКОЙ МЫСЛИ
В УЗБЕКИСТАНЕ**

На узбекском языке

Издательство «Узбекистон» — 1995, Тошкент, 700129, Нивоий, 30

*Мусаввир Ҳ. Мәҳмонов
Төзик мұхаррир Т. Харитонов
Мусаҳдиҳ М. Раҳимбекова*

Тернигга берилди 26.12.94. Босишига руҳсат этилди 13.04.95. Бичими 84x108^{1/4}.
«Литературная» гарнитурда юкори бисма усулида босилди. Шартли б. т. 12.6
Нашир т. 12.99. Нусаси 5000. Буюртма № 608. Бадоси шартнома всосида

Ўзбекистон Республикаси Давлат матбуот кўмитаси ижарадаги Тошкент Матб
номбинатида босилди 700129, Тошкент, Ноғой кўчаси, 30.